

PH-IV-45.

• CONTROVERSIÆ  
MEMORABILIS

Inter Paulum V. Pontificem Max.  
& Venetos;

*De Excommunicatione contra eosdem Venetos Roma  
promulgata XV 11. Aprilis anno*  
CICIDCVI.

ACTA ET SCRIPTA  
VARIA

Summa fide ex Italico in Latinum Sermonem  
conuersa, prout Romæ & Venetiis  
excusa prodierunt.

*Index scriptorum pagina sequente extat.*



IN VILLA SANVINCENTIANA,  
Apud Paulum Marcellum,  
SYMPTIBVS  
CALDORIANÆ SOCIETATIS.  
ANNO CICIDCVII.



[illegible]

1. *Chlorophyll a* and *Chlorophyll b* were determined by the method of Lichtenthaler and Whistler (1973). The total chlorophyll content was determined by the method of Arar and Cook (1980). The carotenoid content was determined by the method of Lichtenthaler and Whistler (1973). The total carotenoid content was determined by the method of Arar and Cook (1980). The total protein content was determined by the method of Lowry et al. (1951). The total lipid content was determined by the method of Bligh and Dyer (1959). The total carbohydrate content was determined by the method of Dubois and Gilles (1950). The total nucleic acid content was determined by the method of Burton (1956). The total ash content was determined by the method of AOAC (1990). The total moisture content was determined by the method of AOAC (1990). The total dry matter content was determined by the method of AOAC (1990). The total organic acid content was determined by the method of AOAC (1990). The total alkaloid content was determined by the method of AOAC (1990). The total saponin content was determined by the method of AOAC (1990). The total tannin content was determined by the method of AOAC (1990). The total flavonoid content was determined by the method of AOAC (1990). The total phenol content was determined by the method of AOAC (1990). The total terpenoid content was determined by the method of AOAC (1990). The total steroid content was determined by the method of AOAC (1990). The total glycoside content was determined by the method of AOAC (1990). The total alkaloid content was determined by the method of AOAC (1990). The total saponin content was determined by the method of AOAC (1990). The total tannin content was determined by the method of AOAC (1990). The total flavonoid content was determined by the method of AOAC (1990). The total phenol content was determined by the method of AOAC (1990). The total terpenoid content was determined by the method of AOAC (1990). The total steroid content was determined by the method of AOAC (1990). The total glycoside content was determined by the method of AOAC (1990).

$$b = \frac{1}{2} \left( \frac{1}{\sqrt{2}} \right) \left( \frac{1}{\sqrt{2}} \right) = \frac{1}{4}$$

1. *Chlorophyll a* and *Chlorophyll b* were determined by the method of Arar and Collins (1971) using a Shimadzu 1010 spectrophotometer. The concentration of chlorophyll was expressed in  $\mu\text{g mL}^{-1}$  of the sample.

1000

1. *Journal of the American Medical Association*, 1997; 277: 1033-1038.

Figure 1. The effect of the concentration of the inhibitor on the rate of polymerization of  $\alpha$ -methylstyrene in the presence of  $\text{SnCl}_4$  at  $25^\circ\text{C}$ .

1000

1997, 1998, 1999, 2000, 2001, 2002, 2003, 2004, 2005, 2006, 2007, 2008, 2009, 2010, 2011, 2012, 2013, 2014, 2015, 2016, 2017, 2018, 2019, 2020, 2021, 2022, 2023, 2024, 2025, 2026, 2027, 2028, 2029, 2030, 2031, 2032, 2033, 2034, 2035, 2036, 2037, 2038, 2039, 2040, 2041, 2042, 2043, 2044, 2045, 2046, 2047, 2048, 2049, 2050, 2051, 2052, 2053, 2054, 2055, 2056, 2057, 2058, 2059, 2060, 2061, 2062, 2063, 2064, 2065, 2066, 2067, 2068, 2069, 2070, 2071, 2072, 2073, 2074, 2075, 2076, 2077, 2078, 2079, 2080, 2081, 2082, 2083, 2084, 2085, 2086, 2087, 2088, 2089, 2090, 2091, 2092, 2093, 2094, 2095, 2096, 2097, 2098, 2099, 2100, 2101, 2102, 2103, 2104, 2105, 2106, 2107, 2108, 2109, 2110, 2111, 2112, 2113, 2114, 2115, 2116, 2117, 2118, 2119, 2120, 2121, 2122, 2123, 2124, 2125, 2126, 2127, 2128, 2129, 2130, 2131, 2132, 2133, 2134, 2135, 2136, 2137, 2138, 2139, 2140, 2141, 2142, 2143, 2144, 2145, 2146, 2147, 2148, 2149, 2150, 2151, 2152, 2153, 2154, 2155, 2156, 2157, 2158, 2159, 2160, 2161, 2162, 2163, 2164, 2165, 2166, 2167, 2168, 2169, 2170, 2171, 2172, 2173, 2174, 2175, 2176, 2177, 2178, 2179, 2180, 2181, 2182, 2183, 2184, 2185, 2186, 2187, 2188, 2189, 2190, 2191, 2192, 2193, 2194, 2195, 2196, 2197, 2198, 2199, 2200, 2201, 2202, 2203, 2204, 2205, 2206, 2207, 2208, 2209, 2210, 2211, 2212, 2213, 2214, 2215, 2216, 2217, 2218, 2219, 2220, 2221, 2222, 2223, 2224, 2225, 2226, 2227, 2228, 2229, 2230, 2231, 2232, 2233, 2234, 2235, 2236, 2237, 2238, 2239, 2240, 2241, 2242, 2243, 2244, 2245, 2246, 2247, 2248, 2249, 2250, 2251, 2252, 2253, 2254, 2255, 2256, 2257, 2258, 2259, 2260, 2261, 2262, 2263, 2264, 2265, 2266, 2267, 2268, 2269, 2270, 2271, 2272, 2273, 2274, 2275, 2276, 2277, 2278, 2279, 2280, 2281, 2282, 2283, 2284, 2285, 2286, 2287, 2288, 2289, 2290, 2291, 2292, 2293, 2294, 2295, 2296, 2297, 2298, 2299, 2300, 2301, 2302, 2303, 2304, 2305, 2306, 2307, 2308, 2309, 2310, 2311, 2312, 2313, 2314, 2315, 2316, 2317, 2318, 2319, 2320, 2321, 2322, 2323, 2324, 2325, 2326, 2327, 2328, 2329, 2330, 2331, 2332, 2333, 2334, 2335, 2336, 2337, 2338, 2339, 2340, 2341, 2342, 2343, 2344, 2345, 2346, 2347, 2348, 2349, 2350, 2351, 2352, 2353, 2354, 2355, 2356, 2357, 2358, 2359, 2360, 2361, 2362, 2363, 2364, 2365, 2366, 2367, 2368, 2369, 2370, 2371, 2372, 2373, 2374, 2375, 2376, 2377, 2378, 2379, 2380, 2381, 2382, 2383, 2384, 2385, 2386, 2387, 2388, 2389, 2390, 2391, 2392, 2393, 2394, 2395, 2396, 2397, 2398, 2399, 2400, 2401, 2402, 2403, 2404, 2405, 2406, 2407, 2408, 2409, 2410, 2411, 2412, 2413, 2414, 2415, 2416, 2417, 2418, 2419, 2420, 2421, 2422, 2423, 2424, 2425, 2426, 2427, 2428, 2429, 2430, 2431, 2432, 2433, 2434, 2435, 2436, 2437, 2438, 2439, 2440, 2441, 2442, 2443, 2444, 2445, 2446, 2447, 2448, 2449, 2450, 2451, 2452, 2453, 2454, 2455, 2456, 2457, 2458, 2459, 2460, 2461, 2462, 2463, 2464, 2465, 2466, 2467, 2468, 2469, 2470, 2471, 2472, 2473, 2474, 2475, 2476, 2477, 2478, 2479, 2480, 2481, 2482, 2483, 2484, 2485, 2486, 2487, 2488, 2489, 2490, 2491, 2492, 2493, 2494, 2495, 2496, 2497, 2498, 2499, 2500, 2501, 2502, 2503, 2504, 2505, 2506, 2507, 2508, 2509, 2510, 2511, 2512, 2513, 2514, 2515, 2516, 2517, 2518, 2519, 2520, 2521, 2522, 2523, 2524, 2525, 2526, 2527, 2528, 2529, 2530, 2531, 2532, 2533, 2534, 2535, 2536, 2537, 2538, 2539, 2540, 2541, 2542, 2543, 2544, 2545, 2546, 2547, 2548, 2549, 2550, 2551, 2552, 2553, 2554, 2555, 2556, 2557, 2558, 2559, 2560, 2561, 2562, 2563, 2564, 2565, 2566, 2567, 2568, 2569, 2570, 2571, 2572, 2573, 2574, 2575, 2576, 2577, 2578, 2579, 2580, 2581, 2582, 2583, 2584, 2585, 2586, 2587, 2588, 2589, 2590, 2591, 2592, 2593, 2594, 2595, 2596, 2597, 2598, 2599, 2600, 2601, 2602, 2603, 2604, 2605, 2606, 2607, 2608, 2609, 2610, 2611, 2612, 2613, 2614, 2615, 2616, 2617, 2618, 2619, 2620, 2621, 2622, 2623, 2624, 2625, 2626, 2627, 2628, 2629, 2630, 2631, 2632, 2633, 2634, 2635, 2636, 2637, 2638, 2639, 2640, 2641, 2642, 2643, 2644, 2645, 2646, 2647, 2648, 2649, 2650, 2651, 2652, 2653, 2654, 2655, 2656, 2657, 2658, 2659, 2660, 2661, 2662, 2663, 2664, 2665, 2666, 2667, 2668, 2669, 2670, 2671, 2672, 2673, 2674, 2675, 2676, 2677, 2678, 26

1. *Chlorophyll a* and *Chlorophyll b* were determined by the method of Lichtenthaler and Whistler (1972).

1. *Chlorophyll a* and *Chlorophyll b* were determined by the method of Lichtenthaler (1987).

1. *Journal of the American Medical Association*, 1997; 277: 1039-1043.



# INDEX SCRIPTORVM

HOC VOLUME

comprehenforum.

*Breue excommunicationis P. Pauli V. contra Venetos.* pag. 1.

*Litera Ducis Venet. ad Ecclesiasticos Domini* pag. 4.

*Litera Reip. & Senatus Venet. ad subditos* pag. 16.

*Dissertatio de Iuribus Reip. authore Antonio Quirino.* pag. 23.

*Considerationes P. Pauli Veneti in censuras Pontificis.* pag. 81.

*Traëtatus de interdicto.* pag. 169.

*Cardinalis Baronij Paranesis ad Remp. Ven. duplicato* pag. 245.

*Epistole duorum Iurisc. & sententie Cardin. Baronij, & Columna,* pagina 5,

*Responsio doctoris Theologi.* pag. 85.

*Responsio Bellarmini ad eundem libellum. significato* pag. 105.

*Defensio Iohannis Marsilij.* pag. 173.

*Protestatio*

*Protestatio Io. Marsilij.*

pag. 423.

*Tractatus, & resolutio de excommunicatio-  
nis validitate, Gersoni autore*

p. 426.

*Responsio Bellarmini ad Gersonem.*

p. 441.

*Apologia Gersonis autore P. Paulo Veneto*

pag. 479.

*Epistola Toma Bouij ad Pontificem.*

pag.

663.

BREVE





# B R E V E

PAVLI V. PONTIFICIS

MAXIMI,

QVO VENETI AB IPSO

EXCOMMVNIA NTVR.





# PAVLVS PAPA V.

*VENERABILIBVS FRATRIBUS Patriarchis, Archiepiscopis, & Episcopis, per vniuersum dominium Reipublicæ Venetorum constitutis, & dilectis filiis eorum Vicariis in spiritualibus generalibus, necnon vniuersis Abbatibus, Prioribus, Primiceriis, Præpositis, Archidiaconis, Archipresbyteris, Decanis, Plebanis, & Parochialium Ecclesiarum Rectoribus, aliisque personis in dignitate Ecclesiastica constitutis, in eodem dominio existentibus, tam secularibus, quàm quorumvis Ordinum & Institutarum regularibus, salutem & Apostolicam benedictionem.*

**S**UPERIORIBVS mensibus ad nostram, & Apostolicæ Sedis auiuentiam peruenit, Ducem, & Senatorem Reipublicæ Venetorum, annis elapsis in eorum Consiliis plura, ac diuersa decreta, tum Sedis Apostolicæ auctoritati, & Ecclesiasticæ libertati, ac immunitati contraria, tum generalibus Conciliis, & sacris Canonibus, necnon Romanorum Pontificum constitutionibus repugnantia statuisse: Et inter cetera

sub die xxiiij. mensis Maij anni M. DCII. sumpta occasione, ex quadam lite, seu controuersia inter doctorem Franciscum Zabarellam ex vna, & Monachos Monasterij de Praglia nuncupatos Ordinis sancti Benedicti Congregationis Cassinen. aliàs sanctæ Iustinæ de Padua in Dicecesi Paduan. ex altera partibus vertente, in eorum Consilio statuisset, non solum vt dicti Monachi tunc, aut deinceps villo vnquam tempore, actionem, per quam sub quouis titulo, aut colore in bonis Ecclesiasticis emphiteoticis à laicis possessis præferrentur, prætendere, ac etiam iure prælationis, seu consolidationis directi cum vtili dominio, aut extinctionis lineæ in primis inuestituræ comprehensæ, aut alia quauis causa bonorum prædictorum proprietatem sibi vindicare minimè possent, sed tantummodo ius directi dominij illis præseruatum esset, verum etiam, vt id ipsum quoad cæteras omnes personas Ecclesiasticas sæculares, & regulares Monasteria Monialium, Hospitalia, & alia loca pia in eorū temporali dominio existentia, declaratum, & firmiter deliberatum censeretur. Et sub die decima Ianuarij M. DCIII. ad superiora quædam Consilia ab eorum Maioribus, vt etiam asserebant, habita respicientes, quibus cauebatur, ne quisquam, siue sæcularis, siue Ecclesiasticus in Vrbe Venetiarum, Ecclesias, Monasteria, Hospitalia, atque alias religiosas Domos, & pia loca, sine eorum speciali licentia fundaret, & erigeret, in Consilio Rogatorum congregatos iterum decreuisse, vt id eandem in omnibus iurisdictionis eorum locis vim obtineret, & præterea exilij, ac perpetui carceris, & publicationis fundi, vëditionisq; ædificij contra secus facientes

cientes pœnam edixisse : Vltcrius eosdem Ducem & Senatũ die xxvj. mensis Martij anni M.DCV. in-  
 hærentes alteri decreto anno M. DXXXVI. ab eo-  
 dem Senatu factõ, in quo (vt asserebant) erat expres-  
 sè prohibitum, ne quis sub certis in illo contentis  
 pœnis, in vrbe Venetiarum, eiusque Ducatu bona  
 immobilia ad pias causas testamento, seu donatio-  
 ne inter viuos, relinqueret, aut alio quouis titulo a-  
 lienaret, siue ad earum fauorem vltra certum tunc  
 expressum tempus obligaret, (quod in illum vsque  
 diẽ, vt ibi etiam dicebatur, vsu receptum & obserua-  
 tũ non fuerat : ) non modo iterum id vetuisse, sed  
 expressè etiam prohibuisse, ne bonorum eiusmodi  
 immobilium alienationes in fauorem personarum  
 Ecclesiasticarum, sine Senatus prædicti licentia,  
 fierent; ac insuper decretum ipsum, & pœnas in  
 eo contentas per vniuersum eorum dominium  
 extendisse, & per Rectores, & Potestates Ciuita-  
 tum, & locorum sui dominij, promulgari fecisse,  
 atque bona immobilia omnia, quæ contra præ-  
 missorum formam vendi, aut quouis modo aliena-  
 ri contingeret, vltra nullitatis pœnam publicari, &  
 vendi, eorumque pretium inter Rempubicam i-  
 psam, Magistratum exequentem, & eius mini-  
 stros, ipsũque denuntiatorem diuidi mandasse,  
 & alias, prout in decretis, & mandatis Ducis, &  
 Senatus prædictorum latius dicitur, contineri. Ac  
 præterea eosdem Ducem & Senatum, Scipionem  
 Saracenum Canonicum Vicentinum & Brandoli-  
 num Valdemarinum Foroiuliensem Abbatem  
 Monasterij, seu Abbatia de Neruesa Taruisinæ  
 Diœcesis, personam in dignitate Ecclesiasti-  
 ca constitutam, ob quædam prætenfa crimina in

ciuitate Vicentina, & alibi per illos ( vt dicebatur )  
 commissa, carceri mancipasse, & mancipatos deti-  
 nuisse, sub prætextu, quòd eis hæc facere liceret, in-  
 ter alia ob quædam ipsis Duci & Reipublicæ à qui-  
 busdam Romanis Pontificibus Prædecessoribus  
 nostris concessa ( vt asserbant ) privilegia. Cumque  
 præmissa in aliquibus Ecclesiarum iura etiam ex  
 contractibus iniris ipsis Ecclesiis competentia au-  
 ferant, ac præterea in illis, & aliis Sedis Apostolicæ  
 ac Nostræ auctoritati, & Ecclesiarum iuribus, &  
 personarum Ecclesiasticarum privilegiis præiudi-  
 cium inferant, ipsamque libertatem, ac immunita-  
 tem Ecclesiasticam tollant. Ac ea omnia in ipsorum  
 Ducis & Senatus animarum perniciem & scanda-  
 lum plurimorum tendant. Et cum ij, qui supradi-  
 cta, ac similia edere, & promulgare, illisque vti ausi  
 sunt, in censuras Ecclesiasticas à sacris Canonibus,  
 generalium Conciliorum decretis, & Romanorum  
 Pontificum constitutionibus inflicta, necnon  
 etiam priuationis feudorum, & bonorum, si  
 quæ ab Ecclesiis obtinent, pœnam, eo ipso incur-  
 rerint, à quibus censuris, & pœnis, nonnisi à Nobis,  
 aut Romano Pontifice pro tempore existente,  
 absolui, & liberari possint, ac præterea inhabiles, &  
 incapaces sint, qui absolutionis, & liberationis be-  
 neficium consequatur, donec editas leges nouis e-  
 dictis atque decretis sustulerint, omniâque inde se-  
 quuta reipsa in pristinum statum reintegrauerint:  
 Cûque etiam Dux & Senatus prædicti, post plures  
 paternas nostras monitiones à multis mensibus ci-  
 trà eis factas, adhuc decreta, & edicta præfata non  
 reuocauerint, ac eosdem Canonicum Saracenum,  
 & Abbatem Brandolinum carceratos detineant, &  
 illos

illos venerabili fratri Horatio Episcopo Hieracen-  
 si, nostro & Apostolicæ Sedis apud eos Nuncio,  
 vt debebant, non consignauerint, Nos, qui nullo pa-  
 cto ferre debemus, vt Ecclesiastica libertas, & im-  
 munitas, Nostræque & Sedis Apostolicę auctoritas  
 violetur, & contemnatur: Inhærentes plurium ge-  
 neralium Conciliorum decretis, ac vestigiis re. me.  
 Innocentij III. Honorij III. Gregorij IX. Alexan-  
 dri III. Clementis III. & Martini etiam III. Bo-  
 nifacij VIII. Bonifacij IX. Martini V. & Nicolai V.  
 & aliorum Romanorum Pontificum Prædecesso-  
 rum nostrorum, quorum aliqui similia statuta aliàs  
 contra libertatem Ecclesiasticam edita, tanquam i-  
 pso iure nulla, inualida & irrita reuocarunt, ac nulla,  
 inualida, & irrita esse decreuerunt, & declararunt, &  
 aliqui contra similibus edictorum statutarios, & a-  
 lios ad excommunicationis promulgationem, nec-  
 non ad alia infra scripta seu eorum aliqua deuen-  
 runt, habita cum venerabilibus fratribus nostris S.  
 R. E. Cardinalibus matura consultatione, de ipso-  
 rum consilio, & assensu, licet supradicta decreta, edi-  
 cta, & madata ipso iure nulla, inualida, & irrita sint,  
 ea nihilominus ipso iure adhuc de nouo nulla, inua-  
 lida & irrita, nulliusq; roboris, & momenti fuisse, &  
 esse, & neminem ad illorum obseruantiam teneri, per  
 præsentis decernimus, & declaramus. Et insuper  
 auctoritate omnipotētis Dei, ac beatorum Petri &  
 Pauli Apostolorum eius, ac Nostra, nisi Dux & Se-  
 natus prædicti intra vigintiquatuor dies à die publi-  
 cationis præsentium in hac Alma Vrbe faciendæ  
 computandos, quorū primos octo pro primo, octo  
 pro secundo, & reliquos octo pro tertio & vltimo,  
 ac peremptorio termino, & pro monitione cano-

nica illis assignamus, prædicta decreta omnia, & in illis contenta, & inde sequuta quæcunque, omni prorsus exceptione & excusatione cessante publicè reuocauerint, & ex eorum Archiuiis, seu Capitularibus locis, aut libris, in quibus decreta eiusmodi annotata reperiuntur, deleri, & cassari, & in locis eiusdem dominij, vbi promulgata fuerunt, reuocata, deleta, & cassa esse, neminemque ad illorum obseruantiam teneri publicè nunciari, ac omnia inde secuta in pristinum statum restitui fecerint & vltèrius nisi à similibus decretis contra libertatem, immunitatem, & iurisdictionem Ecclesiasticam, ac Nostram, & Sedis Apostolicæ auctoritatem, vt præfertur, facientibus edendis, & respectiue faciendis in posterum cauere, & penitus abstinere promiserint, ac Nos de reuocatione, deletione, cassatione, nunciatione, restitutione, ac promissione prædictis certiores reddiderint, & nisi etiam prædictos Scipionem Canonicum, & Brandolinum Abbatem prædicto Horatio Episcopo & Nuncio cum effectu consignauerint, seu consignari fecerint, ipsos tunc, & pro tempore existentem Ducem & Senatū Reipublicæ Venetorum, statutarios, & eorum fautores, consultores, & adherentes, & eorum quemlibet, etiam si non sint specialiter nominati, quorum tamen singulorum nomina & cognomina præsentibus pro expressis haberi volumus, ex nunc prout ex tunc, & è contra excommunicamus, & excommunicatos nunciamus, & declaramus: A qua excommunicationis sententia, præterquam in mortis articulo constituti, ab alio, quàm à Nobis, & Romano Pontifice pro tempore existente, etiam prætextu cuiuscunque facultatis, eis, & cuilibet illorum tam in genere,



genere,quàm in specie pro tempore desuper concessa, seu concedenda, nequeant absolutionis beneficium obtinere: Et si quempiam eorum, tanquam in tali periculo constitutum ab eiusmodi excommunicationis sententia absolui contigerit, qui postmodum conualuerit, is in eandem sententiam reincidat eo ipso, nisi mandatis nostris, quantum in se erit, paruerit: Et nihilominus, si obierit, post obtentam huiusmodi absolutionem, Ecclesiastica careat sepultura, donec mandatis nostris paritum fuerit: Et si dicti Dux & Senatus per tres dies, post lapsum dictorum vigintiquatuor dierum, excommunicationis sententiam animo (quod absit) sustinuerint indurato, sententiam ipsam aggrauantes, ex nunc pariter prout ex tunc ciuitatem Venetiarum, & alias Ciuitates, Terras, Oppida, Castra, & loca quæcumque, ac vniuersum temporale dominum dictæ Reipublicæ Ecclesiastico interdicto supponimus, illamque & illud supposita esse nunciamus, & declaramus, quo durante in dicta ciuitate Venetiarum & aliis quibuscunque dicti Dominij Ciuitatibus, Terris, Oppidis, Castris & locis, illorumque Ecclesiis, ac locis piis, & oratoriis etiam priuatis, & domesticis Capellis, nec publicè, nec priuatim, Missæ tam solemnes, quàm non solemnes, aliaque diuina Officia celebrari possint, præterquam in casibus à iure permissis, & tunc in Ecclesiis tantùm & non alibi, & in illis etiam ianuis clausis, non pulsatis campanis, ac excommunicatis, & interdictis prorsus exclusis: neque aliter quæcumque indulta, & priuilegia Apostolica; quoad hoc quibuscunque tam secularibus, quàm regularibus Ecclesiis, etiam quantumcunque exemptis, & Apostolicæ Sedi imme-

diatè subiectis, etiam si de ipsorum Ducis, & Senatus iure patronatus, etiam ex fundatione, & dotatione, aut etiam ex priuilegio Apostolico existant, ac etiam si tales sint, quæ sub generali dispositione non comprehendantur, sed de illis specialis, & indiuidua mentio habenda sit, Monasteriis, Ordinibus etiam Mendicantium, aut institutis regularibus, eorumque Primiceriis, Prælatiis, Superioribus, & aliis quibuscunque etiam particularibus personis, aut piis locis, & oratoriis etiam domesticis, ac Capellis priuatis, ut præfertur, in genere, vel in specie, sub quibuscunque tenoribus, & formis hætenus concessa, & in posterum concedenda vllatenus suffragentur: Ac vltcrius eosdem Ducem & Senatun, & quemlibet eorum, non solum Reipublicæ, sed etiam priuato nomine si aliqua bona Ecclesiastica in feudum, seu aliàs quouis modo à Romana, aut vestris, seu aliis Ecclesiis concessa obtineant, illis feudis, & bonis, necnon etiam omnibus, & quibuscunque priuilegiis, & indultis, in genere vel in specie, in quibusdam videlicet casibus & delictis contra Clericos procedendi, illorumque causas, certa forma præscripta, cognoscendi à Romanis Pontificibus Prædecessoribus nostris forsân quomodolibet concessis, ex nunc similiter, prout ex tunc, & è contra priuamus, ac priuatos fore, & esse nunciamus, & decernimus. Et nihilominus, si ipsi Dux, & Senatus in eorum contumacia diutius persistiterint indurati, censuras & pœnas Ecclesiasticas contra illos, eisque adhærentes, & in præmissis quouis modo fauentes, aut auxilium, consilium & fauorem præstantes, etiam iteratis vicibus aggrauandi, & reaggrauandi, aliasque etiam pœnas contra ipsos

ipsos Ducem & Senatum declarandi, & ad alia oportuna remedia, iuxta sacrorum Canonum dispositionem, contra eos procedendi, facultatem nobis & Romanis Pontificibus successoribus nostris nominatim & in specie reservamus. Non obstantibus quibuscumque constitutionibus, & ordinationibus Apostolicis, necnon privilegiis, indultis, & litteris Apostolicis eidem Duci & Senatui, aut quibuscumque aliis personis in genere vel in specie, præsertim, quod interdici, suspendi, vel excommunicari non possint per litteras Apostolicas, non facientes plenam, & expressam, ac de verbo ad verbum de indulto huiusmodi mentionem, ac, alias sub quibuscumque tenoribus, & formis, & cum quibuscumque etiam derogatoriis derogatoriis, aliisque efficacioribus, & insolitis clausulis, ac irritantibus, & aliis decretis, ac in specie cum facultatibus absolvendi in casibus, nobis, & Apostolicæ Sedi reservatis, illis quovis modo per quoscumque Romanos Pontifices, ac Nos, & Sedem Apostolicam in contrarium præmissorum concessis, confirmatis, & approbatis: Quibus omnibus & singulis, & aliis suprà expressis, eorum tenores præsentibus pro expressis habentes, hac vice duntaxat specialiter, & expressè derogamus, ceterisque contrariis quibuscumque. Ut autem præsentibus Nostræ litteræ ad omnium maiorem notitiam deducantur, Vobis & cuilibet vestrum per easdem præsentibus committimus, & in virtute sanctæ obedientiæ, & sub divini interminatione iudicii, necnon sub interdicti ingressus Ecclesiæ, ac suspensionis à Pontificalium exercitio, ac fructuum Mensarum Patriarchalium, Archiepiscopaliū & Episcopaliū perceptione, quoad vos, Fra-

tres Patriarchæ, Archiepiscopi, & Episcopi, ac etiam priuationis dignitatum, beneficiorum, & officiorum Ecclesiasticorum quorumcunque, quæ obtinueritis, ac etiam vocis actiuæ & passiuæ, ac inhabilitatis ad illa, & alia in posterum obtinēda, quoad vos, filij Vicarij, & alij supradicti, eo ipso incurrendis, aliisque arbitrio Nostro infligendis pœnis districtè præcipiendo mandamus, vt per vos, vel alium seu alios, præsentis litteras, postquam eas receperitis, seu earum notitiam habueritis, in vestris quisque Ecclesiis, dum maior in eis populi multitudo ad diuina conuenerint, ad maiorem cautelam, solemniter publicetis, & ad Christi fidelium potitiam deducatis, necnon ad earundem Ecclesiarum vestrarum valuas affigi, & affixas dimitti faciatis. Et vltcrius volumus, vt præsentium transumptis etiam impressis, manu alicuius Notarij publici subscriptis, & sigillo personæ in dignitate Ecclesiastica constitutæ munitis, eadem prorsus fides vbique habeatur, quæ ipsis præsentibus haberetur, si forent exhibitæ vel ostensæ, quodque eadem præsentis, siue illarum exempla, etiam vt præfertur impressa ad Ecclesiæ Lateranensis, & Basilicæ Principis Apostolorum, & Cancellariæ nostræ Apostolicæ valuas, & in acie Campi flore vt moris est affixæ, & publicatæ eisdem Ducem & Senatum, ac alios quoscunque prædictos, vosque etiam vniuersos, & singulos, respectiue perinde afficiant, ac si eorum ac vestrum cuilibet personaliter directæ, intimatæ, & præsentatæ fuissent. Datum Romę apud sanctum Petrum sub Annulo Piscatoris, die xvii. Aprilis M. DCVI. Pontificatus nostri anno Primo.

M. Vestrius Barbianus.

Anno

Anno à Natiuitate D. N. Iesu Christi 1606. indi-  
 ctione quarta, die verdò xvij. mēsis Aprilis, Ponti-  
 ficatus Sanctiss. in Christo Patris, & D. N. D. Pau-  
 li, diuina prouidentia Papæ V. anno eius primo,  
 supradictæ litteræ earumque exempla impressa,  
 affixa, & publicata fuerunt ad valuas Ecclesię La-  
 teranen. ac Basilicæ Principis Apostolorum, &  
 Cancellariæ Apostolicę, necnon acie Campi flo-  
 re vt moris est, per nos Christophorum Funda-  
 tum, & Ioan. Domenicum de Pace Apostolicos  
 Cursores.

Petrus Aloysius Peregrinus  
 Cursorum Magister.

*ROMÆ, Ex Typographia Vaticana: M. CDVI.*





## LITTERÆ DVCIS VENETORVM

AD CLERVM QVI IN DOMINIO

REIPUBLICÆ VENETÆ.

Leonardus Donatus, Dei gratia Venetiarum Dux, &c.

*Ad reuerendissimos Patriarchas, Archiepiscopos, Episcopos, totius Domini nostri Veneti, & ad ipsorum Vicarios, Abbates, Priores, Parochialium Ecclesiarum Rectores, & alios Prelatos Ecclesiasticos, Salutem.*



Aures nostras peruenit, Sanctissimi Patris Pauli Papæ quinti mandato quoddam assertum Breue contra nos & Senatum ac Dominium nostrum fulminatum Romæ die xvij. Aprilis proximè elapsi publicatum & affixum fuisse, vobisque directum, cuius tenor in ipsis eius litteris continetur. Quamobrem nos, qui tranquillitatem ac quietem Domini nostri regimini à Deo commissi seruare tenemur, & auctoritatem Principis neminem superiorem in temporalibus sub diuina Majestate agnoscentis tueri debemus, his nostris publicis literis, coram Deo, & vniuerso orbe protestamur, nihil eorum, quæ per nos fieri poterant, prætermisum fuisse, quo validissimas & indissolubiles rationes, & iura nostra Sanctitati suæ innotescerent, eique probarentur: primùm quidem per Oratorem nostrum apud Sanctitatem suam legatione fungentem: deinde verò per nostras literas, quibus respondimus prioribus Breuibz nobis ab  
ca di-

ea directis : Demum per extraordinarium Oratorem  
 ad eandem propter ea missum. Verum, quum San-  
 ctitatis suae aures clausas inuenerimus, cognouerim-  
 usque praefatum Breue contra omne ius & aequum  
 emanasse, & contra ea, quae diuina Scriptura, sancto-  
 rum Patrum doctrina, sacrique Canones praecipunt,  
 in praerudicium auctoritatis saecularis à Deo nobis  
 traditae, & libertatis Reipub. nostrae, cum perturba-  
 tione tranquillae possessionis, bonorum, honoris, &  
 vitae, qua fideles subditi nostri diuina gratia sub no-  
 stro regimine fruuntur, non sine omnium scandalo  
 promulgatum fuisse : praedictum Breue non modò  
 ut iniustum, indebitumque, verum etiam uti nul-  
 lum, nulliusque roboris, aut momenti, nobis Sa-  
 beneum esse non dubitamus, atque ita inualidum,  
 irritum, & fulminatam illegitime, & de facto, nul-  
 lóque iuris ordine seruato, ut ea remedia adhiben-  
 da non duxerimus, quibus maiores nostri, & alij su-  
 premi Principes vsi sunt cum Pontificibus, qui po-  
 testatis à Deo sibi in aedificationem traditae limites  
 ac modos egressi fuerunt. Praesertim, quum explo-  
 ratum nobis sit, vos, caeterosque fideles nostros sub-  
 ditos, vniuersumque orbem idem de eo existimatu-  
 ros. Non dubitantes, quin, sicut ad hoc vsque tem-  
 pus curae animarum fidelium nostrorum sedulo in-  
 uigilastis, diuinóque cultui operam dedistis, qui ve-  
 stra diligentia in hac nostra ditione ita floret, ut cae-  
 teris non sit inuidendum : sic posthac in eodem Pa-  
 storali officio perseueraturi sitis : quum nobis de-  
 cretum, constitutumque sit, in sancta fide catholi-  
 ca, & Apostolica, atque in obseruantia S. Rom. Ec-  
 clesiae persistere, quam maiores nostri à prima hu-  
 ius ciuitatis origine hucusque diuina comitate gra-

tia, & sine vlla intermissione coluerunt.

Mandantes has nostras, vt omnibus innotescant, in magis conspicuis huius nostræ vrbis, ac aliarum fidelium ciuitatum nostro Principatui subiectarum, locis affigi. Certò existimantes, tam manifestam promulgationem ad omnium aures peruenturam, qui de eiusdem Breuis publicatione aliquid audierunt, immo ad Sanctitatis suæ aures accessuram, Deumque obsecramus, vt suo diuino Spiritu illius mentem excitet, quo Breuis sui & omnium contra nos actorum nullitatem cognoscat, & causæ nostræ iustitia, hac æquitate perspecta, animos nobis addat ad obsequium, reuerentiâque retinendam erga sanctam sedem Apostolicam, cuius nos, præcessoresque nostri, ac Respublica vniuersa semper fuimus studiosissimi, ac in posterum fore decreuimus. Datum in nostro Ducali Palatio, die sexto Maij, Indictione quarta, anno M. D C. VI.

Iacobus Girardus Secretarius.

*Impressa apud Rampazettum, typogr. pham Ducalem.*

---

LITERÆ SERENISSIMÆ REIPV-  
BLICÆ, AC SENATVS VENETIARVM,  
*suis municipiis & subditis.*

**Q**Uum voluntate æterni Dei constitutum sit, vt regimini hominum, & cōseruationi societatis ciuilis, sedeant in mundo Principes, qui sint ipsius vicarij & imitatores: quia, vt ipse, Pater & Protector vniuersalis, sua summa bonitate & sapientia omnibus succurrit ac prouidet: ita etiam Principum prudentia ac legibus protegantur ac defendantur ipso-  
rum subiecti in suis peculiaribus dominiis: cui rei continuè inuigilando Respublica Veneta, nec mi-  
nus sa-



nus satagens beneficia & commoda ciuitatum sibi subiectarum, quàm ipsius ciuitatis Venetæ, pio & paterno zelo mota voluit incolas ciuitatum illarum, (qui sunt membra carissima, & pars ipsius Reipublicæ) semper participes fieri tum legum, tum statutorum, quæ cognouit esse in beneficium & commodum ipsorum. Quum igitur iam per centurias annorum prohibitum sit in hac ciuitate ac Ducatu, nequis alienet, distrahat, aut diuendat possessiones suas seu immobilia hominibus ecclesiasticis: quia ita continuè acquirentes, quum spes nulla sit in manus laicorum vnquam illa immobilia reditura, certissimum erat breui tempore ad ipsos peruenturos omnes fundos & immobilia, aut ipsorum maiorem partem, maximo damno rerum publicarum, & graui ciuium incommodo, quibus, pace & bello grauatis personalibus functionibus & muniis publicis, nullo pacto potuissent patriæ reddere quod illi debent, si possessionibus suis ac immobilibus destituerentur. Quod videns serenissima Resp. Veneta maxima confusione introductum esse, timensque ne in alijs terris ac locis sui dominiij, contagio illa serperet, vbi tum artibus Ecclesiasticorum, tum simplicitate deuotarum ac piarum personarum, quarta pars, imo tertia agrorum, ac aliorum immobilium abalienata fuit: hac iustissima lege, quæ beneficium ac commodum singulorum subiectorum spectat, sanxit, vt in omnibus ciuitatibus & territoriis obseruetur supradictum interdictum: censentes iniustum esse, quum vos quotidiana onera & grauamina sustineatis, eos, qui parum, aut etiam nihil Reipub. conferunt, otiosè frui bonis quæsitis sudore ac sanguine vestrorum progenitorum: conformantes

se in hoc cum omnibus Christianis Principibus, qui bono moderamine suorum regnorum, curant ut à suis subiectis hoc ipsum obseruetur. Hæc lex competit solummodo subiectis laicis, & bona laica tantum spectat, quæ foro temporali subiiciuntur, nullo pacto imminuens aut infringens bona spiritualia & Ecclesiæ, cui facultas relinquitur acquirere, aut dona accipere in pecunia numerata, aut in alio mobili quod pecuniæ æquipolleat: imo etiam, cum bona Senatus venia, licet illi etiam immobilia acquirere. Quæ quidem omnia bona ecclesiastica, quum à Principibus publicis impensis protegantur ac defendantur, debent etiam, (ut à sanctissimis Synodis sancitum est) ipsis Principibus semper prompta & aperta esse in necessitatibus publicis, in bello & in pace. Sæpe etiam accidit, ut, sub religionis pallio, introducantur in ciuitates & arces turmæ hominum peregrinorum, qui construentes ædes, oratoria, templa, in locis iniquis, & qui publicæ securitati nocent, præter id quod introducunt mores absonos, aut bono publico aduersantes, possunt pessima effecta producere, cum variorum impedimentorum, tum etiam quia multiplicantes & crescentes in infinitum, consuetæ eleemosynæ & opera pia, non satis sunt magno numero religiosorum, cum incommodo, imo cum certa perniciæ, antiquarum, patriarum, ac protectricum sodalitatum religiosarum, quarum merita & preces semper à ruina vindicarunt non solum ciuitates, sed etiam ipsam Rempub. Cui malo quum occurratur per antiquissima statuta, quæ prohibent, ne sine venia ulli liceat in iis locis talia ædificia construere, non tamen ut destruantur templa, quæ hodie quamplurima sunt in nostro dominio,

dominio, immo plura quàm in vlllo alio Christiani orbis loco : sed quia Senatus ( cui incumbit vestræ immunitatis, & securitatis publicæ cura ) non inscius est innouationum quæ quotidie serpunt. Præterea, quum illa statuta, ministrorum incuriâ, hodie sint derelicta, statutum est denuo illa recensere & publicare, vt in tuto sit patria, & publica libertas conseruetur, censent Senatus ad Dei cultum pertinere, in tuto denuo collocare ac protegere ciuitates illas & ciues, qui sibi à Diuina maiestate commissi sunt. Ad hæc, quum ad quietè & pacificè viuendum necesse sit ius indifferenter exercere in discolos, & publicæ quietis violatores, in quorum numero, vt cuius notum est, sæpius reperiuntur religiosi & ecclesiastici, qui in tantum numerum progressi, & summis diuitiis & otio licentiosiores facti ac insolentiores, pessimo exemplo turbant ac vexant, non solummodo ciues, immò & ciuitates ipsas, insidiantes facultatibus, honori ac vitæ proximorum, audentes, vt suis insatiabilibus cupiditatibus satisfaciant, præter litigia, & cauillosas altercationes forenses, veneno & ferro etiam ipsos parentes impetere, atque ita viam aperire ac struere suis diabolicis machinationibus. Qui quidem discoli, licet Religiosi & Ecclesiastici dicantur, sicuti per leges diuinas & humanas sancitum est, semper castigati ac puniti fuerunt à maioribus nostris ad honorem Dei & Ecclesiæ, & leuamen oppressorum : à maioribus inquam nostris, qui tamen catholicè & piè Rempublicam moderati sunt, & quorum administrationem & animaduersionem in id genus hominum, multi sanctissimi Pontifices & Breuibus & Bullis in diuersis ætatibus semper laudauerunt ac

approbauerunt. Igitur volentes, vt debemus, in  
 supradictis iustissimis legibus, & in tam vetusta iu-  
 ris dicundi consuetudine perseverare; præcipuè  
 hoc tempore, & aduersus viros supradictorum cri-  
 minum suspectos, imò & atrociorum, accidit vt  
 Paulus V. Pontifex hodiernus, ab hostibus huiusce  
 Reipub. qui ipsi adulantur, fuerit fraudulenter per-  
 suasus, vt vellet impedire nostras actiones, interrū-  
 pere antiquissimas cōsuetudines, & originalia pri-  
 uilegia, imò & legem imponere cursui nostra-  
 rum iustissimarum legum. Res, quam nulli vnquam  
 Principes nec Respublicæ iam à 1200. annis ausi  
 sunt tentare: nec impedire quòminus in benefi-  
 cium vestrum, (fidelissimi & amantissimi filij,) pos-  
 simus leges constituere, & punire eos qui vos of-  
 fendunt. Quòd si vnicuique priuato licet de suis re-  
 bus & de sua familia statuere, repellere iniuriam  
 sibi illatam, multo magis id poterit Respublica à  
 Deo constituta & erecta in vestri custodiam & cō-  
 seruationem: Respublica, inquam, libera, quæ nemi-  
 nem vnquam superiorem agnouit, quæ, ob thesau-  
 ros suos impenso, ob sanguinem suorum ciuium  
 & subiectorum effusum in Ecclesiæ Romanæ de-  
 fensionem, meruit à Pontificibus nō solum laudem  
 & honorem, sed etiam incrementum ac ampliatio-  
 nem sui imperij. Cui quidem Pontifici Paulo V. li-  
 cet (vt illum possemus dimouere à sua sententia)  
 sæpe cum omni humili affectu, reuerentia, & obse-  
 quio, per legatum nostrum Romæ curauerimus ex-  
 plicare nostra iustissima iura: nihilominus, bonum  
 malo pensans, nos Breuib. Monitoriis, seuerissi-  
 mis protestationibus, etiā in ipso sanctissimo Na-  
 talis die impetiit, quum sacrosancta communio su-  
 menda

menda erat, & quum Princeps noster Grimarius animam exhalabat: Præterea de nobis immeritò cō-  
 questus est apud Principes, & apud Cardinalium  
 Consistorium. Nos tamen, continuè perseuerantes  
 in solita reuerentia & obsequio nostro, in fidem  
 maioris humilitatis, cum noua & extraordinaria le-  
 gatione, denuo redimus ad debitum & conueniens  
 officium: quum tamen ille nihil prorsus voluerit re-  
 mittere ex suo præmeditato rigore, & seueritate cō-  
 sultata: quin potius, magis ac magis accenso ac in-  
 durato animo suo à peruersis cōsiliis, planè consti-  
 tuit in nos dirigere, quamuis iniustè, interdicta, &  
 alia sua vulgaria & solita arma: quæ quidem, vt iu-  
 stificati apud Diuinam maiestatem, sicut credimus  
 nullo pacto posse nobis nocere, ita voluimus, in fi-  
 dem nostri erga vos amoris ac beneuolentiæ pater-  
 næ, vos omnium istorum certiores reddere: scien-  
 tes quòd, vbi videritis hoc omne accidisse quia vo-  
 luimus protegere & defendere tum facultates ve-  
 stras, tum honorem vestrum, idque sine vlla offen-  
 sa in Ecclesiam, neque in Deum, iniquo animo fe-  
 retis tam iniquos ad indebitos actus, & in om-  
 nem euentum operam dabitis vt & iura  
 communia & vestra particula-  
 ria ab iniuria defen-  
 dantur.

\*

b iij,

1-6-22

1. 1000

2. 1000

3. 1000

4. 1000

5. 1000

6. 1000

7. 1000

8. 1000

9. 1000

10. 1000

11. 1000

12. 1000

13. 1000

14. 1000

15. 1000

16. 1000

17. 1000

18. 1000

19. 1000

20. 1000

21. 1000

22. 1000

23. 1000

24. 1000

25. 1000

26. 1000

27. 1000

28. 1000

29. 1000

30. 1000

31. 1000

32. 1000

33. 1000

34. 1000

35. 1000

36. 1000

37. 1000

38. 1000

39. 1000

40. 1000

41. 1000

42. 1000

43. 1000

44. 1000

45. 1000

46. 1000

47. 1000

48. 1000

49. 1000

50. 1000

51. 1000

52. 1000

53. 1000

54. 1000

55. 1000

56. 1000

57. 1000

58. 1000

59. 1000

60. 1000

61. 1000

62. 1000

63. 1000

64. 1000

65. 1000

66. 1000

67. 1000

68. 1000

69. 1000

70. 1000

71. 1000

72. 1000

73. 1000

74. 1000

75. 1000

76. 1000

77. 1000

78. 1000

79. 1000

80. 1000

81. 1000

82. 1000

83. 1000

84. 1000

85. 1000

86. 1000

87. 1000

88. 1000

89. 1000

90. 1000

91. 1000

92. 1000

93. 1000

94. 1000

95. 1000

96. 1000

97. 1000

98. 1000

99. 1000

100. 1000

DISSERTATIO  
DE IVRE

SERENISSIMÆ

REIPVB. VENETÆ,

IN TVRBIS, QVÆ ILLI

*mouentur à sanctitate Papæ PAULI V.*

AVTORE ANTONIO QVIRINO

Senatore Veneto,

Ad Patriam suam, & vniuersum ipsius Rei-  
publicæ dominium.



IMPRESSA ITALICE VENETIIS

Apud Euangelistam Deuchinum

M. DCVI.

*Cum venia Superiorum.*

**E**Xcellentissimi Domini infrascripti, Capita  
 Excellsi Consilij decemuiralis, postquam ipsis  
 constitit per relationem reuerendorum Theolo-  
 gorum ad id deputatorum, & spectabilis Secretarij  
 Senatus Jacobi Vicci, iureiurādo adhibito, quod  
 Domini Reformatores Studij Patauini, in libro  
 inscripto, (*Dissertatio de iure Serenissima Reipub. Ve-  
 neta in turbis qua illi mouentur à Sanctitate Papa Pauli  
 V. autore Antonio Quirino Veneta Senatore, Ad patriā  
 suam, & vniuersi sui ipsius Reip. dominium, ab ipsis di-  
 ligenter viso & bene considerato, nihil prorsus in  
 eo repererunt quod contrarium sit Sanctæ Fidei  
 Catholicæ, neque quod aduersaretur Principibus &  
 bonis moribus, immò censuerunt eum librum di-  
 gnum qui prelo committeretur: Excellentissimi,  
 inquam, Domini infrascripti veniam dant librum  
 hunc imprimendi in hac ciuitate, & non alibi.*

Dat. die 21. Augusti 1606.

D. Marcus Contarenius	} Capita excellsi Consilij
D. Zuanes Morus	
D. Anzulus Correrus	

Decemuiralis

Illustrissimi Consilij X. Secretarius  
 Ioannes Baptista Patauinus.

**DISSER-**





# DISSERTATIO ANTONII QVIRINI

Ad Rempub. Venetam.

**I**N hac vniuersali commotione, & admiratione omnium eorum ad quos peruenit Breue censurarum & interdicti, factum (vt fama est) nuperime, & publicatū Romæ ab hodierno Pontifice Paulo V. aduersus Remp. Venetam, non potui ipsemet, non grauitur perturbari, quum plenè instructus sim eorum, quæ inter hosce duos Principes transacta sunt: & præterea conscius sim, non solum validissimi iuris quod est à parte Reipublicæ, dum vult factum tectum conseruare suum temporale dominium & libertatem sui imperij, aduersum quæ diriguntur prætextus ipsius Pontificis, verum etiam certus sim quo moderamine, ac obsequio, de his cum sua Sanctitate, disseruerit, possum, inquam, certò affirmare nullam iustam causam locum dedisse huic deliberationi. Verum quia non omnibus innotuerunt, nec prætextus Pontificis, nec iura Reipub. censui non absolum fore, si ea ob oculos ponerem vnicuique qui cupit eorum notitiam habere, sed præcipuè iis, quibus à Domino Deo commissæ est cura populorū, vt possint dignoscere intra quos cancellos velint ipsorum administrationem redigi, & quonam tendant cogitationes eorum, qui aliud prætendentes, Sanctitati suæ consilium dederunt, vt sibi conaretur parare a-

bsolutam auctoritatem & potentiam in Principes in rebus temporalibus, Volui, inquam, hæc manifesta exhibere, & unusquisque, cum ea luce quæ sibi data est, possit ratiocinari super iis rebus quæ salutem communem spectant. In quo protestor coram Domino Deo, me nullum alium scopum habere, nisi salutem publicam, nec mihi in animo esse vlllo pacto recedēdi à Catholica sanctę Ecclesię Religione, & à pura & sincera veritate, quam plenè perspectā & exploratā habeo, pro viribus humani intellectus, in eo quod hoc argumentum & negotium spectat. In hoc enim cum omni attentione versatus sum à principio ad finem, & particeps factus fui omnium eorum quæ hanc materiam spectant, seu agatur de re ipsa, seu de jure.

Controuersię, quæ Pōtifici intercedūt cū hac Republica, in summa sunt tres, Vellet sua Sanctitas, vt omnes Ecclesiastici, qui delicta admittunt, damnū, maleficium, dedecus, infamiam inferunt cui libuerit in dominio eiusdem Reipublicę, nullo modo possent corrigi à Magistratu aut consilio Reipublicę, nec eorū audacia & temeritas castigari. Prodiit autem in lucem hæc Papę voluntas eo temporis momento, quo Decemvirale consilium (quod supremę auctoritatis est, & quod ex consuetudine immemorabili, solet omnes indifferenter punire, tam laicos, quàm ecclesiasticos, vbi aliquod graue & enorme delictum commiserint in quouis loco Serenissimi Domini Veneti, ad quod etiam veniunt querelę eorum quibus iniuria facta est circa honorem, vitam, facultates, cum insolentia, & tyrannide non ferenda) cœperat, vt ius & bona administratio exigebant, ad quietem & cōsolationem subiectorum

lectorum, litem duobus viris intendere, & eos sub bona custodia clausos detinere, viros, inquam, qui externo habitu Ecclesiastici quidem videbantur, sed ex eo quod ipsis imputabatur, & cuius inquisitio hucusque facta fuit, erant internè adeò malè notati, & in suis actionibus tanta audacia & scelere, vt eorum correctionem negligere, in tantum damnum abiisset, & tam malè satisfactum fuisset subiectis, qui opprimebantur tum ab illis, tum etiam ab aliis qui priorum similes, ipsorum exemplo imitabantur, vt evidens periculum immineret, quum non possent longiori patientiâ sustineri & in suis delictis & excessibus supportari, cum maiori confusione & scandalo priuata manu vindicarètur offensæ, tum in peculiares, tum etiam in Rempublicam.

Volebat præterea sua Sanctitas, vt liceret cuius hominum generi, siue laici, siue Ecclesiastici essent, siue ex multis, siue ex paucis eorum sodalitates, & congregationes constatae essent, ex quacunque regione in ciuitatem Venetam venirent, vel in alias Reipublicæ Venetæ subiectas, liceret inquam illis exstruere Tempia, Monasteria, & id genus ædificia, & illic sedes figere, vbi lubentia ipsorū vellent habitare: neque tamē liceret Reipublicæ, nec vlli Magistratui in ciuitate Veneta, nec extra ipsam in omni sua ditione, inquirere, & certiores fieri, quales essent aduenæ illi, vnde, & cui bono venissent: nec etiam esset in potestate Magistratus inquisitione debita facta veniam illis dare construendi talia ædificia: quod nuperrimè à Republica est lege statutum ex analogia multarum aliarum. Quasi liceret, sub prætextu sodalitatum Ecclesiasticarum introducere in ciuitates & arces Principum quoslibet homi-

num cœtus, qui possent multis modis offendere, vt posthac dicetur, insidarij securitati & quieti popu-  
lorum, ac etiam insidiosis technis & fraudulentis,  
publici moderaminis formam turbare.

Præterea existimat Pontifex, Rempublicam non  
posse exequi multas leges, quæ variis temporibus  
latæ sunt, vt bona lex ac norma præsiniretur suis  
propriis subiectis, quo possent de suis facultatibus  
ritè disponere, ne eas transferendo in personas Ec-  
clesiasticas, priuarèt posteros, & sibi coniunctos ac  
heredes propria substantia, necnon etiam Principem  
spoliarent iis viribus quæ à dictis facultatibus  
manant, vnde, temporis progressu, cogreretur oneri  
grauissimo succumbere, quod sustinet in defenden-  
dis suis subiectis, sibi & suæ protectioni à Domino  
Deo commendatis, necnon etiam semetipsum &  
libertatem suam eo præcipuè tempore, quo oculos  
accipere debemus ad immensam potentiam, &  
per magnas vires Principum à vera Religione alie-  
norum, qui hac Republica euerfa (quæ est vice pro-  
pugnaculi & antemuralis reliquo orbi Christia-  
no) possent faciliùs viam sibi sternere ad residuum  
infelicitis Christianitatis subiugandum.

Hi sunt prætextus, quorum mentionem fecit sua  
Sanctitas in nonnullis Breuibz ad Rempub. scri-  
ptis, vt ei persuaderet reuocare suas leges latas su-  
per laicorū facultatibus quæ in Ecclesiasticos trans-  
eunt: & irritum reddere vinculum illud, quo quivis  
tenetur veniam petere ædificandi de nouo in vsum  
& commodum sui ipsius: tum etiam vt in manus  
suas traderet duos illos, qui, vt supra dictum est,  
tam nefandorum criminum rei erant.

Verùm quum illi non satis essent ea quæ in Bre-  
uibz

uibus continentur, prætextus, quales quales sunt, prætextibus aggregando, in vno censurarum edicto, prælo (vt fama est) commisso, voluit ea adiungere, quorum ne minima quidem mentio facta est in dictis Brevibus, quòd scilicet Respublica grauius errauerit in vna alia sua lege, dum voluit prohibere ne Ecclesiastici prælationem haberent in bona emphyteotica dicta in eodem edicto, quamuis ea bona in illa lege non ita nominentur: sed in vniuersum prohibeatur prælatio, & lex detur iudiciis, vt in cōtrouersis ortis inter Ecclesiasticos & sæculares super id genus bonis, iudicia exerceantur à iudicibus laicis, vt iam à multis, annorum centuriis, & per immemorabilem consuetudinem solitum est fieri: iudicia enim exercere pendet à lege quam Princeps sanxit, & suis propriis iudicibus præscripsit. Immò Respublica habet suas leges pro bonis & iustis, spectantibus ad suum temporale dominium, quum in ipsis agatur de rebus temporalibus. Existimat etiam necessarium, & ad se pertinens, per auctoritatem à Deo sibi concessam, & quia ita exigit bona gubernatio, tum etiam quia ex eo pendet quies sui Domini, & consolatio suorum subiectorum, punire & castigare reos, quos ab immemorabili consuetudine semper puniuit in criminibus grauib. & atrocibus.

Ego existimo ex sola facti narratione vnumquemque, (qui sana sit mente, nec passionibus distractus,) perspicuè posse videre ius esse penes Rempublicam, cui suffragantur honestas, necessitas, vsus, consuetudo, sua religio, & sua moderata gubernatio. Sed quia quibusdam hoc satis non est, qui credunt necessarium, esse disquirere & examinare iura vtriusque partis, quo certius de hac controuersia possit

iudicium ferri, quum persuadere sibi nequeant, Pontificem Romanum, caput Ecclesiæ Christianæ eousque processisse, nisi aliqua causa nixus, quæ saltē probabiliter posset eū ad resolutiones tanti momenti & tanti ponderis impellere, ea examinabo, quæ in simili argumento dici possunt de istis controuersis, vt magis perspicuè appareat, Sanctitatem suam nec causas nec prætextus satis probabiles habuisse: relinquens aliis curam detegendi plurimos errores, qui in progressu huius negotij commissi sunt, quò magis manifesta sit nullitas & inualiditas supradictarum censurarum.

Multi ratiocinati sunt super causis, quæ mouere potuerunt Pontificem ad tales cogitationes. Alij quidem existimant, quòd quum (antequam ad Pontificatum perueniret) varia munia obuiisset, & in iis multa iudicia exercuisset inter subiectos ecclesiæ Romanæ, tam Ecclesiasticos, quàm seculares, hoc ei magno fuit excitamento, eandem auctoritatem assumendi etiam in eos qui suæ ditionis non sunt. Alij dicunt, hanc malam suæ Sanctitatis dispositionem erga Rempublicam Venetam, originem cepisse ex delationibus, quæ parum charitatis & veritatis in se habebant, quæ eo maiorem vim & vigorem habuere (licet nonnihil suspectæ forent) quia semper coniunctæ fuere cum certa persuasione, quam quotidie fouebat, ( licet sine vllò veritatis fundamento,) Rempublicam & Senatum non esse vnanimis & eiusdem sententiæ circa hasce controuersias, & metum censurarum eos magis adhuc inter se diuisurum: vnde ij qui habenas in manibus habebant, coacti forent suæ voluntati cedere. Sunt etiam qui dicant, Pontificem inuitum fuisse impulsum

sum ad hæc tentanda, vt in anxietate animi constitutus, cura & labore repletus, tandem esset ita oppressus & debilitatus, vt breui nouus Pontificatus speraretur. Alii alias causas affercbant, & alias ratiocinationes, quas longum esset enarrare. Sed quum sciam necessarium non esse, imo periculosum, ingredi in talia iudicia, satius est dicere, quod vt induceretur ad hoc experiundum, non desuere media rationum aliquo pacto apparentium, quæ tamen ab vniuerso consensu viroꝝ prudentum non fuerunt approbatæ, non tantum ex curia Romana, (vt semper intelleximus per viam certam) sed & ex reliqua Italia, & forsan ex toto orbe Christiano. Quæ quidem rationes quum mihi notæ sint, & in pauca capitâ redigantur, non mihi molestum erit eas adscribere, adiuncto respõso, vt credo, satis perspicuo & analytico, & quod poterit sedare animum cuiusuis, quantumlibet scrupulosi & morosi. Sed, antequam ad hæc veniam, decet percurrere fundamenta, quibus innixa Respublica existimat, imo plañe credit, non errasse in suis decretis, nec in suis iudiciis, nec in suis legibus: ex quibus adhuc eruetur conclusio sumpta ab ea & publicata, vt vniuerso orbi innotesceret, vnâ cum maturo consilio, non solummodo Senatus, (cuius prudentia nunquam parui facta fuit, quod sciam,) sed etiam excellentissimorum & eruditissimorū professorum in omnibus bonis scientiis. Eò autem vergit hoc consilium, vt non debeat Respublica timere illas censuras, quas credit iniustas, inualidas, & nullas, quod & credunt illi qui ei consilium dederunt. Primò igitur existimat Respublica se non errasse in suis legibus & constitutionibus ab ipsa factis super dispositione

bonorum laicorum, quæ transeunt in Ecclesiasticos, quia necessitas, honestas, ratio naturalis & diuina, omnis ratio ciuilis, exemplum omnium aliarum bene moderatarum Rerum publicarum, & vt finiam, cura quam Respublica debet habere de Religione, & de sua conseruatione, eam indixit & impulit ad hoc faciendum: & iurisdictione, quam Deus ipsi concessit in suos populos, non solummodo id ei concessit, sed & efficaciter persuasit. Et quisnam erit, si inquisitionem fecerit diuitiarum ab Ecclesiasticis possessorum in Dominio Reipub. Venetæ, & quantum creuerint ab aliquot annis, & quousq; singulis diebus procedebant (omnino autem ratio exigebat, vt Pontifex de his omnibus exactam notitiam haberet) qui non agnoscat manifestam diminutionem publicarum virtû, præcipuè in factionibus realibus & personalibus, quas sufferre tenentur populi ad defensionem & conseruationem sui & suarum facultatum. Iustè subditi appellantur, ipsorum fortunæ & facultates, & personæ ad communem defensionem, per tot factiones, per tot expensas, quæ ordinariè & extraordinariè fiunt à Republica in tot militiis terrestribus & maritimis, in exercitiis, in præsidiis, in arcibus, in annonâ & comæatu, & in tot aliis publicis necessitatibus, quæ omnia pendent ex ipsorum bona administratione, & spectant ad omnium securitatem. Ad ista obeunda alacriter & lubenter concurrunt, alij cum iusta contributione pecuniaria, alij cum ipsa persona. Attamen conqueruntur, quòd tantum onus, quod in tam numerosas facultates, & in tantam hominum multitudinē debuerat diuidi, ab humeris vnius tantummodo partis sustineatur. Indicarunt etiam sepe Principi, se

cipi, se



cipi, se breui oneri impares futuros, nisi publica manu illis prouideatur, vltra alias constitutiones in simili casu aliis temporibus factas: sibi magno adiumento futurum in extremis suis necessitatibus, si aliquo modo securi reddantur, facultates ipsorum non multum imminutas iri. Agnoscens igitur Respublica, quod id quod auferebatur pauperibus subditis, ad ditandos Ecclesiasticos, redibat omne ad imminutionem suarum virium: quia, quantum istis addebatur commodi, immo etiam superflui, tantum illis addebatur debilitatis, immo miseriae, non potuit non videre & non sentire iustas querimonias subiectorum, & quam necesse erat in delam huic rei adhibere. Erat enim manifestum, necesse esse, aut subditos alleuare à supradictis factionibus, quia detracta fuerant tot bona & tot facultates ab integro cumulo; aut illis aurem non præbere, vnde cogerentur oneri succumbere. Alleuare ipsos erat impossibile ob urgentem necessitatem illarum factionum, sine quibus conseruari nequeunt Respublicæ: querimonias autem illorum non audire, & illos non iuuare honesto aliquo suffragio, id detum erat iniustum, damnosum, & perniciosissimum. Quid ergo faciendum erat? Si hæc prouisio necessaria non fuit, quæ vnquam necessaria potuit dici? Licet ne Principi deferere suos subditos? Licet ne illi semetipsum deferere? Licet ne illi Rempublicam absque ærario videre, dominium absque administratione, arces sine præsidio? nonne debet castra sua munire, fluminibus aggeres obtendere, vias struere? Potest ne priuari aut omnibus, aut magna parte eorum qui suas factiones militares obeunt, & terra, & mari? nonne debet custodire sua maria, suos por-

tus, sua flumina? Debét-ne in prædam relinquere infidelibus ac piratis nauigationes & commercia pauperum Christianorum, non solummodo suæ ditionis, sed eorum etiam qui parum agnoscunt hoc piuum & religiosum officium? Habét-ne in se vel tantillum honestatis, quòd tot populi & tanta hominum multitudo incustodita maneat, & tantis malis exposita, dum pauci fruuntur plenè & abundanter tot diuitiis, tot commodis, quot hodie nemini non notum est? Lege igitur spectante ad conseruationem totius Reipublicæ dominij, ne in minimam quidem reprehensionem incurrit: Si enim hoc fecerunt quædam parua dominia & municipia, ne intra paucos dies exterminarentur, & incolis omnino priuarentur, vt accidit Loreto, & Terræ del Bosco Alexandrinæ, (patriæ boni Põtifcis, qui hoc eis permisit, & gratum habuit,) quanto magis debet fieri vbi agitur de conseruatione tantæ Reipublicæ, tam religiosæ, de conseruatione tot & tantarum prouinciarum quas possidet, & quas conseruat, & quæ reuera sunt aggeres & propugnacula aduersus infideles? Possident Ecclesiastici in dominio Reipublicæ diuitias immensas: nã ex veris inquisitionibus, quæ ea de re factæ sunt, & ex registris publicis, necnon ex aliis certis instructionibus, immobililia quæ possident excedunt triginta miliones auri, quum ipsorum redditus excedant millionem cum dimidio: & omnes hæc diuitias acceperunt à piis & religiosis laicis, vt possent ali sacerdotes, ædificari & restaurari tẽpla, pauperes subleuari, cultus diuinus, & reliqua id genus opera charitatis exerceri. Attamen res est consideratione digna, quòd quauis in vniuerso Reipub. dominio, non minus propria cura & attẽtione eorum qui ad

qui ad ipsius administrationē vocati sunt, quàm cura eorū qui Ecclesiasticorū nomine verè digni sunt, floreat veræ Religionis exercitiū, & cultus diuinus vigeat, cū tanto numero templorū, monasteriorū, & tot aliorū locorū piorū, & cū eo splendore & honore, qui omnibus manifestus est: nō tamen ab iis qui multa possident, sed ab iis qui minus, executioni mādantur voluntates testatorum, aut eorū qui tot bona dederūt. Nā si numerētur Ecclesiastici, qui fruūtur maioribus & melioribus redditibus, tā pauci reperientur, vt vix vnus inter centū: quum appareat tantū bonorū cumulū, in paucissimos defluere, qui tenuissimā ipsorū particulā expendunt in ea opera, & in eū finē, cui destinata sunt: (quod tamen à me profertur cū summo dolore, zelo honoris Dei me ad hoc impellente.) Diuites sunt Episcopatus, diuites Abbatix, ditissima nonnulla Monasteria, quorū quædā habent in redditibus plusquam quinquaginta millia numorū aureorū. Et sub istis paucissimæ animæ sustentantur & nutrinntur, respectu tantarū facultatum cultui diuino destinatarū, vix relicto pauperibus, (qui seruiunt altari, tēplis, administrationi Sacramentorū, & concionibus) victu & vestitu: immò ipse victus & vestitus vt plurimū ipsis erogatur ab ordinariis laicorū eleemosynis. Attamen Princeps hunc abusum patienter tulit & fert adhuc, (licet cū magna offensione, à sola diuina providentia remediū huic malo expectans, quæ in tēpore & loco optimè poterit huic rei mederi. Sed & hoc tacendum non est, non minorē esse ipsius Principis & Reipub. patientiā, dū coguntur permittere easdem diuitias, quæ expendi deberent in restauratione & conseruatione religionis Christianæ, in iis ciuitatibus, & in-

ter eos, quorū maiores illas contulerūt & donarūt, nihilominus variis artibus transferantur & ad alios populos, & ad alias ciuitates, & maiori ex parte impendantur, non ad religionis vsum, sed ad purum & merū cōmodum tēporale, & ad splendorē mundanū fulciendū, maximo fideliū scandalo, & omnium Christianorū, quorū quamplurimi, licet immeritō, hinc occasionē ceperunt abalienandi se à nobis, & separandi. Nec vllō pacto dubitari debet an vera sit ista supradictarū diuitiarū translatio. Nam Abbatiae ab extraneis possesse, pēssiones ipsis Abbatiis impositae, & Episcopatibus, & tot aliis beneficiis in extraneorū gratiā, solutio annatarū omniū beneficiorū, tā maiorū quā minorū, pro collationibus, & missione in possessionē grauamina duplicata, quae tagliones vocantur, Monachorū congregationibus impositae, quartariae, quindeniae, & alia similia, hoc omnibus notū & manifestum reddunt: praeter id quod quidā, modis forsan non decentibus, ambitione aut alia passione impulsī, occultē mittūt ea quae ab aliis mala conscientia, vt credibile est, recipiuntur. Quā igitur honestatē prætendere potest sua Sāctitas, dū vult vt qui tanta habet, tanta possidet, & forsan iis abutitur, aduersus omnē normā pietatis, iustitiae & cōsuetudinis, & aduersus omnē verā virtutis doctrinā, maiora adhuc possideat, & iis fruatur, in perniciē alterius, qui indebitē suo spoliatur, & ad paupertatē redigitur, ne dicā ad miseriam & infelicitatē? Esset-ne honestū videre intra breue tēpus paucissimos praediuites, opulentos, dominos omniū rerum, immunes & liberos ab omni onere: & ex alia parte omnes reliquos, exspoliatos, nudos, versari sēper incontinuis laboribus, in factionib<sup>9</sup> publicis, & domesticis?

Aequum

Æquum igitur est, ut quum Ecclesiastici possideant in dominio Reipublicæ tantum quantum ipsis satis est, & multo plura: quod quidem superfluum, si bene & ex proportionem distribueretur, assatim sufficeret, non solum iis qui hodie satis sunt ad inseruiendum cultui nostræ veræ religionis, sed etiam multo pluribus: posthac malis artibus maius augmentum bonorum temporalium illis non procuretur. Quæ quidem bona temporalia tandem, iuxta Sanctorum patrum sententiam, plus nocent ministerio, quam illud iuvent. Nec ius naturæ, nec ius gentium permittunt, id, quo quisque esset ad propriam vitam sustentandam, sit ipsi aut vi, aut fraude ablatum. Hoc non convenit cum puro instinctu naturali à Deo omnibus viventibus dato: quorum unicuique videtur ipsa et natura in seuisse rationem ac modum sui defendendi: ratio humana, siue innaturatur ratiocinationi intellectus, siue cōsuetudine, aut lege scripta sancitur, hoc nunquā permisit in vlla congregatione civili, aut administratione, nec hoc seculo, nec antiquis temporibus vera Religio Christiana non id concedit, immodò contrarium iubet: Ast è contra volent Pontifex, volent Ecclesiastici, ut populis & Principibus ista vis inferatur, ut per vim Principes impediuntur ne laicis sua bona possint conservare, & sub prætextu conservandi suam latam licentiam, sub nomine libertatis Ecclesiasticæ, spoliabunt & populos suis facultatibus & fortunis, & Principem suis viribus, suo dominio, sua auctoritate, qua, per omnia iura, potest talem spoliationem impedire, & remedium afferre tantis confusionibus, cum iis legibus, & constitutionibus, quæ in omnibus seculis, imperiis, regnis, provinciis,

semper bonę & iustę existimatę sunt, neq; vllō m<sup>o</sup> do repugnantes Religioni Christianę, quā nos docuit ipsius verū caput, Dominus noster Iesus Christus, docuerunt ipsius Christi veri Apostoli & discipuli, tot sancti & probati Doctores ipsius Ecclesię? Et quid aliud esset, huic tali prætensionī ad stipulari, nisi Principem eo spoliare, quod verē sibi proprium & essentiale est, quod ipsum facit Principem, dare scilicet legem & normam personis & facultatibus subiectorum, & subiectos priuare regulā & normā boni regiminis & bonę administrationis, tum in suis personis, tum in suis facultatibus. Si Princeps hac auctoritate priuetur, nihil illi reliquum erit quā purum nomen: Et si subiecti hac disciplina & institutione priuarentur, relinquerentur in confusione, expositi cuilibet iniurię, cuilibet ruinę. Estque hæc violentia contra ambos, Principem scilicet & subiectos, ita vnita & coniuncta, vt censerī non debeat facta aduersus duos, sed aduersus vnum tantum: præcipuē quum imperium non est violentum & tyrannicum, sed legitimum & moderatum, qualis, Dei gratia, agnoscitur esse administratio Rei pub. Venerę. Manifestum enim est, potestatem & iurisdictionem legitimi Principis aliā non esse à iurisdictione populorum qui vniti & concordēs consentiunt & se submittunt imperio & administrationi Magistratū: & tanti ponderis sunt leges & constitutiones Principum, quales essent, si subiectis simul congregatis, vnusquisque eas constituisset & decreuisset, singuli suo peculiari suffragio. Quomodo igitur quispiam, qui sana mente sit, nequiret concludere, multitudinem liberā, neminique subiectā, non posse de se statuere, & de suis facultatibus, ad libitum

libitum suum, nisi ab alio reprehendatur, & vi adigatur ad mutandum consilium suum: ita nec Pontifex, nec quivis alius, qualis qualis sit, iuste possunt conqueri, immò nec sese immiscere in eas leges & constitutiones rerum laicarum & temporaliũ, quas sancit Resp. Veneta, in qua residet eadẽ potestas & auctoritas, quę residet in pectore & volũtate omniũ populorũ & subiectorũ, qui parent suo iusto & moderatissimo imperio. Quilibet privatus disponet de suis facultatibus & fortunis, prout ipsi commodius videbitur, constituet perpetuam successionem in sua bona in gratiã vnius hominũ generis: alios excludet, siue sint Ecclesiastici, siue laici, & vsus, consuetudo, & omnis lex id permittet: & Princeps, qui magis patronus est & vitę & facultatum suorum subiectorum, quàm ipsimet privati, impeditur ne hoc agat? Certissimum est leges humanas & civiles, tum hac ratione, tum aliis, quę citantur à legum Professoribus, vt Respublica, & alij Principes possint concedere tales cõstitutiones, prohibere scilicet suis subiectis alienationem suorum bonorum in certas & determinatas personas: & addunt neminem posse merito de hoc cõqueri, quia tale decretum legẽ non præscribit nisi personis & rebus indubitatẽ subiectis iurisdictioni suę & moderatissimo imperio. Nã leges super hoc argumẽto sancitę, nõ imperāt nisi laicis, & circa bona à laicis possessa. Ea licet Principes possint tales cõclusiones sumere etiã in bona ab Ecclesiasticis possessa, idque in certis casibus, quando scilicet apparet necessarium esse pro bono publico, tales, inquam, conclusiones, quę non repugnant, immò conformes sunt verę doctrinę Catholicę & Ecclesię, nihilominus, quum nunc de hoc non agat

tur, manifestumque sit, & evidentissimum, in iis legibus, quæ hodie à Papa in dubium vocantur, nullam mentionem fieri nisi bonorum purè & merè laicorum, certò constituendū est, Rempublicam habuisse, & semper habituram auctoritatem tales leges condendi: alioquin priuaretur & spoliaretur ea potestate, quæ præcipuè eam constituit Principem, eique Principis formam dat, hoc est veri legislatoris & moderatoris suorum subiectorum. Adde etiā, quòd quum in multis Italiæ ciuitatibus talia peculiaria statuta reperiatur, quæ continēt similes, aut parū differētes prouisiones, & super eadē materia bonorum laicorum, ne scilicet hoc modo vel alio transferantur in clericos: quod & Genuæ fit, & Sienæ, vnde originē trahit hic Pōtifex, & in aliis etiam ciuitatibus, quæ bona & antiqua administratione vtuntur, absurdum esset, Rempublicam Venetam, (Principem & patronā multarum ciuitatum, in quarū statutis peculiariter habentur similes prouisiones, in variis temporibus à bonis suis ciuibus sancitæ, ) non posse eadem & similia decreta condere: hoc enim pacto reduceretur ad minorem & inferiorem potestatem & iurisdictionem, quàm ipsæ illæ peculiare ciuitates suo dominio subiectæ. Verum, quid opus est afferre exempla ciuitatum Italiæ, quum Prouinciæ integræ, & Regna omnia Christiani orbis, idem obseruent & faciant? Quod quidem si in dubium vocetur, possent produci, imò producerētur excerpta legum Germaniæ, per tot sæcula ab Imperatoribus administratæ, qui in rebus tēporalibus per longissimam seriē potuerunt conscribere leges maiori parti orbis, imò ipsi Romæ, etiā post aduentum Christi, per immensū illud spatiū, quod optimè notum



tū est iis qui præteritarū rerū notitiā habent: Leges nobilissimi & Christianissimi Regni Gallia, a deo benemeriti de toto Christiano orbe, & de sancta Ecclesia: Leges Regni Hispania, cuius Reges ita verā Religionē coluerūt, vt inde Catholicorū cognomē retulerint. Regnū Portugallia, Regnū Britannia (tēpore quo Reges ipsius erāt obsequētissimi sedi Apostolicæ, sanxerūt & obseruarūt easdē leges, quæ quotidie citantur à probatissimis auctoribus. Sicilia, Burgundia, Belgium & alia Prouincia habent & obseruant easdē constitutiones, quas qui euertere vellet, vellet etiam necessariò reuertere sapientiā & æquitatē tot legislatorum, tot & tam magnorum regnorum, euertere ipsorum potestātē, & vsum tot populorū sibi subiectorum, ac sursum deorsum, interuertere hanc orbis partē, (veræ religionis Christianæ residuum,) cui non conueniunt tales motus & reuolutiones. Potest etiā argumentū sumi æquitatis & validitatis legū, ab exemplo maiorū, qui quū sanctē Rempu. moderati sint, & semper manifestissima pietatis insignia ediderint in omnibus suis actionibus, nihilominus tales leges sanxerūt iā à multis seculis, notantes in publicis annalibus & archiuis, immò & in publicis Reipublicæ statutis in lucē emissis, quòd in omnibus præcedētibus sæculis à trecentis vel quadringētis annis & anterioribus, si necesse esset eas perquirere, in his & similibus casibus, similes etiā leges sanxerūt & cōdiderūt, & prouisiones fecerunt omnino similes & easdē, ad indēnitatē suorū subditorū, & ad securitatē communē. Nihilominus tamen Romani Pontifices, qui tūc temporis sedebant (in quibus non potest censerī fuisse tantam negligētiā & tam exiguum Religionis ze-

lum, ut illis omnino detrahamus & piam curam pastoralē, & boni publici zelū) nūquā de illis legibus conquesti sunt, nec vnquam talia tentauerūt: quam ipsorum modestam possumus dicere, (præter rationes suprà in medium allatas) à stimulo propriæ conscientiæ manasse, quia nequibant eam legem reprehendere, cuius ipsimet aliis exemplum præbuerunt. Et quis ignorat prohibitionem per ipsorum constitutiones factam Ecclesiasticis, ne vllō pacto sua bona in laicos alienent? immò cui manifestū nō est ac euident, quòd si aliquādo hoc concessū fuit à Pōtificibus, nō fuit concessū, nisi inde prodiret (ut ipsi loquuntur) euident utilitas ipsorum Ecclesiasticorum, hoc est, certissimum incommodum & damnum laicorum. Quòd si alij Pontifices ius & æquitatem supradictarum legum approbarunt, illique acquieuerunt, multo magis debebat acquiescere hodiernus Pontifex hisce vltimis, quum eas videat talibus conditionibus munitas, quæ indicium manifestissimum dent, & maioris pietatis, & maioris respectus erga Ecclesiasticos: non enim excluduntur à beneficio bonorū mobilium, & retractus immobilium iis conceditur, & pretium ipsorum cum ipso reditu; vnde & alibi, & in dominio Reipublicæ, cum Principis venia, potest illud pretium in aliis bonis impendi: in quo quilibet omnem agnosce, facilitatem, qui viderit (post illas leges latis) quoties venia data est iis qui eam petierunt. Reuocabitur ergo in dubium Reipublicæ lex tot rationibus æquitatis, iustitiæ, necessitatis innixa? exemplo totius orbis corroborata? Redigetur igitur sapientia, iustitia, pietas, religio omnium populorum, omnium Principum, omnium, prouinciarum, omniū regnorum,

rum, omnium ætatum, omnium sæculorū, intra paucorū pectus, qui pessima consilia suæ Sanctitati dātes, sæpius manifestant se malè publico bono cōsultare? Hic liceret exspatiari ratiocinādo, quomodo, quando, & in quibus suprema Dei providentia tales virtutes infuderit; unde colligere possumus an tales actiones, quæ tendunt ad turbas & ad discordiam, ad subuersionem pacis & quietis tot populorum, possent ab ipsis manare: Hic etiam ratiocinari possemus, an tales actiones conformes sint humilitati, patientiæ, contemptui rerum mundanarum, & tot aliis virtutibus diuinis & humanis quas Christus reliquit pro vero typo & exemplari suorum successorum in sanctæ Ecclesiæ administratione.

Sed quia argumentum, de quo agitur, aliò me ducit, transeundum mihi est ad eam legem examinandam, quæ à Republica lata est, ne absque ipsius venia & consensu liceret exstruere & fabricare Monasteria, Temples, & id genus alia loca. In quo, uti spero, non minus apparebunt iustæ causæ & rationes Reipub. quàm in cap. præcedenti, ubi actum est de bonorum laicorum alienatione. Et primò, non infirmum est, immò firmissimum, argumētum, quod ducitur ab auctoritate & scientia Professorum iuris, qui valde perspicuè, cum citationibus, tum antiquarum legum, tum earum decisionum, quas Responsa Prudentum vocāt, (quæ semper in eodem pretio ac vigore fuere cum ipsis legibus,) Principem patronum esse totius spatij, & ut ipsi loquuntur, totius areæ quæ in suo dominio continetur affirmant: unde apparet nemini licere in eam aream ingredi, absque ipsius Principis consensu, ac multo minus

ipsius arcæ dominum se reddere, ni Princeps id cōcedat & permittat. Addunt præterea, quòd si non licet vim afferre alicui personæ priuatæ, vt illo inuito in suas ædes ingrediamur, aut in suum agrum, quo illic fabricemus aut Tempia, aut Monasteria, aut id genus alia loca cultui diuino dicata; in quo consentit omnis doctrina, consentiunt omnes leges: multo minus hæc vīs potest inferri Principi, qui amplius dominiū habet in terras, quas possidet, quàm non habet vllus priuatus aut particularis. Accidit ne vnquam, in fundum aut ædes alicuius ingressum esse aliquem, qui, sub prætextu libertatis Ecclesiasticæ, aut operum charitatis & religionis, voluerit aut cōsecrare, aut administrare sacramenta, aut mortuos terræ condere, (licet hæc omnia sint bona opera,) domino inuito, & sine ipsius consensu? nōne vi repelleretur, quicumque talia auderet? Quid dicerent particulares & priuatæ personæ, si in suis propriis domibus quispiam vellet tale dominium vsurpare? Certum est, vbi talem audaciam admirati essent, si non satis essent huic audaciæ repellendæ, (vt proculdubio repellerent, si possent) Principem adirent, quo possent, ipsius ope, illæsi & immunes à tali iniuria & offensa manere; & certissimum est iustum Principem nunquam denegaturum suas vires & suam auctoritatem iustissimis ipsorum querelis. Hoc autem, quod Princeps potest facere, vt iustè protegat ac defendat facultates sibi subiectorum, non poterit idem vt bonum decernere, siue in beneficium publicum, siue in priuatorum? Et in quo alio consistit lex, qua venia datur ædificandi, nisi vt videatur an fabrica illa fiat debito modo, & domino fundi consentiente? Qui consensus quum sit du-  
plex,

plex, cum publica scilicet, aut cum priuata auctori-  
tate, diligenter examinandum est, an vtraque con-  
currat in alienationem locorum illorum, quibus  
superstruuntur nouæ illæ fabricæ, & si neutra ipsarū  
damnum vllum inde patiatur. At silentio præter-  
euntēs, quo pacto priuatus possessor, aut ipsius vici-  
nus, damnum ex eo patiantur, aut fraude, aut vi, aut  
aliis technis & insidiis, quibus hodie sub variis præ-  
textibus plerique in mundo vtuntur, quo se domi-  
nos faciant alienarum facultatum; vnde familiæ in-  
tegræ, & personæ sibi coniunctæ, passæ sunt, & pa-  
tiuntur adhuc magna incommoda & damna; quod  
satis erit indicasse, nec in hoc argumento vltius  
progrediemur. Iam absolum non erit; vt aliquid  
dicamus de publico incommodo, ad quod maturo  
consilio Respublica respexit. In ciuitate Veneta re-  
periuntur circiter centum quinquaginta fabricæ,  
Templorum, Monasteriorum, & aliorum locorum  
piorum; & inter ea multa, præcipuè Monasterio-  
rum, quæ tantum terræ occupant, siue vt commo-  
diores sint habitationes ipsorum, siue propter anne-  
xa viridaria, claustra, hortos, vt fatendum sit ea lo-  
ca medium totius ciuitatis occupare; ita vt omnes  
ciues, quantumuis nobiles, & magni nominis, co-  
gantur præ illis, & præ incolis aliarum ciuitatum,  
multo strictius habitare. Nunquam tamen visi sunt  
conqueri de hac Ecclesiasticorum commoditate,  
immo id ipsum procurarunt & gratum habuerunt,  
quoniam in omnibus sæculis constructæ sint tales fa-  
bricæ impensis ipsorum, maximo gaudio & conso-  
latione suarum animarum: quorum fidelissima do-  
cumenta apparēt & in Chronicis, & in Annalibus,  
tam publicis, quàm priuatis: neque hanc ob rem,

neque in hunc finem sancita est hæc prouisio; est enim pietati conformis, & magnæ Religionis suorū maiorum: immò nec hodie cessatur à fabrica nouorum Templorum & nouorum Monasteriorū cum publica licentia, illis, post hanc legem latam, satis sæpe concessa. Quæ quidem licentia si satis liberè concessa fuit, habita inquisitione loci, personarum, & aliarum circumstantiarum, (quas, vt exigit bona administratio, necessarium est inquirere) nemo dubitare potest, quin idem etiam posthac obseruetur, non solum Venetiis, sed etiam in omni dominio ipsius Reipublicæ: quamuis in nullo loco deficient talia ædificia: sunt enim omnia referta nobilissimis fabricis, amplissimis Monasteriis & aliis locis operibus piis dicatis; cum ea constructionis magnificentia, & cum eo splendore & apparatu ad cultum diuinum spectante, vt inde perspicuè appareat vera Religio, quæ in pectoribus omnium incolarum residet. Sed Respublica pro scopo tantum habuit publicam securitatem & quietem, quæ faciliè turbari possent, si occasione capta à nouis Templis & nouis Monasteriis, (quæ sæpe aditum dant nouis & ignotis hominum turmis & congregationibus) libera potestas daretur introducendi nouos mores & nouas cogitationes, vnde simplices, tam nobiles, quàm ignobiles, non ita muniti aduersus fraudes & deceptiones, sub variis Religionis prætextibus persuaderentur vt huic vel illi sodalitati adhererent & inclinarent, cum non spernendo publicæ libertatis damno, & cum periculo perniciosissimorum seminum diuisionum, quæ alibi talibus artibus sunt introductæ: à quibus longè absuit sinceritas subiectorum huiusce dominij, & vniformitas, seu  
potius

potius vnio huiusce administrationis, nobis adstipulante gratia Dei, & vigilantia continua publicorum & sapientum consiliorum. Et forsan hisce nostris temporibus non manifestissimè apparuerunt similes effectus? quum optimè notum sit vnicuique, quam auctoritatem sibi quæsierint, & quibus negotiis sese immiscuerint tales quædam sodalitates. Quòd si modestia non remoraretur eum qui hæc scribit, ne vltius progrediatur, possent palam fieri multa, quæ nauscam parerent auditoribus, tanta fuit absurditas, indecentia, & forsan etiam malitia. Sed, quæso, quis Princeps ferret, vt in suo dominio, temporibus tam zelotypis, machinationibus & insidiis refertis, se sisterent, & sedes figerent, eo situ, eo loco, & iuxta quos liberet, numerus quispiam vel multitudo hominum, quos nunquam antea vidisset, immò qui ab exteris nationibus prodirent? Nónne æquum esset, vt, antequam admitterentur, notam facerent suam qualitatem, quis esset ipsorum scopus, quæ obiecta, à quo penderent, & omnè id examinare, quod ad commodum & incommodum, tum Principis, tum subiectorum, posset ab ipsis sodalitatibus deriuare? Certè non esset res sapiente Principe digna paruifacere similes considerationes & consilia, quum, sub Religionis prætextu (quæ sæpe est prò pallio aliorum finium & obiectorum) eousque processerunt quorundam opera, vt manifestè apparuerit, scopum ipsorum esse sibi obligare, & captiuas reddere animas eorù, qui suis artibus irretiti sunt, ita vt nec auctoritas, nec potestas Principis, nec naturæ vinculum, nec vllus alius iustus respectus, eos impedire possit, quin se præcipientes dent arbitrio & voluntati ipsorum lubentè in

omnibus rebus & temporalibus, & mundanis. Et ipsemet vidi in quibusdam locis huic Reipublicæ subiectis tentatum fuisse à nonnullis sodalitatibus quasdam scholas & congregationes introducere, in quibus obligabantur omnes ij qui in iis accensebātur, sæpe simul convenire, iurare, & vota concipere, se caput suum sequuturos in omni casu, in omnem euentum, quo possit defendi sodalitas illa, & constitutiones ipsius, publica auctoritate non expectata nec adhibita. Quod quidem manifestè apparet nihil aliud esse, quàm initium diuisionis & seditionis occultæ, ex quibus tandem flammæ & incendia nascantur, quæ facile extingui nequeant. Nec longè ante nostram ætatem fuere excessus enormes vnius talis Religiosorum congregationis, quam coacta fuit Respublica è ciuitate exterminare, vnde laudem meruit & accepit ab vniuerso orbe. Prætereo narrare quales doctrinas cum iis artibus tentent spargere & seminare in damnum & diminutionem auctoritatis Principum, dum instillant eas in teneras mentes eorum, qui tandem ministri fiunt suarum cogitationum. Prætereo, inquam, illa, quia quum sunt magni momenti & ponderis, aliam ratiocinandi commoditatem desiderant. Verùm, redeundo ad id de quo agitur, impossibile est vllum virum sensatum esse, qui maxima admiratione non commoueatur, quod Pontifex velit, velint Ecclesiastici, Rēpublicam non inquirere nec videre ea, qua pertinent ad securitatem tot suarum ciuitatum, tot suorum propugnaculorum, quæ etiam si præsidiis muniuntur, si cum omni vigilantia custodiantur, si in ea expendantur immensæ pecuniæ vt inexpugnabilia euadant, aut saltem quantum fieri potest minus expu-



expugnabilia, si exstruantur muri, aggeres, fossæ, explanationes, & alia id genus magna opera & dispēdiosa, conuenit præterea, & necessarium est, ne ab vlla fabricarum eminentia superentur, quæ possit propugnationem ipsorum impedire, aut commoditatem afferre hostibus oppugnantibus. Si igitur voluerit quispiam Tempia vel Monasteria ædificare, quæ aliquando in machinas grandes euadunt, & immensæ molis, siue sint in explanationibus, aut iuxta mœnia, intra aut extra ciuitatem, Princeps, seu Respub. id nō poterit impedire & prohibere? Certè hoc ferendū non est. Quòd si dicāt ipsis nō esse eam mentem, immò volunt ædificare in loco vnde periculum non sit talem confusionem orituram, respōdeo, necessarium esse, eam distinctionem loci, temporis, & similium circumstantiarum, ab aliquo debere circumspici & considerari, nec ad alium posse pertinere cognitionem illam, quàm ad loci patrum, quum de suo periculo agatur, & de sua securitate, quæ pendere non debet ab alterius iudicio: vnde sequitur quòd possit permittere id genus fabricas, vel non; dare veniam illas extruendi, vel non: quod expressim est ipsum argumentum, & ipsa substantia legis. Nec dubitandum est, quin Respublica id faciliè concedat, saluo suo interesse: nam per tot sæcula id concessit, quamuis hisce temporibus vigerent etiam similes leges hodie in vna forma, cras in altera ab ipsa Republica promulgatæ: cuius rei manifestissimā & amplissimā fidem faciunt tot Tempia, tot Sacella; tot Monasteria, & tot alia religiosa loca; quibus referta est ipsa Venetiarū ciuitas, & omnes aliæ sui dominiij ciuitates: quæ quidem omnia non solum fabricata sunt publico assensu; sed & ab ipso publico, & vniuersum; & particulatim maiori

ex parte adiuta fucere, & dotata diuitiis illis & redditibus, quorum supra mentio facta est. Quæ quidem diuitiæ, si tot sint, ac tantæ, ut commodè & affatim possint satis esse ad alendum sacerdotum & Religiosorum numerum, duplo aut triplo maiorem eo qui hodie verè inseruit cultui diuino, forsan æquū esset ut magni Principes, Reges, & Imperatores, animaduernerent, potius (ut & olim animaduersum est,) ut æquior aliqua distributio eorum reddituum fieret, & melior aliquis modus institueretur ad alimentum eorum qui Templis inseruiunt, quàm ad tantam facilitatem noua construendi. Præterea, quum multi Religiosi, & multi Monachi veterum institutionum, viri boni, careant hodie redditibus Ecclesiasticis, & necesse sit ipsos nutrirī & sustentari ab eleemosinis, quæ quotidie ipsis erogantur à pietate & religione laicorum, ut & ab ipsi!met sæpissimè reparantur & adornantur Tempa: ac inde timendum sit, quum vires ipsorum laicorū non sint infinitæ, sed terminatæ, & limitatæ intra certos cancellos, aduertendum est, quòd si laici satis non sint ad sustentandos eos qui iam dudum erecti sunt, & eos qui de nouo introduci possunt, & hi & illi absque alimento remanerent, id quod potius scandalum, quàm ædificationem afferret: accideretque ut qui nuper admissi & introducti sunt, veteres ad paupertatem redigerent; veteres, inquam, qui per longam annorum periodum pietatis suæ manifesta indicia dedere. Quod quidem, quum ne tantillum quidem iustitiæ in se haberet, ita maximum populis fastidium gigneret, qui se viderent expoliatos iis religionibus, & iis personis, quæ per multas ætates præteritas, & per multa sæcula, tantum laborauerunt

runt in beneficium religionis, cum tot bonis operibus ad cultum Dei spectantibus, quæ manifestum est ab iis prodiisse. Et quis nescit, quis ignorat qualem fructum, quantum beneficium Mundo attulerint religiones notæ & probatæ? Quod si de quibusdam fundatoribus ipsarum veterum religionum scriptum est, quod, per visiones Romanis Pontificibus manifestatas, deberent Ecclesiam cadentem fulcire, æquumne videtur, quum & per ipsos sanctificatos, & per ipsorum discipulos, qui præceptorum vestigiis institerunt, id forsitan, quod per illas visiones prædicebatur, impletum fuit per ipsorum doctrinam, pietatem, humilitatem, vitæ sanctitatē, & id genus alias virtutes, quibus Deus illos ornaue-  
rat, æquumne est, inquam, illos in tantum contemptum venisse ut dum parum curamus ipsorum conservationem, ab una parte nobis grauem ingratitude notam inuramus, ab alia parum prudentes sumus, ne dicam leues & inconstantes, dum relicto bono certo & securo, incertum, & forsitan periculofum sequimur. Nec prætereundum est, quod quum Venetiis sit, & in vniuerso Reipublicæ dominio, maximus numerus Monasteriorum, in quibus Moniales Deo dicatæ cum perpetuo virginitatis voto, continuas preces fundunt ad impetrandam diuinam clementiam & misericordiam, impium & inhumanum esset illas priuare assiduus illis erogationibus quas habent à sola laicorum charitate: quod proculdubio fieret, si adiectione aliorum Monasteriorum personis nouis dicatarum, eleemosinæ, & aliæ subuentiones, quibus sustentantur, aliò impenderetur. Quod si Pontifex voti sui compos fieret, videor perspicere tot Virgines, tot Religiosos, de hac ciui-

tate & de tot aliis benemeritos, ob suas continuas orationes, & ob sua ieiunia toties repetita, se cum lacrimis sistere coram ipsa Republica, & coram populis sibi à Deo cōmissis, dicentes, se iuxta obligationem suæ natiuitatis, iuxta votum ab ipsis conceptum, in se semper habuisse manifesta amoris & affectus signa erga patriam, & quantum fieri potuit, & quantum tulit ipsorum infirmitas, Deum reueritos esse, fidem seruasse, cursum suum absoluisse. Iam verò se videntes derelictos esse, & charitate ipsiusmet patriæ priuatos, in manus Dei reponunt iustitiam suæ causæ. Et quid aliud è cælo nobis expectandum est, nisi iustam tantæ impietatis vindictam? Verùm hoc certè non ita succedet. Nam Respublica, & ij qui eam moderantur, nunquam tot insignes abusus tolerabunt, tot horrendas confusiones: immò spero ipsummet Pontificem, necnon & Ecclesiasticos, (postquam perspecta habuerint tot iura, rationes tanti ponderis, ac tanti momenti,) sententiam mutatueros: Non dedecet enim vel sapientissimos sententiam mutare, quando manifestum est, in melius posse mutari. Quod ad hoc caput attinet, addam adhuc quàm breuiter fieri poterit, duas rationes, quæ mihi satis prægnantes videntur. Prima est, quòd ex introductione nouorum Templorum, nouarum Religionum, nouorū Monasteriorum, non solùm imminuta sunt quamplurima ex veteribus, sed etiam quia in vnus fiduciam reditus ipsorum Templorum & Monasteriorum traditi sunt) maximo totius orbis scandalo derelicta sunt hodie Temples, derelicta Monasteria, cultus diuinus præterminissus: id quæ quod impendendum erat in ipsorum Templorum ac Monasteriorum confer-

conseruationem, & restaurationem, in educationem sacerdotum ac in pauperum leuamen, sapissimè impèdatur in id quod ex diametro pugnat cum hac intentione: vnde certissimè apparet, quòd ex quo nouæ Religiones & noua Monasteria prodeunt, ex eo sese offert occasio redditus antiquorum in fiduciam tradendi, hoc est, bona, à laicis impertita, in alium prorsus vsum conuertendi, quàm destinata fuerant. Altera ratio est, quòd quum hæ Reip. Venetæ leges, eodem argumento variis temporibus latæ ( vt enim vetustiores missas faciam, anno 1337. anno 1459. anno 1515. necnon & anno 1561. similes leges conditæ fuere ) nullum detrimentum attulerint nec cultui diuino, nec personis Ecclesiasticis: & quum nullus alius Pontifex de iis conquestus sit: immò si tot sui præfessores illas habuerint pro bonis & iuridicis ( quomodo enim illis non notæ fuissent, qui assiduè suos Nuncios Venetiis habuerunt, qui illas audierunt, viderunt, & silentio suo approbarunt? cui bono, obsecro, nonnullis in mentem venit, suæ Sanctitati persuadere, vt tot motus, tot rumores hac de re faceret? ni forsanelint vt ad verbum suum, ad insum suum cedant & cadant omnes Principatus, omnia Regna, omnes Respublicæ: quæ quidem intentio adeò exorbitans est & extra metas, vt præter quam aduersatur doctrinæ Christi, & omnibus iuribus, pro certo debent statuere rem hanc à nullo vnquam toleratam iri, nec admissam hucusque credo me ea dixisse, quæ possint manifestum ac patens reddere ius Reipub. Venetæ circa hæc leges à se conditas. Veniamus iam ad iudicia, quæ Pontifex existimat non secundum rationem lata

fuisse: iudicia, inquam, quibus animaduersum est in impios & sceleratos, qui sub veste clericali volebant impium scelus suum nulli pœnæ obnoxium esse. Valde mirum est, Sanctitatem suam ista cogitasse tempore & occasione indecenti, & pro iis, qui (vt ex ipsorum culpa apparet) tantum abest vt protectionem Ecclesiasticam mereantur, vt potius in ipsorum delicta seuerissimè inquiri debeat. Vnus ipsorum reus est quòd voluerit contaminare honestatem & pudicitiam honestæ & nobilis sceminae, sibi contreraneæ & consanguineæ, quæ quidem repulit ipsius libidinem & effrenem appetitum vnicuique notum Vicentiæ non sine scandalo: (nam & in publicis viis & in ipsis Templis nunquam puduit eum manifesta signa edere & suæ audaciæ & suæ impudentiæ.) Tentauit etiam varias alias insidias, quas tamen nequiuit ad optatum finem perducere. Reus est præterea, quòd stomacho & vindicta instigatus, scædè deturparit ædes illius nobilis, eodem prorsus modo, quo impudentes & infames ex plebe, vilem & abiectum finem sibi statuentes, suas iniurias turpiter & dedecorose vlciscuntur. Reus agitur etiam, quòd lacerarit mandata & rescripta publica nonnullis locis affixa quibus diui Marci sigillum appositum erat, idque cum magno contemptu, vt ipsius verba indicabant: crimen scilicet læsæ maiestatis incurrens.

Alter arcessitur criminibus adeò nefandis, vt sine maximo horrore nec audiri, nec scribi, nec cogitari possint. Pudicitiam multarum mulierum violare habetur pro maximo delicto in personis Ecclesiasticis, licet ad Sacerdotij ordines non peruenerint. Sed vbi non satis illis est abuti mulieribus  
*solutis*

Solutis, quas vocant: sed in matrimonij contemptum manifesti adulteri sunt, hæc multo maior culpa est. Ut verò id illis liberum sit, si vita priuent maritos, & ipsorum consanguineos & affines, id nōne est extrema crudelitas? Hæc verò nefandas cogitationes sæpius exequi venenis sibi in hunc finem familiaribus, omnem humanitatis metam excedit. Sed, ut tandem finem faciam, nihili facere coniunctionem arctissimam & religiosissimam, quæ intercedit fratri cum sorore, ut possit diabolicam libidinem suam explere, nōne id crimen est adeò nefandum & abominandum, ut feris potius conueniat, quàm ulli homini, quantumvis vitioso & scelerato, nisi ei, qui, humanitate prorsus deposita, fera totus factus sit? Hodie, in gratiam horum (de quibus licet vltima non sit lata sententia, attamen magnis & manifestis indiciis apparet ipsos supradictorum criminum ultra modum suspectos esse) In horum, inquam, gratiam, venit in mentem Pontifici ut cum Republica Veneta certaret, ad id impulsus, ut creditur zelo iurisdictionis Ecclesiasticæ immò (ut verius loquar) suggestionibus & stimulis nonnullorum: qui id tacentes quod notum suæ Sanctitati fieri debebat id effutierunt, quod aut tacendum erat, aut aliter interpretandum. Vnde apparet, si vlla pro Pontifice adduci potest excusatio, quod ita temerè se præcipitarit in hæc controuersias, quæ Christianum orbem euertere penitus possunt, hanc solam, nec vllā aliam locum habere, quod scilicet parū veris & passionibus refertis delationibus imbutus fuerit, super quibus, ut zelo plenus est, suas ratiocinationes fundauerit. In quo quidem deslenda est misera horum

temporum conditio. Si enim accidisset vt hic bonus suæ Sanctitatis zelus, dilatione aliqua ad diuturnitatem sui Pontificatus conditus fuisset, potuisset, vt est discretus & longanimis, dignoscere melius quàm quisquam alius, proprium & decens esse suo magno ministerio, necnon rationibus & negotiis tanti ponderis & tam magni momenti, cognoscere & discernere tempora, locos & personas, aurem præbere sapientibus, fidis, & intelligētibus: respicere verò astutos, vafros, parum fidos, & passionibus refertos. Imò sperandum est, Pontificem ipsum, (semet in consilium ascito, iisque de quibus hodie certior factus est, attentè perspectis & consideratis) ad se reuersurum, & via priore derelicta ad eam reuersurum ad quam ius & æquum eum vocant, vocat pax & quies non solum Italię, sed etiam totius Christiani orbis, vocat conseruatio veræ Religionis, quę in hisce motibus magnum periculum incurrit ne aliquo modo labefactetur. Verùm quæso, nōne satius erat eos, qui harum turbarum auctores sint, sincerè exhibere crimina duorum supra nominatorū prout sese habent, potius quàm ipsorum culpam imminuere? Cur, dum ipsorum conditionem exaltant, nullam mentionem faciunt prauæ ipsorum qualitatis, prauæ consuetudinis? Cur etiam non dixerunt, (quamuis non esset necessesse) statum ipsorum esse ad instar laicorum, quum præter vestem malè ab ipsis gestam nihil aliud in se haberet, quod Ecclesiasticum redoleret, nisi nomen? Cur tacuerunt tolerantiam subiectorum Reipub.? præcipuè eorum, quos isti tam miris modis offendunt? Quare non horum magnam patientiam, & silen-



lentium in tantis iniuriis, prædicarunt? Iustè etiam poterant & verè affirmare suæ Sanctitati, ius, vsum & consuetudinē immemorabilem, exigere à Republica, vt similia delicta, etiam in personis Ecclesiasticis, puniat & castiget, quū sciat & agnoscat se suā auctoritatē à Deo solo habere. Debebant etiam addere talem vsum & talem consuetudinem plerisque Pontificibus probatam fuisse, qui eam pro bona & sancta habuerunt, vt apparet ex variis ipsorum Breuib. & Rescriptis. Iustum ad hæc erat, vt postquā ipsis compertum esset de hoc vso & consuetudine, & de iis quæ in dictis Breuib. habebantur, suæ Sanctitati notum facerent, exercitium huiusce iurisdictionis non solum Venetiis obseruari, sed etiam in omnibus aliis sui Dominii ciuitatibus. Quòd si plenè hoc compertum ipsis non erat, multo consultiùs & prudentiùs fecissent si exactam hac de re inquisitionem habuissent, nec ita temerè suam Sanctitatem imbuissent falsis & veritati contrariis delationibus. Iam quum id quod fieri debuit factum non est, forsan non intempestiuum erit id hodie manifestum facere in omnem bonū euentum. Et quū suprà satis dictū sit de iis quæ culpam reorū spectāt, non absolum erit hoc argumentum perpendere ita vt decet. Primò videndum est, an licuerit Magistratui nihili facere querimonias sibi subiectorū aut illos ad aliud tribunal reuocare, contra id quod fieri consuevit omnibus sæculis, & in omnibus similibus casibus, Magistratui, inquam, qui Rempub. debet bene administrare, & qui suis subiectis tenetur ius reddere. Et quid aliud fuisset, huic negotio manus non adhibere, dum è longinquis terris remedium

expectatur, quàm suos subditos deferere, eosque  
 ad certam desperationem adigere iniurias sibi illa-  
 tas nunquam punitasiri? Debebunt ergo Reipub.  
 Venetæ subiecti, iniuriis affecti tam grauibus &  
 tanti momenti, se sistere coram personis & tribuna-  
 libus tam longinquis, sibi ignotis, magno suo in-  
 commodo, magno dispendio, immò cum integra  
 sua pernicie, ut iudicium accipiant ab extraneo Prin-  
 cipe, aut ipsius ministris, quod vel nihilum, vel  
 tantillum possit sua damna sarcire? Et quis ignorat  
 quo tandem vergant sæpe Ecclesiasticorum iudicia  
 post tot & per tot annos exantlatos labores ab iis  
 qui se coram ipsis sistunt? Et quale cōmodum sen-  
 tiet qui iniuria affectus est vel in vita, vel in honore,  
 vel in facultatibus, si viderit eum à quo offensus, &  
 iniuria affectus est, nullam aliam pœnam subiisse,  
 nisi pœnitentiam quampiam salutarem, aut aliud  
 quid simile, quòd quidem salutem animæ respicit,  
 verùm nec restituit in integrum eum qui læsus est,  
 nec ipsius inecessitatibus prouidet? Quòd si in-  
 quiant, in certis casibus reum restitui brachio sæcu-  
 lari, ex eo manifestè apparet tales culpas, & tales  
 pœnas & condemnationes ex iure competere iis  
 qui rebus temporalibus & mundanis præfunt, non  
 autem iis qui solam curam spiritaliū habent in di-  
 tionibus aliorū Principū. Quòd si denuo dicūt Iudi-  
 cē status aut dominij Ecclesiastici (qui in similibus  
 casibus est merus Iudex tēporalis) legitimū & aptū  
 esse ad delicta enormia castiganda, multo melius id  
 exequetur Princeps, aut ministri ipsius, qui ex natu-  
 rali sua auctoritate melius norunt, & magis sigilla-  
 tim diiudicāt de omnibus accidētibus quæ sunt vel  
 de iure, vel de facto, quæ spectant vsum & consue-  
 tudi-

tudinē loci, & omnes alias considerationes, quæ coincidunt ad bonū rectū, & iustū iudiciū ferendum. Debebunt ergo tyrānicè oppressi à nōnullis discollis Ecclesiasticis, se Romæ sistere coram ministris Pontificiis, vt sibi ius reddatur vel super nece suorum consanguineorum vel affinium, super vi illata, super spoliatione, tum famæ, tum facultatum? Hoc certè esset perdere omnes subditos, quum illis non liceret, in vrgentibus suis necessitatibus, ad propriū Principem prouocare, & ab ipso iuari & protegi: ac ex hoc accideret, vt amor & timor, qui Principi debentur, in prauum affectum, immò & in odiū conuerterentur. Immo certissimum est, nisi in hoc casu admitterentur, & ipsis liceret suas querimonias exponere, ad eam desperationem redactos iri, vt propriis manibus iniurias suas vlciscerentur, & eas pœnas exigent quas ab extraneo magistratu consequi nequiuissent: idque maximo cum scandalo, & periculoso contemptu, non solum personarum, sed etiam totius ordinis. Tūcque nescio an Princeps deberet, vel forsan posset, illis frænum imponere: Quod si id tentaret, mitius erga illos se gereret ratione habita iuris denegati, vel saltem non redditī. Et quis non videt, in casibus suprà narratis, quā mirè affligerentur & angerentur animi eorum, qui tot ac tantis iniuriis affecti essent, cædibus, veneficiis, & id genus aliis, si iis via occluderetur Principem suū adcundi, quo possent à tam tyrannica oppressione liberari? Et quis ignorat quamplurimos alios, quum exemplo priorum viderent se non posse iuari, &, protegi ad id adactos iri vt collum iugo submitterent, & de sua salute desperantes, vnicum solatium in desendis suis miseriis & infortuniis haberent? Quis præterea non vi-

det, ciuitatem Vicentinam (nobilitate refertam, & populo viuacissimo, qui qualibet occasione arma capessit) periculum tumultus & dissensionis facile incurfurâ, & pungens hæc controuersia de fama fuisset prætermissa & neglecta? Et quale exemplû daretur aliis vt obedirent & reuererentur publica mandata & publica scripta, si impuniti manerent ij, qui ea ita turpiter contempserunt & sprete sunt? Quælibet ciuitas facile perturbatur & ciues ipsius in varias partes eant, si in potestate Principis non est huic malo remedium asserre per iustitiæ ministros. Repèrientur ne, qui non solùm contumaces erunt ipsius imperiis, inmò ea contemnent, ea calcabunt, quasi vellent ipsius dominationem excutere, & Principi non licebit ipsos castigare, ipsos punire? Quid tandem fiet de imperio & dominatione sua? Regnum duos non capit. Omnes prudentes politici, qui sæculis antea actis vixerunt, nullam aliam doctrinam agnouerunt. Quòd si hoc examinaretur cum vèra nostræ Religionis doctrina, cum præceptis & exemplo Christi, suorum discipulorum, omnium sanctorum patrum & Doctorum sanctæ Ecclesiæ, multò faciliùs hæc innotescerent, quoad spectant ad res mundanas & temporales. Verùm non constitui in hæc considerationes ingredi: alius forsan de istis opportunè differet. Satis mihi erit dixisse, Ciuitatem è Ciuibus conflatam esse: Ciues autem sunt ij, qui Ciuitatis beneficio fruuntur, dum inter se pacatè viuunt, dum ab iniuriis extraneorum defenduntur, dum sentiunt facultates & fortunas suas sartas tectas esse: in summa dum fruuntur iis bonis, ea felicitate, ad quam adipiscendam ciuium communionibus institutè sunt.

Verùm

Verum nihil horum assequi possumus absque ope legum municipalium & bonorum statutorum, & absque iurisdictionibus & iudiciis. Hic est ordo naturalis & essentialis, qui in omnibus ciuitatibus obseruari debet. A quo si quisquam immunis fiat in aliquo particulari casu, vel ob proprium meritum, vel ob aliam legitimam considerationem, tenetur agnoscere potestatem, munificentiam & liberalitatem illius qui eam immunitatem illi concedere potuit, assensumque suum præstare debet. Sed qui tali immunitate caret, & qui in omnibus commoditatibus, quæ hanc ciuilem vitam spectant, frui vult ciuis priuilegio, is naturâ debet se submittere legibus & statutis, quibus præmium probis statuitur, pœna verò & castigatio reprobis. Et ex hoc iure, quod habent imperia, ciuitates, & Principes in suos ciues, (quod quidem ius non imminutum fuit à Christo, sed confirmatum, utpote qui noluit regna è terris tollere, immò affirmavit se nolle vlllo pacto ipsorum participem fieri in eo quod res mundanas & temporales spectat) ex hoc, inquam, iure manifestissime apparet Rempublicam Venetam, ut Principem liberum, qui à nemine pendet, ex natura sui Principatus, auctoritatem habere in omnes suos subditos indifferenter. Quod si in quosdam ea uti noluit sua spontanea voluntate, effectis potius manifestata, quàm decretis, ex eo non sequitur illam non posse ea uti. Sed si in aliis temporibus credidit ita sibi agendum esse, ut magnum argumentum daret illius respectus, quem in casibus leuibus voluit deferre personis, qui aliam ob causam talem respectum demerebantur. Et licet Imperatores & Reges in suis Regnis & Prouinciis Ecclesiasticos exime-

runt à sua iurisdictione, non tamen id fuit in omnibus casibus: Sæpe enim usu venit ut in Ecclesiasticos animaduernerent: negari nequit Rempub. Venetam, (Princeps & ipsa tantæ amplitudinis & dignitatis, & quæ immediatè Reges sequitur) sua iurisdictione uti potuisse, ut reuera usa est. Et si boni auctores, tum Theologi, tum Iureconfulti affirmant, exemptionem Ecclesiasticorum manasse à concessione & priuilegio Principum, ut ex ipsorum rescriptis apparet, hoc quidem locum habet in propriis ipsorum ditionibus. Verùm in dominio Reipublicæ, quæ semper libera fuit, locum non habet tale Priuilegium, nisi appareat ipsius concessio: quæ quum non appareat, sed tantum constet de usu & consuetudine: quare à contrario locum non habebit idem usus & eadem consuetudo in beneficium ipsius Reipub. quæ ea usa est, & continuè ipsam exercuit in casibus magni momenti? Iurisdictionem in Ecclesiasticos in multis quidem casibus dereliquit, sed in grauioribus auctoritatem suam sibi conseruauit. Quod manifestè apparebit ex consuetudine à Republica obseruata in sua administratione per tot ac tot sæcula, ut cuius notum est. Præterea agnoscit Respublica se dominium suum à solo Deo habere, quod ipsi est ius fundamentale. Hæc consuetudo adeò æqua, quæ vim legis habet, quæ tot iustis & prægnantibus rationibus fulta est, quæ per tot annos, per tot ætates obseruata est, hodie ne in dubiū vocabitur? Et quid dici poterit firmum & stabile sub cælo, si hæc consuetudo, corroborata per cursum mille annorum & amplius hodie controuertatur? Vniuersalis administratio huiusce Reipublicæ  
ca est,

ea est, vt præter laudem quæ ipsi, eam ob rem, tribuitur, etiam in admirationem trahat extremas orbis partes: & nihilominus hodie reperiuntur, qui hanc identitatem continuatam audent corrigere & emendare. Omnes Principes, omnes populi illam laudarunt & commendarunt, & in casu, quo de agitur, omnes prædefuncti Pontifices, & quidam inter ipsos præcipuis scripturis & Breuib: & nihilominus hodiernus Pontifex, parui faciens iudicium vniuersale, & præcipuè suorum præfessorum, illam consuetudinem infringere & vituperare molitur. Iam verò quum de facto & vsu talis iurisdictionis dubitari nequeat, quum constet toties animaduersum esse in capita reorum atrocium & enormium criminum, non solùm Venetiis, sed etiam in aliis sui dominij locis, (res nota cuilibet hominum generi,) non abs re erit indicare, esse in Archivis Reipublicæ multa Breuia variorum Pontificum, scilicet Sixti quarti, Innocentij octauis, Alexandri sexti, Pauli tertij, & aliorum, in quibus duo sunt manifestissimè expressa: Vnum, Consuetudinem supradictorum iudiciorum censerì laudabilem & bonam, & quæ originem habeat legalem & canonicam. Alterum quòd mandatum sit Patriarchis, & ipsorum vicariis, ne illam consuetudinem interrumpât, immò potius intersint examini reorum, vbi vocati fuerint: cuius commissionis hæc ratio redditur, ipsorum præsentiam necessariam esse, vt rei merè Ecclesiastici possint liberè indicare conscios delictorum, nec tamen ob id incurrant in irregularitatis censuram. Ex quo concludi potest Pontifices illos auctoritatem Iudicis laici habuisse pro bona & iusta, tantum abest vt illam voluerint arguere vel

coercere. Affirmant præterea Breuia illa, auctoritatem illam non solum locum habere Venetiis, sed etiam in vniuerso totius Reipub. dominio, idque ita perspicue vt nihil supra. Et ex sola lectura ipsorum Breuium quiuis, etiam iudicij mediocris, facile intelliget, quod qui ista in dubium vocant, ij nodum in scirpo quaerunt, & scrupulum afferunt vbi & cum quibus non deberent: Nam satis esset suae Sanctitati, immo pergratum ipsi deberet esse, ius exerceri, & reos puniri & castigari, vt de medio tolleretur scandalum & opprobrium, quod orbi afferunt tales impij & scelerati: in summa, vt exemplo ipsorum castigationis & poenae, inflictae & adhibitae in iismet locis vbi delicta adeo enormia commissa sunt, absteriti alij abstinerent à similibus culpis, & à vita tam dedecorosa. Quod ad integritatem ipsius Reipub. in iure dicundo attinet, nemo est qui de ea dubitare possit: Id enim aperte testantur, non solum modo spontanea & voluntaria deditio tot populorum, (qui se ditioni huiusce Reipublice submiserunt, tum multis aliis de causis, tum praecipue ob aequitatem ipsius in iure distribuendo:) sed etiam natura, qualitas, & mores Iudicij: ipsorum aequitas & moderatio: numerus eorum qui huic muneri destinantur, potestas quae reis impertitur ex legibus antiquissimis, vt se defendere possint, & pleraque aliae conditiones & circumstantiae, quae ipsam charam reddant, non solum subditis, sed etiam exteris, quum ex remotissimis terris nobilissimae ciuitates & populi ipsam accesserint, vt ad ipsius normam, usum & administrationem iuris in suo dominio stabiliarent. Haec omnia possent fulcire aequitatem iurisdictionis Venetae: sed quia necesse non est in hisce immorari, quae, vt dictum



vt dictum est, in dubium non cadunt, præcipuè quum satis dixerim hac in parte pro Reipublicæ iure: Iam transeo ad ea quæ priùs dixeram, scilicet vt dissoluam paucas illas & debilissimas rationes, quibus innituntur Ecclesiastici dum fulcire volunt sua axiomata: deinde nonnulla etiam de lege ab ipsis dicta, *de bonis emphyteoticis*. Atque ita finem imponam huic Apologiæ. Omnes ipsorum rationes solo hoc & vnico fundamento nituntur, leges scilicet Reipublicæ, & iudicia ab ipsa lata in Clericos, etiam in casibus grauib; & atrocibus, esse aduersus libertatem Ecclesiasticam: cui contrariè, à Canonibus prohibetur: parùm piè & religiose agi cum eis dum à maiori acquisitione bonorum temporalium arcentur: dùmque impediuntur, ne noua templa construant: quæ quidem omnia dicunt probari scriptis professorum iuris. Quod ad hanc libertatem Ecclesiasticam attinet, amplius nobis daretur campus, si de ea vellemus ratiocinari. Nam hucusque non apparet fuisse decisum & determinatum, in quo verè consistat, & variè sunt sententiæ eorum qui de ipsius definitione loquuti sunt: alij enim volunt illam spectare priuilegiorum conseruationem: alij vt ipsis conseruetur id quod iure communi ad ipsos pertinet: alij verò ne quicquam in ipsos liceat, quod eos meticulosiores reddat, laicos verò audaciores. Vera libertas Ecclesiastica sumenda est ab ea quam ipse Christus habere voluit, & ipsius discipuli, & à doctrina Euangelicâ, & à reliqua Scriptura ab ipso manifestata in suo testamento, & ab Ecclesia in suis sanctissimis, venerandis, & generalibus Conciliis, verè dicta Canonica ab ipso Canonis nomine. Sed quia labor

hic esset longioris temporis, & quia forsan alij licebit huic tam bono operi vacare, mihi satis erit dixisse id quod manifestissimè apparet, Ecclesiasticos scilicet velle aliunde suam libertatem deriuare: vellunt enim sibi licere operari & agere libere, ne dicam licentiosè, omne id quod ipsis placeret & arrideret. Alij è contra credunt, & pro certo habent, illam licentiam, ferri non debere, nec tolerari: nullum enim Canonem reperiunt, nec vllam doctrinam Catholicam, quæ illis libertatem imperat, vllum iniuriandi vel offendendi, delicta patrandi in perniciem Reipub. seu priuatorum. Libertas Ecclesiastica nihil aliud est quàm ipsius Ecclesiæ libertas: & Ecclesiastici, (qui, si veri Ecclesiastici sunt, sunt pars & ministri ipsius Ecclesiæ) nullam aliam libertatem protendere debent, quàm libertatem ipsius Ecclesiæ: libertas autem Ecclesiæ est ea qua debet frui in proprio ministerio, docere scilicet, & operari doctrinam & præcepta Christi, suorum Apostolorum, & sanctæ Ecclesiæ: & qui executionem ipsius ministerij remoratur, is sese opponit libertati Ecclesiasticæ. Iam, quis potest dicere, Rempublicam impedisse vel minimum opus quod ad talem scopum vergeret? quod tantum abest vt fecerit, quin potius contrarium prorsus ab ipsa factum est: quod manifestissimè apparet ex iis quæ suprâ amplissimè dicta sunt: nam vel ab ipsa sua origine semper in corde & in operibus Religionem Christianam habuit, & vt longè latèque dilataretur procurauit, eamque protexit ac defendit in longè à se diffitis terris cum maxima sanguinis suorum ciuium effusione, cum maxima thesaurorum suorum

rum

rum profusione: quorum amplissimam fidem faciunt expeditiones in terram sanctam aduersus infideles: in Constantinopolim aduersus inobedientes Ecclesiæ Romanæ defensiones terræ Christianæ aduersus Saracenos iteratæ ac reiteratæ per longissimam annorum seriem: Suppetiæ latæ Romanis Pontificibus aduersus maiores orbis potestates & Principatus: reintegratio Pontificum in suam sedem: & ( vt tandem hunc sermonem finiam ) tot labores, tot ærumnæ, quas, vt antiquiora tempora missa faciam, à ducentis annis sustinet, existens agger & murus non inutilis aduersus impetum immensarum virium illius, qui absque obstaculo, quod illi Respublica Veneta opposuit, & quotidie opponit, fecisset forsan lachrymabilis progressus aduersus orbem Christianum. Iuuit ergo magnopere libertatem Ecclesiasticam Respublica Veneta, tantum abest vt eam impedierit. Curauit siquidem & voluit vt Religio Christiana dilataretur, conseruaretur & protegeretur: voluit vt quodlibet Ecclesiæ ministerium liberè exerceretur: voluit vt sana doctrina, conciones, Sacramentorum administratio, & omne aliud officium ad fidelium salutem spectans, & ad cultum Diuinum admitteretur non tantum à suis, sed etiam ab exteris: viam dedit ministris illarum sanctarum & utilium operationum (bonis scilicet Ecclesiasticis) qua commodè possent sustentari: Extruxit Tempia & Monasteria, illa dotauit multis thesauris: non tantum modo ob amplissimas facultates quas possident, sed quia illa ditauit venerandis tot Sanctorum reliquiis, quas in singularis pietatis signum, è longinquis terris accersiuit, transtulit, & in ipsis

templis locauit. Quomodo ergo potest argui, quòd libertatem Ecclesiasticam impedire voluerit? Vult quidem impedire prauas & sceleratas actiones, quæ tantum abest vt sint Ecclesiasticæ aut spirituales, quin potius merè sunt carnales & mundanæ, nihilque habent commune cum Ecclesiastico aut spirituali, immò ex diametro pugnant. Vult habere in suo dominio & ditione tot Tempia, tot Monasteria, tot Sacerdotes & Religiosos, qui abundè & largè fatis sint ad spiritualiter moderandos suos populos & subditos: vult præterea vt ij magnis diuitiis & magnis commodis polleant: sed vt Tempia & Monasteria occupent omne solum, & omnes facultates in ministros ipsorum transeant, vnde è contra spoliati sint subditi Reipub. omnibus suis facultatibus, & ad paupertatem radacti, nudi super nuda terra iaceant, vnde vires publicæ ad nihildum prorsus reducantur, hoc quidè nec iustū, nec conueniēs censet, nec promittere potest. Quòd si prima fronte appareat Canonem aliquem sentire contra Reip. decretum adeò iustum & æquum facilè huic objectioni responderetur à Professoribus ipsorum canonum, qui dicunt, in ipsis prohiberi statuta & Decreta Principum, quæ prohibent vniuersum commercium cum Ecclesiasticis, & quæ illis modū viuendi auferunt, nolentes vt laici illis panem vel vinum vendant, grana sua molant, vel tale quid ipsis subministrant, quod vitæ & sustentamento ipsorum vsui sit. Præterea multi censent, tales Canones locū non habere nisi contra ea statuta & leges, quæ generaliter & absolutè, & absque legitima causa prohibēt alienationē bonorū laicorū in Ecclesiasticos. Alij affirmant, statuta Principū ab illis Canonibus infir-

infirmata non esse, nisi quādo apparet aut cōiicitur ipsa lata esse in Ecclesiasticorum odium, aut quod prima intentio & scopus legislatoris, sit illis damnum aut incommodum asserre. Quæ quidem circumstantiæ sunt prorsus alienæ à legibus Reipub. Venetæ: Leges enim illæ non prohibent absolute alienationem illam, aut constructionem nouorum Templorum aut Monasteriorum, sed solummodo ne fiant absque Principis licetia. Nec dici potest illas absque iusta causa latas esse, quum ex narratione, quæ de ipsis facta est, appareat non vnā, sed plures, & maximi pōderis causas occasionem dedisse cur conderentur. Est præterea apertissima & certissima hæc veritas, in illis legibus nullā mentionē fieri bonorum Ecclesiasticorum, aut cōmoditatum ipsorum, nec colligi potest vllō modo hunc scopum habuisse legislatores: sed tantummodo fit mentio bonorum laicorum, & ad personas laicas diriguntur, quibus regula & norma proscribitur de suis bonis disponendi potius in hunc modum quā in alium. Quodd si ex commodo laicorum emanaret, secundario, & propter legislatoris mentem, incommodum aliquod Ecclesiasticis, quomodo ex eo culpa-ri potest legislator? Verum, quæso, ad hæc mihi respondeatur: Si priuata persona, si paterfamilias normam velit suæ domui præscribere, suæ mulieri, suis filiis, sanciat, vt ex suis facultatibus tantum impendatur, in fabricas, tantum in victum, tantum in vestimenta, tantum in eleemosinas pauperibus Ecclesiasticis erogandas: & pro incremento aut detrimento facultatum suarum, mutet etiam & variet legem illarum impensarum, potest aut debet Ecclesiasticus ille, cui prius

impertiebantur tantæ eleemosynæ,conqueri & arguere patrem illum familiæ quòd malè agat? Poteritne dicere talem imminutionem aut restrictionem esse contra libertatem Ecclesiasticam? Princeps est paterfamilias,dispensat in tempore & loco facultates suas,facultates subditorum, fabricat Tempia,solum concedit in sua ciuitate, in suo dominio, dat possessiones & redditus in magna copia, cum magna pietate & Religione:animaduertit, manus suas satis liberales fuisse: si vltèriùs progrediamur,familiam suam,(populum scilicet suum) grauius læsam iri.Eadem pietas,eadem religio, & iustitia,illi auctores sunt vt frænum suæ liberalitati imponat.Dicit tamen suis liberis (nam subditi ipsius illi sunt liberorum vice, & illis vt liberis moderatur)ne easdem quas antea impensas faciant,se velle videre & audire suas dispensationes, vetare ne absque ipsius permissione & sententia tale quid fiat; sententia, inquam, quæ ad nihil aliud spectat,quàm ad subditorum commodum: & hoc Princeps facere non poterit? Et dicetur illi, Canonem aliquem id illi prohibere? Canonem, inquam, aut perperam, aut non ex vero sensu interpretatum? Canonem quem nonnulli affirmant obligare non posse eum qui non ipsum accepit? Circa quod argumentum bonum est vt omnes intelligât, quòd licet Vnus vel plures Canones,ex iis,qui à Pontificibus conditi sunt, inferant aliquid contrarium vbi agitur de exemptione personarû Ecclesiasticarû à Principum subselliis,habent etiam ipsi Principes qui sibi faueant,& qui cum ratione scribant, pro ipsorum potestate in Ecclesiasticos.Axioma hoc certum & firmum habetur ab iisdem Iuris Professori-

bus,

bus, quod ubi agitur de rebus temporalibus, debent Canones locum habere, si à Principibus pro bonis accepti sunt, & si apud eos in usu sunt. Accidit etiam ut quædam ex dictis Constitutionibus, in Principum præiudicium conditæ fuerint retractatæ & abolitæ, postquam ipsi Principes de illis conquesti sunt. Verum res ita se habet, leges Reipub. Venetæ contrarias non esse Canonibus benè intellectis: id quod manifestè apparebit ex diligenti disquisitione quæ super hac materia facta est à Professoribus Iuris Canonici, si necesse fuerit ut ipsorum consilia & citationes in publicum prodeant: quorum quidem consiliorum cardo præcipuus hic est, deberi attendere ad finem præcipuum, & ad præcipuam Legislatoris intentionem, non autem ad id quod secundariò & accessoriè inferri potest præter præcipuum finem & obiectum. Quod si Respublica Veneta hunc scopum suis legibus statuit, conservare scilicet vites Principatus sui & subditorum suorum, securitatique & quieti publicæ providere, ut verè hunc habuit finem, quod negari nequit, nemo iustè conqueri de ea potest, nec suarum legum correctionem protendere. Addo præterea, leges illas non solum bonas esse & sanctas propter præcipuum finem, sed etiam propter secundarium, qui inde sequitur, quod quidem maturè examinatum fuit à Republica, ut pote à sapiente & prudente Principe, per tot considerationes, quæ superius narratæ sunt. Forsan dicent Ecclesiastici, suas diuitias maiores non futuras, numerum Templorum & Monasteriorum maiorem non futurum, Abbatias, Commendas non plures futuras: Quod si delicta ipsorum puniantur, libertas agendi quodcumque li-

buerit, illis tolletur. Sed facillimè illis respondetur: primò, quia per Reipub. leges, hoc non absolutè iis prohibetur: immò possunt ac debent sperare ab ipsius pietate amplificationem suorum reddituum, cum ea moderatione quæ ipsis conuenit: & licet hoc non sequeretur, non tamen hanc intentionem habuit Respublica, quæ vnicum hunc finem sibi proposuit, conseruare scilicet laicis suas fortunas, & sibi suas vires. Ast quod attinet ad punitionem delictorum, si bene agant, vt illos decet, preculdubio iudicium Reipub. non incurrent: nos enim hanc viam dócuit, potestates Principum non timere, is qui à Deo vocatus, missus est ad omnes gentes docendas. Et dum addunt, se damnum ex legibus illis passuros, id nego. Damnum pateretur is, cui auferretur vestis, vinum, numi, aut tale quid ex facultatibus quas possidet, sed si aliquis nolle dare vestem suam, aut aliud ex suis facultatibus, quia iis eget, is cui hæc denegantur, non poterit con-  
queri sibi damnum aut iniuriam fieri. Pessimi exempli esset, videre Ecclesiasticum ingredi in domum alienam, vt domino facultates auferret, aut ipsum offenderet vel in fortunis, vel in corpore: vnde tamen expelli nolle, quia diceret se incommodum aut damnum ex illa expulsionem passurum. Quæ suprà dicta sunt, satis respondent iis qui Rempublicam arguunt parum in se pietatis aut Religionis habere. Hoc tantum modo addam, Rempublicam Venetam natam esse Christianam, & Catholicam, talem sese conseruasse, nec vnquam fidem Catholicam deseruisse, idque per annos milles ducentos continuos, nunquam vlla hæresi contaminatam fuisse: quod facile affirmari non potest de  

plurisque



plerisque provinciis Christiani orbis. Et quum  
adeò sedi Romanæ obsequens fuerit, cui bono in-  
uehuntur quidam in eos qui ab alienati sunt ab ea?  
cui bono argumentantur à vera Pontificum suc-  
cessione in ipsa sede, à continuata identitate obse-  
quij & reuerentiæ erga ipsam? Dicerem aliquid  
de iis scriptoribus, qui opinionem diuersam te-  
nent, & à quibus Ecclesiasticorum causa propu-  
gnatur: sed existimans laborem illum mihi non  
competere, examinandi scilicet ipsorum scripta &  
opiniones, hoc tantum dicam, nonnullos ex ipsis,  
quum non peruenerint ad eum usque terminum  
politicum, qui dici potest architectonicus earum  
legum & iudiciorum de quibus agitur, non posse  
de his eam perfectam analysin dare quæ dece-  
ret, (non quidem ob ipsorum defectum, sed quia  
ad acquirendam eam cognitionem necessaria est  
longa & continuata experientia,) nonnullos verò  
in partes Ecclesiasticorum facile transiisse, timore aut  
spe ductos aut aliis similibus affectibus: necnò etiā  
quosdam qui non ad vnguem certiores facti fue-  
rant multarum rerum particularium, quas necessa-  
rium erat rescire in materia tam graui, & tanti  
ponderis. Verum à calamo eorum, qui sunt eius-  
dem professionis, valde conuenienter & aptè re-  
sponsum est Ecclesiasticorum argumentis: ab iis,  
inquam, qui diu versati in publicis administratio-  
nibus, & ab omni passione liberi, secundum ius di-  
uinum & humanum incedunt: illud desumptum ex  
sacra Scriptura, qui verus & præcipuus Canon est:  
hoc verò ex lumine intellectus. Suntque hi non pau-  
ci, pluresque forent, si liceret illis dicere & scribere  
id quod sentiunt. Quod attinet ad caput de bonis

emphyteoticis , quod habetur in principio & ipsa fronte Edicti vel Monitorij publicè editi aduersus Rempublicam Venetam , postquam aliquid de eo dixerò, idque quàm breuiter fieri poterit, nullus erit, qui non valde obstupefiat , quum viderit & audierit modum , quo vsi sunt ij qui hoc negotium tractarunt: Id quod magis ac magis omnes inducet vt credant benignitatem Pontificis fuisse deceptam ac delusam falsis delationibus eorum aut quorum res agebatur , aut qui affectibus non moderatis distrahebantur: quique in causa fuerunt , ne peius dicam, vt citiùs quàm par fuisset, de hoc negotio Pontifex constitueret. Prima causa querimoniarum suarum Sanctitatis in eo Monitorio hæc est, Rempublicam legem condidisse , qua Ecclesiasticos excludit à prælatione & acquisitione bonorum emphyteoticorum, ita vt nec per prælationem, nec per consolidationem directi, nec per linearum extinctionem acquirere possint dicta bona: attamen apparet in ea lege, de qua in ipso Breui agitur, nullam prorsus mentionem fieri bonorum emphyteoticorum : quod manifestè arguit non tantummodo non consideratam fuisse dictam legem, neque validissimas rationes, quas habuit Respublica, vt illam conderet , sed forsan ne lectam quidem fuisse. Agitur de vna lege, hoc est de magna discussione, & de magna ratiocinatione , publicam administrationem spectante, vt fieri solet in condendis omnibus legibus: agitur etiam de legislatore & auctore ipsius nullo pacto contemnendo , Respublica, scilicet, Veneta, Principe sapiente & prudenti, & quæ in omnibus sæculis leges constituit tantæ æquitatis & tantæ iustitiæ, quas desiderarunt omnes ceteri, admirati sunt & reueriti tot populi sui boni subditi:

subditi: & nihilominus prætendunt illam corrigere, abolere, & pro nulla habere, non solum non habita super ea matura deliberatione quæ decet, sed etiam ea non intellecta, immò nec visa. Si, qui legitimus Iudex ipsius esset, nequiret nec deberet, nisi re valde maturè cogitata & expensa, sese immiscere ad illam corrigendam aut emendandam: quomodo potest humanum ingenium capere, ut qui Iudex non sit, (quique nihil aliud potest afferre, nisi quod prætendat aliquod gravamen) possit ex relatione male facta, & à vero aliena, de re quæ in facto sita est, sine ea diligenti disquisitione quæ in iis casibus necessaria est, & quantum ordinem spectat. & quantum meritum, non solum constituere & terminare ex suo iudicio, sed etiam prorumpere ad eos excessus, quos tandem necesse est in conspectu totius orbis improbari, nec bene intelligi. Loquuta est Respublica in supradicta lege de prælatione Ecclesiarum super bonis à laicis possessis; quæ quidem omnia bona possunt esse alterius naturæ quàm emphyteotica: quædam enim ipsorum ab Ecclesiasticis liberè transierunt in laicos, sine vlla obligatione; alia cum certa, determinata & valde exigua pensione vel recognitione, quæ census vocatur: alia sub titulo longissimæ, immò perpetuæ locationis. Hoc genus, quod in maximo numero reperitur & quod magnā summam excedit, maiori ex parte iam per centenos accenenos annos transiit in laicos, quin illius qualitatis essent, ut nullo pacto colerentur, nullusque ex iis vel etiam minimus fructus perciperetur, ita ut (ut ita dicam) ab omnibus essent derelicta, Eruntque ea bona, industria laicorum, impensis, sudoribus, ad eum terminum adducta qui hodie

apparet, siue ea defenderint ab inundationibus, & vi fluminum, siue ea aquis purgarint, siue alia industria & labore meliora reddiderint: ita ut ex paludibus facti sint fertiles campi, cum immensis impensis & operibus: & quum ex illis agris deberent fructum percipere proprii sudoris & sanguinis quem impenderunt in eorum culturam, hunc omnino iis priuabuntur? Ius non consentit, honestas non permittit, nulla lex id iubet in tali bonorum natura & qualitate: Quibus addentes nunquam id consuetudine & iudicia tolerasse, difficile credi potest, quod nec ij, qui per hæc media ad maiores diuitias adspiciunt, possint bona cum conscientia id sentire. Quod usus & consuetudo tales fuerint, ex ipso facto probatur: Tantum enim abest ut Ecclesiastici soliti sine recuperare dicta bona in supradictis prælationis casibus, quin potius apparet contrarium in usu inueterato esse: infinitæ enim altercationes super iis bonis ab vno in alterum possessorem laicum, per omnia contractuum genera, nunquam impeditæ fuerunt ab Ecclesiasticis, nec ipsi vnquam admissi sunt ad prælationem. Quod si aliquando quispiam tentarit præferri, apparent clarissima iudicia & decreta Principis, qui nunquam voluit ut id genus cogitationes locum haberent. Et causa suorum iudiciorum & decretorum, semper fuit corroborata tot rationibus ac forsan maioribus, quot erant illæ quæ supra adductæ sunt in fauorem legis de bonis laicis supra nominatæ: ita ut in cassum lata fuisset illa lex, si hæc, quam vocant de bonis emphyteoticis, antiquata fuisset. Si enim locum deberet habere dicta prælatio, tot ac tantæ essent confusiones & reuolutiones eorum qui bona possident in dominio Reipublicæ,

blicæ, vt non remaneret nec ciuitas nec castrum, & in quibusdam locis nec pagus, nec villa, nec forsan domus, aut familia, aut persona, quæ non in periculum incideret spoliationis suorum fundorum, aut saltem aliquid molestiæ pateretur. Præterea testamenta, donationes, venditiones, emptiones, contractus dotales, & id genus conuentiones bona fide iactæ, & longissima possessione firmatæ, securæ non essent, & super ipsis nasci possent tot controversiæ, tot lites & discordiæ, vt difficile vel impossibile esset illas pacificare aut componere. Hi attentatus sunt nimij, & nimis periculosi: ob idq; Princeps & Respublica nunquam id ferre voluerunt, immò extant statuta expressissima ad fulciendas bonorum possessiones, & ad correctionem eorum qui ausi sunt mouere id genus humores. Sed quia hæc statuta non satis erant ad reprimendum desiderium quorundam Ecclesiasticorum, qui cæteris potentiores cœperant molestiam laicis inferre, nō potuit Respublica, quin ad clariorem & magis perspicuam decisionem huiusce materiæ veniret, quod prædicta lege præstitit, vt clariùs innotesceret omnibus iudicibus voluntas publica, iuxta quam deberent dictare sua iudicia in omnibus casibus. Nec potest in dubium vocari Reipub. auctoritas in ea lege condenda: primùm, quia super id genus bonis semper iudicatum est à Iudice laico: immò ipsimet Ecclesiastici in ipsum consenserunt, & ad illum liberè prouocarunt. Et quum manifestum sit, Iudicem laicum non ab alia Potestate debere legem accipere, quàm à Legislatore suo, cuius potestas est laica, sequitur necessariò Rempublicam iure potuisse legem condere quæ formam iudicandi

præscriberet suis Iudicibus. Additur præterea, quòd eorum bonorum natura, quæ est, aut in solidum, aut maiori ex parte, ob tot meliorationes, iuris laici, nō finit ut possessor possit coram alio Iudice sisti. Possem addere, ipsos Pontifices, (ad quietem populorum, qui ab ipsis recto cum dominio temporali, incurrebant periculum magnorum tumultuum & perturbationum, & inter se, & cum Ecclesiasticis) similes prouisiones sanxisse in casib. multo strictioribus: ut apparet ex vna Constitutione Bonifacij noni facta super hoc argumento pro ciuitate Ferrariensi, quam ipsemet vidi. Possem præterea adducere exemplum similium Constitutionum & consuetudinum in aliis dominiis. Sed videns, copiam & abundantiam rationū me multo vterius portasse quàm cogitarem, quum (præter id quòd spoponderam me super hoc capite breuiter dicturum) non deceat ut in re, de qua Pontifex non egit cum Republica eo modo ac eo ordine quo decebat, (vnde nec Respublica potuit, nec necessarium censuit curare ut suum ius manifestum fieret) labor infumendus sit, qui in tempore & loco infumetur. Tandem concludam, dicendo, quòd quum Respublica habeat à suis partibus tot ac tam firmas rationes, & quum nullum errorem commiserit, nec vllō modo peccarit, immò peccasset, si aliter se gessisset, quia res subditorum suorum nō bene administrasset, nec securitatem & quietem sui dominiij sartam rectam conseruasset, eas, inquam, ob causas pro certo habet legitimè non potuisse corrigi, nec censurari à sua Sanctitate: immo sperat ac planè confidit se à Domino Deo & ab ipsius clementia adiutam iri, & vota ipsius exaudita fore. Non dubitat etiam,

Deo

Deo propitiò & opitulante, iustitiam causæ suæ iu-  
uatam iri & protectam ab omnibus Principibus &  
populis, quorum res non minus agitur quàm ipsius  
Reipub. Et tandem sperat suam ipsam Sanctitatem,  
(postquam à proprio iudicio consilium petierit, &  
remouerit à se consilia eorum, qui aliqua passione  
& affectu moti, aliter quàm par est, ei persuadent)  
apertè agnituram & admissuram pro bonis, suas va-  
lidissimas rationes, & suas iustas considerationes.  
Det Dominus Deus, vt id fiat, in beneficium com-  
mune, & totius orbis Christiani.

Ego, Petrus Antonius Ribetti, Archidiaconus, Vi-  
carius generalis, approbo quæ supra scripta sunt,  
& affirmo in eis nihil contineri quod fidei Ca-  
tholicæ contrarium sit.

Ego, Frater Paulus à Venetia, serenissimæ Reipu-  
blicæ Theologus, legi & examinavi quæ supra  
scripta sunt, & reperi conformia esse sanctæ fidei  
Catholicæ.

Ego, Frater Bernardus Giordani, Theologus Fran-  
ciscanus, affirmo vt suprà.

Ego, Frater Michael Angelus Bonicellus Venetia-  
nus, Lector Theologus, Minor obseruantinus,  
affirmo vt suprà.

Ego, Frater Marcus Antonius Capellus, Minor  
conuentualis, Theologus, affirmo vt suprà.

Ego, Frater Camillus Venetianus, ordinis Sancti  
Augustini, Theologus, affirmo vt suprà.

Ego, Marcus Antonius Pellegrini, Doctor & E-  
ques, vnus Lectorum in iure primariorum Aca-

demia Patavina, visa, intellecta, & considerata scripta supradicta, sentio, vt mea fert opinio, ea, quæ in ipsa continentur, conformia esse terminis iuris.

Ego, Marcus Antonius Ottelius, Lector ordinarius in primo loco Iuris civilis, manè, in Academia Patavina, quantum attinet ad terminos legales, idem affirmo.

Ego, Giouachinus Scafnus, Lector Iuris civilis inter primarios, in Academia Patavina, vespèri, quantum attinet ad terminos legales, idem affirmo.

C O N-





# CONSIDERATIO

SVpra CENSVRIS

Sanctitatis Papæ Pauli V.

CONTRA

## SERENISSIMAM

VENETIARVM

REMPUBLICAM.

P. M. PAULI VENETI

de Seruorum Ordine.

PSAL. CVIII.

Maledicent illi, & tu benedices.



IMPRESSA ITALICE VENETIIS

Apud Robertum Meietum:

M.DCVI.

*Sancti venia Superiorum.*

The first of these is the  
 fact that the system is  
 not self-sufficient. It  
 requires a constant supply  
 of raw materials and  
 energy. The second is  
 the fact that the system  
 is not self-sufficient. It  
 requires a constant supply  
 of raw materials and  
 energy. The third is the  
 fact that the system is  
 not self-sufficient. It  
 requires a constant supply  
 of raw materials and  
 energy. The fourth is the  
 fact that the system is  
 not self-sufficient. It  
 requires a constant supply  
 of raw materials and  
 energy. The fifth is the  
 fact that the system is  
 not self-sufficient. It  
 requires a constant supply  
 of raw materials and  
 energy. The sixth is the  
 fact that the system is  
 not self-sufficient. It  
 requires a constant supply  
 of raw materials and  
 energy. The seventh is the  
 fact that the system is  
 not self-sufficient. It  
 requires a constant supply  
 of raw materials and  
 energy. The eighth is the  
 fact that the system is  
 not self-sufficient. It  
 requires a constant supply  
 of raw materials and  
 energy. The ninth is the  
 fact that the system is  
 not self-sufficient. It  
 requires a constant supply  
 of raw materials and  
 energy. The tenth is the  
 fact that the system is  
 not self-sufficient. It  
 requires a constant supply  
 of raw materials and  
 energy.



## CONSIDERATIO P. M. PAULI.

**R**espublica Veneta semper existima-  
uit præcipuum omnis Imperij & di-  
tionis fundamentum, esse veram re-  
ligionem, & pietatem, Deiq; singu-  
lari beneficio cognouit se in ea na-  
tam esse, educatam, & vero cultu diuino ma-  
ctam, quem semper magna cura & sollicitudine augen-  
dum curauit, præsertim in multa sacrorum ædificio-  
rum exstructione, eorúque magnifica adornatio-  
ne, suppeditans illis doctos ministros, & recipiens  
illos Religiosorum ordines, quos in Ecclesia Ca-  
tholica tempora paulatim produxerunt. Cuius rei  
magnus Ecclesiarum opulentarum numerus, &  
Monasteriorum amplitudo, non solum in Veneta  
ciuitate, sed etiam in aliis subditis, manifestam fi-  
dem faciunt: idque semper cum opportuno & neces-  
sario respectu, vt omnes illos euentus qui nocere  
possent ciuitatibus & ditionibus, per nouitates quæ  
introducuntur, sub prætextu Collegiorum, Contra-  
ternitatum, aut Concionum, & damnum & pericu-  
lum, quod afferebant publicæ tranquillitati ingen-  
tia ædificia exstructa, & in locis importunis collo-  
cata, arceret. Ideoque semper considerauit quinam  
in suam ciuitatem introducerentur, & quo in loco  
fundarentur Monasteria & Ecclesiæ, vt possent e-  
iusmodi homines recipi & sustentari: & cum co-  
gnouisset communem diligentiam & quotidianam  
non sufficere, ad annum vsque 1337. lege sanciu-  
it, ne Venetiis ædificarentur Monasteria, Xenodochia,  
& similia loca sine priuilegio. Quam legem confir-

mauit & innouauit anno 1515. & 1561. Sed videns adhuc esse necessarium vt ita prospiceret aliis suis terrestribus & maritimis ciuitatibus, imperauit suis Rectoribus vt non permitterent vlli Religioso aut Laico ædificare Monasteria, Ecclesias, Xenodochia, aut alios Religiosorum, aut profanorum Conuentus, sine Senatus priuilegio, sub exilij pœna, personis, & ædificiorum & fundorum in publicum additionis.

Eadem Respublica semper existimauit, se eodem modo in posterum cum sinceræ & incorruptæ iustitiæ suis subditis administratæ vsu, quemadmodū antea se palàm conseruarat, debere conseruari, non ignorans scripturam diuinam dicere, *Regnum de gente in gentem transfertur, propter iniustitias, iniurias, contumelias, & diuersos dolos* (Eccl. 10.) & contrà, *Rex qui iudicat in veritate pauperes, thronus eius in æternum firmabitur.* (Prouerb. 29.) Itaque conseruans vnumquemque in possessione suorum bonorum, cum defensione & specifica sospitatione honoris vniuscuiusque, retinuit, & conseruauit semper foeliciter quietem & tranquillitatem publicam. Quæ ne indebita vsurpatione, & alieno detrimento turbaretur: cum sæpissimè in atrocibus delictis varij Ecclesiastici reperti sint: qui vitæ & morum probitate, secundum officium suum, debebant esse immunes à criminali iustitia: non tamen non vsa est ea aduersus eos, quantum publica tranquillitas requisit, concedens nihilominus iis immunitatem à magistratibus, in communibus delictis, vt illi ordini, vicinorum Principum exemplo, faueret: hoc modo semper improbis terrorem incutiens, & læsos consolans. Et ita potestatem sibi à Deo datam exer-

exercens, ab originis suæ principiis ad hoc usque tempus sine vlla interruptione, Iudicare & grauia quantumuis Ecclesiastici alicuius, cuiusuis gradus & ordinis peccata punire solita est: Vnde perrexit frui & exercere cū publica tranquillitate antiquā & absolutam veri sui Imperij libertatē. Pariter ipsa Respublica semper curauit vt subditi sui possessionibus firmisque bonis abundarent, nō ignorans trāquil-  
litati publicæ plurimū prodesse si priuata societas statu cōmodo vteretur: vbi iā circa 300. annos, cepit animadvertere Ecclesiasticos quotidie possessio-  
num & censuum auctionem quærere: res quæ (licet ipsi eò non spectarent) nihilominus non solum in laicarum familiarum detrimentum, quas neces-  
sariò deficere oportebat, diminuta bonorum quan-  
titate; sed etiam in damnum publicorū prouētuum & facultatum publicarum vertebatur. Ideoque cū imminueretur semper ciuium numerus, qui intenti erant & ciuili administrationi inseruiebant, & defi-  
ceret bonorum ipsorum quātitas, quibus bonis pu-  
blici prouentus nituntur: & contrā augeretur Eccle-  
siasticorū numerus, qui se ab omnibus illis Reipu-  
blicæ necessariis muneribus immunes putāt, & cū au-  
gerentur ipsorum bona, quæ legibus soluta esse  
arbitrantur, necessarium erat vt tandem res publicę  
breui diminuerentur. Addebatur necessarium esse  
tandem cū Ecclesiastici nō possent vnquam rem  
vllam alienare nisi cum suo aliquo cōmodo, & cū  
perpetuæ essent Ecclesiæ, si semper acquirerent,  
Laici verò semper diminuerentur, vt bona omnia  
in Ecclesiasticorum manibus restarent, extingueretur  
omnis Nobilitas, omnisque politia, mundo ad  
duas hominum cōditiones, Ecclesiasticorum nem-

pe & Rusticorum, redactio.

Vt prospiceretur tunc tam noto & tam graui periculo Respublica anno 1333. statuit vt Ecclesiis non daretur aut legaretur vllum bonum stabile in perpetuum, in Ciuitate & Veneto ducatu, & si legaretur post certum tempus venderetur, pretio ipsis Ecclesiis restante: quæ lex variè obseruata fuit ad annum vsque 1536. cùm hac forma scripta fuit, vt à nullo legarentur bona firma Ecclesiis nisi ad duos annos, quo tempore venire deberent, & si id ab Ecclesiastico nõ fieret, exequi magistratus officium erat. Et ex supradictis legibus, tanta sequuta sunt publicè, priuatimque bona, vt quædam ex subditis ciuitatibus, municipibus idem decreuerint, partim olim, partim hisce nostris temporibus. Quibus à Senatu perspectis, vt in vnum totum suum Statum redigeret, & bonorum Laicorum imminutioni prospiceret, anno 1605. legem quæ in ciuitatis Venetæ gratiam constituta erat ad vniuersum simul Statum extendit. Addendo nullum in Veneta Ciuitate, aut Statu posse, sub quoquam prætextu vendere, dare aut alio quouis modo firma bona Ecclesiastico emancipare, sine Senatus priuilegio, concedendi eodem modo quo bonorum publicorum alienatio conceditur, omnemque alio modo factam alienationem irritam esse, & stabilia bona in publicum addicta, pœna quoque ipsis Notariis indicta.

Quibus de causis, tribus annis ante 1602. vt temperaretur superflua quæditorum Ecclesiasticorum copia, qui sub prætextu rationum ritè à se allatarum in bonis quæ à laicis possidebant, quotidie sui iuris reddere conabantur: modò cum hoc, modò cum illo

Nō possessorū altercantes, nomen Enphyteoticorū imponentes Censibus & Locationibus perpetuis, & ideò excitantes quasdam rationes, prolatas nempe esse venditiones, aut decidisse possessores, aut bona ad cuiuslibet conditionis hæredes peruenire non potuisse, multo cum subditorum detrimento, qui continuò litibus vexabantur, & inuolvebantur. Constituit Senātus propter quādam cōtrouersiam à Monachis Pragensibus motam, Ecclesiam non posse sibi bona à Laicis possessa vindicare.

Quod constitutum fuit iuxta consuetudinem, à ducentis annis iam & ampliùs senper obseruatam, & innumerabilia iudicia in conformitate sequuta, vt tollerētur cōtrouersiarū & litiū occasiones, & vt forma scripta iudicib. in omni casu sequēda daretur.

Hæ leges, cōstitutiones, & Iustitię administrationes optimè cōstitutæ visæ sunt, nō ignoratæ, verū obseruatæ à Superiorib. Pōtificibus, tā propter cōtinua Ecclesiasticorū huiusce Status cōsilia, quàm propter priuata quæ quotidie à Nūtiis suis hanc ciuitatē incolētib. recipiūt; sine qua re ex se ipsis multi Pōtiffices plenā cognitionē habuerūt: alij q̃ nati essēt & educati in hoc Statu, alij quòd priuatim viuētes officio Cōfessoris per multos annos functi essēt, quidā Inquisitoris munere, quidam verò quòd alicuius Ciuitatis Episcopi fuissēt. Ita vt ad omnē Pōtifficem aliquomodo iustitiæ, & æquitatis Venetæ legis, iudiciorūq; magistratū Venetorū cognitio perueniret. Vnde cōiiciēdū ab iis probatos esse Pōtiffices, cum tacuerint. Sēper exercuerūt iudicia in Ecclesiasticos iudices, & hætenus, quàm hisce tēporib. frequentius: & constitutiones aut supra scriptæ leges antiquissima omittētes monumēta, iam à 300. annis

& amplius in vsum venerunt, licet vltimis hisce temporibus confirmatae fuerint, aliae ex lege non scriptae, cum qua obseruabatur, stabilitae sunt, scriptae, & ita tandem typis mandatae, & promulgatae. Quarum vnam anni 1602. & alteram 1603. vidit Papa Clemens studiosissimus & diligentissimus, sed iis omnibus non satisfactum est Sanctitati Papae Pauli V. Cui, incognita de occasione, in Pontificatus sui principio leges & Iudicia Reipublicae examinare placuit.

Et sub extremum Octobrem superiorem in quotidiano auditorio, conqueritur cum ipsius Reipublicae Legato, cur dum vacua esset Pontificia Sedes, legem sanciuisset quae prohiberet ne Ecclesiastici firma bona acquirerent, addens, quamuis ut aliis primae constituta fuisset, nihilominus Canones inuvalidam reddere etiam antiquam ut & nouam, ideoque velle ut plane nulla esset, praecipiens Legato ut hanc suam voluntatem Reipublicae notam faceret.

Quo peracto, & accepto mandato à Senatu reddendi rationem Pontifici causarum & aequitatis legis, & potestatis quam habet Respublica eiusmodi decreta constituendi, Pontifex intentus suae deliberationi, aperte dixit se audire ut satisfaceret, non ut rationibus allatis ullomodo considerationis locum daret, & conclusit se velle ea de re mittere breuem Veneris adhortationem, & ostendit excommunicationem, quam typis mandari iusserat aduersus aliam Ciuitatem, inuens se in eiusmodi rebus responsa nolle, aut rationum allationes, sed promptam obedientiam: subiunxitque aliam querimoniam de detentione cuiusdam Canonici Vicenzensis superioribus mensibus, & Abbatis Neruesani, dicens se velle ut restituerentur foro Ecclesiastico,

et si



etſi Reſpublica poſſit exercere iudicia in Eccleſiaſticos, neque ad eius condicionis homines, neque ad id genus delictorum, propter quæ ſupra dicti in carcerem coniecti ſunt, extendatur.

Et hîc non erit inutilis paululum digredi vt recitentur cauſæ propter quas rei iſti in carcerẽ coniecti ſunt, Brandolinus Valdemarinus Abbas Nerueſanus reus factus fuit, & accusatus de multis tyrannicis facinoribus in fortunas, & vxores eorum qui ſibi circumiacentes regiones incolebant; quod veneno è vita multos ſuſtulſſe, atque etiam religioſum ſacerdotem ſuum domeſticum: & venenum præbuiſſet Patri & cuidam Fratri, quòd multos homines curafſet necandos: rem continuò cum germana quadam ſua habuiſſet: multa magica & impia perpetrafſet, vt tandem ad turpitudinis ſuæ cumulum perueniret, & de aliis multis, quæ ſine horrore non poſſunt peculiariùs recenseri accusatus fuit, vt patet in denuntiationibus, & querimoniis à variis in illum excitatis, Et Scipio Sarracenus Canonicus Vicentinus accusatus fuit, quòd per contemptum publica inſignia Rectorum Vicenſenſium appoſita Episcopatus Cancellariæ, in ſede vacua, ad ſecuritatem, & cuſtodiam, ſcripturarum & rationum Episcopatus, petitione & inſtãtia Cancellarij illius loci: & præterea quòd inſultafſet in nobilem domum viduã de præcipua Vicentinorum familia, propinqua ſua, pollutis foribus & ædibus, poſtea quòd tentafſet diu indecoris modis eius caſtitem cum publico ſcandalo, quia non abſtinebat, iſte etiam in Eccleſiis à libidinofis ſuis conatibus.

Sed ad Pontificem reuertamur, eius Sanctitas in variis cum Legato congreſſibus ſuaſit vt ſeorſim

missas faciat suas rationes, & omnino morem gerat, à paucisque diebus nouas querimonias adiunxit propter supra scriptam legē quæ vetat ne ædificentur Ecclesiæ sine priuilegio. Et certò affirmauit se velle vt duæ supradictæ leges reuocarentur & duo captiui suo Nuntio Venetiis habitante remitterentur. Et 10. Decembris formata sunt duo Compendia, vnum de duabus legibus, alterum de iudicio in Ecclesiasticos, Commissa Nuntio suo, quæ offerret, sed Nuntius valde commotus, quia iis ipsis diebus Senatus elegerat Legatum extraordinarium ad viam quamlibet humilē tentandam, & quæ Sanctitatem Pontificis à deliberatione sumpta, incognita causa, dimouere posset, & excitare ad inquisitionē priusquā ad executionē ventū esset, distulit Compendiorum oblationem, quod Pontifici probatum non fuit, sed ei omni sedulitate mandatum expediuit, vt immediatē offerret. Ideoq; die Natiuitatis Domini nostri, cum dux Grimanus animam efflaturus esset, & domini cum Senatoribus conuenissent, quorum quidam Sanctissimo Eucharistiæ Sacramento communicarant, quidam communicaturi erant, orandi sibi locum postulat, & offert duo Compendia sigillo notata.

Quæ aperta non fuerunt propter ducis mortem, quæ sequenti die successit, nisi post noui electionem. Quæ aperta eodem exemplo etiā reperta sunt. continebantque, Notum ipsi etiā Rempub. in suis consiliis, multa aduersus Ecclesiasticam libertatem, & sedis Apostolicæ auctoritatem constituisse, & peculiariter ad totam suam ditionem extendisse, quæ pro sola Veneta Ciuitate erant, nempe non ædificandas Ecclesias, Monasteria, & pia loca, aliāque legem

legem quæ prohibet alienationem bonorum laicorum ad Ecclesiasticos sine Senatus priuilegio: quas res, quòd contrariæ sint libertati Ecclesiasticæ declarat nullas & inualidas esse, & legislatores in Ecclesiasticas Censuras incidere, iubetque sub pœna excommunicationis, *lata sententia*, vt reuocentur & deleantur, cum minis, si morem non gerant, se vterius progressurum. Ad quid Senatus sub 28. Ianuarij respondit se magno cū dolore, & admiratione audiuisse ex literis Sanctitatis eius, leges Reipublicæ sceleratè obseruatas per tot secula à nullo maiorum reprehensas, quarum reuocatio esset fundamentorum administrationis euersio, nunc argui tanquam authoritati sedis Apostolicæ contrarias, & legislatores, summæ pietatis homines, & de sede Apostolica bene meritos, qui in Cœlo sunt, nunc tanquam violatores Ecclesiasticæ libertatis haberi: seque secundum Sanctitatis ipsius admonitionem & nouas & antiquas leges examinasse: nec quicquam in iis inuenisse, quod summi Principis autoritate statui nequeat, & cū peculiare quasdam rationes attigisset: conclusit se pro certo habere, se in vllam Censuram non incidisse, Sanctitatēque ipsius piam & religiosam in comminationibus incognita causa non perstituram. hic locus primū requirit vt vterius progrediamur, vt, explicentur quænam sint Pontificis duabus legibus supra scriptis oppositiones, & quàm facilis & in promptu sit solutio, & quænam simul sint rationes, iustitia, & æquitas legum, & quàm legitima sit potestas in Republica eas constituendi.

Opponit Pontifex ambabus istis legibus simul dicens, esse, *Sedis apostolicæ authoritati, & Ecclesiasticæ*

*libertati immunitati que contrarias, tum generalibus Conciliis, & sacris Canonibus, necnon Romanorum Pontificum constitutionibus repugnantes: Ideoque ante omnia non erit extra rem, si videamus quid sit libertas Ecclesiastica, & unde originem sumpserit. Certum enim est hoc esse nomen nouum & per duodecimum secula in Ecclesia inauditum, Sanctissimus Apostolus Paulus in epistola ad Rom. 6. & ad Galatas 4. libertatis Ecclesiasticæ meminit, ubi demonstrat nos propter primi parentis nostri peccatum seruos factos fuisse, à qua seruitute Christus Dominus noster liberauit nos, suo sanguine redimens, Ideoque ait, *Cum serui essetis peccati liberi suistis iustitiæ, nunc verò liberati à peccato, serui autem facti Deo, habetis fructum quidem sanctificationem, finem verò vitam æternam,* & ad Galatas, aliā seruitutē proponit caeremoniarū Mosaicæ legis, à qua pariter Christus nos liberauit, cum ait, *Nunc fratres non sumus ancillæ filij, sed libera, qua libertate Christus nos liberauit.* Non concessum est aliis tantum salutis beneficium, quemadmodum unicuique fidelium Christi, & Ecclesiæ in corpore. Idcirco reperientur aliqui ex sanctis antiquis qui Ecclesiæ libertatem promulgabunt: huic sese non opponunt nisi ministri diaboli & inferorum: neque dubium est, quin quicumque cum suis omnibus legibus vellet minima in parte detrahere, alienus foret à Sancta Ecclesia Catholica.*

Sed de hac non agitur, quandoquidem famosum & augustum Ecclesiæ nomen, quod olim omnibus fidelibus commune erat, tam Clericis quàm Laicis, nunc videtur ad solos Clericos designandos, restrictum. Unde conceditur eis etiam propria libertas sepa-

tas separata à supradicta, cuius videtur Honorius III. primus mentionem fecisse circa annum 1220. sed id quod Honorius intelligit per libertatem Ecclesiasticam, & Federicus I. Imperator, eo ipso tempore, & urgente Papa libertatem nominat, neque ipsi declarant, neque inter Canonistas dum liquet. Quandoquidem in tota lege Canonica definita non reperitur, nec declarantur ea quæ sub ipsa comprehenduntur, nec traditur norma iudicij: quia non sunt eiusdem sententiæ quando de realiqua disputatio oritur, si sit aduersus Ecclesiasticam libertatem. Libertas à Iurisperitis definitur, vera facultas agendi id quod quisque vult, quantum quidem leges permittunt. Quidam existimant hanc facultatem in Clericis agendi id quod libet conforme legibus, esse Ecclesiasticam libertatē: ita vt hoc sensu illud idem quod est in laico absolutè libertas, in Ecclesiastico sit libertas Ecclesiastica, & illa facultas consistat in fruitione quam vnicuique communis lex largitur. Ita vt is sit sensus capitis, *Eos qui, (de imm. Ecc. in 6.)* vbi dicit, si quisquam prohibeat ne coquatur panis, & conteratur triticum, & Ecclesiasticis ministretur, is sibi arrogat in abrogatione aduersus Ecclesiasticam libertatem: Alij non ita sentiunt: sed sub hoc nomine complectuntur eas res quæ solùm Ecclesiasticis conueniunt, per priuilegia iis à Deo concessa, aut à Papa in Spiritualibus, & à Principibus in Temporalibus, ita vt aliud nolint, quàm immunitatis priuilegium vniuersali Ecclesiæ concessum, tam in Temporalibus quàm in Spiritualibus.

Alia opinio hæc duas simul componit. Alij vocant libertatem Ecclesiasticam quicquid sit in

Clericorum gratiam, dicuntque esse contrariam libertati decretorum, quibus Clerici timidiore red duntur, audaciores verò Laici. Quæ definitio est Bartoli, (*Authen. Cass. l. C. de sac. sanct. Eccles.*) & pariter accommodatior ordinis Clericalis laudibus.

Nunc ostendemus libertatis Ecclesiasticæ nomine sumpto in quacunque horum sensuum significatione, constitutiones Reipublicæ Venetæ, & coniectionem in carcerem & condemnationem Ecclesiasticorum, non tollere vllam libertatem, si- mûlque soluemus oppositiones quæ peculiariter in vnainquamque legem sunt. Non affert Papa rationem aliam specialem, lex verò quæ prohibet ne extruantur Ecclesiæ, non lædit eum nisi quod stabilatur, hæc sunt ipsissima verba Compendij eius: *Quasi Ecclesiastica persona temporali vestra iurisdictioni aliquomodo subiecta essent, vel qui ea ratione in vestri- ditionibus Ecclesias, & alia pia ac religiosa loca extruerent, tanquam in aliquo scelere deprehen- si, mulctandi viderentur.*

Neque aliam præsertim rationem affert ad suæ sententiæ probationem, quàm contra libertatem Ecclesiasticam esse prohiberi laicos legare, aut dare in perpetuum aut emancipare bona stabilia Ecclesiasticis, nisi appareat esse fundos in certa usurpata iurisdictione, quàm Laica potestas habeat ex bonis Ecclesiasticis, & hæc sunt ipsius verba,

*Perinde ac si Temporalibus Dominis liceret in Ecclesiastica bona quæ Ecclesiis, Ecclesiasticisque personis, & aliis locis piis à testatoribus, & ceteris Christi fidelibus, pro remedio peccatorum & exoneratione conscientia plerumque relinquuntur, aut alio modo conferuntur, ius ali-*  
quod

*quod exercere.*

Sed primùm quicumque interna diligentia considerare volet, ex se ipso penetrabit sanctionem legis prohibeat quominus vnusquisque tam Ecclesiasticus quàm laicus exstruat Ecclesias sine priuilegio, non esse, quemadmodum opponit Pontifex, exercere potestatem in Ecclesiam, sed in fundum, in aream aut superficiem vbi exstrui possunt Ecclesiaz, quam nemo negabit puram & merè Laicam esse. Nullus priuatus prohibebit ne Ecclesiasticus in proprio fundo Ecclesiam ædificet, nec dicet eum quicquam supra Ecclesiam committere, aut Ecclesiasticum: sed dispensare de suo proprio fundo, pro suo beneplacito, & prohibere vsum rei, illi cui lege cōcedere non tenetur. Non ea quæ ædificari potest Ecclesia vocatur, sed ea quæ iam dicata est: quilibet priuatus proprio fundo dominatur, & penes principē maior est aliqua potestas in omnes suæ ditionis fundos: Idcirco quemadmodum iniustum est ædificare Ecclesiam in fundo priuati alicuius sine eius permissione: ita in iniquum est, in quouis alicuius Principis loco cūm vetuerit ædificare. Non tollitur hic libertas Ecclesiastica in vlla supradictorum sensuum, significatione: primò, quia nemo libertatem habet vtendi re aliena, inuito Domino: secundò pariter quia Deus rerum omnium vniuersalis dominus concedens Ecclesiæ ministris extruendorum Templorum libertatem, priuati ditionem, & Principis in fundum Imperium non sustulit: neque aliter disposuit Papa, nec posset disponere, quia Temporale est, nec vllus Princeps cum suo priuilegio quicquam in huius Reipublicæ liberæ natæ disponere potuit, & hoc non est Ecclesiasticæ liber-

tati quicquam ullomodo detrahere.

Et si hæc vaieret ratio, Ecclesia est spirituale quid, tum qui disponit supra ædificia disponit supra rem spiritualement, sequeretur Principē qui vetat ne ex quercubus extruatur Ecclesiæ, quæ solebāt prodesse ad myoparonum, nauium, pontiū, & aliorum fabricationem, aut qui prohibet ne plumbo tegantur propter penuriam in vsum bellicum, sequeretur, inquam, principem dici legem sancire in Ecclesias, & earum tecta, nihilominus verò manente eo, quod constitueret in quercus & plumbum, quæ sunt res merè laicæ. Quid est quod cultui diuino consecrari nequeat? fortè nihil reperietur, quod nisi solum peccatum contrarium Deo esset, ipsi non posset dicari: tum qui de re aliqua disponet obstitans quominus dicari queat offendet Deum? absit.

Cum præceptum honoris diuini affirmet, non comprehendit quaslibet materias, omnia loca, omnia Tempia, quemadmodum videbimus eos qui ad rem Ecclesiasticam omnia alliciunt, sed permittit, cum nulla res sibi deest, ut reliquum in hominum vsum collocetur, sibi que tribuant quantum decorum est.

Si in quouis loco inuito Principe Ecclesias extruere liceret, pariter liceret ipso inuito quamuis materiem ad opus traducere, & quouis artifice uti, quod si extendatur etiam ad Ecclesiarum ornamenta, superesset, omnem pannum, omne metallum, omne lignum & omnia alia Ecclesiasticis propria esse. Absurda earum consequentiarum manifestè demonstrant, quemadmodum Ecclesia iam consecrata pertinet ad Spiritualia, ita nullum locum posse sine permissione Principis

Tem-



Temporarij consecrari, & huiusce legis æquitas semper omnibus nota fuit. Cicero in oratione pro *Domo sua*, ostendit illis temporibus nullam arcam potuisse consecrari, *in iussu populi*. Sub Ethnicis imperatoribus erant etiam quatuor leges.

(*L. sacra §. 1. ff. de re. diuis. L. si plures sint. &c. L. 2. ff. de reliq. & sum. fun. L. vlt. ff. vn. in poss. legal*). quæ vetant ne res vlla sine Principis priuilegio consecratur, quas leges cū retulisset Iustinianus in sua *Digesta* proculdubio accommodauit ad nostram religionem, & dedit etiam potestatem in Ecclesiarum nostrarum constructionem, & qui leget historias Ecclesiasticas, & Iustiniani Nouellas, videbit Imperatorum temporibus, tam in Oriente, quàm in Occidente, Principi statum omnem supra omnes alios differri hac in parte, ita vt non solum ab iis postulatum sit priuilegium nouas Ecclesias construendi, sed præterea nemo vnquam in animo habuerit exstruere Ecclesiam in Cathedrali aut Metropolitana, sine permissione, aut peculiari principis decreto, Legi potest hac de re Nouella Iustiniani 67. & id quod de xvij. Canonibus Concilij Calcedonensis fufius refert Balsamo. Hic Gallia consuetudinē adiungere à re alienum non erit, vbi sine regis literis peculiaris concessionis, & deinde sine Parlamenti decreto Ecclesia edificari nequeūt. Et vt etiam aliquod ex aliquo Italia loco depromptum exemplum proferamus, hic in memoriam reuocandum, ciuitatem Genuensem habere adeò peculiare constitutiones, vt sine priuilegio collegia & monasteria exstrui non possint, sub loci in publicum additionis pœna.

Sed non tam materialium Ecclesiarum Veneta

Respublica, quàm etiã eorũ qui eam administraturi essent rationẽ habuit, quandoquidẽ nõ in omni loco bona sunt omnia Religiosorũ genera. Optimum suppeditat nobis exemplum celebratissima Castiliæ Regis administratio, siquidem absque regis privilegio in illa regna noui, religiosi introduci nequeunt, idcirco ad hoc vsque tempus Cappucini patres sibi aditum in illa regna patefacere non potuerunt. Nec multi sunt anni Patres S. Francisci Paulæ Ecclesiam in Mandritæ loco sine regia permissione ædificare cœpisse. Quod opus Rex Philippus Secundus occludi curauit, remanente in exemplum ipsa Ecclesia ita cœpta & imperfecta. Et eius Sanctitas cùm Nuntius esset extraordinarius optimè videre potuit.

Huiusce rei fundamenta non sunt minùs rationalia, legalia & legitima quàm necessaria. Ideò quẽadmodũ nõ permitteretur multis ex alieno statu hominibus, & cõtrariis moribus, & finibus diuersis ab iis alicuius Reipublicæ, vt introirent in statum eorũ & in solum locũ simul cogerentur, fieretque Caput, & clàm cum subditis Principis ageretur, quandoquidem istis tanquam suspectis & perniciosis Conuentibus obstaculum afferretur. Sic cùm vnus monasterij noui prætextu possent multi simul sub vnum Caput conuenire, ab exteris nationibus, aliquando moribus contrariis, aut opinionibus, & propter commodam occasionem quam habent agendi per confessiones, aut alia eiusmodi colloquia spiritualia, sese cum subditis principis introducendo, & sic fidelitatem corrumpendo, in hanc rem pariter optimo iure animaduertendum est, pro publica conseruatione, & status tranquillitate. Et propter hunc  
respe-

Etum, statuit tamen Respublica quosdam Patres Monasterij cuiusdam missos facere, omnes peregrinos, quòd multos à Nauali deuiare fecissent. Et sic Auditoria & Collegia quæ totius alicuius gentis in vna ciuitate fiunt, maxime multis hominum generibus referta, non sunt sine grauissimo periculo, cum non sit conscius illius loci princeps de suis reductionibus agi. Additque Respublica ædificia nisi in loco conuenienti collocata sint magna Ciuitatibus, præsertim munitissimis damna asserre.

Nec ignorat quantæ Ciuitates propter Ecclesiam foris paulum distantem à fossa ab hoste qui castrametatus est, occupata, perierint: & quantum damnum attulerit etiam eiusmodi ædificium internis mœnibus vicinum: & quantæ machinæ & ædificia sacra propter necessarium respectum ad publicam tranquillitatem, cum aliqua imperitorum & piorum hominum admiratione, delenda fuerint.

Non solùm bono publico vtilissimum est, prout supra disseruimus, vt non exstruantur Ecclesiæ sine priuilegio, sed etiam est ad ipsarum vtilitatem, vt ad cuiusuis arbitrium nō exstruantur in locis indecoris, prope prostibula, prope cloacas, & indecente forma & sine decoro Religionis maiestati conueniente, ita vt derisioni potius quàm alij rei destinatæ sint Ecclesiæ: neque videtur multus, & superfluous Ecclesiarum numerus esse vtilis pietati, imò contrà cum nimix sunt, cultus debiti omnibus reddi nequeunt: & vna Ecclesia malè culta maioris impietatis causa est, quàm decem bene cultæ: eleemosynæ etiam non sufficiunt quando profusus est & immodicus Ecclesiarum numerus, ita vt neque antiquæ neque nouæ debitos cultus habeant Dei beneficio

in Veneta ciuitate, & aliis omnibus sui status Ciuitatibus Ecclesiæ non deficiunt, exque tales & tantæ sunt, vt quædam Ciuitates refertæ reliquiis innumerabilium Martyrum, quæ parum honorificè cõseruatæ restant, ab istis exemplar habere & desumere possint: & cum his omnibus minimè non permisit Senatus, quando sese obtulit occasio, ædificare nouas Ecclesias, & loca pia, vndecunque occurrerit: & nouis Religiosis etiam ab ipsa lege sancita aditum concessit.

Sed quis audiens argui pœnam legis Venetæ impositam iis qui Ecclesias sine priuilegio exstruunt, in admirationem non rapietur? dicendo dari qui opponant ædificationem non esse opus malum, quasi opus in se, & sua natura bonum, si fiat sine debitis circumstantiis, vitiosum, & castigatione dignũ non sit. Non ex materia solum aut obiecto, inquit Aristoteles (2. Ethic. cap. 6.) & post illum omnes Theologi, de bonitate actionis, sed ex omnium circumstantiarum integritate iudicatur. Bonum est Ecclesias ædificare in loco, & tempore, & modo conuenienti, sed bonum non est in loco alieno Ecclesiam exstruere, sine his conditionibus & sine domini consensu indecorum est. Princeps præter ditionẽ quam priuatus habet, in omnem locum potestatem maiorem obtinet: cui & dominus & locus subditi sunt, ita vt ex iis fieri nequeat vt princeps prohibeat, aut non consentiat.

Profectò multò pluribus quàm opus fuerat verbis vsus sum, vt vniquemque sensu communi præditum, rationum quæ ad hanc legem pertinent, capacem redderem, verùm me non pœnitet, quia etiam sequentis anni 1605. apologiæ inseruiunt, quæ pro-

prohibet ne Laici stabilia bona Ecclesiasticis emācipent, ideóque ista lex minùs disponit de re Ecclesiastica, neque imperat Ecclesiasticis rem vllam, sed solùm Laicis, eorùmque bonis. Quam vnquam iniuriam inferet Princeps qui vetabit ne sui subditi commercium agant cum hominum quodam genere. Vsitatissima est in omnibus regnis prohibitio, ne foras transferatur, aut vlla mercium species introducatur: ergo lædit peregrinos?

Non credo fore vllum qui cum hac consequentia consentiat: eóque potiori ratione quòd privati in sua bona leges constituunt, quando in contractibus villicationum, condiciones paciscuntur, ne villicus possit vendere aut emancipare Ecclesiæ sua comoda, & nihilominus hoc fit ab omnibus, alij in Testamentis vt fortunas suas apud se conseruent, ita conditionibus obstringunt vt non possint vnquam ad Ecclesiā peruenire. Omnes leges de fidei commissione facerent aduersus Ecclesiasticam libertatem, quia vetant ne bona Ecclesiæ relinquantur, etiāque Falcidiæ Trebellianicæ leges, quia omnes Ecclesiæ illam portionem, quam volunt detrahi à legatis, & hæredibus restare.

Non me præterit quendam valde studiosum accretionis cuiusvis, rerum Ecclesiasticarum temporalium affirmare rem ita se habere: sed multos in eandem sententiam venire non arbitror. Magnaque est deliberatio damnare actiones & constitutiones, quas vniuersi Christiani ab annis 1500. non dicam approbarunt, sed laudarunt, commendarunt, & pro Dei cultu habuerunt.

Quidam sunt qui vt Laico multùm faueant, dicunt lancitam esse & licere sancire legem ne vllus sine

priuilegio stabilia sua bona vendere possit, quæ ita generalis complecteretur etiam Ecclesiasticos, & posset rogato Principe, semper concedi: quando alienatio ad Laicum peruentura esset, negari verò quando ad Ecclesiasticum, quod contra libertatem Ecclesiasticam non esset.

Quibus conuenit quidem liberè respondere, ipsos, si paululum in Logica versati essent inuenturos, toto genere concessio, cōcedi etiam totam speciem particularem, & singularem. Vbi qui concedit principem posse absolutè prohibere alienationem, cogitur fateri posse prohibere, Peregrinis, Nobilibus, Ecclesiasticis, & cuiuslibet conditionis hominibus particulariter. Iidem dicunt, potest absolutè prohibere omnibus, sed non Ecclesiasticis tamen solis, Logicus dicit, si potest vniuersaliter omnibus, ergo & Ecclesiasticis solis.

Sed seuerius cum iis agemus, Scripturæ diuinæ paululum studeant ubi monebuntur à Diuo Paulo (Gal. 6.) *Nolite errare, Deus non irridetur.* Egregium sanè, si in hoc operandi effecto non peccetur, quòd Laicorum bona nequeant ad Ecclesiasticos peruenire. Cur damnant id? cur arguunt? Non satis bene meritis est princeps, si Deum non offendit? Et si peccatum est, quando restante eodem effecto, mutarunt & verba, aliudq; fecerunt, credētes se Deum irrisisse, eumque suis artificiis deceptum fuisse. Absit ut in animum Christianum eiusmodi cogitatio cadat. Si Deus voluisset ut Ecclesiastici ab ipso instituti qui spiritualia curarent mutata institutione sua Domini non solùm vnius Temporalium bonorum portionis, sed omnium bonorum Domini redderentur, non solū verbis eos obseruantia prosequi

qui deberemus, sed reipsa sollicitare ut quamprimum illa Dei voluntas ad effectum perduceretur.

Sed progrediamur ulterius, ut clarius demonstramus, Principem in tali lege supra res verè suas, & nō Ecclesiasticas constituere: Præterea manifestum est, si possessio aliqua alicui servitute tenetur, dominum eam Ecclesiæ legare nō posse, ita ut non regat eam servitus: sed quodcumque stabile in vno statu reperitur, principi subiicitur, quæ subiectio multò maior & arctior est, quàm vlla alia quæ inter priuatos intercedere possit. Ideoque Principis potestas in bona, maior est ditione priuati. Potest Princeps auctoritate sua in bonum publicum detrahere, & tollere priuatam ditionem, non potest autem dominus vlla in partē detrahere de Principis potestate. Ideoque donatione, aut Testamento, aut alio quouis modo, ut Princeps potestate cadat efficere non potest. Videat hoc vnusquisque, & consideret quomodo cum natura congruat, ut bonum priuati dispositione ad Ecclesiam perueniat, & ideo à Principis potestate solvatur? Sed responderunt se contentos esse, ut cum iisdem legibus soluēdi id quod solvebat laicus, perueniant: valeat, sed cur nunc tantum id dant, & hætenus ab omnibus muneribus immunne esse voluerunt? Dicemus deinde Principem alia, præter tributa ordinaria, in bona firma habere, quandoquidem etiam habet extraordinaria, sine qua obligatione non debet bonum stabile ad eos qui ut & alij, aliis oneribus aggravare possint, peruenire. Etsi hæc similis conditio est dura, nihilominus naturalis est. Sed præterea si Princeps officia personalia, à possessoribus, Militibus, Satellitibus, & Curialibus, aliisque, recipit, cur eorum iacturam fa-

ciet? Et præterea princeps ius habet in publicum addicendi illud stabile bonum, propter domini delicta: sed quando ad Ecclesiam peruenit, non amplius in publicum addici potest, ideoque princeps cur ius suum perdet? Et quid opus est exemplum notissimum, ut qui contradicunt arguantur, afferre.

Beneficia Ecclesiastica propter beneficiarum mortem vacant, & Aula Romana annuo proventu, Bullarumque pretio fruitur. Cum multa satis beneficia, Monasteriis, Capitoliis & aliis Academiis unita essent, illud emolumentum quod ex defuncto beneficiatore percipiebant, eiusmodi unione perire viderunt Pontifices: & considerarunt decimo quinto quoque plus minus anno, potuisse vacationem accedere, & propterea statuerunt ut omnium beneficiorum unitorum persoluator quindena. Igitur posset etiam princeps ita opinari, nempe centesimo quoque plus minus anno potuisse bonum aliquod in publicum addici, & cogere ut centesimo quoque anno publicatio persoluator. Cui ut prospiciatur in quibusdam regnis, mos est ut, cum aliquod bonum Ecclesie legatur, teneatur dare hominem viventem morientem, & cuius bona in publicum addici queant, sine quo bonum stabile auctoritate regia cadat in causam morticinæ possessionis.

Stabile etiam sæpenumero venditur, & ideo principi vectigal pensitat, aut hæredi peregrino, qui pariter certam partem soluat relinquitur, faciamus pariter, ut in tot annorum temporibus, tale quid contingat, debet Princeps sine suo consensu hisce rationibus privari? Ideoque honestissima est & æquissima anni 1605. constitutio. Et si post privilegium  
etiam



etiam ob supra dictas causas proprium quæretetur vectigal, quando stabile ad Ecclesiam peruenire potest, iniquum non esset.

Ita in Gallia, aliisque multis regnis quando bonum peruenit ad Ecclesiasticum, etiam si cum privilegio, tertiam quandam partem, propter emortui mancipij ius exsoluit, nempe quia illud stabile Principi veluti mortuum est, qui ex eo ut antea non possit amplius fructum percipere. Non igitur æquitati & iustitiæ contrarium est, si Princeps, qui tot rerum iacturam facit, videns Ecclesiasticos habere vigesima quinquies tanta bona ut iis contenti esse deberent, deliberat, & statuit ut non acquirantur amplius sine privilegio, quod nihilominus quando res postulabit concedetur iis. Qui publicationum, venditionum, & legatorum ad peregrinos respectus, cum possint etiam superficiebus ubi quidam designant Ecclesiarum ædificationem occurrere, merum non est si Princeps non permittit, ut sine privilegio suo cadat in causam morticinæ possessionis. Sed ulterius progredientes, qui negant Principi laico potestatem sancienti leges in Ecclesiasticas res, & Ecclesiasticos negant legibus laicis esse subditos, nihilominus ad utilitatem publicam omne genus legum, quæ etiam Ecclesiasticos complectantur sanciri posse consentiunt. Sed publica utilitas, ut hoc Reip. membrum præcipuum nempe laicum conseruetur, requirit, quod onera gerit, actiones publicas, tam personales quam reales obit, ne quod Ulpianus ait, contingat, *Quod viribus & viris destituta erat Respublica* (ff. de mun. & hon. l. 3.) Aequa igitur est lex & decora ut hoc membrum principem sospitatore habeat, ita ut eius bona conseruans in eodem statu cum facul-

tatibus ad Rempub. administrandā necessariis maneat, & si inde fiat vt Ecclesiastici minus habeant, quā habebant, id non est directā Principis mens, sed per accidens occurrit: ratio & leges ad id. quod indirectè aut per accidens sequitur, respectum nunquam habent, (*l. si quis ne causam. ff. si cert. pet. c. qui a diuersitatem de concess. prab.*) neque is existimat se iniuriam facere proximo suo, qui media ex parte cū illo vtilitatem propriam habet, etiāsi accadat vt eius socius lucro, quod ipse fecit, priuetur: hæc nisi esset lex, Ecclesiasticus, fateor, magis ditaretur, sed quotidiana charitas, & quā Deus iubet, est vt vnusquisq; primum res sibi necessarias videat, & hoc est vocationi suæ intentum esse. Qui sua conseruat, proculdubio obstat quominus ad alium perueniant, neque vnquam quisquam ditescit, quin aliquis pauper fiat. Non igitur charitati contrarium est, propriam paupertatem auertere, quia simul ab alio opulencia arceatur. Debet princeps curare vt. tranquillitas & Imperij sui facultates foveantur.

Si inde sit vt Ecclesiastici maiorem copiam non habeant, ad id non debet spectare princeps. Haetanus (*in summa ver. excommuni. c. 31.*) quem omnes sequuntur, negat esse contra Ecclesiasticā libertatem statutum laicum, vnde restringitur & applicatur modo funerum speciebus, sponsaliorum, & missarum nouarum, & tandem, ex hoc sequitur Ecclesiasticos priuari illo lucro, quod haberent, si cuiusuis generis sumptus licitus esset.

Si velint Ecclesiastici emere, qua pecunia empturi sunt? Canon concessus iubet vt fiant quatuor partes ex Ecclesiasticis prouentibus, prima pro Episcopo, secunda pro Cleri victu, tertia pro ædificatione,

tione, quarta pro pauperū eleemosynis. Id quod etiā Carolus Magnus in Capitulari suo (l. i. c. 87.) confirmavit. Ex prima & secunda parte, nec etiam fert ratio ut suum sibi tollant alimentum acquirere nolent Ecclesiastici, Permittere ut labantur ædificia ad noua acquirenda rationi consentaneum non est, neque id vult utilitas publica: quarta pars pauperibus debita ut impendatur, pietas & domini dictū ferre nequeunt. Quandoquidem Diuus Paulus iubet ut in memoriam semper id reuocemus. *Beatius est dare quam accipere.* Ideoque cum ad stabilia bona, data aut legata veniamus, monendum est, Ecclesias quominus id omne quod suum est, aut eis donatum, aut legatum habeant, non impediri, quod si non habent in propria specie tamen habent quod æquualet.

Fortasse extra oleas esset id adiungere, sed tamen breuiter tantum ualium nō est, Ecclesiasticis superfluas possessiones dicere non esse utiles, quandoquidem ita à vero Dei cultu abducuntur: quorum prouincia est ut ei intenti sint, & in legibus Ecclesiasticis vnus idēque ei titulus attribuitur, *Ne Clerici vel monachi secularibus negotiis se immisceant.* Vbi peculiariter apparet primum caput scriptum ad prohibendas præsentis confusiones, diuūque Paulus paucis iubet, *Nemo militans implicat se negotiis secularibus, ut ei placeat cui se probauit.* (2. Tim. 2.) Longa est hīc Diui Iohannis Chrysostomi narratio (in Matth. hom. 26.) ubi ostendit ex Ecclesiæ opulentia duo mala oriri, vnum: quod laici eleemosynas exercere cessent, alterum quod Ecclesiastici derelicto suo, quod est animarum, officio, fiant

Procuratores, Oeconomi, & Publicani, exercentes res ministerio suo indignas. Aliquando dicunt Ecclesiastici grauitur conuenientes sibi vetitum esse id quod aliis cuiusvis conditionis hominibus, etiam abiectis & ignominiosis concessum est, quasi deterioris sint conditionis homines. Ad quid responderi potest, primum non omnia omnibus conuenire, neque sequi, si quid aliis permittitur, etiam iis permitti debere, si conuenit militibus & nobilibus ut armati incedant, igitur iis idem permittetur? & nisi concedatur, se lesos arbitrabuntur, & tamquam omnibus aliis inferiores, tractatos? Deinde si alicuius conditionis homines in Republica possideant, eos non conuenit plura acquirere. Constantinus Porphyrogenitus, Romanus, & Basilii imperatores Constantinopolitani sanxerunt leges ne Patriarchi, & Senatores, Episcopi, monasteria &c. ab inferioribus suis, emptione, donatione, aut testamento, acquirere possent. (*Nonell. extrat.*) ad conseruandum id membrum Reipublicæ necessarium: sic Status de suorum subditorum bonis, aliam legem cum bona sua administratione congruentem, quando opus fuerit, sancire poterit: & nunc sancit legem in Ecclesiasticos, quia ita Reipublicæ corpus regere conuenit, ne membrum vnum debito plus crescat, & corpus prodigiosum faciat, & sumendo nimio alimento, aliis membris noceat, debitum tollendo alimentum & ex seipso cibos non concoquente superfluum malis humoribus repleatur, vnde nascatur primum in eo infirmitas, & deinde totius corporis exitium. Sed Ecclesiasticorum status in hac ditione membrum est, quod potest esse centesima totius numeri hominum pars, & ad se attraxit non vnā

nam bonorum portionem quæ huic numero correspondeat: sed in Patauiana ditione plusquam tertiam, in Bergomofca plusquam mediam partem: neque est ibi locus ullus ubi ad minimum quartam bonorum partem non habeat: & si adhuc ei concederetur ut acquireret, non dubium est quin alios omnes pauperes linquens nudos, & seruos, & tollens omne laicis alimentum, totam regionem occuparet.

Locus & Tempus præsens requirunt legem quæ eiusmodi excessum prohibeat. Iam olim cum Ecclesiasticus Status regebatur secundum formam à Diuis Apostolis institutam, quam S. patres illos imitati obseruauerant, utile erat ut bonis abundaret: & in Reipub. corpore, erat tâquam stomachus, qui quidem cibos omnes excipiebat, paucos autem pro se concoquebat, multos verò pro aliis. Ita cum Ecclesiastici multa possiderent, & parcissimè suorum censuum bona, in sui gratiam participarent, & reliquum omne in eleemosynam darent, multam Reipublicæ utilitatem afferebât. Ideò etiam omnes eorum possessiones & facultates augere optabant, quandoquidem quò plura possidebant, eò maior erat Reipublicæ utilitas, in qua Ecclesiastici pauperum tutores, & procuratores erant, & laboriosi, ita ut nullum inde sequeretur prodigium: cum bona Ecclesiasticorum essent cum bonis communibus, totum corpus analogicè, non in sola parte augebatur. Sed mutata hac laudabili consuetudine, bona & facultates præteritæ Ecclesiasticorum, excedunt in magnificentiam; idque nimium dissimile est corpori Reipublicæ cui grauissimum esset incommodum, si amplius cresceret: nec posset regi, sed neces-

sarium esset, vt aut ad debitam mensuram reduceretur, aut totius corporis exitium succederet. Et si loquuti quidem sumus de bonis Ecclesiasticis, tanquam omnibus iis communibus, non idè æqualiter inter eos diuisa est possessio, quinimò tertia religiosorum pars non aluntur Ecclesiasticis censibus, sed eleemosynis & laicorum oblationibus; possessionibus & prouentibus ad exiguum Clericorum numerum pertinentibus, qui vix, quartam ipsorum partem attingit, & quod maioris est ponderis, eorum media pars extra statum habitant, & hi ad se omnes ipsorum prouentus cum euidentissimo Reipublicæ damno alliciunt. Et si melioribus seculis quando homines cœlestia magis quàm mundana curabant, & quando Augustini florebant, qui Ecclesiæ legatas hereditates recusabant, ipsis priuatis liberis (*Ad fr. in ere. sec. 52.*) tanta quæsitæ sunt, quid in posterum fiet? cùm nunc exsint qui vano artificio maiora acquirenda persuadent, verendum est ne intra ducentos aut trecentos annos, ita excrescant eorum quæsitæ, vt totius Iuditionis domini reddantur. Sunt Monasteria à trecentis annis exstructa quæ non habent quartam partem prouentuum, quos habent quæ à quadraginta annis duntaxat ædificata sunt. Nunc adsunt multi Religiosi quibus prohibitum est stabilia bona possidere, quæ prohibitio, quando tolleretur, quod probabiliter fieri posset cùm videamus id factum, cum quatuor numerosissimis religionibus, exceptis aliis multis minoribus: videte quot vno momento acquirerentur.

Multa sunt in principiis suis bona, quæ in progressu commota, perniciosa fiunt, Ecclesiasticorum quæsi-

quæsitum in principio suo optimum, per quatuor gradus ad præsentem statum pervenit: primum vendebantur possessiones, & pretio alebantur Ecclesiastici & pauperes (*Act. 4.*) Existimabantur deinde stabilia bona retineri, & prouentibus pauperes alii. (*c. futurum &c. ....*) Tertiò fiebant quatuor partes, Prima pro Episcopo, secunda pro Clero, tertia pro ædificatione, quarta pro pauperibus. (*c. concessio.*) Nunc silent beneficia & nata est opinio quæ ab omnibus Theologis, & bonis Canonistis, reprobat, nempe, *Cler. ei sunt Domini fructuum*, præterquam quod Sacri Canones, & Sancti Patres constanter prædicarunt, pauperum esse bona Ecclesiastica. Idcirco etiam Sacrum Tridentinum Concilium, *Omnino interdicit Episcopis, ne ex redditibus Ecclesiæ consanguineos familiarésve suos augere studeant, cum & Apostolorum Canones prohibeant, ne res Ecclesiasticas, quæ Dei sunt consanguineis donent, sed si pauperes sint, iis ut pauperibus distribuant: & paulò infra, Quæ verò de Episcopis dicta sunt, eadem non solum in quibuscunque beneficiis Ecclesiasticis tam secularibus, quàm regularibus obtinentibus, pro gradu sui conditione, observari, sed ad S. R. E. Cardinales pertinere decernit.*

Idcirco Ecclesiastici non deberent ita sinistrè interpretari legem ad publicam necessitatem factam, adco cum æquitate & iustitia congruentem, & dicere constitutam esse ut abiectis hominibus inferiores habeantur. Potius dicere possent, satius fore ut Apostolis conformes viuerent (*Act. 4.*) forsitan affirmare volunt ipsos Apostolos sua omnia bona firma vendentes, & eleemosynam dantes abiectis hominibus inferiores fuisse?

Inferre volunt se esse deterioris conditionis,

quàm ignominiosos homines? fortasse tantæ Regulariû Conciones, quæ non possident, ignominiosæ habebûntur? Et si respõdeant, ipsos libèter id facere, instantia dari potest, nempe voluntarium, aut inuoluntarium, discrimen constituere circa generosum aut dignum, sed non circa honorati aut abiecti essentiam. In hanc quæstionem consideratione dignissimus est Canon quidam, vbi dicitur ( *de consec. distin. 1. c. vasa.* ) *Bonifacius martyr & episcopus interrogatus si liceret in vasculis ligneis sacramenta conficere, respondit quondam sacerdotes aurei ligneis calicibus utebantur, nunc è contrario lignei sacerdotes aureis vtuntur calicibus.*

Sed ipsi voluntario contenti sint eo quod habêt, quod magnopere ipsorum partem exuperat, & sic concordēs erimus. Imitatione dignum est Moïsis exemplum Exodi c. 36. qui cùm populum inuissset, vt aurum, argentum & alia huiusmodi pretiosa ad Tabernaculi exstructionem offerret, & plusquàm opus esset oblatum fuisset, publico edicto statuit vt nullus amplius vllam rem offerret. Sed alia adhuc proferebatur ratio, Si hisce legibus Ecclesiasticis libertas læderetur, tû legibus Ecclesiasticis quæ prohibent ne Laicis Ecclesiastici emancipèt, etiam secularis libertas læderetur, & hoc modo ipsi possent sancire leges quæ aliis libertatē tollerēt, & alij nõ poterunt idē int eos exercere. Tã firma est & valida ratio, quàm vtile est vt stabilia bona ad Ecclesiasticos peruenire nequeant: potest tamen pretiû peruenire & cum priuilegio etiam ipsa bona iusta emptione. Sed Ecclesiastici possunt emancipare Laicis quouis contractu, gratis, aut vendere, aut permutare si non cum utilitate: Et si Laici qui maiorem



iorem habent occasionem, de hoc non conqueruntur: quare ipsi conquerentur de minori? Huic parti Colophonem imponam, dicto, quod nempe ante 400. nostræ salutis annos Valentinianus, Valens, & Gracianus leges sanciverunt (*C. Theo. de Ep. & Cler. l. 20.*) Ne Clerici possent acquirere rem ullam à nobilibus mulieribus &c. quæ lex etiam missa fuit Damaso horum temporum Pontifici Romano, qui eam promulgandam curaret, & promulgata fuit, & diutissimè Romæ observata: & S. Girolamus qui eius meminit in Epistola ad Nepotianum, dicit se non ægrè ferre legem, quoniam eam meruerant quidem Clerici, sed sibi eorum avaritiam quæ causa est quòd eam sanxissent Principes, displicere.

Sancita fuit eiusmodi lex in Saxonia, à Carolo M. illustris memoriæ, diùque custodita. Anno 1300. Edouardus iij, (*Polyd. l. 13. hist. Anglica*) Angliæ rex sanxit legem, ad amissim huius similem, & quantumvis Ecclesiastici aliquantum repugnarint, nihilominus executionem sortita est. Ludovicus Molina (*de contr. 1. 2. d. 140. l. 2. t. 8. §.*) testatur esse vnâ legem in Portugalliæ constitutionibus, Ecclesias, & Monasteria emptione, successionem, aut donatione non posse stabilia acquirere; ne crescât debito plus, laicorum detrimento, possessiones, & proventus Ecclesiastici: adiungens, etiam in aliis Hispaniæ regnis illam ipsam legem in usu esse. Certum est Iacobum Arragoniæ Regem (*Petr. Bollug. in spe. prin. R. 13.*) statuisse in Regnis illi Coronæ subditis, ne Realencorum bona (ita enim vocant eos qui aliquid Regi persolunt) ad Ecclesiasticos sine regia permissione peruenire queant. In Gallia (*C. de Hen. iij. L. 17.*) eadem lex à S. Ludouico constituta fuit

quod est notatu dignissimum : & deinde à Philippo III. à Philippo Bello , à Carolo Bello, à Carolo V. à Francisco Primo , ab Henrico II. à Carolo IX. & ab Henrico III. confirmata. Et cum iam à trecentis annis Respublica Veneta hanc legem in Ciuitates, & Ducatus sui gratiam stabiliuisset, non dicendum est eius extensionem ad totum Statum esse innouationem, quandoquidem Saluius Iulianus respondet (*C. de vet. iur. enucl. §. sed etsi*) omnes debere sequi leges & consuetudines vrbis Romæ. vt refert Iulianus Imperator. Et in Sicilia anno 1296 Federicus Rex (quemadmodum scriptum est in illius regni Capitulari) statuit legem eadem forma Venetæ legis anni 1536. nisi quod solum in annum producit.

Pius V. pariter in terra, vbi saltus copiosissime nascuntur, cum quilibet magnum Monasterium ædificasset, quia non vastabatur illa terra, prohibuit in perpetuum Ecclesiasticis potestatem acquirendi à Laicis: & Clemens viij, animaduertens quantum Sancta Loreti ædes possideret, vt Laicos conseruaret, prohibuit ne ipsa amplius acquireret. Et iam Genuæ est generalis constitutio, vt omnia bona Reipublicæ dedita sint, ita vt non possint Ecclesiasticis alienari. Aliquis quidem respondet Papam Clementem eiusmodi legem tanquam Principem Temporarium sanxisse, à se tanquam à Papa impetrato sancienti priuilegio. Consideratio callida valde, sed non conformis solidæ doctrinæ Theologicæ, & morali, quæ vult, cum Deus dederit statum regendum ei qui maiestatem habet, cum absoluta potestate in temporalibus, vt habeat etiam auctoritatem à se, & sine priuilegio, aut permissione cuiuspiam

piam

piam faciendi omnes illas leges, quæ ad eum statum conseruandum necessariae sunt.

Nunquam reperiet quisquam Deum præceptum dedisse, ad quod adimplendum oporteat ab altero permissionem petere. In rebus indifferentibus, aut bonis, sed liberis, potest fieri vt error contra superioris voluntatem committatur, sed in iis quæ nituntur expresso Dei præcepto, vtendum diui Petri dicto (*Act. 5.*) *obedire oportet Deo magis quam hominibus.* Deus dicat Principi sancito eas leges, quæ tranquillitati publicæ necessariae sunt, & si deficias, ego me læsum dicam: & hîc velit obsequendi permissio nem? licentia quæritur, vbi, sine qua *non licet.* Tum quod Deus iubet nõne licet facere? Quando natura dat finem aliquem, dat omnia media necessaria quibus possit comparari, & Deus dabit finem & præceptum, quod exsequi non possint vlli nisi se cognoscant hominum fauore vti? hoc nimis absurdum est. Sed ad legis materiam reuertamur, quæ vt non est nõuum inuentum, ita de ea etiam celebres Iurisperiti egerunt, & tanquam iustam tuiti sunt, & inter alios, Baldus, Archidiaconus, Abbas, Signorolus, Alexander, Barbaccius, Crotus, Tiraquellus, Gelius, Renatus Copinus. (*Bal. c. qua in Ecclesiis, de app. in 6. Abbas l. 1. conf. 63. Signorolus conf. 21. Alex. conf. 93. Barbat. l. 2. conf. 14. Crotus l. 1. conf. 1. Tiraq. de retract. confang. §. 1. gl. 13. Gail. l. 2. conf. 32. Copin. de pac. pol. l. 3. tom. 1.* Ex quorum lectione, quilibet detegere poterit num ea lex erat res, in quam cum Centuris animaduertere liceret, & præsertim cum non obseruatæ sint reales Iudicii conditiones. Vnde optinè ad rem fuerit dicere etiam aliquid de ordine

seruato ab eius Sanctitate, vt appareat quanta irrita sub hac tractatione fuerint, dicam de ita facto negotio, quia iudicium, deficiente materia, nominari nequit. Theologi dicunt, iniustum iudicium, posse quidem extrinsecus referre iudicium, sed non intrinsecus, & omne iudicium iniquum etiam à se nullum esse, neque iudicium iniquum magis esse iudicium, quàm homo mortuus, est homo. Sed adhuc videremus in hoc defectu formæ, & conditionum realium, id nullius momenti reddi. Primum sine vlla præcedente citatione, declarat veteres leges, & nouas de non alienandis bonis, & non extruendis Ecclesiis sine priuilegio, esse aduersus sedis Apostolicæ, & libertatis Ecclesiasticæ, auctoritatem, & ipsos Legislatores in censuras incidisse. Et tamen citationem esse de iure naturali, & declarationem inquisitionem, etiam Censurarum, notissimum est, etiam post omnes Iurisconsultos. Quod sufficit ad demonstrandum tam supradictum compendium, quàm omne quod deinde illius vi sequutum est, nullum esse. Sed quòd nunc tanti viri pij in Christo defuncti, qui continuò cum Pontificibus communicarunt sui temporis, excommunicati declararentur, quid aliud est quàm eos qui eius Sanctitatem præcesserunt condemnare? & affirmare eos animarum curam non gessisse, prout debebant & nihilominus præter illos fuerunt Pontifices excellentibus virtutibus, & sanctitate præditi.

Reddit Papa rationem cur deliberarit aduersus Rempublicam procedere, dicens: [Cum prætermissionis officij nostri & causæ, Ecclesiæ desertæ à nobis rationem extremo iudicij die, à Deo exigamulomodo velimus: neque enim existimetis nos,  
qui

qui alioquin pacis, & quietis publicæ cupidissimi sumus, omnesq; nostros cogitatus eò intendimus, ut soli Deo inferuientes, rem Christianam, quantum possumus, pacatè gubernemus, quique omnium animos, præsertim maximorum Principum, nobiscum ea in re consentientes esse optamus, si aliquando sedis Apostolicæ authoritas lædatur, si Ecclesiastica libertas, & immunitas impetatur, si Canonum decreta negligantur, Ecclesiarum iura, & Ecclesiasticarum personarum privilegia violentur, quæ muneris nostri summa est, id aliquomodo dissimulatos, aut officio nostro defuturos: hac verò in re id vobis persuasum esse volumus, nos nullis rationibus humanis moueri, aut quicquam præter Dei gloriam querere, aliudque habere propositum, nisi perfectam, quoad eius fieri possit, Apostolici regiminis functionem.] Et non abs re eius Sanctitas diuinum timet iudicium, quando deesset officio pastoralis: idèò Deus per Ieremiam minatur, [Vbi pastoribus qui dispergunt, & dilacerant gregem pascuæ mex: dicit Dominus. Ideo hæc dicit Dominus Deus Israel ad pastores qui pascunt populum meum, Dispersistis gregem meum, & eiecistis eos, & non visitastis eos. Ecce ego visitabo super vos malitiam studiorum vestrorum, ait Dominus] populo verò pollicetur, [Dabo vobis pastores iuxta cor meum & pascet vos scientia & doctrina.] Ideoque certum est summum pastoralis muneris esse Evangelij prædicationem, sanctas admonitiones & institutiones morum Christianorum, Sanctissimorum Sacramentorum ministerium, pauperum curâ, correctionem delictorum, quæ excluduntur à regno Dei, res quas Deus Diuo Petro commendauit, &

dedit pro munere, quas solas tam ipse, quàm alij Sancti Martyres eius successores per secula exercuerunt, non eo modo quo tenebræ luci succedunt.

Gloriam Dei videmus esse in Euangelij propagatione in Sacris Scripturis, & in pia Christianorum vita: & denique, vt Diuus Paulus ait, in exterioris hominis mortificatione, & interioris vita. (2. Cor. 4.) & in exercitio operum charitatis. Sed si Dei gloria consisteret in bonorum temporalium copia, multùm nobis timere deberemus; quandoquidem suis nonnisi paupertatem, persecutiones, incommoda promisit Christus. (Ioan. 15.) & tandē, quemadmodum ipsum vulgus cognoscit labores, & perpeffiones, sunt visitationes, & probationes amicorum Dei, & nemo, ait Euangelium, (Matt. 8.) sequitur Christum, nisi post impositam humeris propriam eius crucem.

Longè discrepat à Diui Pauli doctrina (1. Cor. 13.) quod ab aliquo sparsum fuit, in multis locis, & multis personis, idque est, non posse perspicui quam ob causam hæc ciuitas de religione commēdari queat. Etenim quamuis illis abundant eleemosynæ, & opera pia erga pauperes, & Ecclesiarum ornamentum, & cultus diuinus, tamen Christiani copulatio est iurisdictioni Ecclesiasticæ fauere: & huiusce rei contrarium Venetiis videtur. Diui Pauli sententia est, (1. Cor. 13.) *Si tradidero corpus meum, vt ardeam, charitatem autem non habuerō, nihil sum.* Legitur in Sancto Euangelio, Saluatorem nostrum die Iudicij repetiturum rationem operum pietatis, & misericordiæ non factæ. (Matt. 25.) *Esuriui enim, & non dedistis mihi manducare: Sitiui, & non dedistis mihi potum: hospes eram, & non collegistis me nudus, & non operuistis*

*ruisistis me, infirmus & in carcere & non visitastis me.*

Modò tollatur sceleratis licentia lædendi proximum & secularibus pars vna portionis bonorum, quæ ipsis competunt relinquatur, non verendum est ne Deus repetat rationem, an possimus æquo animo pauperibus omnia Ecclesiæ bona largiri, sine dubitatione Deum idèò offendi.

Non tamen hîc non desistendum est à perpendendis vltimis illius Compendij verbis, vbi dicitur, *Quinimò nulla aliâ ratione melius publica illa Christianæ religionis incommoda, in quibus evitandis tantopere insistitis, longè à vobis propulsabitur, quàm si Ecclesiarum, & Ecclesiasticorum, qui pro vobis dies, ac noctes excubant, & assiduas ad Deum preces effundunt, immunitates & iura, (prout religiosos, & pios viros decet) conseruaveritis.*

Respublica, profectò opus habet auxilio, orationum Ecclesiasticarum: idèòque continuò si Ecclesiasticis commendat: nec ignorat dicere Sapientem, (Eccles. 2.1.) *D' precatio pauperis ex ore vsque ad aures perueniet:* & dolet quando aliqui his sanctis operibus parum intenti, causa sunt cum malo exemplo, multorum peccatorum, laicis: vnde cum placanda esset diuina iustitia, & ad misericordiam erga nos commouenda, magis irritatur eius ira vt castiget nos cū infidelibus. Nō debemus credere ditissimorum & melius accommodatorum preces posse magis flectere Maiestatem diuinam, de qua scriptum est (Psal. 21.) *Neque despexit deprecationem pauperis.* Si hoc ita esset, multum malè fecissent, & facerent cum hac doctrina tãti Sãcti Monachi & Hereimitæ qui vixerunt, & viuunt in angusta paupertate, & abiectione, cum firma fide suas preces facilius in cœ-

lum coram Deo ascendere posse.

Sed tempus est vt ad tertium caput controuersum transeamus, quod est in materia de iudicio in Ecclesiasticis, quæ res seorsim tractari debet, quandoquidem etiam diuerso tempore de ipsa materia Compendium oblatum fuit, fortasse diuina prouidentia disposuit, vt, quemadmodum diximus, ab aliquo ex ministris Pontificiis peccaretur in dilatione oblationis Compendiorum, vt eius Sanctitas aliquod haberet otium ineliùs perpendendi quanti ponderis esset negotium quod incipiebatur: sed nihilominus non desit eius Beatitudo imperare, vt aliud Compendium de duobus in carcerem coniectis offerretur, quemadmodum factum fuit 25. Februarij cum supra scripta, *Marino Grimano Duci, & Reipublicæ Venetorum*, licèt eius Sanctitas esset conscia mortis eius Principis, iam duobus antè mēsis successa, & curasset facienda officia congratulationis Principi Serenissimo eius nunc successore. Hanc actionem aliquis Canonista eorum doctrina tuebitur, *Papa est index viuorum & mortuorum*, sed potius credendum est eum arbitratum esse, cùm eadem sit dignitas, non nocuisse personæ mutationem, in quo Canonistas omnes sibi contrarios habebit, qui volunt, vt cùm de Censuris, odiosa materia, vocatis, agitur, verba angustissimè accipiantur. Vbi si arbitrat, Serenissimum Ducem præsentem admonitum eo iri, non ei concedemus, siquidem aduersus illum etiam in hoc capite egit, sine acti obseruatione, quod iudicij reale est & substantiale, idque est citatio pro declaratione & admonitione pro Censuris. Certum haberi debet, Pontificem, si audiuiisset rationes quibus nititur Reipublicæ Venetorum



torum autoritas iudicandi Ecclesiasticos, nunquā hac de re verbū monisse: sed cum ipsius Reipublicæ ea patientia, caritate, & maturitate, quam sibi ab eius sãctitate pollicebatur, tanquā vniuersali Christianismi patre rationes tractare, & audire noluerit: mirum non est si ipsius Reipublicæ iudicia calumniet affirmantis ea niti vsu & cõsuetudine maximè pia, & quibũsdam Pontificum Compendiis.

Respondit paucis Senatus ad Pontificis Compendium: Se mirari quod quotidie nouum dissentionis argumentum nascatur, & quod tentent multi euertere ea fundamēta super quæ eius libertas per 1200. annos stabilita est: propterea à natiuitate ipsius Reipublicæ Maiores eius à Deo acceperunt auctoritatem, quemlibet delinquentem puniendi, quam continuò in honorem Maiestatis eius diuinæ exercuerunt, cum publica tranquillitate, & eorum qui eius sanctitatem præcesserunt approbatione, & vniuersali laude. De consuetudine vllò modo non egit: cum potestatem suam multò altius & firmius, quàm supra vsu, etiam immemorabilem fundatam habeat, ideòque ipsa pro indubitata habet Theologorum & meliorum Canonistarum doctrinam, immunitatem Ecclesiasticorum à foro seculari in delictis non Ecclesiasticis, sed temporalibus, aut, vt ait Iustinianus, ciuilibus, de iure diuino non esse: sed principis priuilegio: si tamen aliquis nobis significationem verborum, ius diuinum, tam latè accipere, aut abusiue, vt velit ius humanum, dicere.

Hæc doctrina, quòd Ecclesiastici, nisi immunes fierent priuilegio, & gratia, forent Magistratibus secularibus subditi; demonstratur, & confirmatur exemplis veteris Testamenti, vnde apparet omnes

reges imperasse, & iudicasse & puniuisse Sacerdotes: neque id à malis regibus, aut mediocribus solum: sed à sanctissimis, & piissimis, Dauide, Salomone, Ioa, Ezechia, & Iosia, factum fuisse, idque expressis verbis in Euangelio, in sermonibus Christi Domini nostri ad Pilatum (Ioan. 19.) *non haberes potestatem aduersus me ullam, nisi tibi datum esset de super.* Addêdo (si quis vellet alienum aliquem sensum dare (S. Augustini, S. Bernardi, Cardinalis Gaetani expositionem, Pilati iudicium iniquissimum fuisse, sed non usurpatum, (*super Ioan. tract. 116. Epist. 42. in 2. q. 61. a. 1.*) Præter quid habetur etiam confirmatio exemplo Diui Pauli, qui cùm coniecisset festum sub iudicij prætextu Hierosolymis, velle in Hebræorum manus ipsum tradere, Cæsare appellauit, quod nunquam fecisset nisi legitimus iudex fuisset, cùm peccatum mortale sit appellare eum qui potestatem legitimam non habeat. Occurrit quidem quædã consideratio à Neoterico Scriptore facta, diuum Paulum Petrum appellasse, sed id non præstitisse, ne dementia existimaretur: consideratio acuto quidem intellectu digna: sed nõ iam digna, firma Diui Pauli constantia, quòd veritatem non dixisset, præ timore ne de amentia accusaretur. Non habuit rationem illam coram Festo, non desit proferre verba propter quæ respondit ei Præfectus, *Inanis Paule*, Et idem ipse Paulus dixit (Act. 26. 1. Cor. 1.) *Nos prædicamus Iesum Christum crucifixum, Hebræis quidem scandalum, gentibus autem stultitiam; & nihilominus non desinebat dicere & prædicare id quod sciebat de mentiam existimari.* Idèò ne fiat vllomodo hæc Diuo Paulo iniuria, quandoquidem verè sanctissimus Apostolus non meruit, Sed quid de Diui Petri

(1. Pet.

(1. Pet. 2.) eiusdemque diui Pauli præceptis dicemus? qualia sunt [ Subiecti igitur estote omni' humanæ Creaturæ propter Deum, siue Regi quasi excellenti, siue Ducibus tanquam ab eo missis ad vindictam malefactorum, laudem verò bonorum: quia sic est voluntas Dei. Et de hoc (*ad Tit. 3.*) Admonet illos Principibus & potestatibus subditos esse, dicto obedire. ] Et de illo quod habetur 13. cap. ad Rom, quod si tanquam Sol ad qualescunque dubitationis tenebras illuminandas [ Omnis anima potestatibus sublimioribus subdita sit, non est enim potestas nisi à Deo, quæ autem sunt, à Deo ordinatæ sunt: itaque qui resistit potestati, Dei ordinationi resistit, qui autem resistunt, ipsi sibi damnationem acquirunt: nam Principes non sunt timori boni operis, sed mali. Vis autem non timere potestatem? bonum fac, & habebis laudem ex illa, Dei enim minister est tibi in bonum, si autem malum feceris, time, non enim sine causa gladium portat, Dei enim minister est: vindex in iram ei, qui malum agit: ideo necessitate subditi estote, non solum propter iram, sed etiam propter conscientiam: Ideo enim & tributa præstatis, ministri enim Dei sunt in ipsum seruiētes: Reddite ergo omnibus debita, cui tributū, tributū, cui vectigal vectigal, cui timorem, timorem, cui honorem, honore. ]

Videant S. Augustinum qui se ipsum etiam collocat inter numerum qui principibus subditi sunt. *Ex pos. ad Rom. nume. 72. super epistolam ad Rom. Homel. .... in expol.* Videant Chrysostomum, Theodoretum, Theophylactum, & Ecumenium, qui apertissimis verbis Apostolos, Euangelistas, Prophetas, Sacerdotes, & Monachos includunt. Legant S. Tho-

man in eundem locum, & videant, ipsum affirmare apertè omnem immunitatem Ecclesiasticam esse ex principis privilegio. Sed S. Bernardus ad Archiepiscopum quendam scribens clariùs dicit (*Ep. 42.*) [Omnis anima potestatibus sublimioribus subdita est: si omnis, est & vestra: quis vos excipit ab vniuersitate? si quis tētat excipere, conatur decipere.] Cōsiderent contradicentes, num vnquam vlli ex Sanctis Pontificibus, Episcopis, aut aliis sacerdotibus, dixerint se esse immunes à potestate Principis aut magistratus, nunquam vnum reperient: sed reperient quidem, vnumquemque subiectionem, confessum esse, negando solùm iustitiam in causa propter quam condemnati erant.

Famosum habemus exemplum S. Policarpi Episcopi Smirnae, discipuli Diui Ioannis Euangelistae, vnius ex nostrae fidei fundatoribus, ab Apostolis, excellentissimi: cuius verba ab Eusebio relata hæc sunt. (*Euseb. l. 4. c. 4.*) [magistratibus enim, & potestatibus à Deo constitutis, cum honorem qui nostrorum animorum salutis, nostraeque religioni nihil affert detrimenti pro dignitate tribuere docemur.] Quidam dicunt iuberi ab Apostolo subiectionem, Principibus, quando infideles erant, sed non ex quo Christiani facti sunt: idque quia Ecclesiastici, ordine sacro & autoritate spiritali maiores sunt: & huic rei S. Iohannes Chrysostomus paucis respondet, [Si enim Paulus, cum gentiles adhuc essent principes, præcipit, multò magis oportet & fidelibus exhibere, quòd si maiora sibi concredita esse dixeris, disce non nunc honoris tui tempus esse, peregrinus enim hīc es, & advena, tempus erit cum omnibus apparebis illustrior, nunc verò vita tua abscondita

ſcondita eſt cum Chriſto in Deo, quando Chriſtus comparuerit, tunc & vos comparebitis in gloria.

Sed quis dubiter immunitates Eccleſiaſticas eſſe principum conſeſſiones, eorum leges, & priuilegia reperiantur ? & videantur omnes eodem tempore non conſeſſe, ſed paulatim ? Quas ad cuiusuis ſatiſfactionem, qui de ea re certior fieri velit, quandoquidem plurimum intereſt, per tempora ipſarum immunitatum, extendam.

Conſtantineſis circa annum 315. immunitate donauit Eccleſiaſticos à factionibus publicis, perſonalibus & Curialibus, (*C. Theod. de Episc. & cler. l. 2. ibi. l. 10.*) Conſtans & Conſtans eius filij adiunxerunt immunitatem à factionibus ſolidis, & à Cenſibus : & ſolis Episcopis immunitatem à Iudiciis fori ſecularis conſeſſerunt (*ibid. l. 12.*) aliis Eccleſiaſticis tam in criminali quàm ciuili cauſa, iudiciis ſecularibus, ſubditis manentibus, & hac de re, habuerunt poſtea alias leges. (*ibid. l. 23. ibid. l. 37. ibid. l. 41. ibid. l. 47.*) vnam Valentis & Gratiani circa annum 380. alteram Arcadij, & Honorij circa 400. Sed circa annum 420. Honorius & Theodoſius I I. & deinde idem Theodoſius cum Valentiniano II I. conſeſſerunt Episcopis Clericorum iudicium, quando ambæ partes contentæ fuiſſent.

Magiſtratibus ſecularibus remittendo, quando vna pars Episcopum acceptum ferre nollet: quæ res etiã confirmata fuit à Martiano circa annum 640. & à Leone eius ſucceſſore: tandem à Juſtiniano circa annũ 560. (*C. de Episc. & Cle. l. cum clericis, C. eod. l. omnis qui*) ſtabilita fuit omnis varietas, cum lege, vt Eccleſiaſtici in cauſis ciuilibus Episcopo ſubditi eſſent, in cauſis verò criminalibus ſeculari Iudicio.

quod durauit ad annum vsque 630. quando Heraclius( *Nonell.83. Nonell...*) immunes eos facit à Magistratibus secularibus, tam in Ciuilibus, quàm Criminalibus, salua tamen semper legatorum à Principe missorum autoritate: & vsque ad Imperij diuisionem semper ita obseruatum fuit, & post illam diuisionem semper eiusmodi fuit Ecclesiæ Græcæ vsus & mos, quantum durauit Imperium.

Sed apud Occidentales, Imperatores, Franchi, & Saxones, & Itali reges variè obseruarūt, interdū iudicia Ecclesiasticis relinquentes, modò etiā & Presbyteros & Episcopos iudicantes: Sed cū ipsi Pontices Romani, aliquando remittebant partim iudiciū Ecclesiasticis, partim ipsis magistratibus, prout Temporum ferebat varietas, nunc vigente autoritate Pontificia, nunc Imperatoria: tandem Federicus II. circa annum 1220. statuit Authentica codici Iustiniano inserta( *Auth. C. de Episc. & cler. l. statumus*) vt nullus in iudiciumulare posset vocare, tam in Ciuilibus quàm Criminalibus, vllum, Ecclesiasticum: & quiuis leger Titulos, [ de Episcopis, & Clericis, & de Episcopali audientia, vel de Episcopali iudicio, ] in Theodosiano & Iustiniano, reperiet omnes has leges, & plenam cognitionem habebit, quomodo Ecclesiasticorum immunitas, fuerit gratia ab Imperatoribus concessa: & etiam testabitur certò, licet ipsi concesserint Clericis immunitatem à suis Magistratibus, tamen ab ipsorum suprema potestate neminem vnquam immunem fuisse. Potestas puniēdi quodcunque aduersus leges committitur, ita cum principatu coniuncta est, vt ab illo superari nequeat, & idem est dicere Principē in suo statu habere aliquem sibi non subditum  
in rebus

in rebus Temporalibus, aut qualicunque alia bonum publicum spectante, ac, principem non esse. Diu stare non posset corpus, quod in se partem vnam, essentiae internae non destinatae haberet: nec minus civile corpus, quod in media sui parte, hominem qui alium, quam principem agnoscat, in humanis & Temporalibus, durare non potest. Ipsemet Papa, in spiritualibus quemlibet immunem facit ab Episcoporum, Archiepiscoporum autoritate, sed à se ipso neminem immunem facere potest, nisi desinat esse Papa. Cum Venetorum Respublica, natalibera anno 420. etiam si, ut aliis omnibus potentibus accidit, non dilataretur, in principiis suis in magnam & spatiosam ditionem, nihilominus à Deo non minus quam alij potētes principes in suo magno Imperio, in quacunque ditionis suae viuentē personam potestatem accepit. Et Ecclesiasticis permisit ipsa Respublica, ut fruerentur iis immunitatibus à magistratibus, quibus fruebantur imperij ditiones successiue: puniens in illis eos solos excessi qui quod enormes & graues essent, publicam tranquillitatem turbare poterant: remanentibus monumentis delinquentium Ecclesiasticorum in qualicunque delictorum genere punitorum, & interdum etiam in delictis, quae nunc leuia haberentur. Sed quae necessariò dignae erant propter aliquam peculiarem circumstantiam, quae Respublica corrigeret. Et quamuis Pontifices Romani varia fecerint (*c. at si clerici de iudi. c. clerici, eodem c. cum non ab homine eod. c. qualiter, & quando eod. Decreta, ab anno 1160.*) de Clericorum immunitate, ista nihilominus recepta non sunt integra in vlllo loco iuxta vllum Principem, neque potuerunt impetrare, ut de-

liſta læſæ maiestatis non fuerint iudiciis ſecularibus ſubdita, ſerè per totam Italiam vapulant Clerici, etiamſi non moniti, vt non incedant cum habitu non obſtante immunitates, & decreta Pontificia. In Hiſpania idem fit in delictis de armis gerendis & aliis multis. In Gallia diſtinguuntur delicta communia & priuilegio donata: eaque ſola Eccleſiaſticis remittuntur, iudicanturque à ſecularibus.

Reſpublica pariter diſtinxit delicta in graua, & læua, leuia quidè foro Eccleſiaſtico, graua verò magiſtratibus remittuntur, & ita perrexit ſemper exercere iuſtitiam, & ſuæ iuriſdictionis libertatem. Non dicemus hanc eſſe conſuetudinem ſolùm, quæ contraria legi, temporis diuturnitate, authoritatem vſurparit in ipſam legem. Non dubitamus conſuetudinem aliquando poſſe legi diuinæ & naturali, etiamſi à mille annis eſſet, nocere: & ingenuè fatebimur, omne actum, cuiuſvis Principis in contrario facto, fore uſurpationem, & Dei, offenſionem, ſi Eccleſiaſticos Deus immunes reddidiſſet: ſed adiūgemus quidem etiam cum bona eorum venia, ipſos immunitatem ſuam de iure diuino iactare, quòd ſi ita eſſet, eos ſubmittendi poteſtatem Papa non haberet: & idè ſeculares non eſſent idonei ad exercendum, ex Papæ diſpoſitione, quod Deus prohibuit. Deus prohibuit ſecularibus ne Miſſam cantant, confeſſionem audiant &c. Papa vllomodo id ſuis ordinationibus aptum reddere nequit. Quòd ſi dicant, hoc eſſe, *Ius diuinum*, quod diſpenſari nequit, illud verò Papæ diſpenſari poſſe, ne diſputemus & fatigemur in Contradiſtionis demonſtratione, quæ eſt dicendo *Ius diuinum*, & diſpenſabile humana poteſtate,



potestate, opus erit eis respondere omnes rationes, quæ possunt acquiri Papæ dispensatione, *Innoc. c. cū Apostolica. de sem. de priuileg. C. quod quibusdam, de verb. signif. c. in his. c. super quibusdā.* etiā consuetudine, quæ legi contraria accidit, posse acquiri: & si præsupponimus clericorum immunitatem lege ordinatam fuisse, & executionem habuisse, & deinde immemorabili consuetudine contrarium præscriptum fuisse, dico, legitimè posse exerceri. Sed in nostra re, autoritas & vsus Reipublicæ præcedunt tempore quamuis legem, quæ immunes fecerit Ecclesiasticos à iudiciis in causis criminalibus enormibus: neque quaecumq; decretum Ecclesiastici fecerint potuit vllō modo nocere. Huic adiungitur tacita omnium Pontificum consensus, qui hoc videntes & scientes, nisi decorum esse iudicassent, illud reprehendissent. Et eadem approbatio expressa etiā à Sixto iij. Innoc. viij. ab Alexandro Sexto, & à Paulo Tertio; quorum compendia in Reipublicæ arcis conseruata, verè probant quàm iuste ea lex constituta sit. Quod in suo compendio scripto ad Venetorum Patriarcham, dato vltimo Octobris 1487. aperte demonstrat Innocentius, qui ostendens quomodo, cum ratione Respublica iudicasset Ecclesiasticos non solum in atrocissimis, sed etiam in omnibus aliis grauib; delictis & atrocibus, his vtitur verbis, [Nos attendentes priuilegia ad bene viuendum dari, non ad delinquendum, illaque præsidio bonis contra improbos esse debere, non autem malis ad nocendum facultatem, &c.] Res quæ non his temporibus solè sæpius occurrit, verum etiam tunc erat frequentissima, quemadmodum,

Sixtus Papa Quartus, in quodam suo compendio ad Venetorum Patriarcham, sub 2. Iunij 1474. hisce verbis testatur, Cogimur non sine cordis nostri dolore plurima quæ nollemus de personis Ecclesiasticis audire ex ista ciuitate, præsertim in qua nonnulli sæpe aut monetas adulterasse, aut crimen læsæ maiestatis admisisse dicuntur.

Et si aliquis, vt probaret, immunitatem esse de iure diuino, si vellet vti exemplo Constantini in Nicæno Concilio, bene relegat, & dicet, num pro se, an verò contra mentem suam faciat, Iustiniani Imperatoris Nouellæ 3. 5. 6. 11. 83. 123. 131. 133. 137. cum copiosissima declaratione demonstrant, quales Clerici sub illo Imperatore impunitates habuissent, & quibus antè illum frui essent. Si igitur in principio, Imperatorum priuilegiis, & deinde cōniuentia immunitates habuerunt, cur tantos rumores spargunt, quando Venetorum Respublica ait, si alij in Statu suo concesserint, vt vbi enormia delicta ab Ecclesiastico iudicarentur, credentes & iudicantes id posse suæ administrationi conuenire, se nihilominus id nunquam concessisse, aut ei rei assensisse, quin potius publicæ suæ tranquillitati contrariam existimasse.

Addi potest hîc in nullo Regno, aut ditione, has immunitates eodem modo vsurpari: & qui leget quantum scribant Criminalistæ, & Clarius (l. 5. §. fin. q. 36.) peculiariter, videbit quàm variè variis in locis executionem habuerit, & vsurpata fuerit hæc immunitas, argumento indissolubili probatur, quod non sit de iure diuino, siquidem regere eā potest consuetudo, & Paparū decreta ea de re in omnibus locis recepta omnino non sunt.

Hicquæ

Hicque etiam considerari debebit, regnantem Pontificem in compendio 10. Decembris dicere, in carcerem coniectos esse Canonicum & Abbatem, [personas in dignitate Ecclesiastica constitutas.] Præsto essent mille Pontificia compendia, ad demonstrandum quòd [Canonicatus non est dignitas:] sed cum eiusdem opinionis essent in Monitorio typis mandato. Canonicum excluderunt, & de solo Abbate dixerunt, [Personam in dignitate Ecclesiastica constitutam.] Ad eò ut colligatur, etià in Pontificiis compendiis errorem committi posse, quando maximè nimia cum celeritate scribuntur, quæ causa est quòd quantum opus sit, nò considerentur. Sed sine dubio adhuc non est, an hi Abbates commendatitij sint dignitas, necne, quandoquidem sacrum Tridètinum Concilium commendationes prohibet. Plurimum nihilominus interest eius quod tractamus, quòd sit dignitas, & quòd suprà hoc basim iaciat Papa: ita ut, si esset miser aliquis Sacerdos beneficio carens, res tanti momenti esse non existimaretur: sed dignitatis qualitas specialis est, ad maiorem & probabiliorè reddendam immunitatem: cum certum sit in Ecclesia collocatos esse ordines, qui sunt Sacramenta iure diuino, inter quos ordines summus, est Sacerdotium: sed hæ Abbatum, Præfectorum, Archidiaconorum dignitates iure humano introductæ sunt: igitur si immunitas esset iuris diuini, præcipuè esset in Sacerdotibus, etiam si gradu careant: & non in specialibus, quemadmodum volunt, dignitatibus. Ac sanè, qui volet hunc rationum nodum soluere, id sine magno & vano labore non tentabit. Hoc argumentum requirit vè

in persona Papę duę qualitates reperiri cōsiderē-  
tur, vna Pontificis Romani Ecclesię particularis.  
Episcopi, & vniuersalis, Capitis, alia illius status  
quę possidet, Principis: quę etiā si nunc coniungā-  
tur, non tamē necessariū est, vt Princeps Secularis  
Romanus sit Pōtifex, neq; vt Pōtifex sit Princeps.

Nunc explicandum non occurrit, ambas istas  
qualitates vnitas fuisse, non forsan à quadrin-  
gentis annis: sed concedatur etiam iam ab 800.  
annis id factum fuisse, id nihil ad narrationem no-  
stram. In ciuitate Romę tanquam Pontifex. Vica-  
carium suum habet, in aliis ciuitatibus subditis  
Archiepiscopos, Episcopos, & alios Rectores Ec-  
clesiasticos: & tanquam Princeps habet ministros  
suos Gubernatores, Iudices, & alios, qui etiam si  
Presbyteri sint, tamen non quatenus Presbyteri  
illa munera obeunt, multosque etiam præterea  
habet Laicos. Nunc si quis Ecclesiasticus, Presby-  
ter, aut Frater, enorme delictum committat, vi-  
deamus, non Episcopos, & eos qui administratio-  
nem Ecclesiasticam gerunt, eum punire: sed Gu-  
bernatores, Auditores, &c. Vidimus Turrim No-  
næ, Sabellam Aulam, ingentem Bolonię Turrim,  
aliosque Laicos carceres Presbyteris plenos, &  
Fratribus morte mulctatis à Iustitia: & quod ma-  
ximi est momenti, visi sunt suspensi Fratres cum  
habitu Canonico, sine vlla Pontificatum Sixti &  
Clementis dignitatis imminutione. Hæ res pro-  
fectò necessarię, & iustę fuerunt, alioqui Eccle-  
siasticus Status tranquillus non videretur. Ideo  
hac necessitate alij Status non carent: & si pla-  
ceret eius Sanctitati metiri aliena opera mensu-  
ra, qua vtitur, & quam suis tradidit, non damnaret  
Prin-

Principes, qui Presbyteros non tanquam Presbyteros vitam agentes, puniunt.

Sed non creditur id ex aliis Statibus emergere posse, quod ex proprio emergere nequit, debemusque exemplum eius quod ab aliis fieri volumus, præbere : quia videntes malum quod inde resultabit, cum alienis necessitatibus pateremur.

Non ignoro quod dabitur responsum, idque est, Papam suprà narratas duas qualitates habere : vñā Principis, alteram Pontificis: tanquam Principem videndo necessarium esse bonæ sui Temporalis Status administrationi, ut potestate seculari enormia Clericorum delicta puniantur, à se tanquam Pontifice permissionem nō requisiturum: & quæadmodum sibi concedit, ita etiam aliis, si in gratia postulent, cōcessurum medicina intolerabilior, quàm infirmitas, & corpori perniciosior: & responsum quod etiam indivisibile diuidit. Nonne facilius esset dicere Pontificem, quatenus Princeps est, cognoscere necessarium esse bonæ Status sui administrationi, castigare autoritate Temporalis quemlibet, vel Ecclesiasticum, qui quietem perturbat? Sed non perspicuus aliorum Principum & Statuum facta, neque consentiens eos habere autoritatem à Maiestate diuina, cognoscit solùm proprium Pontificis & Patris vniuersalis autoritatem: idèoque vult stare ab ipsorum, administrationum partibus.

Hic sefe quidam opponunt, dicentes omnem castigationem, esse peccantis correctionem, alioquin nisi ad hunc bonum finem spectaretur, opus tyrannicum esset: sed vniuscuiusque correctio, superiorum est: idèoque Principis non interest, si pec-

cans, Ecclesiasticus corrigatur, necne. Intentus sit tamen castigationi Laicorum, quod si Ecclesiastici non punirentur, Antistites Deo rationem redderent. Et verò concluderetur ratio, si subiectum eius verum esset, correctionem delinquentium esse iustitiæ criminalis solum finem. Est finis certus, sed est finis secundarius, & quod minus est, est utilitas priuata; quod præcipuum est, est finis Publicus: & in duobus consistit: vnum est, in conseruatione bonarum consuetudinum ciuibus, & ciuitati tranquillitatis & quietis: alterum est, in restitutione æquali rerum, si aliquis sibi aliquid plus vindicet, vexando eum, aut damnum inferendo præter rationem, tanta pœna analogicè ipsi infligta. Quando Ecclesiasticus postponit timorem Dei, & mundi, à lege abit, Rempublicam lædit, præbēs Laicis exemplum, quod cum imitentur, improbi redduntur: & præterea inuitat etiam illum, qui se ab ipso læsum videt, vt vindictamumat cū quietis, & tranquillitatis publicæ euerfione. Quibus de causis principis munus esse debet, vt castigetur delictum: alioquin propter supra dictam rationem non deberet princeps vnquam punire peregrinum, qui in suo statu peccasset: quandoquidem, cū non sit eius subditus, non debet eius utilitatem curare. Princeps peregrinum punit, nō ipsius correctionis, sed subditi proprii ab iniuriis defensionis rationem habens, quemadmodum tenetur, & vt arceat mala exempla, quæ possunt prauos mores in publicam quietem introducere. Non valet igitur dicere, si utilitati publicæ necessarium est, vt puniatur Ecclesiasticus, procuret princeps eius correctionem ab Antistite, neque permittat vt id Laici magistratus exequantur.

Ideoque vt respondeatur, necessarium est considerare Ecclesiasticos propter delicta vel grauissima, & maxime enormia non posse, secundum sacros Canones sanguinis poena punire: sed castigare censuris suspensionis, priuationis, depositionis, & irregularitatis poena: aut imponere poenitentiam orationum, ieiuniorum, & aliorum eius modi operum: seuerissimâq; sententia est, in Monasterium aliquod, aut angustiore[m] carcerem relegatio ad perpetuâ poenitentia[rum] actionem, quam non videmus hisce nostris temporibus exercitam fuisse, ob grauissimum quemlibet excessum. Quin si aliquoties damnant hisce poenitentiis ad aliquod tempus longum, post humilitatis poenitentia[rum] factam relationem, & promptitudinis ad morem gerendum, ei remittunt & gratiam delictorum facile faciunt. Et quantumuis Iustiniani mandatum esset, vt propter delicta seculari potestati traderentur nihilominus communis & usurpata Canonistarum opinio, est vt hoc tantum fiat in tribus, nempe hæresia, literarum Apostolicarum falsificatione, & aduersus proprium Episcopum conspiratione. Quoad cetera affirmant, si Clericus commiserit enorme delictum, & grauissimum, vel si ipsum summum Pontificem è vita sustulisset; quoties offeret, se poenitentia[m] agere velle, non debere capite minui, & potestati seculari tradi, sed in perpetuum carcerem relegari. Ex hoc modo & conditione Iustitia[rum], sequitur, Ecclesiasticos facile incidere in legum transgressionem: quia cum maiorem utilitatem aut delectationem afferat peccatum, quàm damnum, aut fastidium, poena eligunt potius hoc malum ab ipsis minus existima-

tum,quàm vt propriis appetitibus & libidinibus priuentur: neque vllomodo vitæ timentes ( quod multum delinquentes coercet& prostermit)& sperantes etiam si castigentur pœnis aliquibus Ecclesiasticis , fore vt sese accommodent omnia æqui boniq; consulentes : & ideo licentiam sibi faciunt sine respectu,quodlibet scelus perpetrandi : præterquam quod à foris Ecclesiasticis non puniantur delicta quæ publicam tranquillitatem turbant, sed ea quæ magis ipsos spectant. Ideoq; non tantum Laici interest Apostolicarum literarum falsificatio, aut aduersus Episcopum coniuratio, quæ sunt res (vt suprà dictum est) propter quas capitis minutio constituta est, sed proditio , læsa Maiestas, monetæ falsitas, homicidium, propter quas res Ecclesiasticas suas pœnitentias imponent, eæ sunt quæ ad tranquillitatem Reipublicæ magna & manifesta seueritate puniri debent. Et verè Antistes qui solus Clericos regit , non potest quicquam facere quod eos non spectet, eorûque vtilitatē: quemadmodum pater-familias non castigat filios suos & seruos , nisi solum bonum domesticum spectarit: Principis castigationes solè , suorumque seruorum, carpunt viam & spectant verè ad commune beneficium , quod est realis castigationis finis. Dictum quod propter enormia delicta , quæ publicam quietem turbant, Clericus ab Antistite puniatur, non aliud significat , nisi quod illa pœna referatur ad bonum ordinis Ecclesiastici, & quod Laici totius damni delictorum commissorû participes fiant : & boni quod ex eorum pœna nascitur, nullam portionem accipiant. Et iuvat verum dicere, Antistites nunquam puniunt Clericos propter



pter læsos ab iis Laicos, nisi instantia ipsis à Magistratibus facta, præ timore, ne ipsi defectum suppleant: & ratione freti sunt, quia eorum prouincia est Presbyterum regere, non autem Laicum defendere. Sed Princeps qui tributa, aliæque officia à subditis suis recipit, ut defendat vitam, honorem, & fortunas eorum, sine peccato deferere eos non potest, quando eorum qui sub immunitatum prætextu, quodlibet facinus, audent, audacia opprimuntur: permittens ut delinquentes impuniti abeant, aut solis spiritualibus pœnis castigentur: sed tenetur eos ad iustitiæ cōseruationem & aliorum exēplum punire: maximè cum ipse Princeps à Deo Creatore constitutus sit, quemadmodum diuus Paulus ait, [Minister Dei vindex in iram ei qui malum agit:] qua in re si deficit, etiam cum conditionis priuatione punitur: [Aequum de gente in gentem, transfertur propter iniustitias, iniurias, contumelias, & diuersos dolos.] Et præter Dei offensionem in quam incidit Princeps deferens subditos, & negans iis debitam protectionem, sequuntur alia mala quæ omnia ad publicum exitium spectant. Laici læsi ab Ecclesiasticis in sanguine, honore, & fortunis, se priuatos videntes iusta illa vindicta, quæ fit autoritate publica, ad priuatam quibusdam rationibus mouentur: & quod prius est, timentes ne iterum lædantur, nec sperantes ab Antistitibus iustitiam, præuenire student: & ita ex vno malo mille alia nascuntur, quæ seditionum & grauissimarum in Ciuitatibus perturbationum causa sunt.

Quod quò magis dicitur ad defensionem iudiciorum Ecclesiasticorum, immunitates à foris

Laicis, clericis in illius ordinis honorem concessas esse, quem quòd cultui diuino consecratus sit, eò magis ratio vult obseruari: idque est res, quam omne bonum iudicium in contrario sensu intelligit: quia si velit in honorem illius qui peccatum admisit dicere: Primum ille non est dignus qui honore afficiatur: diuúsque Paulus ait, [vis nō timere potestatem? bonum fac & habebis laudem.] deinde bene dicit Socrates, vnumquemque peccantem infœlicem esse: infœliciorem tamen si pœnam effugiat. In honorem bonorū multò minus, quia possunt infici improbrum consortio, maiorique honore afficiunt quando prauo consortio carent: consilium dat Paulus, [Auferte malū ex vobismetipsis, modicum fermenti totā massam corrumpit.] Vnde si ipsi sacris canonibus, non possunt, tristibus vitam tollentes, excludere eos à suo numero, dignitati Ecclesiasticorū proderit, quòd eorum bonitas à malis purgata, autoritate principis, sincera restet: ideòque honorari. Non potest dici vlla alia libertas ipsis esse sublata, nisi malè faciēdi libertas. Ex his cōsiderationibus manifestissimum est Venetam Rempublicā, tam in legum constitutione, quàm iustitiæ administratione, eam Principis supremi Temporalis sibi à Deo datam potestatem nullomodo excessisse: neque meritam esse vt secum ita cum censuris Ecclesiasticis ageretur: eòque magis quòd tanta cum celeritate ad fulminationem ventum est, vt quis de rebus Romanis audiens miretur, vnde nascatur, quòd causæ (vel exigui ponderis) Romæ tanta cum productione tractetur, vt ea maximā ex parte potius litigantium morte, quàm iudicum sententia terminentur:

terminantur:

nentur : & nihilominus in re tanti ponderis non celeriter , sed præcipitanter iudicium factum sit. Quandoquidem sub initium Nouembris , solum sermocinationes harum causarum inchoatæ sunt, ita vt in v. mensibus peruentum sit ad deliberationem ter centena millia animarum excommunicandi, & interdicensi, tanto regionis & ditionis tractui : maximè quod intolerabili impatientia expectatum sit semper hoc tempus , cum querimonia , vt quæreretur dilatio , ad temporis vsum. Peruenitque eius Sanctitas ad eiusmodi sententiâ, Cardinalibus solis notitia communicata , sine voluntatis eorum inquisitione, quemadmodum fieri solet in tanti momenti rebus , idque non sine aliqua Curia Romanæ submurmuratione, cum mos sit non solum Cardinales eiusmodi argumentorum participes facere, sed etiam eos in consilium adhibere. Et deinde stabilito , typisque mandato adhuc ultimo ipsius compendio 17. Aprilis, eadem die de eo in Consistorio loquutus est , & immediatè id affirmavit, & intimavit. Et in hoc digna magno etiam stupore res est, cum Romani profiteantur, neminem alium lites agere nouisse, seque in seruando ordine vti summa vigilatia, trito hoc, tanquam prouerbio, [Omnis processus formatus extra Curiam vt plurimum est nullus. Nihilominus in tanti momenti causa , sine citatione actum fuerit. Dicunt tandem ipsi esse de Iure naturæ, & semper in ore habent, [Adam ubi es? & , ubi est frater tuus Abel?]] Et deinde hoc obseruatum non fuisse videtur. Et si quis dicat duo compendia x. Decembris citationis loco esse, hæc tres obstant rationes. Prima, duo illa compendia prima x. De-

cembris adhuc huic infirmitati insanabili obnoxia esse, quia in eorum altero cùm Senatus leges nullæ, & legislatores in Censuras incidisse declararentur: ad hoc non poterat responderi, nisi prius facta citatione ad contrarias rationes referendas. Deinde, aliud est monitio, aliud verò citatio, quemadmodum optimè Iurisperiti demonstrant: illa imperat, vt dicto obediētes simus, tanquam in re decisa: hæc accersit ad videndum, num bonum sit, num necessarium, aut morem gerendi officium: ideoque cum in illis compendiis imperet reuocationem legum, & consignationem carcerum, sub censuris, & pœnis, non citatoria, verum monitoria vocari possunt: neq; dici possunt in citationem resolui, cùm spatium vllum nō habeant, sed immediatè executionem imperent.

Neque potest dici de citatione agere Monitorium, quod dat 24. dierum spatium, cum in eo declarentur nulla, & aboleātur Reipublicæ decreta, non post 24. dies, sed eo ipso tempore 17. Aprilis: igitur eiusmodi abolitio in citationem nullomodo resolui potest. Et multò minus etiam, quoad reliquum, deficiente iustificatiua clausula, sine qua non solum vnquam in citationem resoluitur, sed etiam monitorium ipso iure nullum est, simul cum ipsius excommunicatione, vt probat Nauarra in caput, *Cum contingat*; 8. *causa nullitatis*. Sed omnes alios defectus condonando, vnde apparet citatio, aut monitio in legem 1602. quam de bonis emphyteoticis esse dicunt, & quæ verè magis est de bonis censualibus aut ad longum tempus locatis, quæ nihilominus Monitorium ingreditur, primo loco, & aboletur, cùm non intelligatur quis

quis sit eius sensus , neque quibus defendatur rationibus ? Saltem semel de ea disceptare audiuis-  
sent: facta fuisset aliqua extra ordinem iudicij narra-  
ratio , sed quod ex improviso primum damnata  
sit, magna est & scandalum pariens admiratio.

Fortasse necessarium non erit se in tractatio-  
nem de hac Emphyteoticorum causa diffundere:  
quãdoquidem insignis iste defectus in ordine iu-  
diciali commissus est. Sed quia aliquis fortasse  
cõpendiose alicuius cognitionis Reipublicæ hac  
de re nominum desiderio flagrabit , ab hoc pro-  
posito , aliqua attingere alienum non erit: ex qui-  
bus legitima Senatus in constituenda Lege au-  
thoritas perspiciatur , necessitasque quæ eam mo-  
uit, & equitas in re constituta : & identidem num  
in intelligentia verborum , & huius legis causa-  
rum , aut de industria , aut imprudenter in ali-  
quem errorem inciderit.

Pontifex in Monitorio dicit, Ducem, & Sena-  
tum à 23. Maij 1602. sumpta occasione à lite mota  
inter doctorem Franciscum Zabarellam , ab vna  
parte, & Monachos Pragenses ab alia, statuisse nõ  
solum: vt monachi tum, aut in posterum, non pos-  
sent agere sub quouis nomine, vt præferrẽtur bo-  
nis Emphyteoticis à Laicis possessis, neque obti-  
nere proprietatem bonorum supradictorum, præ-  
lationis, consolidationis, aut lineæ extinctionis  
respectu, aut alia quauis causa saluo eorum iure:  
sed etiam vt id intelligeretur declaratum & con-  
stanter diliberatum quoad omnes alios Ecclesia-  
sticos, & omnia loca.

Ex hoc nõ apparet num eius Sanctitas arguat Se-  
natus decretum, quod extendat ad omnia loca &

personas Ecclesiasticas, id quod in causa Monachorum & Doctoris decisum fuit, nihilominus supradictam decisionem in priuata controuersia approbans: an verò vtrumque simul reprehendi intelligatur.

Quod si concessio, quod senatus haberet legitimam potestatem illi liti finem imponendi, negatur posse declarari, legibus vniuersalibus, id ipsum in quauis alia causa declarari & intelligi: hoc non poterit vllomodo ab ingenio quouis mediocri capi: cum manifestissimum sit, eidem potestati conuenire in aliqua materia legem sancire, & in ea occurrentes controuersias particulares iudicare. Aristoteles (*Polit. 3.*) ostendit iudiciū esse legem particularem, & legem esse iudicium vniuersale: & posse sufficere, quando iudex affectibus vacans reperiretur, aut vero solam legem sufficere quando comprehendi possent omnes particulares circumstantiæ: & in Iustiniano Codice *L. 3. t. 5. ne quis in sua.* videtur Iurisdictio duo capita continere, iudicare nempe, & ius dicere; hoc spectat constitutionem decreti qui sententia nititur: illud verò eius pronuntiationem. Et prætoris Romani officium erat generalia decreta sancire: & iudices constituere, qui illis conforme in causis particularibus ius administrarent si lex spiritualis esset, iudex verò secularis, ipse eam non intelligeret, neque secundum eam iudicare posset. Scientia spiritualis, & mundana actio non conueniunt. Regula, aiunt Philosophi, & regulatum debent esse homogenea, ideoque Iurisperiti, maximè rationi consentaneum dicunt, [forum fortiri & statutis ligari paria sunt, [*Plan. Cast. l. omnes populi. ff. de iust. & iur. De-*

*gim*

*cum c. qua in Ecclesiarum, &c. Ecclesia Sancta Maria, de constitut. Alex. Conf. 201. l. 2.* Idcirco qui concedit Senatum legitimè causam inter Monachos & doctorem iudicasse, debet etiam concedere ei potestatem decernendi vniuersaliter id quod fuit regula in iudicio quod occurrit, & in iis quæ occurrunt esse debet.

Sed si intelligatur etiã de reprehensione cognitionis, & decisionis à Senatu in Monachorum & doctores causa factæ, hoc est quod optimè demonstrat quantum necessarium erat tantum non progredi, & primum formare Monitorium, & præcipuè in hoc caput, non perspecta sententia in lite formata, aut controuersia nominata.

Cùm verum non sit doctorem ea in causa actorem fuisse, Monachos verò reos vt præsupponit Monitorium dicens, [Inter Doctorem &c. ex vna, & Monachos &c. ex altera partitus.]

Cum anno 1508 Corsatus de Corsatis acquisiisset ab Andrea Monaldo octo campos, qui Pragenfi monasterio tributum exsoluunt, Doctor 1602. die duodecima Februarij vt ratione confinium ad se retraheret, pretium deposuit, 2. Martij Monachi arbitrantis se tanquam Dominos iuris agrorum illorum illi prælatum iri, coram Patauix Prætoris se stiterunt, & de lite disceptarunt, prælationem existimantes, qua in causa etiam coram illo magistratu multis actis processum est, quousque, secundum huiusce Status constitutiones, Doctoris, & communis Patauianæ Reipublicæ precibus cognitio ad Senatum translata est. In iudicium Laicum, Monasterium non vocauit Doctor, sed ipsi Ecclesiastici cognouerunt, huiusce

causę iudicium ad seculare iudiciũ pertinere, quandoquidem ad id recurrerunt : qui solus recursus, quando etiam alius hęc non esset, pratori iurisdictionem dedisset, etiãque Senatui in ea causa, quemadmodum disertissimis verbis declaratur, *l. prima, C. de iurisd. omn. iudic.* Sed præter hoc solidum, firmũque fundamentum, additur istud aliud validissimũ & vniuersale; ab immemorabili tempore multo ante 200. annos superiores, quando de bonis à Laicis possessis actum est ( quodcũque tandem nomen imponatur, Emphyteotico- rum, aut Censualium, aut feudatariorum, aut in longum tempus locatorum, aut alio quouis titulo) nunquam in hoc statu iudicem Ecclesiasticum iudicium exercuisse, sed semper & sine contradictione vlla cognitionem, & iurisdictionem penes Se- culare iudicium fuisse.

Vnde non solum probatur à Senatu iuridicę determinatam esse controuersiam Monachorum à Doctõribus, sed etiam ipsi propriam esse potestatem statuendi decreta, quę bona supra nomi- nata à Laicis possessa, in quę ius habet Ecclesia, disponant & regant. Idcirco eius fuit, & est, vt de controuersiis quę natę sunt, & nascuntur circa ea bona, iudicet: prætereaque ostendimus eidẽ potestati conuenire decernere, & iudicare. Superfunt in omnibus Cancellariis Ciuitatum tabulę actorum coram iudice seculari iudiciorum, ex quo huic statui subiectę sunt: neque poterit ostendi vnum iudicium in foro Ecclesiastico tractatum. Quandoquidem Ecclesiastici rei in iudicium vocati non fuerunt, sed sponte Actores ad iudicium adfuerunt, vsurpatio vocari non debet, idq; quod  
magis



magis rationem perstringit est, quod in eiusmodi controuersis intra Ecclesiam & Ecclesiam, ipsæ ad iudicium adfuerunt, pro iustitia in alterutram Ecclesiam. Quin firmiter credendum est, principium huiusce introductionis fuisse valde Canonicum, quandoquidem illius seculi Ecclesiastici, valde probi, & Ecclesiæ nominum studiosi, & Pōtifices pariter accuratissimi iurisdictionis Ecclesiasticæ conseruatores erant: & ita hi vt illi optimè sciebant naturam fundorum propter quos se corā iudice seculari ad postulationem sistebant, nedum vt vllus vnquam hanc iudicandi consuetudinē reprehenderet, sicque certissimè dici possunt ipsam introduxisse. Estque Iustiniani disertissima constitutio, consuetudinem aliis tantam, quantā dat lex iurisdictionem dare.

Sed quandoquidem eius Sanctitas in Monitorio, ait Senatus decretum, constituisse, in bonis Ecclesiasticis Emphyteoticis, necessarium est aut vt eius ministri aliā Scripturam habuerint, aut alio affectu præoccupati crediderint se vidisse in ea Scriptura, quod non aperitur vllō modo, neque in sensu, ided illud nomen Emphyteoticis, neque formaliter neque æquiualentibus verbis ibi est, neque sese excusare queunt eiusmodi sensum fuisse, prout exposuerunt: cum nō liceat alienum dictum alienis verbis referre, & maximè quod in genere dictum est, ad vnā solam speciem restringentes. Lex vetat, ne Ecclesiæ possint bona à Laicis possessa sui iuris reddere, restantibus nihilominus eorum directis nominibus. Verum non est ibi esse distinctionem directi & vtilis solū in Emphyteoticis, sed hæ ambæ ditiones in bonis patrimoniaz

libus reperiuntur, de quibus agitur in quodam titulo libri 12. Codicis Iustinianę, *titul. de fun. patrim. l. si quis fundos. l. fundi patrimoniales. l. hi. quibus.* quorum ius potest esse in Ecclesia, si princeps concesserit ei Ecclesię, & quamvis hæc possidendi consuetudo obsoleuerit in Italia, sub Francis Imperatoribus corūq; successoribus, in eiusque locum successerit feudum, non tamen non restant in Ecclesiis, maximè Cathedralibus aliqua huiuscemodi bona, quę data fuerunt priusquam Constantinopolitani Imperatores, ab harum circumiacentium regionum Imperio excluderentur. In locatione perpetua etiam directū, & vtile sunt, vnde tamen (quemadmodū in supra dictis fundis) in prelatione, cōsolidatione, & lineę extinctione locum non habet: quemadmodū Couarruias, & Valasco à multis citati Doctoribus, probant efficaciter, licet quidā imprudentes in contrariū tendār.

Magna ex parte cura directā Ecclesiarum quę sunt in hisce regionibus inferioribus circa mare, quę aliàs paludes & valles erant, eiusmodi sunt generis. Idcirco. cūm terrena omnia sub aqua essent, nullum alium fructum præter calamos carperent, in perpetuum aut in longissimum tempus locabantur, ob leuissimum aliquem canonē fructibus, quos producebant, respondentem; etiam si nunc propter immensum sumptum, & Seculariū laborem, & publicum, & priuatum, in subleuando terreno, siccanda palude & deriuanda aqua, ad præsentem statum reducta sint. Vbi ius non habet Ecclesia, neque iustitia scripta, neque æquitate ad existimationem prelationis, aut deuolutionis, aut alius cuiusvis, sibi propria ea terrena red-  
dat,

dat, & supra hæc maxima ex parte versatur Senatus lex, quemadmodum etiam statuit in aliud bonorum genus, vt dicetur.

Ideò occurrit, vt persoluendus sit Ecclesiæ canon iure reseruati census, in aliqua stabilia bona, aut quia Ecclesia ipsa in antiquis venditionibus reservationem stipulata cùm sit, aut quia deinde, reseruato censu ab aliis venditoribus dominis, ab eis illi datum sit. Qua in re census reseruatus sine dubio in perpetuū ad Ecclesiā pertinet: sed supra stabile nullo modo restat ei dominium, cuius vi possit existimare, consolidationem, aut prælationem, aut retractionē, aut eiusmodi alias actiones.

Feudum etiam est huiusce naturæ, vt in illo directum ab utili distinguatur; & miror quòd volentes legi Senatus addere, aut in sensu alieno à suo vero declarare cum hoc vocabulo *Emphyteoticis*, ad grauius factum reddendum, non dixerint, *Feudalibus*. Sed fortasse tam ultra non progressi sunt, quia non sperabant, id restitutum sine animaduersione, cùm vox sit vulgaris, & quæ ab omnibus plenè intelligitur.

Vocabulū *Emphyteoticis*, paulò magis absconditum, & creditum est esse commodius vt occultè introduceretur: ideò non debet non contradici, in lege Senatus illud vocabulum non vsurpari, *Emphyteotici*, & vniuersaliter agi de omnibus contractibus, & possidendi modis; vnde duo dominia, vtile & directum, diuisa maneat, neque licet vlli velle restringere, aut alio modo declarare contra eius verum sensum, ad eliciendam inde sequentem conclusionem in Monitorio positam, quòd alio modo explicari non poterat, scur præ-

missa in aliquibus Ecclesiarum iura, etiam ex contractibus initis ipsis Ecclesiis competentia, auferant.]

Nouum non est, Ecclesiasticos ut venirent in bona possessa à Secularibus tentasse nomen Emphyteoticorum, nominibus quibus censum & annuum recipiunt, imponere. Sed à 200. annis multæ Italiæ ciuitates hanc ob causam tumultum aduersus eos excitauerunt: ipsique aliquando coacti sunt à suis prætensionibus descendere, & Canone quem recipiebant, contenti fuerunt.

In eadem Patauiana ciuitate, iam 150. anni sum, quod transactæ sunt magnæ controuersiæ inter cōmunem rempublicam, & Sanctæ Iustitiæ & Pragiæ Monachos, hac de re lites per transactionem terminarunt, vnde declaratum fuit, præter alia, in omnibus villicationibus eorum non habere locum caducitatem, prælationem, consolidationem per lineam finitam, quemadmodum constanter affirmabat Ciuitas hæcenus ab immemorabili tempore eam fuisse consuetudinem, & vsum. (Extant capitulæ authenticæ transact.)

In ciuitate Urbino etiam ante illud tempus magna controuersia inter Clerum & Populum agitata est, quæ pariter per transactionem finiit, cum diserta declaratione, ut consolidatio per lineam finitam locum nunquam haberet. (*Paul. Cas. l. Consil. 244. l. 2.*) Antea adhuc Ferrariæ hac de re fuerunt graues & periculosi tumultus, ad quorum seditionem Papa Bonifacius IX. potius tanquam summus Princeps, quàm Pontifex, non gratia sed iustitia coactus est in feudis Emphyteoticis, & aliis similibus Ferrariensibus contractibus authore præ-

re caducitatem, prælationem, consolidationem per lineam finitam, & nouam formam iustitiæ, & æquitati conuenientem dare, quæ magis ad naturam censuum, quàm alius contractus educeret, doctorẽsq; perspecto insigni damno quod patitur Laicus ex deuolutione, aut cõsolidatione ad lineam finitam, communi sua sententia penitus sustulerant, dicendo, in eiusmodi re proximum propinquum, posse per iustitiam petere vt inuestiatur, & eo negato appellare posse, multique ad hanc specificationem veniunt, etiamsi Ecclesia stabile sibi vellet, aliique addunt Ecclesiam non solum teneri, inuestire, sed etiam non posse Canonem crescere. (*Vide Clar. & Valasc. Ruin. conf. 12. Vol. 1. Decius Confil. 131. Bero Conf. 98. l. 1. Abbas c. bona, de postul. prel. & consil. 113. Curt. Sen. cap. 47. Riminal. cap. 44.*)

Mirum non est quod lege, aut transactione in supra nominatis locis sublata sit caducitas, propter non solum Canonem, aut prælationem in venditione, & consolidationem propter lineam finitam, cum nulla harum conditionum ad contractum necessaria & essentialis sit. Sed id omne quod lege fieri potest, etiam factò potest, etiamq; consuetudo id introducere potest: Ideoque in hoc statu longa & præscripta consuetudo, quæ immemorabilis videbatur iam à 150. annis potuit aliquibus paucis bonis, (si ita sit, vt quædã essent) auferre caducitatem, prælationem, & consolidationem, & introducere vt extra Canonis solutionem, patrimonialia & allodialia haberentur. Videatur Conf. 72. Panormitani, longa est narratio, consuetudinem etiam in Emphyteoticis Ecclesiasti-

cis potuisse Vrbinum introducere, vt tolleretur cōditio caducitatis, Quæ nihilominus Ecclesiæ vtilissima est, siquidem ea, Ecclesia acquireret meliorationes sine solutione, prælatione, aut consolidatione ad lineam finitam, suas credere nequit nisi pretium iustum persoluens: vnde argumento à simili, etiāque à maiori, eò magis potest consuetudo prælationem aut consolidationem ferre. Additur huic statui peculiare non esse, vt aliquod bonum Emphyteoticum allodiale fiat: sed in Gallia omnia Emphyteotica eiusmodi fiunt, vt testatur D. Ioan. Rub. Auth. *Ingressi*, de sacrosanctis Ecclesiis. Quæ res ostendunt, & equitatem, & necessitatem eiusmodi legis. Quam licet Venetus Status, illo tempore in forma legis scriptæ per totum suum Statum vniuersaliter promulgatæ, non constituit: in vsum nihilominus & consuetudinem recepit, & in rescriptis causarum occurrentium, sanciuir, obseruauit, & exsequutus est hætenus.

Hic multa sunt Principum huiusce Ciuitatis cum ipsius Collegio decreta, quæ successiuè in controuersis inter Ecclesiam & Laicum, vel inter Ecclesiam, & Ecclesiam, terminarunt & concluderunt de non admittenda caducitate, aut prælatione, aut consolidatione utilis cum directo, & interdum clausulas generales rescriptis suis, quæ omnes euentus comprehendunt, imposuerunt, quemadmodum Vendramini Ducis 1476. tempore, in rescripto, ad Prætorem Montisferr. supra eiusmodi particulari controuersia, hæc verba addit: [nunquā pati volumus (etiā in bonis Ecclesiasticis) quenquam, qui diu tenuerit agrum aliquē  
iure

iure liuelli , quem sumptibus & laboribus suis meliorauerit , sic de facto expoliari , sed tantum quod soluat liuellos non solutos. ] Et ducis Mori tempore, in rescripto ad magistratus Brixianos anno 1466. cum exclusisset Abbati Lenæo potestatem retrahendi ad se vlla sua villicationum bona vendita aliis, addit, [ Et de hac nostra intentione date dicto Abbati notitiam , & declarate , ne contra eam dictos Christophorum, & Cornelium inquietet, sed acquiescat huic voluntati nostræ, quia hoc idem in aliis terris , & locis nostris seruari volumus, & facimus in similibus.

Ex quo manifestè apparet hanc non esse legem nouam , sed in consuetudinem ab antiquissimo tempore stabilitam, & confirmatam , non solum magistratuum, sed ipsius Principis peculiaribus iudiciis, de quibus lex ait, [ si causam Princeps inter partes cognouerit, & sententiam dixerit, est lex in aliis similibus omnibus: & secundum Iurisconsultos ( *C. de leg. l. si imperialis. Afflict. d. 313. Menoch. vide cons. 676. num. 2. 487. num. 3. 973. nu. 20.* ) legis vim habent , etiam si de particularis alicuius casus decisione solum fuerint : quemadmodum Canonice leges ferè omnes sunt particularium casuum decisiones. Sed multò magis , cum adhuc habent significationem voluntatis Principis generaliter expressam , in similibus supradictorum casibus. Hecque facta sunt à Republica id videntibus, & scientibus, nec repugnantibus, ideòque non solum Ecclesiasticis qui repulsam suarum petitionum patiebantur , sed etiam Nuntiis Apostolicis , & per consequens ipsis Pontificibus tacitè id quod fiebat iustum & necessarium approbantibus:

ad eò vt quod Senatus deliberauit 1602. sit declaratio & explicatio in scripto veteris legis, quæ posita erat in consuetudine & directis rescriptis, ad particulares Magistratus, quemadmodum in ea ipsa lege exprimitur apertius illis verbis. Rerum nostrarum utilitas requirit, ad quietem & subditorum consolationem, vt hæc materia ita terminetur, vt non solum in præsentis Zabarellæ occasione, sed in re alia quauis similis nature, nūquam diuersa succedat in posterum à bona consuetudine, & iudiciis, secundum conformitatem, sepissimè sequutis. Non prætermittam adiungere, quòd si in eiusmodi lege minimus fuisset scrupulus, Papa Clemens Octauus in cuius Pontificatu promulgata fuit, Pontifex studiosissimus, & qui in hac ciuitate ministros vigilantissimos habebat, eam non dissimulasse.

Et si huiusce constitutionis verba lecta fuerint, nihilominus apparet audiendo nominari consuetudinem, conuenire, vt videatur, & intelligatur primum, quid sit consuetudo, & iudicia. Quis ad eò mediocri ingenio præditus est, qui non videat actum fuisse incognita causa: & de industria dimissos esse multos priuatos, ab iis, qui eius Sanctitati ad facti verificationem relaturi erant? sciendo, & cognoscendo necessarium esse vt hæc omnia videretur, priusquam ad tantam executionem veniretur. ferè apparet vobis tantum fuisse desiderium, vt ad fulminationem veniretur, vt veriti ne incideretis in aliquid quod eam auertere posset, effugeretis perspectum facere id omne, quod posset eius Sanctitatis animum ab eiusmodi deliberatione dimouere.



Si huiusce narrationis proposita breuitas pateretur, manifestè demonstraretis quàm extra omnem decorum, Monitorium ad hanc legem spectare dicatur, vt apparet: [ Cùmque præmissa in aliquibus Ecclesiarum iura, etiam ex contractibus initis ipsis Ecclesiis competentia auferant. ] Simulque notum fieret ea non tolli Ecclesiis vllum ius quæsitum, sed ea in vi sua manente, & obseruatione, Ecclesiis promptissimum & facillimum retinendi, [ omnia iura quæsitæ, sibi competentia, modum restare. Hęc Respublica nulli, non Ecclesiis solùm, ius quæsitum, vnquam tollere solita est: sed qui aliorum leges iudicare vult, nec errare, necessarium est primum, vt eas percipiat, earumque integram cognitionem habeat, neque priusquam fundamenta viderit ad eas damnandas accedere debet. Hac in materia dixi plusquàm huic narrationi conueniebat, & tamen nō est minima pars collata cum sequenti.

Et si occurrat vt demonstrètur huius legis fundamenta, quilibet quantum iustitiæ & æquitati nitatur videbit, & quàm legitima sit Senatus eam constituendi potestas.

Nunc reuertentes vt dicamus id quod superest de aliis enarratis argumentis: Si Pontifex à deliberatione sua præoccupatus noluit admittere tam perspicuas rationes, vt sunt suprâ narratæ, & Reipublicæ causas iustificatas habere, saltem videns vniuersam Europam habere his ab ipso reprehensis leges similes & tantum probatissimorum doctorum numerum opinionem ipsius sententiæ contrariâ tueri, debebat causam in dubiū reuocare, & cū certo respectu procedere, cū recordatione excōmunicationē esse grauissimā pœnā, & mate,

riam odiosam iis vt Canonistę dicunt, [strictissimè interpretādā,] Non intelligendum est, vllū victurum, quando Canonis verba ambigua sunt aut generalia, quę ad alium casum per similitudinem trahere non licet, neque minus argumento à minori. Ideò, etiamsi qui colaphum Sacerdoti infringit, à sancta matre abdicetur: nihilominus qui in eum bombardam emittet, etiam in Ecclesia vt eum interimat, & cum non attingit, programmate diro non configitur, licet hoc secundum delictum centies maius sit primo. Concedatur, vt qui decreta cōstituit aduersus libertatem Ecclesiasticā à sancta matre abdicādus sit, etiā declarandum esset, Veneta decreta aduersus libertatē Ecclesiasticam esse, sed si firmissimis rationibus eiusmodi non esse demonstratum est, quę etiamsi non valerent, tamen in re ipsa patet, non in narratione, quòd illę leges sunt per totam Europam. Deinde typis mandatum videtur eas à tantis doctōribus iustificari: igitur saltem non liquet esse aduersus auctoritatem Pontificiam, quemadmodum existimantur esse. Ad quid additur, cū certum adhuc non sit, quid sit hæc libertas Ecclesiastica, vt dictū est neque dum in eo inter se doctōres consentiant, non posse minus clarum esse iuxta eos, hæc leges, & actiones esse aduersus eam. Et præterea in vna causa, vbi iuxta quosdam apparet ibi esse aliquam controuersiam, & propter tot capita dubiam manere, venit præceptum excommunicatio, & interdictum, sine prospectione, & consideratione matura damnorum, quæ ait Cap. (*De sentent. excom. in 6.*) Alma Mater, ex eiusmodi Censuris sequi: scilicet quia populus religionem perdit, pul-

lulans

lulant hæreses, oriuntur infinita animarum pericula, & Ecclesiis sine ipsarum culpa debita officia tolluntur. Christiana pietas verè requirebat, vt primum, omni sedulitate causarum merita examinarentur, neque in Republica tam pia & religiosa quicquam minus quàm bonum ita facilè existimaretur. Quilibet Prælatus primum meritum causarum in se ipso capessere, & deinde alium mansuetudine Christiana capacem reddere teneatur. & vt docet diuus Paulus, [in spiritu lenitatis,] (*Galat. 6.*) quod quemadmodum obseruatum, optimum effectum pròduxisset, ita ommissum, mali, quod nunc videtur, & periculorum quæ supersunt causa fuit.

Pontifex in Monitorio suo, xvii. Aprilis dicit ducem & Venetum statum annis superioribus multa decreta constituisse, & varia, propter quæ in censuras inciderunt, sed inter alia, tria peculiariter nominata, propter quæ ad fulminationem descendit, nisi intra xxiii. dierum spatium reuocentur. Probus omnis Christianus possit hîc desiderare scire, num sit, vt dicitur, in damnum animarum magnus decretorum variorum & diuersorum à Reipublica sancitorum numerus, & si propter eorum vnumquodque in censuras Ecclesiasticas inciderit, ea exauthorare, & nulla reddere debent. Cur non monetur Senatus nisi de tribus? Non potest neque debet credi alia decreta ad animæ damnationem velle relinqui, & tamen cur de omnibus nunc non agitur? Quando aliquis conuenit debitorem suum, potest vnam debiti portionem postulare: quemadmodum cùm Dominus sit, ei potest remittere & partem, & totum: sed Procura-

tor & elector, non potest, nisi secundū Superioris mandatum. Si multa decreta constituta superioribus annis Deum lēdunt, ea omnia reuocare Respublica tenetur, neque trium reuocatione officio suo satisfaceret. Diuus Jacobus ait *Iacob. 2.* Quicumque totam legem seruauerit, offendant autem in vno, factus est omnium reus.

Propter peccata quę animę dānnum sunt, imperat Seruator excommunicationis vsum cū in *Matth. 17.* si peccauerit in te frater tuus. Sed diuus Paulus, qualia ista fuerint expressit, dicens *1. Cor. 5.* Si is qui frater nominatur est fornicator, aut auarus, aut idolis seruiens, aut ebriosus, aut rapax, cum eiusmodi nec cibum sumere. Ideoque nunc dici potest id quod Dei filius ait *Matth. 23.* Vae vobis qui decimatis mentam, & anetum, & cuminum, & reliquistis quę grauiora sunt, legis iudicium, & misericordiam, hæc oportuit facere, & illa non omittere. Quo plenē respondetur ei quod dicitur in monitorio, leges, & iudicia Reipublicę esse in perniciem animarum. Sed cū etiam additur Reipublicę actiones esse in Scandalum plurimorum, monendum est eius quod velit non concludi contrarium. Profecto intenti esse debemus scandalorum extirpationi, maximē verò si malę ædificationis multis exemplum prebēt: nūquam visus est vllus offensus quod delicta tranquillitatem publicam turbantia puniri, & luxum aut auaritiam frænari videret. Ambulantem per ciuitatem sceleratum eiusque socios à iustitia plexos videre, potius scandalum gignit: & ita videre seruari in Ecclesia aliquem, cuius, plusquam cuiuslibet alijs punitionem sollicitare deberet. Mul-

tura

tum producendum non venit ad demonstrandum quænam scandalum pariant, quandoquidem unusquisque conscius sit, unde scandalum det, & accipiat: illiq; etiam qui male ædificationis res tuentia, id non faciant sine rubore, & sine sensu apud conscientiam, se veritati opponi.

Profectò hoc Monitorium ad exemplum X. Pontificum, in eo nominatorum scriptum est; & semper commendabitur eorum Pontificum Sanctitas quòd id imitari requisierit: sed tamen minori laude digni non sunt illi qui centum Sanctissimos suos præcessores sequuti sunt, qui nunquam indicarunt se laborasse quomodo possent nullas reddere Principum leges ad publicam vtilitatem sancitas, quin eas promulgarunt, etiámq; exsecuti sunt: & quando aliquam difficultatem de eorum iustitia perspexerunt, multa dexteritate & caritate Principibus qualis sit diuina voluntas repræsentare studuerunt. Ita si Damasus Valentiniani legem promulgauit & exsecutus est Sanctus Gregorius vnâ Mauritiij qua prohibitum erat militibus ne officio Monachi fungerentur. Valde alienum est à Doctrina antiquorum, & bonorum Theologorum, pronuntiasse etiâ excômmunicationes aduersus Senatum, qui persona singularis non est, sententiam. Diuus Augustinus *Lib. 3. contra Epist. Larmen. 23. q. 4. c. non potest*, perniciosam existimat, & sacrilegam, impiam & superbam (hæc sunt eius ipsissima verba) excômmunicationem, aduersus multitudinem, etiam si in aperto, & manifesto esset peccato, & bonis pastoribus in eiusmodi accidentibus consilium dat, vt recurrant ad Deum, precibus & gemitibus, locus ab eo Sancto multum pro-

lixè tractatus, tantòque cum studio, vt si Barbaccig  
aut Zenzelini loco, legeretur, spiritum caritatis in  
omni Christiano produceret, quod aliorum lectio  
facere nequit. Sanctus Thomas *q. 22. a. 5. in add. &  
in 4. d. 18. q. 2. a. 3. quo l. 10. 15.* quæstionem propo-  
nit, an Vniuersitas à Sâcta matre abdicari queat: mi-  
nimè respondet, rationesque affert: concludens Ec-  
clesiam multa prospectione statuisse ne Commu-  
nitas abdicari à Sancta matre queat: alij Theolo-  
gi omnes vnanimis idem decreuerunt: & Papa  
Innoc. 4. *in cap. Romana, de sentent. excom. in 6.*  
ita ait, [ In vniuersitatem vel Collegium proferri  
sententiam excommunicationis penitus prohibe-  
re. ] Vbi glossema requiritur num excomunicatio-  
nis sententia aduersus Communitatem pronun-  
tiata valida esset, quatuorque celebres doctores ci-  
tat, qui dicunt non valere, vnũmque pro contraria  
parte, & tandem concedere non debere pronun-  
tiari, & si pronuntiata fuisset, tutissimum esse, dice-  
re quòd valeret. In hoc proposito consentiunt o-  
mnes, eiusmodi excommunicationem non posse  
fulminari: multi fulminatam nullam & nullius pre-  
tij: alij pauci, fulminatam valere, aiunt. Religiosi  
& pij est celeberrimorum opinionem sequi, opti-  
mis nitentem rationibus, & eam quæ constitutio-  
ne Pontificia stabilita est, & quæ plurimùm pie-  
tati fauet, & non damnata ab omnibus doctori-  
bus, quandoquidem etiam pauci illi, qui veram au-  
tumant, sequendam non suadent. Non potest op-  
poni id quod in omnibus Canonistarum libris le-  
gitur, [ Papa non potest errare, ] quam propositio-  
nem qui primus protulit, sano modo intellexit, ab  
eoque in materia fidei solùm limitibus inclusa  
fuit

fuit, & decernendi, & determinandi, non opinâdi.

Idque debente semper Papa seruare debita media, inuocationis diuinæ, & consilij humani. Nunc adulatio, sublati limitibus, absolutè veram iudicat, præterquàm quòd effecta in cōtrariū sæpe vertuntur. Exemplo erit ipse diuus Petrus, qui postquã ipsi dixit Christus, (*Matt. 16.*) [tibi dabo clauēs regni cœlorum,] Immediatè reprehendit ipsū Seruatorem qui crucifigi volebat, ideòq; dicit ei Dominus [Vade post me Satanas, scādālū es mihi, quia nō sapiſ qua Dei sunt, sed quę hominū.] Negatio etiã ita vnicuiq; nota est vt eā narrare non occurrat. Et in Epistola ad Galatas dicit diuus Paulus (*Galat. 2.*) Cū venisset Cephas in Antiochiã in faciem ei restiti, quia reprehensibilis erat.] Neq; vnicū est diui Petri exemplū. Nisi (*Genes. 9.*) reprehensus fuisset Cam quòd Patris Noë nuditatem derisisset: hīc possent referri 23. Pontifices alieni imperfectioni subditi, non consuetudinibus suis priuati, sed doctrina & administratione, & si quis legat Pontificum vitam ab anno 890. per 130. annos sequentes, sine aliorū sparsorum inquisitione, cognoscet verissimum esse id quod diuus Paulus ait (*Hebr. 5.*) [Omnis Pontifex ex hominibus assumptus, pro hominibus constituitur in his, quę sunt ad Deū, vt offerat dona, & sacrificia pro peccatis, qui condolere possit iis qui ignorant, & errant, quoniam & ipse circumdatus est infirmitate, ita vt non abs re S. Bonifacius Martyr dicat, [Si Papa suę & fraternę salutis negligens deprehenditur, inutilis, & remissus in operibus suis, & insuper à bono taciturnus, quod magis officit sibi, & omnibus, nihilominus innumerabiles populos ca-

teruatim secum ducit, primo mancipio gehennæ, cum ipso plagis multis in æternum vapulaturus. Huius, culpas isthic redarguere præsumptum mortalium nullus, quia cunctos ipse iudicaturus, à nemine est iudicandus, nisi deprehendatur à fide deuius.

Non debet ullus tantum mirari, quod Pontifex suis sententiis & Censuris potuerit læsisse aut alicui iniuriam fecisse, neque tantum malum existimare, quod etiam ei commissos errores emendare conueniat. Idcirco non solum Sanctitatis Pontifices, sed ij etiam qui mediis humanis se magis rexerūt, facti sunt se potuisse decipici & offerri retractationi. Innoc. 4. agens de controuersia inter se, & Federicum II. Imperatorem hæc ait, Quod si Ecclesia eum in aliquo contrà debitum læserat quod nō credebat, parata erat corrigere, ac in statum debitum reformare, etsi diceret ipse quod in nullo contra iustitiam læserat Ecclesiam, vel quod nos cūm contra iustitiam læsissemus, parati eramus vocare Reges, Prælatos, & Principes tam Ecclesiasticos quàm seculares ad aliquem tutum locum, ubi per se, vel per solennes nuntios conuenirent, eratque parata Ecclesia de consilio concilij sibi satisfacere, si eum læsisset in aliquo, ac reuocare sententiam, si quam contra ipsum iniuste tulisset, &c.

Cum igitur fulminata fuisset excommunicationis aduersus ducem & Senatum sententia, totaque eius ditio interdicto destinata, quod nolit permittere ut defraudetur Reipublicæ libertas, quod nō consentiat ut destruantur fundamenta, quibus superstructa est, quod se potestate in administranda

Repu-



Republica; necessaria ad fouendum quietem, & suæ Ditionis tranquillitatem, sibi à Deo datâ priuari non sinat, quòd vitam, honores, fortunas populorum suæ administrationi commendatorum tueatur: & denique quod præstiterit, & præstet id quod à Maiestate diuina sibi imperatum est. Et cū his omnibus pronūtiata sit ipsa excommunicatio, sine causæ cognitione, sine citatione, aut obseruatione essentialium iudicij terminorum, & à Deo legē naturali ordinatorum, cum diuerso studio ab eo quod eius Maiestas sine debita maturitate imperat, & Sanctorum Patrum, Sacrorum Theologorum doctrina, & ipsis Pontificiis constitutionibus contrarium: cū manifesta sit iniustitia, notaque nullitas. considerandum superest quodnam foret principis officium, & quomodo se erga Deū & sanctam eius Ecclesiam gerere deberet.

Aliquis prima fronte diceret, bonum fore sequi S. Gregorij consilium [Sententia pastoris, siue iusta, siue iniusta timenda,] & Deo firma fide suam causam commendare, & æquo animo ferre censuras iniustas in magnum meritum apud diuinam Maiestatem resilire. Consilium, quod pro insonite quicquid suæ æquitatem demonstrare non posset, optimum foret: sed Principi, qui tam euidentem, & manifestam tuetur causam, non potest quicquam perniciosius esse, ipsique, statuique suo, cultuique diuino: cuius in primis rationem habere decet, magis tenetur Princeps, quàm priuatus Deum timere, studiosus esse Sanctæ fidei, Prælatos qui Christi locum occupant obsecantia colere: sed magis etiam tenetur hypocrisin, & superstitionē fugere ad dignitatem suam con-

seruandam, & retinendum in Sanctæ Religionis exercitiis statum suum, & videre ne idem quod Hebræis, suis populis contingat, qui propter longam Moſis abſentiam, exiſtimantes ſe vero Deo priuatos eſſe, ſibi aureum extruxerunt: quod ſi bene conſideratum fuiſſet, homines ad cuiusmodi mala, in quibus iam ſunt, non perueniſſent. Non ita vniuerſaliter verum eſt illud dictum, ſententia paſtoris ſiue iuſta, ſiue iniuſta timenda *II. q. I. c. ſententia*. quemadmodum interpretantur quidam Doctores, qui introduxerunt, & poteſtatem, quæ nomine Eccleſiaſtica, re ipſa temporalis eſſet, in Eccleſia Dei conſeruare vellent.

Hic aliud eſt Papæ Gelafij Canō *II. q. I. c. cui ſilata*. qui Gregorium præceſſit, nec minus Doctrina & ſanctitate celebris, vbi ait, [Si iniuſta eſt ſententia, tantò curare eam non debet, quantò apud Deum & eius Eccleſiam, neminem grauare debet iniqua ſententia. Ita ergo & ea ſe non abſolui deſideret, qua ſe nullatenus perſpicit obligatum.] Contrarij non ſunt duo iſti Sancti Patres, vt verba demonſtrant, ſed Theologica Doctrina optimè apparentem hanc contradictionem conciliat. Quædam ſunt iniuſtæ ſententię, quia malo animo, & corrupta mente pronuntiatę ſunt, licet iuſta & legitima de cauſa: hinc non acquieſcendum eſſe nemo in dubium reuocabit, neque eas ſecundum Deum equaliter, vt iuſtas aſtringeret, etiãſi paſtor animo malo eius Maieſtatem diuinam lædit, & de his intelligitur, ſententia paſtoris ſiue iuſta, ſiue iniuſta timenda eſt. Alię reipſa cauſam iniuſtam, alię apparenter iuſtam habent: ſiquidem in rebus humanis veritas ſæpe ita occulta eſt, vt retegatur,

nequeat, vnde infons aliquādo condēnabitur, sine ipsius iudicis culpa. Hoc sētētię genus secundū Deū nō astringit, neq; ei corā ipsius Maiestate diuina acquiescendū est, & sincero animo etiāsi cōdēnatus, ne proximū offēdat, qui sententiā iustā existimat, se eā reformidare, & corā Deo viuere prout ipsius innocētia requirit, ostēdere teneatur: & coram hominibus, qui eum reū existimāt (si veritatē demonstrare nequit) viuere patiēter, suāmq; causam Deo cōmēdare. Sed si sētētia iniusta sit sine legitima causa pronuntiata, neq; re ipsa neque apparenter, non solum non reformidanda est, sed pro viribus sese ei opponendum est.

Hęc doctrina vndecim Canonibus in decreto confirmatur. *Cap. qui iustus, c. cui illata cap. secundum Catholicam, c. capisti. cap. temerarię, cap. quid obesse, cap. quod, c. aliud plane, c. non debet, 11. q. 3. cap. manet 24. q. 1. c. si quis, 24. q. 3.* & ita inter omnes Theologos cōmune est, vt nullus dissentiat, quin admodum etiam consentiunt, neminem posse à Sancta matre abdicari, nisi propter mortale peccatum in quo etiam postquam ab Ecclesia monitus fuerit, perseuerare velit. Qui omnes supradictos Canones leget, tam plenē edocebitur, vt Censuras iniquas non deuincere, nec lædere, nec villo loco habendas esse nullomodo dubitaturus, imò tantò magis, si legat Authores ex quibus hi canones deprompti sunt, in ipsis fontibus veritatem hanc cogniturus sit: ideoque præcedentia & sequentia verba euidentiore rem facient.

Sententia re ipsa iniusta, apparenter autem iusta, & quæ ne scandalum præbeatur formidanda est, non potest oriri nisi ex errore in facto, ideoque

dato facto secundum veritatem, iudex qui fallitur in dignoscendo iusto, etiam per ignorantiam, nihilominus in culpa est, unde quamuis iniusta sit sententia propter manifestum errorem in iure, nulla est, nulliusque pretij, neque secundum Deum, neque secundum homines deuincit. In hoc, quod Pontifex Romanus hanc excommunicationem fulminat, non cadit error ullus in facto, manifesta est veritas, Senatus leges scriptæ sunt, delinquentes accusati & in carcerem cōiecti, hinc non potest esse occulta innocentia quæ appareat: apud iudicem lis est; num in sancitis legibus, & in carcerem cōiectionibus decretis, peccatum commissum sit, videndum est: quod si Princeps & Senatus non peccarunt, sed in procuratione conseruationis vitæ, honorum, bonorum, suorum subditorum, quemadmodum in omnibus hisce capitibus fusius demonstratum est, Dei præceptis obtemperarunt: de iustitia Senatus & consequenter de Pontificiæ sententiæ nullitate debitandi locus non superest: & maximè quia rationes, quibus id manifestum fit, eiusmodi non sunt quæ multas mentis argutias, vt accipiantur, quærant, sed leui consideratione omnibus manifestæ fiunt: ideoque cum propter ipsius Senatus innocentiam coram Deo, eiusque etiam apud homines perspicuitatem, non superfit ullus qui offendi queat: pariter ille nullo modo reformidat excommunicationem, neque apud sese neque apud homines, nisi prout manifesta violentia in sinistram finem facta reformidatur: cum violentia manifesta sit vti potestate, à sancta parente abdicandi, à Christo data, contra eius institutiones: & aduersus eum qui potesta-

potestatem habet, eaque iniuste vtitur, solum remedium est Superioris presidio vt, quando fieri potest: sed si hic non datur Superior cuius presidio vtendum, aliud remedium Deus non dedit Principi laeso, nisi vt resistat: vim vi propria repellendo. Quandoquidem vniuscuiusque Reipublicae, aut Regni politia à Deo est, & ad eius gloriam: ideo non potest sine peccato & Dei offensione permitti vt tollatur & vsurpetur propria libertas, quae est vniuscuiusque Principatus politia. neque dubitari, quin cum Dei offensione iuncta sit negligentia in ea defendenda, & grauissima, si vsurpari sponte sineretur. Igitur vt Dei praecepto obediatur, conuenit sese cuius potestatem à Deo datam leges sancienti tollere volenti opponere, & iustitia tueri subditos in vita, in honore, & fortunis laesos.

Et quemadmodum infons propter errorem in facto, iniuste à sancta parente abdicatus, ne scandalum praebeat, tenetur æquo animo ferre: ita quando error est in iure, & retegitur manifesta iniustitia, tenetur Princeps, ne scandalum det, resistere, seseque iniuriae opponere. Quae cum ita sint, dubium non est, quin perueniente cognitione ad alia regna, vbi obseruantur leges Venetis legibus similes, & quibus iudicantur conformiter delinquentes, Rempublicam prae Censurarum indelictarum, nullarumque metu violentiae cessisse, aut potestatem suam naturalem exequi, & exercere desiisse: maximum & grauissimum scandalum acciperent: pariterque subditi qui viderent, & considerarent tantam metus vanitatem, peruersam edificationem acciperent: ideoque etiam

propter hoc caput æquum & necessarium fuit ut Princeps debitam oppugnationem suscipere, ita ut cum iniusta sit & nulla Pontificis fulminatio, per consequens sequatur, in necessaria defensione re publicam iuste & legitime promulgationem & executionem inhibuisse, fidelisque subditi Republicæ, & plusquam alius quivis, Ecclesiastici animo pacato, conscientisque esse debent, intenti cultui diuino, sub Principis protectione: & certo credere Spiritum Sanctum promitti & dari omnibus fidelibus, inter quos præsens est ipse Christus, quando in eius nomine congregatur: ne minimeque posse excludi à Sancta Ecclesia Catholica, nisi prius malis suis operibus à diuina gratia excludatur; & obedientiam quam Deus vult ut Superioribus Ecclesiasticis præstamus, non esse stolidam & insanam submissionem, neque Prælatorum potestatem esse arbitrium iudicium, sed utramque lege regi: qui in Deuteronomio, Sacerdoti, non absolutam, sed præscriptam Lege diuina potestatem ordinauit. (Deut. 17.) [Facies quæcunq; dixerint qui præsent loco, quem elegit Dominus: & docuerint te iuxta legem eius.] Solus Deus est regula quæ errare nequit, illi soli licet sine exceptione obedientiam præstare: qui proficitur obedientiam integram erga alium, non exceptis Dei præceptis, peccat, & qui sibi preponit humanam voluntatem quæ errare nequeat, communicans creaturæ diuinas proprietates, magnam committit blasphemiam. Deo redditur absoluta obedientia: Prælatis intra cancellos Legis diuinæ circumscripcta: & ita utebantur veteres in antiqua Ecclesia. In Actis Apostolicis

stolicis exemplum à diuo Luca scriptum habemus, quodd fideles irent in contrariam diui Petri sententiam, & cum eo de vocatione Gentium disceptarent, neque tamen ab eo fulmine excommunicationis, & minis territi fuerunt, imposito iis silentio: sed cum ratione, auctoritatem diuinarum reuelationum, & Seruatoris verborum edocti, & persuasi fuerint. [Caritas Christiana, ait diuus Paulus, 1. Cor. 13. Patiens est, benigna est, non inflatur, non est ambitiosa,] Non minatur non evertit, omnes tanquam fratres tractat: non est Prælatorum dominari, neque cum imperio iubere, sed exemplis, & correctionibus pietatis, & caritatis: audiamus diuum Petrum, (1. Pet. 5.) Pascite qui in vobis est gregem Dei, prouidentes non coactè, sed spontaneè secundum Deum, neque turpis lucri gratia: sed voluntariè, neque vt dominantes in cleris, sed forma facti gregis ex animo. & diuus Paulus. (2. Corint. 1.) Non quia dominamur fidei vestræ, sed adiutores sumus gaudij vestri, Debétque adedè prompta esse Prælati caritas ad docendum, vt discendum ab alijs. Idcirco quando Petrus Antiochiæ peccauit (Gal. 2.) nō habens rationem loci diuus Paulus, eum grauiter coram omnibus reprehendit: neque vllus est qui dicat, Quis est vt diuus Paulus, qui tantam rem audeat: quasi Paulus, propter præstantiam suam ausus fuisset sese cui non licebat, opponere: sed contrarium dicendum est, & constanter, Quis est vt Paulus, qui sui cum eius humilitate, & sui ipsius cognitione, & obseruantia summo Pontifici debita, comparisonem instituere possit? Certò quidem credere debemus, diuum

Paulum, quemadmodum in omnibus virtutibus exsuperauit quantum nos facere possimus, ita in obseruantia Capiti Ecclesiæ debita, id seruasse, quod nostram minimus seruare tenetur. Scriptura diuina ait (*Rom. 15.*) Quæcunque scripta sunt ad nostram doctrinam scripta sunt. Hæc historiâ Spiritus S. non scripsisset, nisi ad nostrum exemplum esset, ut eam imitaremur. Videnturque omnes doctores docentes quomodo quisque debeat se Papæ, quando errat, & non legitimè administrat, opponere, ad hoc exemplum recurrere: & docere ut faciamus, quemadmodum diuus Paulus erga diuum Petrum fecit.

Non igitur quisquam terreatur, obseruans solum Prælatorum auctoritatem: reuocet in memoriam, Petro non vnâ, sed duas clauas datas fuisse (*Mat. 16.*) & si ambæ non vsurpentur, non sequi effectum ligandi & soluendi. vnâ quidem potestatis, alteram scientiæ & prudentiæ. Non dedit Christus potestatem, quæ sine cognitione, & circumspeditione, sed multo quidē cum iudicio vsurparetur, quod si deest, sola potestas effecto caret. Canonistæ dicunt per ligandi & soluendi potestatem intelligi clauas non errantes, idq; disertè dicit, S. Leon Papa in quodam Canone, de hoc priuilegio diuo Petro dato, ab eo ad successores eius deriuato, agens: (*24. q. 1. c. manet.*) [Manet ergo Petri priuilegium, vbicunque ex ipsius æquitate fertur iudicium, nec nimia est vel seueritas, vel remissio, vbi nihil erit ligatum, vel solutum, nisi quod Beatus Petrus soluerit, aut ligauerit.]

TRACTATVS



TRACTATUS  
DE INTERDI-  
CTO SANCTITATIS  
PAPE PAULI V.

*In quo demonstratur, non esse legitimè publica-  
tum, ac multis de causis non obligari Ecclesia-  
sticos illud exsequi, nec illud ab ipsis sine pec-  
cato observari,*

*Compositus ab infra scriptis Theologis:*

Petro Antonio Archidiacono, & Vicario Gene-  
rali Venetiarum,

F. Paulo Ord. Seruorū Theol. Ser. Reip. Venetę,

F. Bernardo Iordano Minore Obseruāte Theol.

F. Michaelē Angelo Minore Obseruante Theol.

F. Marco Antonio Capello Minore Conuential.  
Theolog.

F. Camillo Augustiniano Theol.

F. Fulgentio Ordinis Seruorum Theolog.



VENETIIS.

Apud Robertum Meietum.

M. D. CVI.

Cum licentia Superiorum.

261



**Z**ELVS, quo quisque erga diuinum cultum, curamque proprię salutis duci debet, his præsertim temporibus, consideratis controuersis inter sanctitatem summi Pontificis, & serenissimam Remp. Venetam ortis, vt duę quæstiones diligentissimè examinentur, & decendantur, requirit.

Prima: vtrum Ecclesiastici debeant aut possint, sine peccato, obseruare interdictum in hoc statu.

Secunda: num Princeps possit & debeat prohibere, tanquam defensione, talem obseruationem.

Sunt nonnulli, qui vt probent Ecclesiasticos huius Reipubl. teneri obedire huic interdicto, Principemque obligari ipsi assentiri, sufficienter se illud præstare autumant, si monstauerint iustum Papæ præceptum cuius esse seruandum, eique obediendum: quod vt prebent multum se cruciant, & iudicio nostro nimium, cum hoc nihil ad rem faciat. Quandoquidem ipsis vltro concedatur, non solum hoc, verum etiam iusto Episcopi mandato obediendum, & quod magis est, iusto Principis & Magistratus præcepto præstandam obedientiam, & vt ipsorum augeamus propositionem, dicemus obediendum etiam iusto præcepto Patris, Domini, & Mariti. Si suam velint reducere propositionem ad terminos convenientes, debebunt potius dicere, præcepto humano iusto cuiusuis superioris obedi-

dum, ad cuitandum peccatum; iustum enim præceptum ita debitam includit obedientiam, vt vnum sine altero absque contradictione consistere nequeat.

Omnis difficultas in eo cōsistit, vt probetur hoc præceptum esse iustum: quemadmodū enim vnusquisque qui imperat, præter illam qualitatem vt sit superior, hanc quoque habet adiunctam, vt errori sit obnoxius tanquam homo, ita quoq; idē in summum cadit Pontificē, vt testatur diuus Paulus ad Hebræos, quod & ipse circumdatus infirmitate, & debet pro suis delictis hostias offerre, deinde pro populi: Et ad Galatas ipse ostendit exemplo S. Patri, cui in os restitit, eo quod reprehensione dignus esset: & in eo etiam omnes Doctores Sanctæ Ecclesiæ Romanę conueniunt, Pontificem posse errare, nisi in determinatione de fide dum sedet in cathedra: & quamuis nonnulli moderni adiungant adhuc illud, quod spectat ad mores in vniuersale, eodem tamen res redit, quoniam nihil cōcernit mores in vniuersale, quod non sit de fide. Sufficit omnes consentire, Pontificem posse errare in iudiciis particularibus: habemus quinetiam multa exēpla errorum à Pontificibus commissorum: & in Sacris nō solūm præsupponitur Papam posse errare, sed etiā posse fieri hæreticū, *dist. 40. c. si Papa.*

Quamobrem nos aliam ingressuri viam, conabimur probare, Ecclesiasticos non teneri obseruare hoc interdictum, eo quod non sciant sufficienter ciuitatem & dominium ipsi esse subiecta, & licet scirent, nihilominus non teneri, ne inde aliquod nasceretur scandalum, & turba in statu Ecclesiastico: & licet Scandalum non oriatur,

tur, excusarentur tamen propter iustum timorem, qui nos liberat ob obseruatione omnium legum, & præceptorum summi Pontificis : imò etsi nihil haberent, quod metuerent, non deberent tamen illud præstare, nisi prius edocti fuerint sententiam esse iniustam & nullam, ut à plerisque æstimatur. j

Et quod Dux Venetus omni ratione possit & debeat se publicationi huic opponere, omnique conatu executionem præcepti Pontificis impedire, in eos animaduertendo, qui illud exsequi conarètur, cum ipsi certò constet interdictum de iure esse nullum; manifestè ex sequentibus probabitur propositionibus.

## PROPOSITIO PRIMA.

**P**Ræceptum superioris ( quantumque fuerit Pontificis ) non obligat ad executionem & obedientiam, nisi fuerit publicatum & intimatum.

Probatio est euident, siquidem non magis obligat præceptum, iudicis quàm lex; ast cum de essentia legis sit, ut sit publicata : & sine publicatione non obliget, ut *5. Thom. 12. quæst. 40. artic. 4.* abundè probat: non minus utique de natura præcepti erit. Quilibet nouit quot leges & præcepta Pontificum violentur, nec locum habeant in quibusdam Regnis, eo quòd ibi non sint publicata: vnicum omnibus notum recensebo. Sacrum concilium Tridentinum non obseruatur, nec in multis Prouinciis & Regnis Christianis eam saltem ob causam obligat : & illud, quod maximi est momenti, Decretum de inualiditate

probabilitatem sufficere ad credendum, & operandum in proprium præiudicium, utpote exigere debitum matrimoniale, quæ non sufficit ad credendum in præiudicium alterius, quod esset illud reddere: mandatum autem, quod à Papa de seruando interdicto promulgatum creditur, non vergit in præiudicium Religiosorum; quia in tali deberent contenti esse illa cognitione, quam habent; sed in præiudicium populi potius est factum, ut Sotus in *dist. 22. questio. 3. ar. 1.* inquit, & ipsa rei natura id docet, & propterea probabilitas, quam dicunt Religiosi se habere per suorum literas, ipsos ad exsequendum mouere non debet, sed potius cum in tantam boni publici perniciem vergat, sibi persuasum habere debent se nunquam sufficientem habere notitiam, donec ipsis fuerit intimatum à Prelato propriæ Cathedralis, *arg. in clem. ex frequentibus, de sent. exc.*

## PROPOSITIO TERTIA.

**P**Apæ mandatum, ex quo apparet multa scandala, multasq; turbas in statu Ecclesiastico oriundas, non tenentur Ecclesiastici exsequi, etiamsi ipsis mandauerit sub pœna excommunicat. latæ sententiæ.

Hoc asserit totidem quasi verbis Syluester *ver. obedientia. s. si ex obedientia præsumitur status Ecclesiæ perturbandus vehementer, vel aliquod malum, aut scandalum futurum, etiamsi præcipiti sub pœna excommunicat. latæ sententiæ, non est ei obediendum: & in confirmatione allegat Abbatem, c. si quando. & cap. cum adeo de refer. & Antonium Corduben, l. 3. q. 13. reg. 3. eandem confir-*  
mat

mat sententiam his verbis: Ecclesia non intendit aliquem obligare ad aliquid cum scandalo inde probabiliter imminente, aut vnde probabiliter imminet graue malum spirituale, quia quod propter charitatem fit, non debet contra charitatem militare; & paulò post: si Ecclesia iubeat denunciare aliquem, & inde probabiliter timetur maius malum, quàm vtilitas, seu immineat scandalum, non tenetur: quia qui iusta causa non paret mandato, excusatur à non paritione.

Sed quid ipsos allegem Doctores: cum ipse Pontifex Alexander, qui inter alios imprimis fuit studiosus conseruandæ autoritatis [c. cum teneamur de præb. dicat, si non potest ei sine scandalo prouideri æquanimiter sustinemus si mandatum nostrum non duxeris exequendum, & Glossa; mandatum Papæ debet adimpleri, si non subsistit ratio non adimplendi: quæ Glossa in cad aures de temp. ord. inquit, pro vitando scandalo cessat rigor disciplinæ.]

Et hæc propositio probatur inde etiam, quòd obseruatio diuinæ legis sit præferenda omni mandato Papæ: & cuitatio scandali, est præceptum legis naturalis, & expressum in Euangelio: fugiendum proin, & Papæ præceptum negligendum.

Hoc etiam probatur, quia adeò nos obligat mandatum de fugiendo scandalo, vt etiam propterea sit negligenda obseruatio Legis diuinæ positivæ: multò ergò magis humanæ. Præceptum est Legis diuinæ positivæ, integritas confessionis nihilominus tamen si confitendo aliquod peccatum metuendum esset, ne scandalum aliquod daretur confessori, & vt propterea in aliquem in-

propter hoc caput æquum & necessarium fuit ut Princeps debitam oppugnationem susceperet, ita ut cum iniusta sit & nulla Pontificis fulminatio, per consequens sequatur, in necessaria defensione Reipublicam iuste & legitime promulgationem & executionem inhibuisse, fidelisque subditi Reipublicæ, & plusquam alius quivis, Ecclesiastici animo pacato, conscientisque esse debent, intenti cultui diuino, sub Principis protectione: & certo credere Spiritum Sanctum promitti & dari omnibus fidelibus, inter quos præsens est ipse Christus, quando in eius nomine congregatur: neminemque posse excludi à Sancta Ecclesia Catholica, nisi prius malis suis operibus à diuina gratia excludatur; & obedientiam quam Deus vult ut Superioribus Ecclesiasticis præstamus, non esse stolidam & insanam subiectionem, neque Prælatorum potestatem esse arbitrium iudicium, sed utramque lege regi: qui in Deuteronomio, Sacerdoti, non absolutam, sed præscriptam Lege diuina potestatem ordinauit. (Deut. 17.) [Facies quæcunq; dixerint qui præsunt loco, quem elegit Dominus: & docuerint te iuxta legem eius.] Solus Deus est regula quæ errare nequit, illi soli licet sine exceptione obedientiam præstare: qui profitetur obedientiam integram erga alium, non exceptis Dei præceptis, peccat, & qui sibi proponit humanam voluntatem quæ errare nequeat, communicans creaturæ diuinas proprietates, magnam committit blasphemiam. Deo redditur absoluta obedientia: Prælati intra cancellos Legis diuinæ circumscripta: & ita utebantur veteres in antiqua Ecclesia. In Actis Apostolicis



stolicis exemplum à diuo Luca scriptum habemus, quodd fideles irent in contrariam diui Petri sententiam, & cum eo de vocatione Gentium disceptarent, neque tamen ab eo fulmine excommunicationis, & minis territi fuerunt, imposito iis silentio: sed cum ratione, auctoritatem diuinarum reuelationum, & Seruatoris verborum edocti, & persuasi fuerint. [Caritas Christiana, ait diuus Paulus, 1. Cor. 13. Patiens est, benigna est, non inflatur, non est ambitiosa,] Non minatur non euerit, omnes tanquam fratres tractat: non est Prælatorum dominari, neque cum imperio iubere, sed exemplis, & correctionibus pietatis, & caritatis: audiamus diuum Petrum, (1. Pet. 5.) Pascite qui in vobis est gregem Dei, prouidentes non coactè, sed spontaneè secundum Deum, neque turpis lucri gratia: sed voluntariè, neque vt dominantes in cleris, sed forma facti gregis ex animo. & diuus Paulus. (2. Corint. 1.) Non quia dominamur fidei vestræ, sed adiutores sumus gaudij vestri, Debètque adedò prompta esse Prælati caritas ad docendum, vt discendum ab aliis. Idcirco quando Petrus Antiochiæ peccauit (Gal. 2.) nō habens rationem loci diuus Paulus, cum grauitè coram omnibus reprehendit: neque vllus est qui dicat, Quis est vt diuus Paulus, qui tantam rem audeat: quasi Paulus, propter præstantiam suam ausus fuisset sese cui non licebat, opponere: sed contrarium dicendum est, & constanter, Quis est vt Paulus, qui sui cum eius humilitate, & sui ipsius cognitione, & obseruantia summo Pontifici debita, comparisonem instituere possit? Certò quidem credere debemus, diuum

Paulum, quemadmodum in omnibus virtutibus exsuperauit quantum nos facere possimus, ita in obseruantia Capiti Ecclesiæ debita, id seruasse, quod nostrum minimus seruare tenetur. Scriptura diuina ait (*Rom. 15.*) Quæcunque scripta sunt ad nostram doctrinam scripta sunt. Hæc historiâ Spiritus S. non scripsisset, nisi ad nostrum exemplum esset, ut eam imitaremur. Videnturque omnes doctores docentes quomodo quisque debeat sese Papæ, quando errat, & non legitime administrat, opponere, ad hoc exemplum recurrere: & docere ut faciamus, quemadmodum diuus Paulus erga diuum Petrum fecit.

Non igitur quisquam terreatur, obseruans solum Prælatorum authoritatem: reuocet in memoriam, Petro non vnam, sed duas clauas datas fuisse (*Mat. 16.*) & si ambæ non usurpentur, non sequi effectum ligandi & soluendi. vnam quidem potestatis, alteram scientiæ & prudentiæ. Non dedit Christus potestatem, quæ sine cognitione, & circumspeditione, sed multo quidē cum iudicio usurparetur, quod si deest, sola potestas effecto caret. Canonistæ dicunt per ligandi & soluendi potestatem intelligi clauas non errantes, idq; disertè dicit, S. Leon Papa in quodam Canone, de hoc priuilegio diuo Petro dato, ab eo ad successores eius deriuato, agens: (*24. q. 1. c. manet.*) [Manet ergo Petri priuilegium, vbicunque ex ipsius æquitate fertur iudicium; nec nimia est vel seueritas, vel remissio, vbi nihil erit ligatum, vel solutum, nisi quod Beatus Petrus soluerit, aut ligauerit.]

TRACTAT

TRACTATUS  
DE INTERDI-  
CTO SANCTITATIS  
PAPÆ PAVLI V.

*In quo demonstratur, non esse legitimè publica-  
tum, ac multis de causis non obligari Ecclesia-  
sticos illud exsequi, nec illud ab ipsis sine pec-  
cato observari,*

*Compositus ab infra scriptis Theologis:*

Petro Antonio Archidiacono, & Vicario Gene-  
rali Venetiarum,

F. Paulo Ord. Seruorū Theol. Ser. Reip. Venetę,

F. Bernardo Iordano Minore Obseruāte Theol.

F. Michaelē Angelo Minore Obseruante Theol.

F. Marco Antonio Capello Minore Conuentual.

Theolog.

F. Camillo Augustiniano Theol.

F. Fulgentio Ordinis Seruorum Theolog.



VENETIIS.

Apud Robertum Meietum.

M. D. CVI.

*Cum licentia Superiorum.*

261



**Z**ELVS, quo quisque erga diuinum cultum, curamque proprię salutis duci debet, his præsertim temporibus, consideratis controuersis inter sanctitatem summi Pontificis, & serenissimam remp. Venetam oritur, vt duę quæstiones diligentissimè examinentur, & decidantur, requirit.

Prima: vtrum Ecclesiastici debeant aut possint, sine peccato, obseruare interdictum in hoc statu.

Secunda: num Princeps possit & debeat prohibere, tanquam defensione, talem obseruationem.

Sunt nonnulli, qui vt probent Ecclesiasticos huius reipubl. teneri obedire huic interdicto, Principemque obligari ipsi assentiri, sufficienter se illud præstare autumant, si monstauerint iustum Papæ præceptum cuius esse seruandum, eique obediendum: quod vt prebent multum se cruciant, & iudicio nostro nimium, cum hoc nihil ad rem faciat. Quandoquidem ipsis vltro concedatur, non solum hoc, verum etiam iusto Episcopi mandato obediendum, & quod magis est, iusto Principis & Magistratus præcepto præstandam obedientiam, & vt ipsorum augeamus propositionem, dicemus obediendum etiam iusto præcepto Patris, Domini, & Mariti. Si suam velint reducere propositionem ad terminos conuenientes, debebunt potius dicere, præcepto humano iusto cuiusuis superioris obedi-

dum, ad euitandum peccatum; iustum enim præceptum ita debitam includit obedientiam, vt vnum sine altero absque contradictione consistere nequeat.

Omnis difficultas in eo cōsistit, vt probetur hoc præceptum esse iustum: quemadmodū enim vnusquisque qui imperat, præter illam qualitatem vt sit superior, hanc quoque habet adiunctam, vt errori sit obnoxius tanquam homo, ita quoq; idē in summum cadit Pontificē, vt testatur diuus Paulus ad Hebræos, quod & ipse circumdatus infirmitate, & debet pro suis delictis hostias offerre, deinde pro populi: Et ad Galatas ipse ostendit exemplo S. Patri, cui in os restitit, eo quod reprehensione dignus esset: & in eo etiam omnes Doctores Sanctæ Ecclesiæ Romanę conueniunt, Pontificem posse errare, nisi in determinatione de fide dum sedet in cathedra: & quamuis nonnulli moderni adiungant adhuc illud, quod spectat ad mores in vniuersale, eodem tamen res redit, quoniam nihil cōcernit mores in vniuersale, quod non sit de fide. Sufficit omnes consentire, Pontificem posse errare in iudiciis particularibus: habemus quinetiam multa exēpla errorum à Pontificibus commissorum: & in Sacris nō solum præsupponitur Papam posse errare, sed etiā posse fieri hæreticū, *dist. 40. c. si Papa.*

Quamobrem nos aliam ingressuri viam, conabimur probare, Ecclesiasticos non teneri obseruare hoc interdictum, eo quod non sciant sufficienter ciuitatem & dominium ipsi esse subiecta, & licet scirent, nihilominus non teneri, ne inde aliquod nasceretur scandalum, & turba in statu Ecclesiastico: & licet Scandalum non oriretur,

tur,

tur, excusarentur tamen propter iustum timorem, qui nos liberat ob obseruatione omnium legum, & præceptorum summi Pontificis : imò et si nihil haberent, quod metuerent, non deberent tamen illud præstare, nisi prius edocti fuerint sententiam esse iniustam & nullam, ut à plerisque æstimatur.†

Et quod Dux Venetus omni ratione possit & debeat se publicationi huic opponere, omnique conatu executionem præcepti Pontificis impedire, in eos animaduertendo, qui illud exsequi conarètur, cum ipsi certò constet interdictum de iure esse nullam; manifestè ex sequentibus probabitur propositionibus.

## PROPOSITIO PRIMA.

**P**Ræceptum superioris (quantumque fuerit Pontificis) non obligat ad executionem & obedientiam, nisi fuerit publicatum & intimatum.

Probatio est euident, siquidem non magis obligat præceptum, iudicis quam lex; ast cum de essentia legis sit, ut sit publicata: & sine publicatione non obliget, ut *5. Thom. 12. quest. 40. artic. 4.* abundè probat: non minus utique de natura præcepti erit. Quilibet nouit quot leges & præcepta Pontificum violentur, nec locum habeant in quibusdam Regnis, eo quòd ibi non sint publicata: vnicum omnibus notum recensebo. Sacrum concilium Tridentinum non obseruatur, nec in multis Prouinciis & Regnis Christianis eam saltem ob causam obligat: & illud, quod maximi est momenti, Decretum de inualiditate

matrimonij clandestini, quod tamen ad sacramentum pertinet, secundum omnium opinionem non obligat, ubi ipsum concilium non est publicatum: imò omnes statuunt in iis locis matrimonia clandestina esse valida.

PROPOSITIO SECUNDA.

**N**on fuit publicatum interdictum in ciuitate & Dominio Veneto. Hoc consistit in facto, non enim fuit lectum in Ecclesia, Prælato aut alij superiori Ordinario subiecta, neque etiam ita affixum, ut à populo fuerit visum, aut ab iis, qui illud seruare tenentur. Respondebit aliquis interdictum non fuisse intimatum aut publicatum, eo quod publicatio fuerit impedita; ac proinde neminem talem excusare ignorantiam, imprimis cum sit affectata ab eo, qui id scire non cupit: quæ potius exaggerat peccatum, quàm vero excuset. Ad hoc replicatur respondendo multa præcepta Apostolica, ipsumque supra dictum concilium non fuisse publicata, eò quod fuerit impedita publicatio; nihilominus fatentur omnes non obligare: quod si regeratur aliter nobis constare de interdicto, aliter verò de Papæ voluntate, responderetur Decreta concilij aliter etiam cognosci posse: imò melius, siquidem in iis Regnis liber concilij circumferatur, & publicè diuendatur, & tamen non obligat, ob defectum publicationis solennis & Iuridicæ: ac proinde hoc etiam Iuridicam requireret publicationem. Quod si quis dicat, in Admonitione Papæ contineri, publicationem Romæ factam sufficere ad obligandum, ei responde-



spondebitur Pium IV. quadam sua Bulla anni 1564. declarasse decreta 5. concilij obligasse totum mundum sine alia intimatione à prima die Maij eiusdem anni : nihilominus tamen Doctorum sententia & ipsa praxis docent, in supradictis Regnis non obligare.

Adde etiam, quòd in Regno Neapolitano est receptum, vt nullum præceptum Apostolicum, etiam si sufficere dicatur publicatio Romæ facta, aliquem habeat vigorem sine executione Regis : imò tritum hoc est in illo regno, quod nos in isto particulari nostro proposito dicimus.

At scrupulosa conscientia deuoti alicuius Religiosi dixerit, non cupio rem ita iuridicè cognoscere, sufficit mihi quocunque tandem modo eam cognoscam; superior meus iam scripsit, aut etiam à fide dignis scio ipsum scripsisse. Huic replicandum eandem rem posse sufficienter ad vnum effectum sciri, ad alterum tamen nequaquam, quemadmodum Nauarrus probat in *Man. cap. 16. numer. 40. & capit. 27. numer. 288. & fusiùs in cap. si quis, de pœn. distinct. 7. & cap. Dominus, de secundis nuptiis.* Vnde Lucius Papa III. inquit, eam quæ ad secundas nuptias perrexit, & de mariti vita dubitat, debitum ipsi præstare debere, non verò illud exige : & [capit. Inquisitionibus, de sententiis, excommunic.] Innocentius, III. ait, [ Si alteruter coniugum probabilem habeat, & discretam credulitatem alicuius impedimenti matrimonialis, illum teneri reddere debitum, non verò requirere. ] Ex quibus determinationibus apparet, aliquam

probabilitatem sufficere ad credendum, & operandum in proprium præiudicium, utpote exigere debitum matrimoniale, quæ non sufficit ad credendum in præiudicium alterius, quod esset illud reddere: mandatum autem, quod à Papa de seruando interdicto promulgatum creditur, non vergit in præiudicium Religiosorum; quia in tali deberent contenti esse illa cognitione, quam habent; sed in præiudicium populi potius est factum, ut Sotus in *dist. 22. questio. 3. ar. 1.* inquit, & ipsa rei natura id docet, & propterea probabilitas, quam dicunt Religiosi se habere per suorum literas, ipsos ad exsequendum mouere non debet, sed potius cum in tantam boni publici perniciem vergat, sibi persuasum habere debent se nunquam sufficientem habere notitiam, donec ipsis fuerit intimatum à Prelato propriæ Cathedralis, *arg. in clem. ex frequentibus, de sent. exc.*

## PROPOSITIO TERTIA.

**P**Apæ mandatum, ex quo apparet multa scandala, multasq; turbas in statu Ecclesiastico oriundas, non tenentur Ecclesiastici exsequi, etiam si ipsis mandauerit sub pœna excommunicat. latæ sententiæ.

Hoc asserit totidem quasi verbis Syluester *ver. obedientia. s. si ex obediendia præsumitur status Ecclesiæ perturbandus vehementer, vel aliquod malum, aut scandalum futurum, etiam si præcipiti sub pœna excommunicat. latæ sententiæ, non est ei obediendum: & in confirmatione allegat Abbatem, c. si quando. & cap. cum adeo de refer. & Antonium Corduben, l. 3. q. 13. reg. 3. eandem confir-*  
mat

mat sententiam his verbis : Ecclesia non intendit aliquem obligare ad aliquid cum scandalo inde probabiliter imminente , aut vnde probabiliter imminet graue malum spirituale, quia quod propter charitatem fit, non debet contra charitatem militare; & paulò post : si Ecclesia iubeat denunciare aliquem, & inde probabiliter timetur maius malum, quàm vtilitas , seu immineat scandalum, non tenetur: quia qui iusta causa non paret mandato, excusatur à non paritione.

Sed quid ipsos allegem Doctores: cum ipse Pontifex Alexander, qui inter alios imprimis fuit studiosus conseruandæ autoritatis [c. cum teneamur de præb. dicat, si non potest ei sine scandalo prouideri æquanimiter sustinemus si mandatum nostrum non duxeris exequendum, & Glossa; mandatum Papæ debet adimpleri, si non subsit ratio non adimplendi: quæ Glossa in c. ad aures de temp. ord. inquit, pro vitando scandalo cessat rigor disciplinæ.]

Et hæc propositio probatur inde etiam, quòd observatio diuinæ legis sit præferenda omni mandato Papæ: & euitatio scandali, est præceptum legis naturalis, & expressum in Euangelio: fugiendum proin, & Papæ præceptum negligendum.

Hoc etiam probatur, quia adeò nos obligat mandatum de fugiendo scandalo, vt etiam propterea sit negligenda observatio Legis diuinæ positivæ: multò ergò magis humanæ. Præceptum est Legis diuinæ positivæ, integritas confessionis nihilominus tamen si confitendo aliquod peccatum metuendum esset, ne scandalum aliquod daretur confessori, & vt propterea in aliquem in-

cideret lapsum, iudicant Florianus de confess. 9. 4. & Nauar. in Manu. cap. 7. num 4. omittenda esse quædam peccata, confitenda reliqua. Quanto ergo magis ad euitandum adeò insigne scandalum, negligendum erit Papæ præceptum.

## PROPOSITIO QUARTA.

**S**I obediatur Pontifici, & Interdictum eius obseruetur, in ciuitate & Dominio Veneto innumerabilia orientur scandala, pericula, & mala infinita.

Hæc præpositio erit manifesta considerāti quid sit scandalum, quod est secundum, S. Gersonum & S. Thomā actio, à qua prouenit ruina spiritualis alicuius personæ simplicis & spiritu infirmæ. Certum equidem est, primò verendum, ne plebs persuasa præter omne ius, & ipsius culpam se censurari, sibi que exercitia sacra interdici, illud animo iniquo latura sit, seque Sacerdotibus & Ecclesiæ oppositura: & ut officia sacra exerceantur erga ipsos vi aliqua sit vsura: metuendum etiam esset, ne maior pars omnem deuotionem & zelum abicerent, imprimis illam audiendo vocem à multis prolata, qua cōqueruntur Papam, qui eos ad missam exhortari deberet, eam planè tollere conari: vnde etiam timendum, ne idem eueniret malum, quod aliàs in Urbino contigit: quæ vrbs tam diu ob Interdictum Sacris exercitiis fuit destituta, ut post restitutionem celebrationis missæ & aliorum officiorum Sacrorum, difficillimum fuerit populum ad eam audiendam, ei que debitam præstendam reuerentiā assuefacere. Verùm quid opus est hæc præbare? cum cap. Alma mater affirmet, inde

de pullulare hæreses, & pietatis neglectum populi crescere. Si hoc non sit Spiritualis ruina & scandalum, non videmus quodnam aliud maius possit existere scandalum.

Perturbatio vniuersalis status Ecclesiastici est manifestissima: Si namque ista ciuitas Veneta, quæ semper fuit optimè affecta erga Ecclesiam Romanam, & in qua nullus vnquam alius vixit cultus diuinus, quàm is qui à Pontificibus Romanis fuit institutus, in qua nulla vnquam hæresis locum habuit; vnde nullus prodiit, qui doctrinam sparserit contrariam, ab Ecclesia separaretur, quæ confusio & deformitas esset nascitura, quiuis id facile potest considerare.

Pericula quæ clarè imminere cernuntur nihil refert nominare: quilibet sanæ mentis præuidet motus contra Ecclesiasticos, & eorum bona, qui difficulter poterunt impediri: adde etiam licentiam, quam quisque vsurparet ad loquendum pro libitu de autoritate Ecclesiastica: præter alia inordinata, quæ non debemus præsumere, nisi magna cum sanctitatis Papæ iniuria, ipsam euenire cupere: imò potiùs credendum, ipsam Sanctitatem, postquam bonum zelum, quo Princeps, & Ecclesiastici huius status decreuerunt officia sacra continuare, cognouerit, ipsorum propositum approbaturum, & dicturum, ipsos licet contra eius egerint verba, non tamen contra eius egisse mentem, cui magis, quàm ipsis verbis attendendum cuius, tam in obediendo legibus, quàm præceptis: S. Thomas 2. *distinct.* 15. *quæst.* 3. & *distinct.* 19. *quæst.* 2.

**T**Imor iustus excusat etiam & liberat nos ab obseruatione & obedientia cuiusvis legis, & præcepti humani, licet alioquin fuerint legitima, iusta & obligatoria.

Ratio huius propositionis non in eo consistit, quòd ex diuerso fundamento proueniat obligatio Legis diuinæ: sed præsupponitur tanquam minimè dubium, hominem esse subiectum legibus sui superioris spiritualis & temporalis, quia Deus iussit ipsis obedire, quoniam leges humanæ suas habent vires à lege diuina. Vnde S. August. definit peccatum, transgressionem legis æternæ tantum; à qua originem ducit & lex naturalis, & diuina positiua, & omnes reliquæ humanæ, quæ procedunt à legitima potestate.

Differentia in obligationem legis diuinæ naturalis, quam nullus excusat timor, & alias, est, quoniam illa continet bonitatem naturalem & immutabilem; & præcipit res absolutè necessarias ad salutem, sed reliquæ iubent, ea, quæ sua naturâ non sunt bona, sed fiunt talia postquam rationem habent mandati, & abrogata lege desinunt esse bona, & fiunt indifferentia: & similiter præcipiunt ea, quæ ante præceptum non sunt necessaria ad salutem, sed fiunt talia, eo quòd sint madata, & lege abrogata, cessant esse necessaria: nec Deus vult nos æqualiter iis, quæ sua naturâ bona non sint, sicut iis, quæ absolutè bona sunt, obligari: quia *S. Thomas 22. quæst. 147. a. de in 4. dist. 93.* ait, præcepta diuina absolutè obligare, Ecclesiastica verò non esse absolutè necessaria ad salutem.

lutem. Potest enim aliquid impedire, quominus ea obseruemus.

Præterea metus iustus excusat obseruationem præceptorum legis diuinæ positiuæ, multò ergò magis liberabit nos humanis.

Integritas confessionis est de lege diuina positiua, vt omnes asserunt Theologi; nihilominus si quis in vrbecula clam fratrem Curatoris, qui solus esset sacerdos, interfecerit, coactus ad confitendum, poterit alia commemorare peccata, illudque, ne detegatur, tacere. *Nauarr. in Manu. 17. num. 3. S. Thomas 4. distinct. 17. quæst. 3. & secundum omnium opinionem, metum, ne grauida, si ei secentur aliquæ partes, ad extrahendam prolem viuam, à præcepto diuino positiuo ipsam baptizandi excusare.*

Etiã votum & iuramentum non minus obligant, quàm præceptum superioris, [cap. Debitores, de iureiuran. cap. magnæ:] & ab horum obseruatione excusat iustus metus, vt docet Glossa [cap. si vero, de iureiur.] Multò ergò magis à præcepto humano excusabit. Syluest. [ver. metus, n. 7. Metus verò non excusat à mortali. limita, verùm in his, quæ sunt mortalia de se, vt dictum est, quia videlicet sunt naturali, vel diuino iure sub præcepto prohibita, secus si iure humano, quia tunc timor iustus excusat à mortali. Et verb. excomm. 5. num. 14. non tenentur subditi obedire prælatis præcipientibus subire mortem, vel aliquid facere, ad quod ista sequuntur.]

Et multos notat Panormitanus casus in caput Sacris, de his, quæ vi, in quibus metus iustus excusat obseruationem legum humanarum.

Propositio dicta habetur apud S. Thomam  
*quod l. 11. artic. 9. in Additio. quæstion. 22. articul.*  
*3. Gabrielem Biel 4. distinct. 18. quæstion. 3. artic. 3.*  
*dub. 4. Maior in 4. dist. 14. quæstio. 4. Almin. tract.*  
*primo cap. 3. quæst. 4. Angelum excomm. 5. numer. 18.*  
*Summam confessorum, tit. 33. quæst. 165. Tabienam,*  
*excomm. 8. quæstion. 20. Sotum, libro primo, de iust.*  
*quæst. 6. art. 4. Nauar. prelu. 7. num. 12. Azor. l. 1.*  
*cap. 11.*

Obiiciunt nonnulli c. Sacris, de his, quæ vi, vbi  
 dicitur in communicando cum excommunicato  
 vim excusare à peccato, metum non excusare, &  
 tamen non participare cum excommunicato,  
 quantum ad modos particulares excommunica-  
 tionis, est humanum præceptum. Ad hoc respon-  
 det Sotus, tunc non excusare metum, quando na-  
 scitur scandalum in quibusdam, idque non vi le-  
 gis humane, sed diuinæ, quæ scandalum prohi-  
 bet. *l. de iust. quæst. 6. cap. 4. & Syluester verb. ex-*  
*comm. 5. num. 14.* ait illud capitulum & esse intel-  
 ligendum de metu iniusto & leuiculo, & cum  
 communicatur cum excommunicato in peccato  
 mortali, propter quod est excommunicatus, vel  
 cum fit in præiudicium fidei.

#### PROPOSITIO SEXTA.

**I**ustum metum arguunt ipsa mors, tortura, amif-  
 sio omnium bonorum, aut etiam maioris partis,  
 incarceration & ista non solum quatenus in pro-  
 priam cadunt personam, sed etiam in personam  
 amicorum.

Metus iustus is est, qui mouet hominem con-  
 stantem; & virtus constantiæ requirit, vt quis mi-  
 nus committat malum ad euitandum maius, vt as-  
 crit



ferit *S. Thomas 2. 2. q. 125. art. 4. d. 19.* ac proinde nō potest considerari in vniuersale, nec eius satis ponderari magnitudo, eò quòd circumstantiæ eius varient qualitatem; hinc fit, vt communis opinio dicat, Quis sit Metus iustus determinatur arbitrio boni viri, & confirmatur *l. qui metus, ff. ex qui cau. maio. consentit Gloss. ca. cum dilectus, de his, quæ vi.*

His non obstantibus quantum in vniuersale potest dici, propositio probatur de vita & tortura *cap. cum dilectus, de his, quæ vi.* De bonis Nauar. *in Manu. cap. 22. nu. 51. Panorm. & Gloss. cap. Abbas, de his qui. De carcere l. nec timorem, ff. quod metus causa:* & omnes consentiunt doctores, videri potest *S. Thomas in 4. d. 29. ex Theologis: ex Summistis, vt Syluester ver. metus, & ex Iureconsultis Gloss. cap. cum dilectus, de his, quæ vi,* qui satis abundè ista tractant.

Et *S. Thomas, & Syluester* locis citatis demonstrant iustum esse timorem, non tantum si dicta mala propriæ immineant personæ, sed etiâ personæ coniunctorum, Patris videlicet, matris, fratris, filiorum, coniugis, & aliorum propinquorum.

#### PROPOSITIO SEPTIMA.

**E**ccllesiasticis huius Dominij iustus imminet metus amissionis vitæ, & bonorum suorum, & etiam multorum malorum tam priuatorum, quàm publicorum, quæ ipsorum propinquis indecuenient, si interdictum seruauerint.

Cum enim quis cōsiderat, quàm deuotus sit populus, quàmque exercitiis operū Christianorum, & maximè missæ sint dediti, non aliter concludere poterit, quàm ipsū iis non cariturū, & si iste Zelus

erga cultum diuinum non possit habere successum per media ordinaria, de aliis sibi prospiciet mediis adeo, vt vi potius religionis exercitia, que licita esse iudicat sit recuperaturus; sciens & certò persuasum habēs ipsam Sāctitatem causam idoneā ea adimēdi nō habuisse. Ac propterea etiā monent ipsi subditi nullā ipsis ex parte principis posse imputari culpā; quandoquidē nemo est, qui nesciat, non aliam esse controuersiam, inter summum Pontificē & Remp. Venetam, nisi quòd dicta Resp. bonis legibus, & optimo iure velit vitam, honorem & bona suorum subditorū conseruare, omnesque tumultus, & pericula quę Ecclesiasticis imminēt de amittenda vita euitare, qualia solēt facillimē in casibus similibus euenire, & si ipsam non inferrent mortem, magnam tamen vim ipsis non sine magno Scandalo facerent. Nec iuuat dicere, vt ex Dominio discedant, quemadmodum pauci nonnulli fecerunt: primò quoniam ipsi, qui discesserunt, nisi à ministris publicis fuissent conseruati, in grauissima incurrissent pericula; & multi conspicerentur perturbati, & malè in ipsos affecti, propter ipsorū discessum: deinde si vnus post alterum paulatim vellēt abire, inter tantā frequentiā eorum, qui Interdictum seruare nolunt, præceptum vires suas non haberet: quod si omnes simul discedere velent, non foret res vlla magis idonea hac, ad concitandos motus populares contra ipsos, quando omnes simul conspicerent, populòque hac ratione iniuria ipsis illata demonstraretur. Et licet hæc successum non haberent, quòd tamen certo certius eueniret, non tamen restituerentur bona, quibus se sustentant, quòd amissioni bonorum

norum est admodum affine, & iustum metum asferre demonstratum est.

Nec responderi potest hoc locum saltē habere apud Clericos seculares, qui bona habent propria, nec ad regulares pertinere, eo quod bona possideant in commune; siquidem tātō maior cura bonorum esse debeat, quanto magis bona sunt communia. Sanctus Benedictus in regula præcipit, & ante ipsum S. Augustinus: [Caritas enim de qua scriptum est, quod non querit, quam sua sunt, sic intelligitur, quia communia propriis, non propria communibus anteponit, & ided quantō magis rem communem, quā propria vestra curaueritis, tantō vos amplius proficere noueritis.

Adhęc cū sit in præcedenti propositiōne abundē demonstratum iustum esse metum, nō solum si proprię personę immincāt pericula & mala; verū etiam propinquis, quilibet secum considerare poterit quantę inuidiæ, quantisque periculis exponantur Ecclesiasticorum parentes: ast id quod maioris est momenti, quodq; nō est legis scriptę, sed à natura animis insitum, nimirū amorem in patriam publicum esse præferendum amorī cuiusvis, in priuatū quemlibet, etiam coniunctissimū, & manifestissimū est periculū, si intermittatur exercitiū religionis, verendum ne omnis desinat deuotio, & peruersę introducātur opinionēs, nec non disponantur simpliciorum animi ad nouam aliquam recipiendam religionem.

Hic metus queniuis bonum Religiosum mouere debet, primò quia [cap. A lina mate. ] ante 300. annos promulgatum (cum non tā frequētes erant hęreses) ait quod ex interdictis indiscretis excre-

deutio populi, pullulant hærefes, & infinita pericula animabus insurgunt. Præterea etiam omnes Doctores fatentur multa mala ista interdicta procreare, quamvis etiam fuerint iusta. Sotus imprimis 4. d. 22. q. 3. art. 1. Perpendens interdictū fuisse adinuentum ad conseruandam authoritatem Ecclesiasticam, fatetur contrarium inde sequi, quoniam eo ipso extenuatur: adhæc populo magnam fieri iniuriam, olim etiam non vltra triduum durasse interdicta; & concludit non debere promulgari nisi ob prægnantes causas, nec diutius debere locum habere, nisi quoad zelus ille populi erga religionem frigere inciperet. Verū id quod est maioris momenti, præsens tempus, quoniam Catholicorum ad paucas prouincias est reductum, & istud Dominium vt & vrbs Veneta omnis generis hominibus repleta, requirūt vt Ecclesiastici huius status considerent grauissima pericula, quæ neglectus cultus diuini & sanctæ fidei secum afferant: & habentes tamen metum iustum concludunt non seruandum præceptum humanū etiam si iustum esset.

PROPOSITIO OCTAUA.

**P**otestas summi Pontificis imperando Christianis est limitata, nec se ad omnes extendit materias & casus; verū restricta est ad limites vtilitatis Ecclesiæ, & pro regula habet legē diuinā.

Qui summo Pontifici tribuunt libertatem & potestatem absolutā in rem quamlibet, huic vnioco nituntur fundamento, quod sit Vicarius Christi, qui Deus est, & tamen omnem eius habet Potestatē, quæ se ad omnia extendit, ac per cōsequens ad omnia quoque Pontificis potestas se extendet.

Hypo-

Hypothesis, quòd sit Christi Vicarius non est in dubium vocanda: ast esse cum potestate limitata demonstrabitur: primò quia Christus non communicauit ipsi potestatem suam tanquam Deus, sed tanquam homo: illa se extendit vniuersaliter ad omnia; hæc ad regnum cælestē: quo nomine dixit Dominus, Regnum meum non est de hoc mūdo, Io. 18. & negauit se esse datum iudicem ad diuidendam hæreditatem inter duos fratres, Luc. 12. seque excusauit, cūm ipsum vellent creare regem Ioan. 6. Et explicās integram suam auctoritatem in Ioan. 17. dixit ad patrem de seipso, sicut dedisti ei potestatem omnis carnis, vt omne quod dedisti ei, det eis vitam æternam. Ecce quam excercuerit Christus Redemptor noster potestatem; quam tamen omnem Pontifici non communicauit, quia illa se extendit (vt communis est omnium Theologorum opinio) in remissione peccatorum sine sacramentis, vt autem sciatis quia filius hominis habet potestatem in terra dimittendi peccata. Matth. 9. Nihilominus etiam istam, iuxta omnium sententiam, cum Pontifice non communicauit. Poterat etiam Christus absque medio sacramenti ordinis sacerdotes instituere, quod tamen Papæ non concessit. Christus habebat etiam potestatem instituendi sacramenta, quam Pontifici non dedit, neque instituendi illa, neque quicquam, quoad illorum aut aliorum essentialium formā, agendi vel mutandi. Nullus est Theologus qui omnem Christi auctoritatem tribuat Papæ; imò multi sunt, qui expressè dicūt ipsum esse inferiorē, *Gaet. 22. quæst. 88. art. 12. si Dei Vicarius plene potestate Deiungeretur in terris, sine dubio pos-*

set omnia vota vice Dei releare, sed quoniam non plene fungitur potestate Dei, sed limitate, scilicet ad pascendas oues & ad clauibus Regni Cœlorum vtendum in ædificationem, ideo non potest ad libitum vota relaxare, sed quantum ædificationi inseruiunt commutare vel dispensare, relaxare siquidem ad libitum vota pertinet ad clauis excellentię ipsius Christi, qui claudit, & nemo aperit. Videatur Iacobus Almainus de potestate Ecclesiastica, & Nauar. *supra cap. nonit. de iud. not. 3. num. 130.* Nec Christus partem illam potestatis sue ipsi concessit, quod nimirum caput sit. Nec in alium finem Christus ipsi partem sue potestatis concessit, quàm in ædificationis, quod nimirum utile erat caput dari in Ecclesia visibile, vnde S. Paulus 2. ad Cor. 3. dicit, [Non enim possumus aliquid contra veritatem, sed pro veritate: & ad Rom. 14. Quæ pacis sunt sectemur, & quæ ædificationis sunt inuicem custodiamus: & 2. Cor. 10. & 13. de potestate nostra, quam dedit nobis Dominus in ædificationem non in destructionem.] Vocat S. Paulus ædificationem quicquid facit ad incrementum honoris diuini; & destructionem omne id quod ad diminutionem illius: Ephes. 2. in quo omnis ædificatio constructa crescit in templū sanctum in Domino, in quo & vos coædificamini in habitaculum Dei in Spiritu S. quemadmodum templum materiale fabricatur ad honorandum in eo Deum corporaliter: sic etiam doctrina, exemplo, & correctione instruitur anima, vt Deus in illa sit honoratus. Quare S. Paulus 1. ad Corint. 4. inquit [Sic nos existimet homo vt Ministros Christi, & dispensatores mysteriorum Dei.

Docto<sup>r</sup>

Doctores etiam Ecclesiasticâ potestatem restrin-  
gunt ad Legem Euâgelicam, quemadmodû ex de-  
finitione ab ipsis data patet, vtpote Gersonis &  
Parisinorum, quę sic se habet, [Est potestas à Chri-  
sto Apostolis, & Discipulis, & successoribus eorû  
legitimis, supernaturaliter tradita ad ædificationē  
Ecclesię militantis secundum leges Euangelicas  
pro consecutione fœlicitatis eterne. Vel Nauar-  
re, Est potestas à Christo instituta immediatè &  
supernaturaliter ad gubernandos fideles secun-  
dum Legem Euangelicam in supernaturalibus  
& quatenus ad illa opus sit, etiam in naturali-  
bus.]

Vnde concluditur Pontificiæ potestatis vsu-  
tum demum legitimum vsu esse, quando vsur-  
patur in eum finem & secundum regulam à Chri-  
sto ordinatam: Abusus verò quando in contra-  
rium vsurpatur.

## PROPOSITIO NONA.

**A**N potestas summi Pontificis sit subiecta sa-  
cris canonibus, & Decretis generalium Cōci-  
liorum; an verò libera & absoluta, & illis superior,  
nondum esse decisum, sed tanquam dubium relin-  
quitur in Ecclesia Dei.

Penderet decisio ex determinatione in quo  
sit suprema potestas Ecclesiastica, in summo Pon-  
tifice, an verò in Ecclesia, & Concilio quod illā re-  
presents. In ista quæstione adsunt utrique parti  
celebres Doctores & autoritate & sanctitate:  
Quin à Constantiensi quemadmodum & Basi-  
liensi Concilio, determinata fuit superioritas  
Concilij. In Concilio Lateranensi declarata

fuit superioritas à Papa Leone X. in summo Pontifice Christianę prouincię, quędam hanc, quędam illam sequuntur opinionem. Cardinalis Belarminus dicit ad litteram l. 2. de auct. concil. cap. 13. & quamuis postea in Concilio Florentino, & Lateranensi vltimo videatur quęstio definita, tum quia Florentinum Concilium non ita expresse hoc definiuit, & de Concilio Lateranensi, quod expresse hoc definiuit, nonnulli dubitant, an fuerit verè generale, idè vsque ad hanc diem quęstio reitat indecisa inter Catholicos.

Et Nauar. super c. nouit. not. 3. num. 84. reddendo causam, cur in diffinitione Ecclesiasticę potestatis non dixerit traditam, sed institutam, dicit, Ne me oporteret diffinire cui illa fuerit principaliter à Christo colata, an Ecclesię toti, an verò ipsi Petro, quod non est Consilium facere in presenti, propter illam maximam discordiam Romanorū, & Pariensium: illi enim tenent Petro, & successiōibus datam esse hanc potestatem, atque ideo Papā Concilio esse superiorem, ij verò quibus Gerson adheret, totam datam esse toti Ecclesię, licet exercendam per vnum, atq; idè in aliquot saltē casibus Concilium esse supra Papam. Et finito numero eorum qui vnā, & alteram opinionem tenent, profert tanquam Ioan. Maioris verba, Romę memini permitti tenere Pariensium, & Panormitani sententiam, nec rursus academiam illam Pariensem pati, vt contraria opinio asseratur in ea.

Eandem sententiam tenet Ioan. Marliana Iesuita in libro suo de Rege libr. 1. cap. 8. qui liber publi-



publico societatis Iesu examine est approbatus, & post examen, autoritate Regia Hispanica in lucem editus.

## PROPOSITIO DECIMA.

**O**bedientia quam Christianus debet præcepto summi Pontificis, non omnibus est absoluta, illis tamen exceptis, quæ contraria sunt Legi diuinæ, in quibus ipsi obedire, peccatum est.

Hæc propositio tanquam notissima probatione non indiget; ne tamen illa omnino vacua sit, adfero id quod Petrus in Actis cap. 5. dixit, obedire oportet Deo magis, quàm hominibus; & reprehensionem Christi factâ Phariseis, Quare & vos transgredimini mandatum Dei propter traditionem vestram? interpretans scilicet de superiorum præceptis contra mandata Dei prophetizasse Isaïam, frustra colunt me docentes doctrinas Dæmoniorum, & mandata hominum. Tractat de hac materia D. Thomas 1.2. quæstio 96. art. 5. Et Canonistæ supra capitul. si Dominus. Non semper. Iulianus. Et qui resistit 11.

## PROPOSITIO VNDECIMA.

**O**bedientia debita summo Pontifici sese non extendit ad omnia illa quæ non sunt contraria Legi Dei; sed in multis etiam bonis homo liber est, ita ut non teneatur ipsi obedire.

Deuteronomio 17. Obedientia summo Sacerdoti debita ad ea solum est restricta quæ Lege diuina continentur. Facies quæcunque dixerint, qui

præfunt loco, quem elegerit Dominus, & docuerint te iuxta legem eius: Quod quidem in eum saltem finem hîc profero, vt demôltrem iis, qui allegant illud ad confirmandam obedientiam summo Pontifici debitam, nihil aliud probare, quàm relationem quandam obedientiam ad Legem.

*D. Thomas 2. 2. quæst. 104. art. 5.* affirmat Christianû interiorib. animæ motibus non esse obligatum ad cuiunque potestati obediendum, neque in iis quæ ad naturam corporis pertinent: secundum ea quæ ad naturam corporis pertinent homo homini obedire non tenetur, sed solum Deo, quia omnes homines natura sunt pares: puta in iis quæ pertinent ad corporis sustentationem, & prolis generationem.

*Cajet 2. 2. art. 83. 12.* [Papæ Christiani quoad bona temporalia, & quoad operationes personales nõ subiacentur absolute sicut religiosi prælatis suis: & paulò inferius: nam patet innumeras esse obligationes, quæ non subsunt Papæ ad nutum, vt patet in contractibus inter hominem, & hominem, & multò minus inter hominem, & Deum: & infrà, clarè patet quod Christiani non sunt Papæ subditi absolute & quoad omnia, sed limitatè quoad Spiritualia in ædificationem corporis Christi, & ea quæ ordinantur ad hoc.] *Navar. in Man. cap. 23. num. 38.* affirmat Papam peccata sua semel & rectè confitenti non posse mandare, vt ea rursus confiteatur, licet illa confessio bonum esset opus. *Panorm. cap. cum olim de Clericor. coniug. asserit.*

Syluestr. verb. obedientiæ primo dicit. Obedientia limitatur secundum gradum superioritatis superioribus Spiritualib. puta Papæ obediendû est in Spi-

in spiritualibus pertinentibus ad salutem, quæ spondimus in Baptismo: quod primò dixit D. Thomas in 2. dist. 44. quaest. 2. Et optima quidem ratione: in illos enim qui nondum in Ecclesiam transferunt, vel quia sunt infideles, vel nondum sunt Baptizati, summo Pontifici nulla est auctoritas: quid mihi de his (inquit Paulus) qui foris sunt iudicare? Et si locus aliquis in Patribus inueniretur, qui affirmaret nos esse obligatos in omnibus obedire, conuenit vniuersali illi distinctionem dare accommodatam & iuxta terminorum potestates limitatam: quemadmodum in illo d. Pauli 3. ad Coloss. Filij obedite parentibus per omnia, hoc enim placitum est Domino, & serui obedite per omnia dominis carnalibus, nullum est dubium quin de obedientia illa paternæ & dominicali potestati adstricta sit intelligendum, & Gloss. cap. Ad aures de temp. ord. dicit, Prælati, si non pertinet ad officium suum quod præcipit, non est obediendum. Si verò pertinet ad officium, obediendum est, si non decipitur in præcepto D. Bernardus in libro suo de Præcepto, & dispens. longissimo discursu restringit omnem obedientiam ad regulam secundum quæ est promissa: locus visu & consideratione omnium dignissimus.

## PROPOSITIO DVODECIMA.

**C**hristianus non debet præstare obedientiam Mandato (etiam si esset summi Pontificis) nisi prius examinauerit illud quoad materiam, an sit conueniens, legitimum & obligatorium & qui nullo habito mandati examine, ita inconsiderate

obedit, peccat.

Probatur id efficaciter propositione superius demonstrata; qui contra præceptum Dei obedit Papæ, peccat: licet ergo ipsi obedire, si prius mandatum Papæ non sit examinatum & cum diuinis præceptis collatum, & an illis repugnet, consideratur.

Sic etiam nullus debet obedire præcepto Papæ, quando scandalū inde nasci potest, quemadmodū superius probatum est; aut quando ad destructionem Ecclesiæ tendit; conuenit ergo ut unusquisque consideret quid ex illius obedientiæ præstatione nasci possit, nec ad illius executionem accedet, nisi probabili ratione cognouerit nullum inde scandalum, nec malum, nec turbationem Ecclesiæ, nec diminutionem cultus diuini oriri posse. Quin potius summa afficere iniuria reuerentiam summo Pontifici debitam, qui existimaret ipsum aliquid imperantem non semper hunc habere scopum ut excusatum haberet Christianum, imo etiā laudaret quem vel minus promptum nosceret ad executionem mādati quod malum parturire posse animaduertat. Et ad confirmationem huius rei adfertur Decretale Alexandri III. quod c. si quando, de rescript. scripsit Archiepiscopo Rauennæ, ut videlicet imperanti sibi aliquid obediret, vel causam cur facere nolleret, iustam allegaret. Pontifici quidem semper est propositum excusatum illum habere, qui iusta de causa ipsi non obedierit, & subditus, priusquam ad executionem veniat, examinare debet an causa sit legitima quæ ad præstandam illā obedientiā impedire possit, aliàs nunquā poterit exequi mandatū à Decretali præscriptum.

Nec

Nec modus iste ita procedendi caret exemplo in Sacris proposito: in Actis Apostolorum 17. refert Lucas quàm auidè quidam Paulum in Beroe prædicantem auscultauerit, scrutando quotidie Sacras scripturas an ita esset, quemadmodum Paulus dicebat, ob quod etiam factum ita fuerunt laudati, vt Theſſalonicenſium omnium nobiliſſimi & præſtantiſſimi dicerentur: de quibus Paulus, In omni inquit loco fides veſtra quæ eſt ad Deum, profecta eſt. Quod ſi laude dignum fuit ſcrutari ſcripturas, caſque examinare an ita ſeſe haberent quemadmodum Paulus prædicabatur, non minõri dignũ fuerit ſcrutari Scripturas & alias Catholicas doctrinas, eaſq; etiã ponderare an id quod Papa mādāt præſtare permittāt, & niſi ex debito præcepta & exempla ſummi Põtificiis derigerentur à diuinis, Paulus 2. ad Galatas non reprehendiſſet Petrum tanquam iuſto pede minus incedentem quemadmodum veritati Euangelij congruebat. Imò Petrus ipſe in Actis Apoſtoliſ 11. conuerſis & muturantibus Iudæis ob acceptum Corn. Centur. facti rationem reddidit ex diuina reuelatione, intelligens non ad alios ſolũ, ſed ad ſe etiam pertinere dictum illud, Parati eſtote reddere rationem cuique poſcenti vos de ea, quæ in vobis eſt fide.

Hoc certum eſt, Papam; quamuis adſit diligentia & bona intentio, poſſe errare in particularibus iudiciis: & multi etiam De facto in hoc errarunt, & hitoriæ plenæ ſunt. Quid ergo impedit quominus fidelis ſecum perpendat atque conſideret an error ſit in præcepto.

Nemo autem ſic exiſtimet ſenſum noſtrũ eſſe

diffinire, longúmne an breue requiratur examen: sed quemadmodúm in propositione dictúm est: (quátum patitur materia. Potest enim fieri vt res mandata alia clara sit atque perspicua, vt vno momento homo cognoscere possit quid sui officij sit: alia requirat studium, alia etiam faceßat negotium: sed Christiana prudentia est, quæ ad hoc regulas dictat, neque ob aliud dandi termini, quàm vt Christianus secum consideret & quid sit debiti sui cognoscat: quod si ita immeditatè teneretur obedire, frustra & in vanum termini darentur.

Secunda pars propositionis manifestè sequitur ex prima: quicumque enim præceptum sine vlla consideratione exequitur, periculum incurrit eorum quæ contraria sunt Legi diuinæ, ex quibus scandalum etiam oriri potest.

Ecclesiastic. 3. Qui amat periculum, peribit in illo: & Gactanus in summa, & Nauarra in Man. cap. 14. num. 27. & Gerson in regulis Moralibus, ponunt tanquam regulam generalem: nec quisquam se de illo excusare potest prætendendo ignorantiam illius regulæ: cum præceptum sit de iure nature, & quiuis debeat illud tenere, vt Nauarra supra cap. si quis de pœn. dist. 7. nu. 83. optimè probat.

Propositio hæc est doctrina Cardinalis Toleti, qui libro suo Instructio. Sacerdotum, lib. 5. cap. 4. de residentia Episcopali loquens, ita inquit, Dum enim Papa imponit aliquod negotium Episcopo, quod requirit ad tempus absentiam. Sed attende quod non sufficit obedientia tantum, sed debita, quia cum absque causa rationabili aliquid præcipitur non debemus obedire, &c.

Nec

Nec responsio illa valet, quòd quicumq; aliquid inscius in gratiam Papæ facit contra præceptum Dei, sit excusatus, cùm neque ignorantia excuset, nisi sit inuincibilis, quemadmodũ D. Thomas, & omnes Theologi & Canonistæ affirmât: Sed nõ potest esse inéuitabilis ignorãtia, nisi omne id quod sciuerit, & potuerit, fecerit ad cognoscendam veritatem: neque quicquam est facilius quàm cogitationes accommodare & dirigere secundum capacitatem suam: quiuis tunc tenetur id facere, & nisi fecerit, periculum incurrit peccati.

Nec ullus dicat, præsupponendum esse, nullum præceptũ Papæ contrarium esse legi Diuinæ, quia quemadmodum hoc verum est, deberi ita præsupponi, vt in effectũ, non sine ratione ita se re habere affirmetur, non est præsupponendum in effectũ illud temerè sequendum.

Quemuis tanquam bonum & integrum hominem æstimare debeo, nec temerè de quoquam malè sentire: non tamen ex affectu meo inconsideratè committere, aliàs dictum illud Pauli, Qui ignorat, ignorabitur, maximè si fuerit consideratum, summum Pontificem esse hominem cui non conueniat peccatum, sed secundum Paulum, omnis Pontifex ex hominibus constituitur in his, quæ sunt ad Deum, vt efferat dona, & sacrificia pro peccatis, qui condolere possit his qui ignorant, errant, quoniam & ipse circumdatus est infirmitate: quod reprehensio à Christo facta D. Petro testatur, Vade retro post me Satanas, quia scandalum es mihi, & non sapis quæ Dei sunt: si diceretur ipsum nondum recepisse Spiritum san-

Etum optimè nouimus Pontifices pro tempore habere spiritum Sanctum tantùm nē errent in rebus ad fidem & mores vniuersales, quando determināt ex Cathedra: & accepto Sp.S. iā dicit D. Paulus de D. Petro: quòd non rectè ambularet ad veritatem Euangelij. Sæpe etiam videmus successores reuocare leges & præcepta suorum prædecessorum, & etiam propria sua, quando videtur melius informari: in decretalibus sæpe etiam Pontifices dicunt separatos esse ad reuocandas suas sententias, si monstratum fuerit, ipsos contra iustitiam peccasse; quod quidem vanum essent, si errare non possent: videatur cap. ad Apostolicæ, de sent. & re. iud. in 6.

Nemo autem credat propositionem hanc contrariam esse doctrinæ magis communi, nisi subditus, quando in dubio est, num teneatur obedire Prælato, reputet se teneri & obligari: siquidem id non de dubio inopinato sit intelligendum, sed de eo, quòd post exquisitam diligētiam & sufficiens examē, adhuc dubium remanet propter ipsius rei incertitudinem, non verò ob diligentię defectum; & de isto loquuntur dubio, qui dicunt præstandam obedientiam in casibus dubiis: sed non de eo dubio, quòd propter diligentis examinis neglectum dubium remansit.

Adiungendo tamen quòd quamuis Christianus in eiusmodi dubio casu teneatur obedire, non tamen sequitur superiori licere imperare, imò grauitè peccat imperando id, de quo dubitat, an subditus præstare teneatur: de quo Adrianus v. 1. tractat. Quol. 1. inter cuius cōclusiones hæc etiam est, Nō peruenit ad potestatē Cathedrę præcipere, vt ei;



vt ei obediatur, stante dubio, quia est cōtralegem naturalē. Sed potius obedire non tēeretur Christianus, si sciret mandatum sibi dari de quo Prælatus ipse dubitaret; Dubium autem ineuitabile tū demum colit debitam obedientiam, quando dubitat, sed ignorat Prælatum ipsum per se dubitare.

## PROPOSITIO XIII.

**N**on saluat Christianum, quod Pontifex constanter affirmat præceptum suum esse iustum, sed oportet illud examinare, & se iuxta regulam superius datam dirigere. Hoc ex præcedentibus manifestè apparet: ita tamen vt quemadmodum in tradendo præceptū, sic etiam in illud iudicando errari possit, & quemadmodum peccat qui periculo sese exponit nō examinando præceptū an sit iustū, sic se exponit periculo, examinādo opinionem Papæ quam de iustitia præcepti habet. Si quis a. præter rationēs, authoritatem requirāt, videat Glossam. c. ad, de temp. ord. Si præcipitur quod omnino est malum, non faciat contra conscientiam, licet iustum videatur Prælato. In particulari Papæ Sylvestris, verbo obed. 5. Vtrum Papæ sit in omnibus obediendum ab Ecclesiasticis, respondetur quòd non: primò, si præceptum sapit peccatum, & intellige etiam de veniali, etiam si Papa credat mādātum iustum, & tamen subdito constat illud in se continere peccatum: Eandem etiam doctrinam fert Adrianus v. 1. Quol. 2. articulo 3. Ista propositio efficaciter probatur cap. inquisitioni, de sententia excommunicationis, &

capitul. litteras, de restitutio. spolia.

PROPOSITIO DECIMAQVARTA.

**Q**ui, habito examine præcepti, nouit se minus aptum esse ad iudicandum illud an sit conforme vel contrarium legi diuinæ; & si ex obedientia scandalum sit oriturum, tenetur cum prudentibus & Sapientibus id communicare, nec non bonam habentibus conscientiam, & obseruantibus debito zelo sedem Apostolicam.

In casibus dubiis eligat bona conscientia pars securam, vbi nullum est periculum errandi, & ratio ipsa sic docet, & sancti iubent.

Quando autem dubium eiusmodi est naturæ, vt ab vtraque parte periculum adsit, tunc opus est omnia media adhibere ad cognoscendam veritatem.

In casu quem Propositio proponit, non est pars secura. si enim id non præstatur, quod præceptum iubet, periculum est peccatum incurrere inobedientiæ: si præstetur, diuinæ læsæ maiestatis. Vnde subinde, periculo se exponit erroris ignorantia culpa, nisi modos omnes possibiles adhibuerit ad cognitionem veritatis perueniendi, & eius iustitiam cognoscendi quod vult operari: sed horum Consiliū vnum est ei qui minus aptus est per se ad intelligendum legem diuinam. Ipse tenetur vt Gregorius ait, distinct. 84. cap. Peruenit, quod per se nequit attendere, ab alio saltem possit addiscere: cui etiam addi potest dist. 38. c. vlt. & Gloss. supra dictum c. Peruenit, ex lege tunc non prodest ignorantia cum potuit addiscere vel per se, vel

se vel per alium. Supra quod etiam videri potest Nauar. in Manual. cap. 23. num. 46. Et de hac ipsa materia pluribus agit ipse author supra cap. si quis autem de pœn. dist. 7. num. 50. & sequen. Vbi intra alia hæc ibi verba : Excusamus item illum qui cum non sit ea eruditione, ut per se opinionum fundamenta librare valeat, tamen bona fide ac serio virum aliquem eruditionis, ac pietatis fama clarum consuluit. Et multas doctorum auctoritates adfert, quæ ne replicentur his, poterunt videri. sed specialiter Gerson, tract. in materia excommunicationis dicit, Excommunicationis vel irregularitatis non incurritur dum in premissis casibus dicit aliquis Iuristarum, vel Theologus iuxta conscientiam suam, quod huiusmodi sententiæ non sunt timendæ vel tenendæ : & hoc præsertim si observatur informatio, seu cautela debita ne sequatur scandalum pusillorum qui existimant Papam esse vnum Deum, qui potestatem habet in cœlo & in terra. Verumtamen expellendæ est talium stultitia per informationes, qui si nolint acquiescere, ipsi iam sunt iudicandi de scandalo non dato, sed accepto. Et Nauarrus, cap. cum contingat, de resc. rem. 2. num. 30. inquit, Qui vnus doctoris eruditione, ac animi pietate celebris, auctoritate ductus, fecerit aliquid, excusatur, etiam si fortè id non esset iustum, & alij contra vsum tenerent. Allegando etiam multos doctores, addit, Quod etiam ad excusationem à violatione censurarum præcedere speciatim satis fateatur Ioan. And. Dominicus, &c.

Ex prædictis concluditur serenissimum Principem, & Rempublicam Venetam ex debito exa-

minasse duo illa præcepta ipsis à Pontifice sub 10. Decembris facta, vnum vt reuocarent suas leges, quibus Templorum in suo statu ædificationem, & laicorum bonorum in Ecclesiasticos alienationem prohibuit: alterum verò duas illas personas Ecclesiasticas propter enormissima delicta in carcerem coniectas, suæ Sanctitatis nuntio remitteret: quæ cum videret, non solum ad ea sese extendere quorum Pontifici nulla est auctoritas, sed etiam repugnare legi diuinæ, iudicauit illis non esse obediendum, & respondit suæ sanctitati cum illa reuerentia quæ ipsi conueniebat.

Sequitur etiam Prælatos huius status sub pœna peccati obligatos esse præcepta tum à Pontifice promulgata, vel promulganda, de seruando interdicto, ita vt par est, examinare, & an sint conformia legi Diuinæ, aut num scandalum, siue Ecclesiæ destructio, aut alia mala inde oriri possint, videre: quorum aliqua si deprehensa fuerint, rationem reddent, cur obedire nolint; & si quis, sine isto examine, quod tanto diligentius requiritur, quanto res maioris momenti in eo tractatur, exequeretur, peccaret: nec quifquam ob superius allata & probata, dicat, se quidē firmas & validas agnoscere rationes recipubli, suum tamen esse contradicere præcepto Papæ: hoc enim esset cōtradictum cap. si quando: multò minus se nolle illas examinare, sed præsupponere Papam equum habere: ne in numero sint illorum, de quibus Euangelium dicit, Ceci sunt, & duces Cæcorum.

PRO-

## PROPOSITIO XV.

**S**ententia seu censura excommunicationis siue interdicti quam Pontifex ad reddendos mandato suo homines obediētes, quod tamen plerunq; iniustum est, & nullum, vel quia excedit auctoritatem à Christo datam, vel quia contrariatur legi diuinę, fulminat; est iniusta & nulla, & errorem continet intolerabilē, & proinde recipi, neque ei obediri nec estimari debet, salua reuerentia sedi Apostolicę debita.

Probatur: qui namque contra legitimum præceptum non facit, non peccat: & qui non peccat mortaliter, licet etiam contumaciter, non potest excommunicari: cū Christus Dominus noster instituendo excommunicationem Matth. 18. proponat, Si peccauerit in te frater tuus, &c. & S. Paulus de quibus peccatis declarat 1. ad Corinth. c. 5. Si is, qui frater nominatur est fornicator, aut auarus, aut idolis seruiens, aut maledicus, aut ebriosus, aut rapax, cum eiusmodi, nec cibum sumite, inquit. Nec admittit excommunicationem, nisi ad interitum carnis. Mala opera carnis numerat ad Gal. 5. cōcludēdo excludere illa è regno Dei: esset ergo cōtra mentem Christi & Pauli, dari aliquem excommunicatum, ob causam, in qua nullum est peccatum commissum, nec ulli æquo præcepto contradicturn. Nec ullus dabitur neque Theologus, neque Canonista qui tanquam claram & manifestam propositionem hanc teneat.

Neque iniustum iudicium, est iudicium, quemadmodum sanctus Thomas dicit, secunda secundę, quæstione, 70. articulo quarto. Nec sententia iniusta propter defectum cau-

ſæ eſt ſententia , vt Cajetanus affirmat in illo loco. Nec iniuſta excommunicatio, vt teſtatur Adrianus, Quolib. Sexto. & Cajetanus tractat. 29. de excomm. & Sotus in 4. diſt. 22. quæſt. 1. art. 3. Et ſi ſit iniuſta ſaltem in Foro conſcienciæ, non eſt ſententia in illo Foro, quòd ſi iniuſta fuerit etiam in foro ciuili, multò minus eſt ſententia vel excommunicatio, in ipſo Foro ciuili; probatur etiã ex S. Thoma, ſecunda ſecundę, quæſtio. 67. articulo primo, Sentētia eſt lex particularis, lex autem iniuſta non eſt lex, ſed tyrannis, Sententia proueniens iniuſta non eſt Sententia. Quamobrem ad dictum illud, quod vulgo citatur Sententia Paſtoris, ſiue iuſta, ſiue iniuſta timenda, reſpondetur; requiri, vt ſit Sententia; illa verò, quæ errores intolerabiles continet non eſt Sententia, proinde nō timenda. Vnde bene Gerſon in materia excommuni. & irregular. ſeptimo. Alioquin prælati poſſent inducere qualemcunque vellent in alios ſeruitutem, ſi ſuis ſententiis iniquis, & erroneis ſemper eſſet obediendum: & ita patet, quod hoc commune dictum, Sententia prælati, vel iudicis, etiam iniuſta, timenda eſt, indiget Gloſſa, alioquin non eſt generaliter vera, ſi dicitur timenda, quia eſt, ſuſtinenda; nec repellenda: imo in caſu pati illam eſſet aſini- na patientia, & timor leporinus, & fatuus.

Multi afferantur caſus in quibus Sententia excommunicationis eſt nulla, Gloſſa adducit 12. cap. præſenti de Sentent. excommuni. in 6. præfert Nannar. 2. 5. in Manu. cap. 27. numer. 4. Angelus excomm. 4. n. 19. in medium attulit 25.

Et in omnibus iſtis autoribus reperitur plurib. in locis noſter caſus. Poſſeſt videri Do. Sotus loco cita-

citato, vbi probat excommunicationem fulminatam contra aliquem, eò quod aliquid laude dignum præstitit, vel rem illicitam non approbavit, nullam esse. Sed Gerson loco dicto, recensens, Secundum doctrinam Innocentij, casus, quibus excommunicatio non valet, nominatim de excommunicatione à Pontifice Romano fulminata loquitur: Alter est, si sentient in præiudicium iustæ libertatis, vt si volens vsurpare ciuitatem vnus Principis, ferat Sententiã excommunicationis in nolente eam sibi tradere, & ita de multis similibus, vt si excommunicare vellet illos, qui suo Regi, & suis edictis rationalibus obediunt: notauit hoc Innocentius vbi prius.

Et ne diutius inmoremur in allegandis Doctrinis, ipsos iam canones videamus; multos affert Gratianus, qui expresse dicunt, non metuendã iniquã excommunicationem: cap. cui illata. capit. Secundũ Catholicã cap. cepisti habere cap. Temerarium. cap. Quid obest: cap. Quomodo: cap. illud planè. 11. quæst. 3. cap. si quis, 24. quæst. 3. cap. Manet: 24. quæst. 1.

Et si quis non possit omnes videre, videat saltem primum & vltimos duos, & satis edocebitur.

Et vt etiã in specie doceatur quomodo se Christianus cõtra quem fulminata est talis censura gerere debeat, suadet Petrus de Palude in hunc modũ in 4. d. 18. q. 1. Qui nulliter excommunicatus publicè excommunicatus denuntiatur, ita ex aduerso ipse publicet causam quare Sententia non valeat, puta appellationem, vel aliam iustam causam, quo facto nõ est amplius scandalum pusillorũ, sed Pharisæorum, vnde contemnendum. Antonius can-

dē sequitur Doctrinā, & Nauarr. cap. cūm cōtingat: rem. 2. & Gabriel, in quarta distinct. 18. quæst. 2.

De interdicto nō opus est Specialē facere mentionē, quia est fūdatā supra excōmunicatione: vnde si est nulla, etiā illud nullarū erit viriū: sic ait Syluest. vcr. interd. 2. nu. 2. Et si Interdictū esset solū, propter eandē causā nullū esset, propter quā excōmunicatio est nulla. Nauar. in manua. c. 27. nu. 187.

## PROPOSITIO XVI.

**S**ententia iniqua & nulla (etiā à Summo lata Pōtifice) est abusus potestatis, ac propterea violētia quēdā, cui licitū est & necessariū nō habēti principē superiorē qui impediatur, se omnibus mediis à Deo concessis opponere, puniēs executores, salua tamē semper reuerentia erga sedem Apostolicam.

Resistere vim facienti, & iniuriam illatam propulsare iuris est naturalis, ac proin nulla hīc opus est vltiori demonstratione, nisi vt verus eius loci afferatur sensus, Si quis percusserit te in maxillā dextram, præbe ei & alteram: & si quis voluerit tecum iudicio contendere, & tollere tibi tunicam, dimitte ei & pallium: & qui angariauerit te mille passus, vade cum illo & alia duo, Quod S. August. de mend. ad conf. c. 15. & Ench. cap. 78. & in Expositione eius loci docet exequendum esse non in facto, sed in præparatione animi, ad ferendam patienter omnem iniuriam. Verūm non quod homo multis debeat vti mediis à Deo concessis: & exemplo S. Pauli, qui postquam a lapam à summo Sacerdote accepisset, alteram non porrexit maxillam, sed potius pro viribus resistens dixit: percutiet te Deus, paries dealbate.

Iniquam autem sententiam esse rem violentā, res est manifestaz o. Ecclesiastic. Qui facit per vim iu-



dicium iniquū. & Esaię 10. vel qui cōdunt leges iniquas, & scribētes iniustitias, scripserunt, vt opprimerent in iudicio pauperes, & vim facerent causę humiliū populi mei. Nullus priuatus potest renunciare potestatem seipsum defendendi naturalem; tanto minus potest eam negligere resp. quęadmodum sanē ostēdit Nauarr. cap. nouit. de Iudic. not. tertio, num. 119. Sed quoniam ista ratio est generalis, aliquis forsā poterit dicere, nō esse talibus vtēdum mediis contra potestātē supremam, qualis est Pontificia. Videamus Doctores, qui in specie docent, non solū posse quē, sed etiam debere se opponere Pontifici, si sua abutatur autoritate. Baldus in c. olim. de rescriptis, dicit, non solum in tali casu non obediendum Papę, sed etiam cum reuerentia resistendū: & ad hoc efficiendū arma etiā sumenda.

Gerson in regulis Moralibus, titulo de pręceptis Decalogi, iure naturali vim vi repellere licet. Sic quod impetitus aliquis à quacūq; persona cuiuscūque dignitatis, etiā Papalis, via facti, & non habens iuris rēmedium, fas habet iniurianti de facto resistere, secundum qualitatem iniurię, scilicet quantum requiritur, & sufficit cōtra illū, ad sui tūamentū ab hac via facti. Et in libro de A. P. cōsilio 14. Quod si sit aliquis, qui totā præsidentia suā, & Papalem dignitatem conuertere velit in instrumētū nequitie, & destructionis alicuius partis Ecclesię in tēporalib<sup>9</sup>, vel spiritualib<sup>9</sup>. nec pateat sufficiens remediū aliud, nisi subbucēdo se ab obediētia talis potestatis sequētis, & seipsa abutētis, & hoc ad tēpus, vel quousq; Ecclesia, vel concilium prouideat, hoc fas erit. Et libro de vnitate Ecclesię cons. 10. Occurrere possunt casus multi, in quibus pro conseruatione

pacis publicæ, aut iustæ defensionis, sicut vim vi repellendo liceret à ritè electo in Papâ substrahere obedientiâ, &c. Et infra, fieret; quæ ei obediētia vera, potiùsq; cōtradiētio, vel resistentia, liceretque præmissas sentētias suas qualescūq; nō timere, nec timendas asserere, sed lacerare eas, & in caput suū retorquere. Et in tractatu circa materiā excommunicat. & irregul. consil. decimo. Conteraptus clauium etiā non semper inuenitur apud illos, qui ne dum non obediunt sententiis excommun. promulgatis per Papam, vel suos, sed etiā non est iudicanda, esse apud illos, qui per potestatē secularē, aduersus tales prætenfas sententias tueri se procurant: lex enim naturalis dicitur, ut possit vis vi repelli: constat autem quòd tales excommunicationes non debent dici ius, sed vis, & violentia, contra quā habet fas liber vel homo, vel animus se tueri. In isto autore sæpius est tractata & decisa ista propositio, & possunt etiam legi paulopost quæ extat de vita Spirituali animæ, lectio. tertia, & Trilogus in materia schismatis. Sed præter ipsum etiā Syluest. ver. Papa quartus, allegans Petrum de Palude, demonstrat in multis non obediendum Papæ, sed ei resistendum, sicque malis occurrendum.

Caietanus primo suo opusculo de potestate Papæ, & conciliorum, cap. 27. Sotus Quarto dist. 15. quæst. secunda, articulo secundo. Victorius in repetitio. de potestate Papæ; & concilior. propositio. ne 22. Locum Antonij Cordubensis operæ pretium est ipsis verbis formalibus adducere, qui l. quarta, quæstio. decima. distinct. tertia inquit, Vbi Papa potestate abutitur, Episcopi resistere possunt; & si hoc non sufficit, possunt implorare Principes secula-

cula.

culares, vt eorum autoritate, & potentia resistent vi, & armis, non per viam iurisdictionis in Papā, sed iure defensionis, & comprehendāt, & puniant executores mādatorum, siue ministros: infra, neq; excōmunicatio, aut alia cēsura à Papa inflicta quicquā valet neq; tenēda, neq; timēda, quia sicut mandatū eius, ita & ipsa sentētia iam notoriè iniusta ex parte causę & ipso facto nulla, neq; tenēda, neq; timenda est. Illud idē docet Cardinalis Turrecremata: leg. secūda c. 106. Et Card. Bellarm. li. 2. de Rom. Pont. cap. 29. cuius verba sunt hæc: Itaq; sicut licet resistere Pōtifici inuadēti corpus, ita licet resistere inuadenti animas, vel turbanti Remp. & multò magis si Ecclesiam destruere niteretur: licet inquam ei resistere non faciendo quod iubet, & impediendo ne exequatur voluntatem suam, &c.

De isto resistēdi modo tractāt Felinus & Decius cap. si quādo de rescrip. Socin. senior, capit. nulli, de Sententiā excommun. Curtius senior, cōsilio decimo. Nauarr. capit. cū cōtingat rem. secūdo. Multi ex doctoribus agūt de modis, quibus Ecclesiastici Papæ censuris iniquis resistere debeāt, vt & abusus Pōtificis in dispēsatione bonorum Ecclesiasticorū: nihilominus hæc minus ad rē faciūt, ad probādum seculares, imprimis Principes in rebus præsertim temporalibus, multò magis posse & debere id agere: si enim in spiritualibus & Ecclesiasticis, quibus Deus solus eos præfecit, si abutantur potestate, licet eis resistere, quāto magis in tēporalibus rebus quas Deus ipsis non commisit? Et si Ecclesiastici, qui plus sunt subiecti, possunt resistere, quāto magis seculares & Principes: Et si multi ex Doctoribus permittūt vt Ecclesiastici implorēt opē Prin-

pacis publicæ, aut iustæ defensionis, sicut vim vi repellendo liceret à rite electo in Papā subtrahere obedientiā, &c. Et infra, fieretque ei obediētia vera, potiusq; cōtradiētio, vel resistentia, liceretque præmissas sentētiās suas qualescūq; nō timere, nec timendas asserere, sed lacerare eas, & in caput suū retorquere. Et in tractatu circa materiam excommunicat. & irregul. consil. decimo. Contraaptus clauium etiā non semper inuenitur apud illos, qui ne dum non obediunt sententiis excommun. promulgatis per Papam, vel suos, sed etiā non est iudicanda, esse apud illos, qui per potestatem secularē, aduersus tales prætenfas sententias tueri se procurant: lex enim naturalis dicitur, ut possit vis vi repelli: constat autem quòd tales excommunicationes non debent dici ius, sed vis, & violentia, contra quā habet fas liber vel homo, vel animus se tueri. In isto autore sapius est tractata & decisa ista propositio, & possunt etiam legi paulopost quæ extat de vita Spirituali animæ, lectio. tertia, & Trilogus in materia schismatis. Sed præter ipsum etiā Syluest. ver. Papa quartus, allegans Petrum de Palude, demonstrat in multis non obediendum Papæ, sed ei resistendum, sicque malis occurrendum.

Caietanus primo suo opusculo de potestate Papæ, & conciliorum, cap. 27. Sotus Quarto dist. 15. quæst. secunda, articulo secundo. Victorius in repetitio. de potestate Papæ; & concilior. propositio ne 22. Locum Antonij Cordubēsis operæpretium est ipsis verbis formalibus adducere, qui l. quarta, quæstio. decima. distinct. tertia inquit, Vbi Papa potestate abutitur, Episcopi resistere possunt; & si hoc non sufficit, possunt implorare Principes seculi.

culares, vt eorum autoritate, & potentia resistent vi, & armis, non per viam iurisdictionis in Papā, sed iure defensionis, & comprehendāt, & puniant executores mādatorum, siue ministros: infra, neq; excōmunicatio, aut alia cēsura à Papa inflicta quicquā valet neq; tenēda, neq; timēda, quia sicut mandatū eius, ita & ipsa sentētia iam notoriē iniusta ex parte causę & ipso facto nulla, neq; tenēda, neq; timenda est. Illud idē docet Cardinalis Turrecremata: leg. secūda c. 106. Et Card. Bellarm. li. 2. de Rom. Pont. cap. 29. cuius verba sunt hæc: Itaq; sicut licet resistere Pōtifici inuadēti corpus, ita licet resistere inuadenti animas, vel turbanti Remp. & multò magis si Ecclesiam destruere niteretur: licet inquam ei resistere non faciendo quod iubet, & impediendo ne exequatur voluntatem suam, &c.

De isto resistēdi modo tractāt Felinus & Decius cap. si quādo de rescrip. Socin. senior, capit. nulli, de Sententiā excommun. Curtius senior, cōsilio decimo. Nauarr. capit. cū cōtingat rem. secūdo. Multi ex doctoribus agūt de modis, quibus Ecclesiastici Papæ censuris iniquis resistere debeāt, vt & abusus Pōtificis in dispēsatione bonorum Ecclesiasticorū: nihilominus hæc minus ad rē faciūt, ad probādum seculares, imprimis Principes in rebus præsertim temporalibus, multò magis posse & debere id agere: si enim in spiritualibus & Ecclesiasticis, quibus Deus solus eos præfecit, si abutantur potestate, licet eis resistere, quāto magis in tēporalibus rebus quas Deus ipsis non commisit? Et si Ecclesiastici, qui plus sunt subiecti, possunt resistere, quātò magis seculares & Principes: Et si multi ex Doctoribus permittūt vt Ecclesiastici implorēt opē Prin-

ad peccatū cōmissum afferāt, quemadmodū si quis illud laudet, vel aliquid inde accipiat vtilitatis: alia ita concomitatur vt sine ipsis nullus sequeretur effectus. Executio sententiæ est pars notabilissima, & talis vt sine sententiam nō habeat vltimam perfectionem; propterea non peccat solū minister, qui exsequitur sententiam iniquam, sed partem habet maximè principalem in peccato: quapropter diuina inquit sapientia, Secundum iudicem populi, sic & ministri eius, Ecclesiast. 10. & Prouerb. 19. Princeps qui diligit mendacium, omnes ministros habebit impios.

Interdicti exsecutor non solū est is, qui sententiam fert, & eam intimat: sed etiam quilibet Ecclesiasticus, qui illud obseruat. Et sententiam excommunicationis nō solū is exsequitur, qui eam intimat, sed etiam omnis is, qui recedit ab excommunicato, ipsique officia debita denegat, quoniā sententia contra ipsum est pronunciata.

Inde sequitur, quòd, cū hoc interdictum sit nullum, omnes peccent Ecclesiastici, qui illud obseruant: & cū excommunicatio sit nulla, errent omnes ij, qui abstinēt à communione eorum; qui ita iniuste sunt excommunicati, ipsis ea non præstando, quæ ordinariè ipsis citra vitium denegare non possent.

Hęc conclusio est probata & destinata à Nauarro cap. cū contingat, Rem. 2. num. 29. Iniuriam inquit, facit; qui excommunicatum prætendentem suam excommunicationem nullam, vitæ in his, in quibus vitatio est illi præiudicialis, secundū Innocent. & omnes alios in illo cap. solet. Videatur num. 28. & num. 29.

**P**Rinceps, contra quem, eò quòd non receperit mandatum nullum à Præ-  
lato spirituali, fulminata est sententia  
excommunicationis nulla, & cuius sta-  
tus est subiectus Interdicto nullo; potest  
vi sibi à Deo concessa, prohibere ob-  
seruationem, sibi que possessionem ser-  
uare, in qua viget exercitium sanctæ  
Catholicæ fidei, & si existimaret cultum  
diuinum diminuendum, aut aliquod in-  
de oriturum scandalum, erraret id per-  
mittendo.

Hoc demonstratur, cōsiderando cui-  
us iure naturali esse permissum hono-  
rem suum contra eum, qui de facto i-  
psam eo priuare cupit, defendere, & si  
sit persona publica, ad eò vt infamia non  
principaliter in ipsam, sed in commune  
sit redundatura, sine peccato defensio-  
nem omittere nequit, quemadmodum  
probat Caietanus 2.2. qu. 73. art. 3. & So-  
tus in l. de rat. teg. & Nauarrus in Manual.  
cap. 18. nu. 46. & in genere omnes Theo-  
logi, Canonistæ & Summistæ.

Ast in grauissimum incideret pericu-  
lum, summumque Principi esset de-  
cus,

cus, si videns necessitatem urgere suam  
 conseruare libertatem & superiorita-  
 tem ipsi à Deo concessam, si mandato  
 illi pronunciato nullum non se oppo-  
 suisset, & postea executionem Interdi-  
 cti fulminati negligendo, demonstraret  
 se peccasse non obediendo; & tamen ab  
 aliis Principibus suisque subditis parum  
 haberetur prudens, parúmque Religio-  
 sus; quod dedecus etiam in subditorum  
 capita totúmque statum redundaret, ma-  
 gnúmque eius gubernationi afferret de-  
 trimentum, Nauarr. cap. cùm contingat,  
 Rem. 2. num. 22. & 23. suadet priuato, in  
 quem fulminatæ erant césuræ, quas ipse  
 in publica disputatione demonstraauerat  
 esse inualidas, & nullas, ne vlla ratione à  
 rebus diuinis, quas non solum ex debito  
 exercere debemus, sed etiam deuotioni-  
 bus voluntariis publicis abstineret: ne  
 vllus ipsum pro vero haberet excom-  
 municato; addens hoc non esse contem-  
 nere censuras, sed potius legitimas ma-  
 gnificere; non adorando Deum falsum  
 pro vero & non confitendo contra pro-  
 priam conscientiam, & cum scandalo se  
 commisisse peccatum. Quicúmque ipsum  
 eo in loco legerit, non solum rationibus



Christiana religione autoritate diuina  
 fœdus quoddam inter fideles & Eccle-  
 siæ ministros fuit sancitum; nempe vt  
 ipsi verbum Dei populo proponerent, &  
 Sacramenta administrarent, vt & officia  
 Diuina peragerent, & vicissim populus  
 ipsis victum suppeditaret necessarium.  
 De his loquitur Paulus 1. ad Cor. cap. 9.  
 Quis militat suis stipendiis vnquam, quis  
 plantat vineam, & de fructu eius non e-  
 dit, quis pascit gregem, & de lacte gre-  
 gis non manducat? Nunquid secundum  
 hominem hæc dico? An & lex hæc non  
 dicit? Scriptum est enim in lege Moy-  
 sis: Non alligabis os boui trituranti. Quem-  
 admodum miles stipendium ipsi debi-  
 tum recipit, & ita tenetur pro eo milita-  
 re; ita Pastor tenetur subministrare pa-  
 stum, & vicissim recipit lac; & bos potest  
 prohiberi ne frumētum aræ comedat,  
 nisi quis eo vratur.

Si igitur, cū minister altaris, id, quod  
 debet, populo ministrauit, potest de iure  
 suum repetere stipendium, & armis suis  
 spiritualibus contra eum, qui ipsi stipen-  
 dium denegat, vti; ita quoque vicissim  
 populus, quando id quod debet, mini-  
 stris suppeditauit, vi suam potest confer-

uare possessionem aduersus eum, qui adimere ipsi volet.

Res minus honesta censebitur, vt Ecclesiastici, cū ipsis non tantum necessaria ad vitam, quæ ipsis Euangelium ad inferuendum populo assignauit, sed centies plus suppetant; sibi ea, quæ ipsis data sunt, retineant, & vicissim id quod debeant, non etiam retribuunt.

Et si quis dicat ipsos contentos esse omnia relinquere, & abire; ipsi respondebitur cōtractum inter ipsos & populum, non esse precarium, sed obligationem mutua & perpetua.

Et quid, si Princeps eos dimittere vellet, reclamaret iure Pontifex, dicendo, bona data esse Ecclesiasticis irreuocabiliter, proinde homines non posse sua auctoritate id annullare; eodem iure si discedere velint, Princeps respondere poterit, se nolle, eò quòd ipsi in rebus diuinis sine pœnitentia seruire teneantur.

Ad confirmationem autem huius rei restat alia propositio demonstranda.

PRO-

## PROPOSITIO XIX.

**I**nterdictum, est censura noua in Ecclesia, qua si quis non vtatur cum discrimine, destruit Ecclesiam.

Hoc probatur quia nulla fit mentio interdicti, neque quoad vocem, neque quoad significationem, neque in scriptura sacra: neque in quoquam ex Patribus antiquis; neque in collectione canonum Burcardi, neque Iuonis, neque Gratiani, qui scripsit circa annum 1150. Sed post ipsum incipit. Quia primus mentionem facit in decretalibus Alexander 3. in quadam sua Epistola ad Prelatos Anglię Anno 1170.

Quod si quis existimaret capit. miror. 11. quæstion. 4. de Interdicto intelligendum; statim per se cognoscet nulla ratione de locali, de quo loquimur intelligi posse: Secundò aliud esse oblatione non recipi, & aliud non interesse diuinis.

Qui autē sunt in historiis versati, non ignorant, Bonifacium Comitem semper Carthagine habitasse, proinde nulla ratione potest inde aliqua colligi conclusio de antiquitate Interdicti localis, quod innocentes concernit.

sa, clausis ianuis, & sine Campanarum pulsu: & in Festis Natiuitatis, Paschuatibus, Pentecostes, & Assumptionis D. Virginis, publicè apertis ianuis & cum campanæ pulsu celebrarentur. c. Alma mater de sen. excom. in 6.

Quales fuerint Interdicti fructus operæpretium est ex ipsis capit. citati, Alma mater, & Extrauag. prouidè, verbis recitare; Quia verò, inquit, ex distinctione huiusmodi statutorum exarscit indeuotio populi, pullulant hæreses, & infinita pericula animarum insurgunt, ac Ecclesiis sine culpa earum debita obsequia subtraherentur.

Verba extrauag. sunt, Tolluntur mortuis, seu minuuntur suffragia, præsertim per oblationem frequentem hostiæ salutaris: adolescentes & paruuli participantes rarius Sacramenta minus inflammantur, & solidantur in fide, fidelium tepescit deuotio, hæreses pullulant, & multiplicantur pericula animarum. Et Glossa in idem capit. Alma mater, ait, post sublatum interdicitum in aliquo loco, homines 30. aut 40. annorum, qui nunquam viderant celebrari missam, irrisisse Sacerdotibus qui cele-

brabant. Videamus etiam id, quod Dominicus Sotus Doctor celebris ait in distinct. 22. quæstion. 3. articul. 1. Immo interdictum, quamuis ex vna parte ad terrorem excommunicatorum conducat, ex altera tamen in periculum diuini cultus vergit: potissimum si fuerit prolixum, nam tum non solum populus desuetudine frequentandi diuina officia, affectum eorum & sensum amittit, verum etiam & clerus ipse remissior fit, & ignauior ad eadem diuina celebranda, qua vtique ratione, & diuina religio detrimentum patitur, & populus solet in moribus siluescere. Ad euitandam hanc confusionem ad tempus, si non ob causas legitimas fuit interdictum aliquod Regnum, vel status aliquis; Principes consueuerunt prohibere exercitationem. Quod tamen fecit Respub. Et de hac re multa possent in medium adferri exempla: sed quoniam omnia euenerunt tempore belli, quædam saltem quæ in pace contigerunt addicemus. Anno 1468. Paulus I Interdicto subiecit urbem Niuernensem & Parlamentum Parisiense per Arrestum factum 2. Decemb. eiusdem an-

## DE INTERDICTO. 241


ni, quæ est in Indice, ordinauit vt diuina seruitia continuarentur, Ecclesiasticosque ad illud sequendum coegit.

Et anno 1488. Innocentius VIII. interdixit Gant. & Biturigib. & Parlamentum pronunciauit Interdictum abusuum, & mandauit continuationem cultus diuini, vt narrat Renatus Copinus tit. 2. tit. 4. q. a. Omnibus est notum Philippum Bellum Regem Galliarum vsum esse remedio, quo nunc Resp. vtitur, cum ipsius regnum esset interdictum à Bonifacio VIII. & Ludouico XII. & Papa Iulius II. Sed addamus hoc quod magis est, quod Ludouicus Richcomo modernus Prouincialis Iesuitarum in Apologia Regis Galliarum laudat & commendat factum Ludouici XII. illudque cuius Regi imitandum proponit; & affirmat etiam ipsis Gallis eius Regis subditis, si forsan Papa regnum Galliarum vellet oppugnare, idem faciendum.

Res ergo proposita satis iam, quantum ab initio probandum sumpsimus, superque est demonstrata. Quod & facilius probaripotuiisset ex autoritate Antiquorum patrum: sed quoniam in presenti

casu videntur Doctores Classici clari-  
 rius rem docere, placuit potius res  
 à nobis propositas ex autoritate mo-  
 dernorum probare: quamvis doctrina  
 harum propositionum semper fuerit  
 in Ecclesia observata, tamen eam  
 iudicio Sanctæ matris Ecclesiæ,  
 quæ errare non po-  
 test, subiici-  
 mus.

F I N I S.









CAES. BARONII

S. R. E. PRESBYTERI

CARD. TIT. SS. NEREI

ET ACHILLEI

Sedis Apostolicæ Bibliothecarij

PARÆNESIS,

Ad Rempubicam Venetam.



AVGVSTÆ VINDELICORVM,

*Apud Davidem Francum.*

M.DCVI.

246.

11. 0. 1. 1. 2. 1. 2

11. 0. 1. 1. 2. 1. 2

11. 0. 1. 1. 2. 1. 2

11. 0. 1. 1. 2. 1. 2

11. 0. 1. 1. 2. 1. 2

11. 0. 1. 1. 2. 1. 2

11. 0. 1. 1. 2. 1. 2

11. 0. 1. 1. 2. 1. 2

11. 0. 1. 1. 2. 1. 2

11. 0. 1. 1. 2. 1. 2

11. 0. 1. 1. 2. 1. 2

11. 0. 1. 1. 2. 1. 2

11. 0. 1. 1. 2. 1. 2

11. 0. 1. 1. 2. 1. 2

11. 0. 1. 1. 2. 1. 2

11. 0. 1. 1. 2. 1. 2

11. 0. 1. 1. 2. 1. 2

11. 0. 1. 1. 2. 1. 2



CÆS. BARONII

S.R.E. PRESBYTERI CARD.

TIT. SS. NEREI ET

ACHILLEI

Sedis Apostolicæ Bibliothecarij

PARÆNESIS

Ad Rempublicam Venetam.



OLEO vehementer, quod hortaturus vos, quos plurimum diligo, nullis tamen salutationibus, quæ cōmunicatoriis ac pacificis (August. ep. 192.) litteris inter Catholicos, Catholica cōmunicatione coniunctos, in concordæ symbolum præfigi consuevere, more maiorum, permulcere liceat: sed salutationibus intercisis, non aliter, quàm si ad homines extra Christianam religionem errantes Gentiles ipsos scribendum foret, vobiscum agere fas sit: iubente id potissimum Domino nostro IESU, (Matt. 18.) ut qui Ecclesiam non audierit, sit nobis tanquam Ethni-

Aa ij

cus, & Publicanus. cum tamen his infelicibus ve  
iplos reddideritis infeliciores, siquidem non so  
lum Ecclesiam non audistis, sed spreuistis, contem  
plistis, ignominia summa affecistis publicis dat  
litteris, omni execratione dignissimis, quas tam  
quam ostentum Ecclesia vniuersalis exhorruit, &  
ut monstrum excussit. Quis Orthodoxorum, &  
mens Deum, qui legit vestras litteras contemp  
plenas, non statim offensi numinis zelo exæstuan  
ex intimis præcordiis in propheticum (Ierem. 2.)  
Iud erumpat: Obltupefcite cœli super hoc, & porta  
eius desolamini vehementer ] cum portæ inferi  
(Matth. 16.) adeo extolluntur cōtra Regnum cœle  
rum, quod est Ecclesia, ac ipsum Dominum  
At sicut omnium in Deum bellum gerentium ce  
tus est casus, ita nec dubia ruina, secundum illud  
crarum sententiarum: Qui in altum mittit lapides  
super caput eius cadet. Eccle. 27.

Cum igitur ea sit communis vox exclamantiu  
in vos Orthodoxorum: filere ne potuerunt sancti  
Romanæ Ecclesiæ Cardinales, ad quos non solu  
sui capitis, ipsius Romani Pontificis defensio sp  
ctat, sed qui cuiuscūque, pro Ecclesiastica libert  
tuenda laborantis, suscipere patrociniū tene  
tur, ita ad eos martyrij candidato scribente, & i  
sanguinis voce clamante S. Thoma Cantuari  
Archiepiscopo: (Cod. Vat. in app. ep. S. Tho.) C  
conscientia dissimulatis iniuriam Christo illat  
in me, immo & in vobis, qui Christi vicem ge  
re debetis in terra? Nonne causa mea simul  
stra est? immo penitus vestra, tueri videlicet tu  
tes Ecclesiasticam immunitatem? ] Tanto ig  
claf

249.

AD REM. VENETAM. 249

classico excitari, hortationē aggredimur, sed quę me prius doloris iaculis feriat, & vos pungat reprehensionis aculeis ad salutē paratis. ita enim dicitur exuberās dilectionis affectio, quia sitio salutem vestram in visceribus Christi. Vnde & huius series exhortationis emanat, nempe de corde puro, conscientia bona, & fide non ficta, I. Tim. i.

Quamobrem occurrentes vestrę manifestę perditioni, hisce vos (vt in re valde seria) diuinis oraculis compellere compellimur: Quare auersus est populus iste in Ierusalem auersione contentiosa? (Ierem. 8.) Apprehenderunt mendacium, & noluerunt reuerti. Attendi & auscultauī, nemo quod bonum est loquitur: nullus est qui agat pœnitentiam super peccato suo, dicens: Quid feci? Omnes conuersi sunt ad cursum suum, quasi equus impetu vadens ad prælium.] vt visus sit optasse, quod fugiendum esset maximum omnium malum. Auersio plane illa contentiosa est, qua diluenda peccata, ad pœnitentiam patefacta, atque damnata verbis ac scriptis, mira animi firmitate, immo dura obstinatione, ac furenti pertinacia defendi dicuntur ab omnibus, dum omnium nomine Senatorum literę aduersarię promulgantur: cum tamen probe nouerimus, studia ista haud ab omnibus Senatorib⁹ comprobari, immo prudentiorum sententiis condemnari, atque lacrymis deplorari. Et quamuis aduersantes dicant (quod ibidem subiicitur à Ieremia) Sapientes nos sumus, & lex Domini nobiscum est: in eos ipse ista retorquet, dicens: Vere mendacium operatus est stylus mendax scribarū.] Vt merito illis, quos eadē peccata perstringunt, vt-

## P A R Æ N E S I S

gent, & damnant, timendum sit, ne eadem quæ  
 bi subiicitur diuinitus immissa vindicta in exterminium  
 gentis illius, vos maneat, vt feriat, perdat  
 atque consumat, quod Deus à vobis auertat. Con-  
 tingat enim me prius vita fungi, quam ideò ista a-  
 do fonestà videre. Sumus, sumus, sicut & fuimus  
 semper (testis est Deus) omnium vestrum amanti-  
 simi & studiosissimi, semper memores charitati  
 vestræ qua nos excepistis, cum Venetias venisse-  
 mus, vt quantumlibet immeritus, & peccator, de  
 vobis tamen mihi sit propemodum prædicandum  
 quod Apostolus ait de Galatis: (Galat. 4.) Sicut An-  
 gelum Dei excepistis me, sicut Christum IESVM,  
 memores & frequentis per dies singulos concu-  
 sus & accursus amplissimorum Senatorum, atque  
 illustrissimorum magistratum, nos conuenien-  
 tium, & (secundum illud Ioannis (ep. 3.) deducen-  
 tium digne Deo.) cum & quadam amoris exubera-  
 tia coegistis, & extorsistis importunè impertiri vo-  
 bis aliquid gratiæ spiritualis in ministerio verbi  
 Dei, vt sic penes vos nostri apostolatus licet indig-  
 ne perficere remanserint qualiacumque impres-  
 vestigia. Currebatis bene, quis vos impediuit ver-  
 tati non obedire? Galat. 5. (spiritualis sic vos arguat  
 verbis Apostoli.) Vtinam abscindantur qui con-  
 turbant vos, ] & mergunt in profundum abyssi,  
 ipsum imum barathrum peccatorum, quod est dis-  
 plinæ contemptus. sic enim in sacris oraculis scri-  
 ptum est: Impius cum in profundum venerit pecc-  
 torum, contemnit. ] Prov. 18.

Ad quod puniendum siue expiandum delictum  
 quo ipse peccans perpurgari nolit inuitus, quod re-  
 accuset, magis autem defendat, opus fuerit eccl-  
 siasticis

AD REMP. VENETAM. 7

fiastico conflatorio censurarum (Est enim ignis in Sion, (Isai.31.) & caminus eius in Ierusalem, ad combustionem peccatorum. In qua quidem fornace sic ardet ignis, vt purget, non autem consummat nisi peccatum. Nam & Corinthius ab Apostolo in hanc est fornacem immissus, in interitum carnis, vt spiritus saluus sit in die Domini. ita plane vbi bono remedio vtitur bene patiens, accidit iuxta illud Prouerbiorum (Prou.25.) Aufer rubiginem de argento, & egredietur vas purissimum: aufer impietatem de vultu Regis, & firmabitur iustitia thronus eius.] fiatque quod & per Isaiam est pollicitus eidem populo suo, dicens: (Isai.1.) Conuertam manum meam ad te, & excoquam ad purum scoriam tuam, & auferam omne stannum tuum, & restitvam iudices tuos, vt fuerunt prius & consiliarios tuos, sicut antiquitus. Post hæc vocaberis Civitas iusti, Vrbs fidelis.] Ita quidem agitur res feliciter, si qui ad purgandum in conflatorium mittitur, non contradicat, nec augeat potius resistendo peccatum. Est enim tantæ officinæ opifex Deus, idemque ignis Dominus noster Iesus Christus, quod Malachiæ, (Malach.3.) diuinitus ostensum est, qui ait: Ipse quasi ignis conflans,] & quod subdit: Sedebit conflans & emundans argentum.] Qui & docuit ista suos Apostolos, (Ioan. 15.) Omnia, inquiens, quæ audiui à Patre meo, nota feci vobis] & collaborat vna cum ipsis. Nam hæc ad eos: vobiscum sum vsque ad consummationem sæculi.] Præficiens vero operi Petrum, hæc ad eum: (Matth.16.) Tibi dabo claves regni celorum. Quodcumque ligaueris super terram, erit ligatum & in cœlis: & quodcumque solueris super terram,

Aa iij



erit solutum & in cœlis. ] & spondens affore iugiter præsentia sua , ait : Vbi fuerint duo vel tres congregati in nomine meo , ego in medio eorum sum . ] & contestans , se etiam non solum cum suis , sed & in suis esse , adiicit : ( Luc. 10. ) Qui vos audit , me audit , & qui vos spernit , me spernit . ]

Vnde summa fiducia , qui diuinitus ab eo ipsius successor subrogatus est Paulus , Pauli his potuerit ac debuerit vti verbis : ( 2. Cor. 13. ) An experimentum queritis eius qui in me loquitur Christus ? Quibus est usus verbis Apostolus , cum comminatus est supplicium Corinthiis delinquentibus , vt sciret Ecclesia , vltori scelerum assistere Deum Episcopo , eius honorare ministerium , approbare auctoritatem . Hoc vniuersorum sanctorum Patrum concilium probat : quod denique scriptor suorum temporum luculentissimus Petrus ad Cælestinum Pontificem scribens , his verbis insinuat : Petri . Bles. epif. 146. princeps Apostolorum adhuc in Apostolica Sede regnat & imperat , & in medio est constitutus iudiciarius rigor . Illudque restat , vt exeratis in maleficos , Pater , gladium Petri , quem ad hoc constituit super gentes & regna . Christi Crux antecellit Cæsaris aquilas , gladius Petri gladio Constantini , & Apostolica Sedes præiudicat Imperatoriæ potestati . Vestra potestas à Deo est , an ab hominibus ? Nonne Deus decorum locutus est vobis in Petro Apostolo , dicens : ( Matth. 16. ) Quodcumque ligaueris super terram , erit ligatum & in cœlis : & quodcumque solueris super terram , erit solutum & in cœlis . ] Nō ergo degenerat in hærede Petri dignitatis Apostolicæ reuerenda successio .

Paulus igitur , idēque Petrus vicem Christi agens



bus bene cessisse sciretur.

At hic (quod lamentatus est Ieremias Ier. 6.) fecit sufflatorium, in igne combustum est plumbum. Frustra conflavit conflator, malitiæ enim eorum non sunt consumptæ. ] & quod queritur Ezechiel 2. dicens: Multo labore sudatum est, & non exiuit ea nimia rubigo eius neque per ignem. Immunitas tua execrabilis, quia mundare te volui, & non es mundata à sordibus tuis. Ego Dominus locutus sum. ] Quibus ita peccantibus alterum de duobus evenire solet, & quod terribilius, illud, ut istiusmodi à Deo penitus deferantur, secundum illud divinum oraculum: Ierem. 51. Curavimus Babylone, & non est sanata: derelinquamus eam. ] Ut sit maxima omnium illa comminatio, quam intulit in furore suo per Ezechielem 16. Requiescet indignitas mea in te, & auferatur zelus meus à te, & quiescam, nec irascear amplius. ] Vnde & deducta vixit illa antiquorum ore sententia, à priscis etiam gentilibus tamquam axioma recepta. Seneca de diuin. pro. cap. 4. ex Demetrio. ) Nihil est infelicius felicitate peccantium, ) ab antiquis etiam Christianæ religionis (epistol. 53. Orig. in Psal. 118. Hieron.) tractatoribus pariter usurpata. Atque verum totum misericors & peccantibus nimis utile: nempe, ut qui in conflatorio Ecclesie sancto pioque, ipsorum repugnante malitia, & averse protervia, mundari non meruerunt, in aliam longe ardentiorum, manibus hostium præparatam, incensamque hostilibus flammis fornace comburendi mittantur, [ut factum est populo Iudeorum, cum eorum ciuitas cum templo in direptione & combustionem, & desolationem, ipsi autem dati sunt

captiuitatem Assyriorum, ad quos ista declamaue-  
rat iussu Domini Propheta sanctus: Ezech. 22. Eo  
quod versi estis omnes in scoriam, propterea ecce  
ego congregabo vos in medio Ierusalem, vt suc-  
cendam in ea ignem ad conflandum, sic congrega-  
bo in furore meo, & in ira mea, & requiescam: &  
conflabo vos: & congregabo vos & succendam vos  
in igne furoris mei, & conflabimini in medio eius,  
&c.] quæ hæc & alia ibi posita immensa mala! quæ  
tamen & exoptanda magis fuerint, quam relinqui  
miseros obstinate peccantes, maiori ira Dei in æ-  
ternum plectendos.

At quid profuit, quod tu, confringens iugum  
Domini, & rumpens vincula ipsius, dixisti: Jerem. 1.  
Non seruiam? ] cum ista conuertantur in damnum  
tuum, sicut populo illi, qui ligneas confringens ca-  
tenas, expertus est ferreas. Ibid. 28. Sic (inquiens  
Dominus) malitia tua (Jerem. 2.) arguet te, & auersio  
tua increpabit te, & scito, quia malum & amarum  
est reliquisse te Dominum Deum tuum. ] Vis scire  
quam malum? ex verbis Domini facile est subduce-  
re rationem, Qui contestatus, ne vel vnus ex pusillis  
qui in eum crederent, contemni deberet, est com-  
minatus supplicium quam acerbissimum in eum,  
qui scandalizauerit (Matth. 18.) vnum de pusillis: ad-  
eo vt ne in illud incurreret, expediret potius, vt sus-  
penderetur mola asinaria de collo eius, & demer-  
geretur in profundum maris. Quæ, rogo, pœna ma-  
nebit peccantem in maximum, si ita horrenda atq;  
terribilis teneat eum, qui peccauerit in pusillum?  
vnde merito tunc illud Dominus exclamauit: Væ  
mundo à scandalis.

Vis adhuc scire quam amarum? Prophetica velu-

ti in te conuerſa oracula intueri. Eſt namque ſermo Dei gladius vtraque parte acutus ad feriendum, Apocal. 1. ſicuti anteriora, etiam poſteriora; vt vbi par culpa, par feriat quoque vindicta. Ieremiam itaque (Ier. 51.) audi & pauſce dicentem: Quæ habitas ſuper aquas multas, locuples in theſauris, venit finis tuus pedalis præciſionis tuæ: ] Præciſam namque te pedali præciſione à trunco per excommunicationis ſententiam conſtat. Poſthac bona quænam ſperanda? & mala quæ non timenda? à radice præciſo ramo quis vltius viror? Radix eſt namque, ex ſententia Cypriani epist. 5. ipſa Romana Eccleſia, quæ plurimo germine ſe diffundens in arborem, in Catholicam creſcat, è qua ſi præciditur ramus, areſcit ad ignem. Ipſa quippe omnium in terra mater, vt Deus in cælo Pater. Adeo vt eiſdem ſententia Martyris, habere non poſſit Deum Patrem, qui non habet Eccleſiam matrem: ] (Idem de Vnit. Eccl. Cath.) Romanam intelligens, dum ait, quod in Petro vna Chriſti Eccleſia, vna Cathedra demonſtratur. Vides igitur quam amarum, præciſam te ab Eccleſia, præciſam eſſe pariter à Domino Deo tuo? Hæc vero damna veſtra duplicantur meſura conſerta & coagitata, ſi non ſentitis ea veſtra colla prementia; ſed ſi contemnitis, centuplicantur ipſa, immo creſcunt in infinitum quæ tanta mala vt caueatis, hortamur, rogamus magis, & exoramus.

Sed quoniam vos, vt olim auerſatrix Iſrael incredibili aduerſus Deum contendens pertinacia, adhuc infane dicebat: Ierem. 2. 3. Abſque peccato, & innocens ego ſum. cum Deus ad eam: Ego iudicio contendam tecum, eo quod dixeris: Non peccaui ] vos inquam, excuſantes excuſationes in peccatis, immo

defen-

defendentes, & redarguentes qui iuste redarguunt, Deo pugnaciter & Ecclesiæ restitistis prouoco vos ad prima Christianæ Fidei rudimenta, immo ad ipsius Naturæ cunabula, à quibus aberrantes, per deuia ferri, inferrique in abrupta præcipitia sit necesse.

Iure namque diuino atque humano sacra à profanis esse debere distincta, & diuersæ censeri penitus rationis, norunt omnes; adeo ut de his nulla dubitatio esse possit. Sacra autem quam illæsa voluerit Deus in sua Ecclesia conseruari, cum plurima supeditant ex diuinis Scripturis exempla, vnum vel alterum tatummodo referemus, ut sic breuiter causam absoluiamus. Quo enim ista cuique hominum magis paterent ad sensum, voluit Deus altissimi parietis interstitio sacras ædes à profanis esse in templo diuisas, vsque adeo, ut nequaquam Regibus liceret illum à Deo constitutum terminum transilire, sed neque eidem appropinquare absque numinis offensa grauissima. Hinc vehemens illa querela Domini in Ezechiele 43. aduersus Reges Iuda: Fabricati sunt, inquit, limen suum iuxta limen meum, & postes suos iuxta postes meos (& murus erat inter me & eos) & polluerunt nomen sanctum meum, &c. Si igitur non licuit Regibus appropinquasse termino præstituto inter sacra atque profana; quomodo in eum irrumperere, & suos intra sacra septa erigere parietes licuisset? ita plane erudiens Principes, longe diuersa esse inter se iura templorum, atque regnorum. Quod omnibus considerandum proponi volens Deus, sic alloquitur Ezechielem: Tu autem, fili hominis, ostende domui Israel templum; & confundantur ab iniquitatibus suis, & metiantur fabri-

cam, & erubescant quæ fecerunt. Ita plane fiet, ut & vos ista metiētes, erubescatis; unde & magis pœniteat, non solū limen & postes iuxta sacrum parietem extruxisse, sed sacrum dissipasse, & vestrum erexisse, dum quæ sunt Ecclesiæ iura peruasistis. quamobrem in vos illud accipite dictum ab Isaia 30. Erit vobis iniquitas hæc sicut interruptio cadens, & requisita in muro excelfo, quoniam subito, dum nō speratur, veniet contritio eius, & comminuetur sicut conteritur lagena figuli contritione perualida, & non inuenietur de fragmentis eius testa, in qua portetur igniculus de incendio, aut hauriatur parum aquæ de fouea. Sed ne fiant ista, hortamur, auertite precibus & pœnitentia.

Hæc de muro ex veteri Testamento, quæ in figura contingebant illis, in Nouum transferenda esse spirituali sensu monemur, sed latiori mensura. Etenim in Christi Ecclesia non murum vnum tantummodo diidentem inter sacra atque profana positum esse scimus, sed murum & antemurale, ut cecinit suo cantico Isaïas, dicens: Ibid. 26. Saluator ponetur in eā murus & antemurale. Aperite portas, & ingrediatur gens iusta custodiens veritatem, nō autem profanans sacra, diuina conculcans, temerans sancta, & dissipans Sanctuarium, quæ cum intus fuerit, iubetur proici ab Ecclesia, secundum illud Apocalypsis 22. Foris canes, & venefici, & impudici, & homicidæ, & idolis seruientes, & omnis qui amat & facit mendacium. ] In quorum sortem coniecit idem Isaïas Is. 10. qui leges iniquas statuunt, dicens: Væ qui condunt leges iniquas, & scribes, iniustitiam scripserunt. Quid facietis in die visitationis, & calamitatis de longe venientis? ad cuius confugietis  
auxi-

auxilium? & ubi derelinquetis gloriam vestram, ne incurruemini sub vinculo, & cum interfectis cadatis?] hæc tanta mala aggregata audiuius, exigente diuina vindicta, in cōdentes leges iniquas. Sed quid si addatur, præscribi eas & non subditis? plane tyrānicum esse, vno omnes ore clamabunt. Et si apponatur, & sacris? non enim sacrilegorum non effugient. Quod tantum crimen mox præcipuum sentit Petrum ultorem, Acto. 5. cui non satis visum in ultionem facinoris eiusmodi delinquentes sententia anathematis ab Ecclesia separare; sed in terrorem credentium voluit eos interfecisse spiritu oris sui, ita horribili delinquentium pœna sanciens in Ecclesia disciplinam, ne dicata semel saltem mentis proposito dona Deo, quis impiè auderet attingere. Quod plane eo redditur execrabilius scelus, si lege firmetur, ut iure fieri videatur, quod cōtra ius diuinum etiam usurpatur. Stent igitur altissimi iidemque fortissimi diuidentes sacra à profanis exaltati à Christo parietes, quibus imperia sunt diuina lege distincta, ut quæ sunt Cæsaris Cæsari, & quæ sunt Dei Deo reddantur, Matt. 22. ne quid à Principibus aduersus personas Deo dicatas, vel bona eidem oblata, aut iura ipsi debita vendicetur.

In quibus attendite quotupliciter deliquistis, cum primo leges sancieritis in non vobis subditos homines Deo sacros; deinde quod tuleritis eas aduersus loca sacra, & res sacras, nempe bona Deo dicata; ac quod denique iura sacra, ut vestra statueretis, penitus euerteritis, & quidem non sine magno periculo lædendæ Catholice Fidei, in confundendo, immo euertendo ordinem hierarchicum, à Deo in ipsa Ecclesia Catholica antiquitus institutū, à Chri-



sto confirmatum, prædicatum ab Apostolis, affertum in Conciliis, roboratum traditione, cultuque receptum ab omnibus orthodoxis Principibus, aliis cunctis inferioris ordinis Christianis. Quænam (inquit Apostolus) Rom. 13. sunt à Deo, ordinata sunt. interuertitur quidem ordo hierarchicus, quæ sunt alterius, alter sibi perperam sumat. De huiusmodi enim idem Apostolus, Ibid. 10. qui fixos terminos sacros transgrediuntur, hæc ait: Ignorantes enim iustitiam Dei, & suam quærentes statuerunt iustitiam Dei non sunt subiecti, utpote redditi maiori opere inultissimi.

Quid igitur vobis arrogatis de iuribus ecclesiasticis sancire leges, easdemque aduersarias legibus ecclesiasticis, quandoquidem laicis inconcessum etiam proficuas præscribere de his leges? Audite quid in Romano Concilio sub Simplicio Papa fuerit actitatum, ubi agens Basilius vicem Odoacri Regis, legem tulit de non alienandis bonis ecclesiasticis: cui vos contrariam promulgatis, ut alienari omnino debeant. Intercessit enim tunc Maximus Beranus Episcopus, qui conuersus ad sanctam Synodum dixit: De me licuit laico legem dare? Respondit sancta Synodus dixit: Non licuit: & recitata in synodo ipsa lege, hæc de ea Eulalius Episcopus Syriacus: Scriptura, quæ in sacro Concilio est recitata, nempe constitutio de non alienandis bonis ecclesiasticis, euidentissimis documentis constat inualida. Primum, quod contra Patrum regulam laicis, quamuis religiosis, quibus nulla de ecclesiasticis facultatibus aliquid disponendi legitur vniquam attributa facultas, videtur. Deinde, quod nulli Præsulis Apostolicæ Sedis scriptione firmetur,

Si i

Si istas neruofas adēo antiqui Patres nostri in Romano Concilio aduersus laicos legislatores dixere sententias; tolerabimus nos latas à vobis leges iniustas, atque damnosas, bona ecclesiastica dissipantes? cum latas à Regibus pro eorundem conseruatione proficuas, ea tantum ratione; quod non esset laicorum præscribere sacerdotibus leges, Patres continuo abrogarunt.

Quam autem fuerint cauti posteriores orthodoxi Imperatores Occidentales, ne quid inconsulto Romano Pontifice statuerent in Ecclesia, etiamsi pro Ecclesia: deducantur in exemplum vertices illi secularis potentie, toto orbe conspicui, Christianissimi Imperatores Carolus Magnus; & Ludouicus Plus, qui summa religione colligentes in vnum diligentia sanctorum monachorum leges ecclesiasticas suis admixtas: nonnisi eas prius recognitas ab Episcopis, probatas vero ab Ecclesiæ Romanæ Pontificibus, edere præsumpserunt; prout ex eorundem præfationibus constat. Qui plane nihil antiquius semper habuerunt, quàm ecclesiasticam libertatem, in primis vero auctoritatem primatiam Romanæ Ecclesiæ sartam rectam posteritati mandare. Hinc illud apud eos: Capitul. lib. 7. c. 265. 267. Constitutiones contra canones & decreta Præsulum Romanorum, seu reliquorum Pontificum, vel bonos mores, nullius sint momenti. & inferius de auctoritate Papæ super omnes Episcopos: Lib. 5. c. 33. Cū prouincialis Synodus retractetur per Vicarios Urbis Romanæ Episcopi, si ipse decreuerit. Quod si quid criminofum per clericos committi contingeret; quid in eos agendum, censet Carolus tam Episcopis Lib. 7. ep. 187. Romanum Pontificem consulendū. *idem,*

ne quid graue, inconsulto Romano Pontifice ageretur:&, Si maiores causæ in medio fuerint deuolutæ: ad Sedem Apostolicam (vt sancta Synodus statuit, & beata consuetudo exigit) incunctanter referantur. Si hæc ergo, quæ in fauorem Ecclesiæ sanctitatis essent, non absque cõfirmatione summi Patris Romani Pontificis edere præsumpserunt Imperatores Christianissimi: qua frõre alij, quorúmve exemplo, nisi Iuliani Apostatæ, vel aliorum tyrannorum, aduersarias sanctæ Ecclesiæ iuribus leges scribunt, & promulgant? Audite post alios ex Ioanne Damasceno, de imag. orat. 2. quorumnam sit iura ecclesiastica condere, cum post multa de eodẽ argumento tractata subiicit ista: Regum est ciuilis administratio; ecclesiastica vero constitutio pastorum atq; doctorum. & inferius: Non suscipio Regem sibi sacerdotium per tyrannidein vendicantem: & post enumeratos Imperatores Orientales tyrannice rem agentes, subdit: Non regiis regulis, sed Patrum institutis tam scriptis, quàm nõ scriptis Ecclesiam censensõ constitui, & gubernari debere.

Sed audite optimi Imperatoris Basilij Macedonis verba, & exempla imitamini, ita in Octaua Synodo cecumenica Catholicos laicos alloquẽtis: De vobis autẽ laicis, tam qui in dignitatibus, quàm qui absolute conuersamini, quid amplius dicã, quam quia nullo modo nobis licet de ecclesiasticis causis sermonẽ mouere, neq; penitus resistere integritati Ecclesiæ, & vniuersali Synodo aduersari. Hos. n. inuestigare & quærere, Patriarcharũ, Põtificũ, & sacerdotũ est, qui regiminis officiũ fortiti sũt, qui sanctificãdi, qui soluendi & litigãdi potestatem habet, qui ecclesiasticas & cœlestes adepti sunt clauẽs: non nostrũ qui pasci debe-

debemus, qui sanctificari, hoc est benedici, qui ligari, vel à ligamēto solui egemus. Quantacūque enim religionis & sapientiæ laicus existat, vel etā si vniuersa virtute intus polleat, donec laicus est, ouis vocari non desinet. Rursus Episcopus quantacūque sit irreuerentia plenus, & nudus omni virtute, donec Antistes est, & veritatis verbū recte prædicauerit, pastoris vocationis & dignitatis damna nō patitur. Quæ ergo nobis ratio est in ordine ouium cōstitutis pastores verborū subtilitate discutiēdi, & ea quæ super nos sunt, quærēdi, & ambiendi? Oportet ergo nos cum timore & fide sincera hos audire, & facies eorū vereri, cū sint ministri Domini omnipotētis, & huius formā possideant, & nihil amplius, quā quæ nostri ordinis sunt, requirere. Nūc autē, vt videmus, adeo multos malitiā in insaniā accendit, vt obliuiscētes proprii ordinis, & quod pedes sint, minime cogitātes, legē ponere velint oculis, non vt natura se habet. & inferius: Itaque moneo & exhortor omnes qui tales sunt, vt inaledictum & alternum odium auertentes, & iudicare iudices desinant, attendant sibi, & secundū diuinam voluntatem, cōuersari contendant. Nam nō quiescit supremum iudicium, sed contra dissidentes diuinus furor stillabit; & iustam ultionem opere cunctis ostēdet. Hæc Basilius: Quæ paulo fusius ad verbū retulisse volumus, vt tantī Imperatoris exemplo intelligatis, quam reuerentiam & obedientiam rebus ac personis ecclesiasticis exhibere debeatis. Sed alia innumerabilia eaque clarissima in hoc genere exempla breuitatis causa recensere prætermittimus.

Est autē illud omnino falsum, quod ad peccati excusationē affertis, id ipsum scilicet factitātū à vestris

antecessoribus, qui se nemini subiicientes, quod proficuum Reipublicæ videretur, hoc statuerent. At secus quidem illi, qui quod sibi scirent legibus ecclesiasticis in concessum, nequaquam audebāt decernere suis legibus, sed extorquendum putabāt per Patriarcham, quod negandum sibi scirent à Romano Pontifice. In hoc sane vobis modestiores, quod non auderent condere leges de his, quæ noscent ad forum ecclesiasticum pertinere. Vt hæc autem evidentiore percipjatis exemplo, cum plures extent de his literæ, vnæ illæ, quæ & breuiiores, recitandæ bis erunt Innocentij Papæ III. datæ ad Patriarcham Constantinopolitanum, ciuem Venetū, nuper creatum, cum ab iisdem Venetis simulque Gallis ipsa Constantinopolitana ciuitas est capta anno Salutis millesimo ducentesimo quarto. Sic enim se habent, vti leguntur in codice Actorum eiusdem Pontificis: qui ita incipit à ministerio sibi à Deo credito in regimine vniuersalis Ecclesiæ:

Ad hoc (inquit) Deus Apostolicæ Sedis antistitem, qui plenitudinem habet ecclesiasticæ potestatis, super (Ierem. 1.) gentes & regna constituit, vt iuxta verbum Propheticum euellat & destruat, dissipet & disperdat, quæ in agro Dominico tuæ culturæ commisso inutilia reperit & nocua, iuxta quod alibi sibi præcipitur à Domino per Prophetā: (Isai. 58.) Dissolue colligationes impietatis, solue fasciculos deprimentes. Nos igitur attendentes iuramentum illud, quia prorsus illicitum, non esse seruandū, quod à te Venetis cōstituto fuit à Venetis violenter exortū, sicut tua nobis insinuatō parefecit (vt videlicet neminē sis facturū Canonicū in Ecclesia sanctæ Sophiæ nisi Venetę nationis, vel qui cōtinue

per

per decennium Venetiis habitasset: quodque bona fide, modis omnibus, quibus poteris, laborabis, ut semper in ecclesia sanctę Sophię sit de Venetiis Patriarcha, saluis tamen in omnibus Apostolicę Sedis iure, auctoritate, reuerētia, & honore. licet hæc conditio staret adiecta, ut nō sit in scriptis redacta) præfentiū tibi auctoritate mandamus, & in virtute Spiritus sancti districte præcipimus quatenus iuramentū illud nequaquā obserues cū Sanctuariū Dei non sit hereditario iure ab aliquibus possidēdum, sed in omni gentē, qui facit iustitiam, acceptus est Domino: præcauens diligenter, ne post hoc Apostolicę Sedis præceptum in præmissis articulis iterū delinquas. Qui si de cetero solos Venetos in ecclesia sanctę Sophię Canonicos institueris, aut ad hoc impēderis operā qualēcumq;, ut semper in eadē ecclesia sit Venetus Patriarcha, in ipsa nō ponēdo Canonicū, nisi iuret, quod nūquā aliū de Venetiis eliget, aut recipiet Patriarchā: nulla deinceps ratione super his poteris excusari. Sed nec illud obserues, quod absq; iuramento diceris promississe, ut neminem Archiepiscopū præter Venetū in tota facies Romania. Ne vero prætextu iurationis canonicę, aut cuiuscūq; promissionis obtentu talia de cetero præsumatur, aut si præsumpta sint obseruētur: nos obligationes huiusmodi auctoritate Apostolica irritamus, sub interpositione anathematis prohibentes, nè quis ea obseruare præsumat: tibiq; præcipimus, ut id Canonicis sanctę Sophię nō solū instituas, sed etiā instituendo caute denūties, quatenus hoc nefas valeant euitare. Licet autem plus debueris Dominū timere, quā homines, ne iurares aliquid propter homines contra Deum: si tamen in illo iuramento per viam &

metum extorto præscriptam adhibuisti cautelam, vt iuraueris, saluo in omnibus Apostolicæ Sedis iure, auctoritate, reuerentia, & honore: nos tibi delictum humiliter confitenti ex speciali gratia indulgemus, vt huiusmodi iuramentum nullum tibi possit præiudicium generare, dummodo præceptum, quod salubiter tibi facimus, ad saluandum ius, auctoritatem, reuerentiam & honorem Apostolicæ Sedis, contra cuius statuta, ea quæ sunt iurata, redundant, fideliter exequaris.

Cæterum & si præscripta nobis à tuis Nuntiis secreto fuerint annuntiata: noueris tamen pro certo, quod quædam eorum certa relatione prius fuerant nostris auribus patefacta. ] Hactenus litteræ Innocentij, quibus etsi non laudanda de maioribus vestris annuntiantur vobis, eos tamen reuerentiores fuisse, vt qui non ausi fuerint, vt vos facitis, de clericis leges sancire, satis apparet. Nouerit ex iisdem pariter, haud adeo nouum, vt insurgant Romani Pontifices vindices aduersus vestros pro tuenda libertate ecclesiastica, ita quidem Innocentius.

Qui & si adeo redarguit Patriarchâ pœnitentem, ad Romanâ Ecclesiam supplicē confugientem, qua reprehensione, quibus cōminationibus & censuris exagitasset vestros Præsules, quos nō dixerim Episcopos tãto nomine indignos, sed mercenarios, imo nec hoc nomine honestandos, cum nec sibi fuga, vt assolent mercenarij, cōsuluerint, sed lupos potius nominandos, qui se lupo venienti cōiunxerint, atque in gregis totius internecionem miscuerint. Quod nolim cōtumeliæ loco dictū accipiant mendax arguat, nisi hoc ipsum Evangelica auctoritate constituent; nam cum præstent ipsi, quod luporū est, lupos

lupos dici debere non renuant: est nāque luporum oues dispergere, vt testatur Euangelista: (Ioan. 10.) omnes autem schismaticos dispergere. Christi Iesu sententia illa firmatur, qua inquit: (Luc. 11.) Qui non est mecū, contra me est; & qui nō colligit mecū, dispergit.] Quod iure in eius Vicariū transferatur, vt dispergere æque dicatur omnis, qui nō colligit cum Romano Pōtifice. nā audi Catholicæ Ecclesiæ tubā, S. Hieronymū, (ep. 57.) scribentē ad Damasum Romanū Pontificē: Quicumq; tecū nō colligit, spargit. hoc est: Qui Christi non est, Antichristi est.] Pastorum vero est, Christo collaborare, pro eius grege ex aduerso consurgere, Principibus plus æquo sibi sumentibus sacerdotali vigore resistere, constantia infracta reprehendere. quod & nauiter ab aliis omnibus Romanis Pontificibus aditatum scimus aduersus quoscumque Principes: vt continuo insurgerent legum Principum abrogatores vel correctores. Vt fecisse (Greg. lib. 2. ep. 62. & lib. 7. ep. 10.) S. Gregorius inuenitur, qui legem Mauritiij Imperatoris, cogentem ad militiam monachos, nonnisi commendatam promulgandam curauit. Præstiterunt & hoc ipsum alij inferiorum ecclesiarum Episcopi, & inter alios (Ambros. ep. 32. 33. vet. edit. S. Ambrosius acerrimus vindex ecclesiasticæ libertatis, ne inuaderetur ea aliquatenus à laicis, quāuis Imperatoribus orbis dominis. Qui & legem trium Augustorum aduersariam ecclesiasticæ libertati Mediolani tunc promulgatam reuocari coegit, (Cod. Theod. lib. 27. de epis.) & edi omni errore purgatam.

Sed quid singulos memorē? iā ex sacro œcumenico Cōcilio inferam<sup>r</sup> hic testimoniū; ne quid Principes



suis legibus sibi arrogent contra leges ecclesiasticas. In sacrosan. Chalcedonenſi Concilio cum cauſa Episcoporum ageretur, Eustathius Beryti Episcopus sic compellauit iudices cognitores: Num secundum canones ecclesiasticos, an secundum leges Imperatoris, cauſa dirimenda eſſet? Tunc iidem interlocuti iudices, iſta dixerunt: Sacratissimo domino orbis placuit, non iuxta ſacras Imperatoris litteras & pragmaticos, res ſanctiſſimorum Episcoporum procedere, ſed ſecundum canones à S. Patribus datos. Omni igitur ceſſante è ſacris pragmaticis definitione, canones de hoc capitulo editi legantur.] hæc iudices cognitores, qui ad S. Synodum conuerſi, hoc ipſum rogarunt, Vtrum ei placeat ex regulis Patrum huius cauſæ quæſtionem examinari: an ex ſacris pragmaticis? ſancta Synodus dixit: Contra canones nihil pragmaticum valebit, regulæ Patrum teneant. Jhæc ibi, atque modo ſatis de his quæ generatim ſpectant ad leges Principum, latas de rebus atque perſonis eccleſiaſticis. Nunc autem ſpeciatiim (vt cominus rem agamus) deſcendamus ad eas quas vos ſanxiſtis aduerſus eccleſiaſticam libertatem, quarum cauſa ab Eccleſia Catholica ſententia excommunicationis iuſtiſſime exciſi eſtis.

Redarguimini in primis litteris Apoſtolicis ſanxiſſe legē, qua cauetur, ne perſonæ eccleſiaſticæ ſæculares & regulares in bonis Eccleſiaſticis à laicis poſſeſſis ſub quouis titulo, aut colore, iure prælationis, ſeu conſolidationis directi cum utili dominio, aut extinctionis lineæ, aut alia quauis cauſa bonorum prædictorum proprietatem ſibi vendicare vllò vquam tempore poſſint. Hoc eſt decretum in conſilio veſtro firmatum, quo iura humana pariter ac diuina

diuina subuertere nitimini. nam cum & prædones ab iniusta possessione exturbare sit vetitum, quomodo Christo ius acquisitum tollere præualetis? Verum caput hoc ad emphyteuses spectans superfluum fuerit attigisse, eo quod à vobis veluti causa cadentibus, in vestris est literis prætermisum, iam euieta causa vestro silentio: & quidem prudenter à male cœptis desistentibus, manus dantibus. Quod si in reliquis id ipsum præstitissetis, vere sapientium specimen numquam obliuione delendum posteris edidissetis, quibus tantopere frustra laboratis præscribere leges Deo penitus aduersarias.

Exagritamini insuper litteris Apostolicis, per vos statutum, Ne quis ecclesias, monasteria, hospitalia, atque alias religiosas domos Venetiis, & vbique locorum dominio vestro subiectorum, sine vestra speciali licentia fundet & erigat. Quæ autem contra ius, fasque id præsumpseritis, quæ dicturi sumus, vos commonebunt. Clamat S. Ambrosius, (Amb. ep. 33.) cum vel vnā saltem ecclesiam in amplissima Mediolanensi ciuitate, Valentinianus orthodoxus Imperator exposceret, & in negatam irrumperet, inquit; Domum privati nullo potes iure temerare; domum Dei existimas auferendam? allegatur, Imperatori licere omnia, ipsius esse vniuersa. Noli te grauare, imperator, vt putes in ea quæ diuina sunt, Imperiale aliquod ius habere. Noli te extollere, si vis diutius imperare, esto Deo subditus. Scriptum est: (Matth. 22.) Quæ Dei Deo, quæ Cæsaris Cæsari, Ad Imperatorem palatia pertinent, ad sacerdotem ecclesiæ, Publicorum tibi incenium ius commissum est, non sacrorum. Iterum dicitur mandasse: Debeo & ego vnā basilicam habere, Re-

spondi: Non tibi licet illam habere. Jhæc S. Ambrosius ad Valentinianum orthodoxum & bene Catholicum Imperatorem, matris Iustinae tamen instantia causam agentem Arianorum, qui eo quod vi sibi vnam Ecclesiam vendicare tentavit, licet dimiserit, cito citius expertus est, quod Sanctus fuerat comminatus, ut tyranni gladiis confossus desierit imperare. Quod S. Ambrosius in Occidente, id ipsum præstitit S. Ioannes Chrysostomus in Oriente. (Theod. hist. lib. 5. c. 32.) Cum Gaina tyrannus peteret dari Constantinopoli Ecclesiam vnam, & ad hanc concedendam Imperatori inclinaretur Arcadius: restitit utrique Chrysostomus, Imperatori scilicet, quod promitteret, quod sub iure suo non esset repositum; & tyranno, quod male peteret, quod non esset Imperatoris.

Sed non solum id tanti professi sunt sacerdotes, sed etiam ipsi modestissimi Imperatores. Nam illa Occidentalis Imperij culmina Augustissima, æque ac robore militari potentia, simulque doctrina rerum sacrarum conspicua, Carolus & Ludouicus, cum fateretur super ecclesias nullum sibi vendicandum esse dominium, vere legitimi laudati sunt Imperatores, ut qui lege scripta professi sunt, non tantum in Ecclesiarum constructione aliquod ius non esse concessum Imperatoribus, sed neque absque Episcopi licentia domi suæ Oratorij construendi habere aliquam facultatem: quod probe cognitum pragmatica sanctione ita relinquere voluere testatum, his verbis, (Lib. 5. c. 182.) Placuit nobis, ut (sicut ab Episcopis & reliquis sacerdotibus ac Dei servis admoniti fuimus) ne capellæ in nostro palatio, vel alicubi sine permissu Episcopi, in cuius est

paro-

## AD REMP. VENETAM. 27

parochia, fiant.) Si igitur nec capellam vnam & in suo palatio ædificandi absque licentia Episcopi tanti Imperatores facultatem se habere testati sunt; quomodo ædificandi ecclesias, & alia religiosa loca dandi licentiam, vel negandi, vos ita vobis arrogatis auctoritatem?

Verum habetis vos, quo magnopere gloriemini, habetis quem ostendatis vestræ legis auctorem Nicephorum Phocam Constantinopolitanum Imperat. qui reperitur vestræ similem condidisse legem, quam ob eius turpitudinem oportuit promulgasse elegantioribus fucata coloribus. Ac plane talem vos imitatos esse hominem, est ut ex hoc magnopere erubescatis, utpote monitruosum, scedum, tam Græcorum quam Latinorum historicorum, & Luitprandi Episcopi Cremonensis apud eū legatione perfuncti, stylo exagitatū, & ad summā turpitudinem denigratum, atque infamissimè deformatum. Huius Imperatoris, inquam, de his constitutio extat, sed decurtata apud Theodorum Balsamonem, integra vero in codice Iuris Græcorum, libro secundo Nouellarum constitutionum Imperatorum, quam ob nimiam, deformem, & execrabilem prolixitatem hic describere prætermisimus. consulat ipse Lector, si liber, eximia turpitudinis monumentum, sed è Græcorum fontibus per vos tanquam à Solone atque Lycurgo depromptum: quam quidem tot coloratam fucis sanctionem quis ipso primo eius intuitu, meretricio deceptus ornatu contēnendā esse putarit? Sed mala quæ secū plurima vexit, prudentiorē successorē reddidit Imperatorē. Utpote quæ primum quidem auctori suo peperit ciades immensas, parauerit Imperiū funestissimum, & tandem eidem attulerit mortem acerbissimam.

Sed nec finis malorum in nece promulgatoris, verum quandiu factio illa, nō sancta, sed impia viguit (quod fuit spatium annorum vigintitrium) vicens iugiter ipsa fuerit pestis totius Imperij, quod disertis verbis testatus est, qui eam abrogauit Basilius iunior Imperator, cuius constitutio à Theodoro Balsamone sic breuiter recitatur.

Diuinitus constituta maiestas nostra, cū & à monachis, quorum testata pietas ac virtus est, & aliis multis cognouerit, legem à domino Nicephoro vsurpatore Imperij de ecclesiis Dei, religiosisque domibus latam cum præsentium malorum, tum vniuersalis huius subuersionis atque confusione causam & radicem extitisse, velut non ad iniuriā contumeliāque duntaxat ecclesiarū & religiosarū domuum, sed ipsius quoque Dei cōditam; cumque adeo re ipsa sic comparatum id esse compererit (nam ex quo lex ista robur habuit, nihil boni penitus in hodiernum vsque diem ætatis nostræ contigit, sed potius è contrario nullum omnino genus calamitatis intermisit (statuit per religiosam hanc auream bullam, cui subscripsit, legem illam prius latam ab hoc præsenti die cessare debere, ac deinceps irritam, nulliusque momenti manere: conditis ante ipsam legibus, tam de Ecclesiis Dei, quàm religiosis domibus vim & robur suum obtinentibus, quas & illustres aui maiestatis nostræ, & pater eiusdem & abauus optimè ac religiosissimè promulgarunt. Vtque sancta & immutabilis esset hæc constitutio: propria manu subnotatā, aureo quoque sigillo significari iussimus mēse Aprilis, die quarta, Indictione prima, anno ab origine mundi sex millesimo quadringentesimo nonagesimo sexto.) est

ANNOUS

annus salutis nongentesimus octogesimus septimus. Augustis, maioris fuisse auctoritatis apud Imperator. Basilium aliquot monachos petentes ab eo legis sacrilegæ abrogationem, quam apud vos summam dignitatem tanti Pontificis, id sæpius literis rogantis, & comminationibus postulantis? Toleraturus ergo ne ipse erat id genus legis vestræ, quæ etsi non aliunde, ex sui antiqua origine magnam secum afferret infamiam: quam etiam ut omnium malorum fontem successor pius Imperat. obstruxit?

Vultis & de his in Occidentalibus oris exemplum audire lugubre, historiam audire tetram, quanta seculum attulit damna vna edita ab Imperatore sanctio aduersaria ecclesiasticæ libertati? Audire breuiter, quæ malorum atrocitate longiori ambitu circumducenda esset oratio. Valentinianus (Nouell. Valent. tit. 12. de Episc. iudicio 10.) eius nominis nouissimus Imperator, an. Redemptoris 452. vbi post prostratum an. superiori in Galliis Attulam, legem illam ignominiosissimam tulit, quæ ecclesiasticum tribunal penitus tolleretur: mox secundum illud Danielis: (Dan. 8.) Datum est illi robur propter peccata, Ieiusdem Attulæ excisa potentia adeo rursus viruit & re floruit, ut eodem anno exciderit Aquiletam, aliasque Galliæ cisalpinæ nobilissimas ciuitates attriuerit, & nisi obicem passus esset Romanum Pontificem S. Leonem, eius semel accensa flamma vniuersa Italia conflagrasset. Ita plane euidenti fuit demonstratum exemplo, nihil aliud fuisse præscripsisse Imperatorem leges contra ecclesiastica iura, quam hostes erigere iam bello prostratos in exterminium totius Imperij, quod paulo

ante fuerat victoriis clarissimis illustratum. Nam & post eandem latam legem, aliis & his maioribus, fuit cladibus labefactatum, Vrbe ipsa à Genferico capta: nec desiere mala, quousque pessima illa, fons malorum: omnium, lex permansit. Auditis quæ Oriens, quæ & Occidens clament de sanctionibus aduersus Ecclesiæ iura editis, tunc nimirum ruere Imperium, cum ipsæ vigeant. Et vos qui ex Aquileiæ cuneribus orti estis: cauete ne ex eadem causa in cineres reuertamini.

At nunc transcamus ad aliam legem per vos male sancita: de non relinquendis ecclesiis, vel personis ecclesiasticis bonis, immobilibus absque Senatus vestri licentia, cuius causa etiam conueneritis excommunicatione percelli. Ita plane vos estis in iis secuti eundem execrandum Nicephorum Imperatorem, in cuius constitutione verba ista legistis: Itaque ab hoc tempore nemini liceat nec fundos, nec agros, nec loca, in onasteriis, aut gerocomiis, aut xenonibus quomodocumque transmittere, adeoque nec alicui metropoli, vel Episcopatu &c. ] quam legem vt Imperio damnosissimam, vt audistis, Basilius Imperator summam detestatione penitus abrogauit. Cuius vel tantum originem ostendisse, confutasse est, & abrogationem apposuisse, est exposuisse palam opprobrio. At sciinus pariter, & antiquitus vetitum legibus Imperatorum, ne quid caperent clerici testamento viduarum. Reperitur enim Valentinianus vna cum Valente & Gratiano Imperatoribus. (Lib. 2. de Episc. & cleri. in C. Theod.) sanxisse eiusmodi legem, sed tamen non sine Damasi Papæ conuiuentia, ad cohibendum scandalum & auaritiā clericorum, per (S. Hieronymum ep. 2.3.

## AD REMP. VENETAM.

31

22.) sæpe declamatam, & per (S. Ambros. ep. 31. 32. & serm. 7.) deploratam. Sed eam ( Marcianus Nouell. 5.) Imperator amplissime reuocauit, cum capta Vrbs esset à Vuandalis, quasi ob iniquas leges Imperatorum tanta clades ab irato numine inferretur. Illud demum sic habeto (ne in his diutius immoremur) nullam hactenus promulgatam fuisse legem, eaque publicis tabulis indictam ad communem populi vsum, quæ contra iura ecclesiæ esset, quin fuerit contrariis legibus abrogata. Stabunt ne vestra? cum scriptum sit: (Matth. 15.) Omnis plantatio, quam non plantauit Pater meus, eradicabitur: ] minime gentium. Vel stare non poterunt quæ ædificatæ sunt supra (Luc. 6.) petram leges ecclesiasticæ, super verbum Domini, ipso cælo etiam firmiores? siquidem scriptum est: (Matth. 24.) Cælum & terra transibunt, verba autem mea nõ præteribunt? ] Stabunt, stabunt, inquam, (Idem 16.) verbo Domini consolidatæ; eo quod nec portæ inferi præualebunt aduersus eas. Porro per inferi portas interpretati sunt plures sanctorum Patrum, potentiam sæcularem Principum iniquorum.

His pro litteris Apostolicis præmissis, iam vestras atque primum illas ad Ecclesiarum Præsules à Duce datas inspiciamus. Quis existimare potuisset, tantum Ducem tot tantorumque beneficiorum recens à Sede Apostolica perceptorum adeo profunda teneri potuisse oblivione, quorum saltem vinculis contineri in officio debuisset, ne adeo ab ipsa pertinaciter resiliret? Recēs memoria est, cū vobis oppressis tyrannide Ottomannica, iacturam passis insulæ Cypri, amissuris proxime Cretam, inhiante tyranno ad extremā vestri dominiij euerſio-



nem; Sedis Apostolicæ Præsul sanctissimus Pius Quintus sacro fœdere summa potentia in summa difficultate diuinitus concinnato; adeo admirandæ victoriæ fuerit auctor, & retinendæ libertatis adiutor. Cuius erga vos adeo ingentis impensæ beneficentiæ & munificæ largitatis transferunt onera ad successores, relicta adeo Ecclesia obærata, vt æris alieni dissoluendi reliqua nulla sit spes, oppignoratis redditibus ecclesiarum. Cuius beneficij si memores, si grati (quod & Ethnici faciunt) fuissetis, quæque grauissima ab eadem sancta Sede vobis imposita perpeti potius, quàm ab ea euerfione schismatica scindi debuissetis. Audite quæ vos immense redarguat vere summo Principe digna ipso Carolo Magno sententia, vnà cum aliis sacris legibus promulgata: In memoriâ, inquit, beati Petri Apostoli (Dist. 19. c. 3.) honoremus sanctam Romanam & Apostolicam Sedem, vt quæ nobis sacerdotalis mater est dignitatis, esse debeat ecclesiasticæ magistræ rationis. Quare seruanda est cum mansuetudine humilitas. Et licet vix ferendum ab illa sancta Sede imponatur iugum: tamen feramus & pia deuotione toleremus. Hæc ipse.

Dux autem vester, quod ad salutem, non ad interitum promulgatum est in vos de illata excommunicatione decretum, nulla suæ salutis, vel suorum habita ratione, mox contumaciæ plenas, contemptu refertas eas ad Præsules litteras dedit, quarum sola memoria vestra posteritas sit suffundenda pudore. Sed quid erit iuxta Sapientem: Id quod fuit: (Eccles. 10.) quod & ita scriptum legitur in sacris oraculis: Sedes ducum superbiorum destruxit Deus, & federe fecit mites pro eis: Radices gentium

~~227~~ 27

AD REMP. VENETAM.

tium superbarum arefecit Deus, & plantauit milites pro eis ex ipsis gentibus. } Quod fecit facturum est semper Deus, apud quem nulla est acceptatio personarum, ut par pari feriat vindicta delictum, nisi vincens Deum pœnitentia intercedat. Ad quam capeſſendam ut vos adeo resiliētes reddamus procliuioreſ prouocandum eſt ad maiorum exempla, quibus innotescat quantopere minorum quoque Episcoporum sint reuerſi ſummi Duces utrumque latas excommunicationis ſententias: Tempore Honorij Imperatoris Bonifaciuſ Comes, dux totius exercituſ tantæ erat auctoritatis, ut eiꝯ tantum nutu vniuerſum Imperium contremiſceret. Cum eſſet in Africa, atque Hippone ſceleſtiſſimum hominem conſugiētem ad Eccleſiam è liminibus raptum detruiſſet in carcerem: S. Auguſtinuſ (Aug. epiſt. 6. in appen.) hæc audiens ad ipſum per breues mox hæſ litteras dedit, quibus abſque alia citatione, vel commonitione præmiſſa, ſententiam excommunicationis intorſit.

Miror quomodo tam ſubito fidei murum aries ſuperit inimici. Noui enim qua religione ſemper ſis Eccleſiam Dei veneratuſ. Quo inſtigante, frater, hominem de eccleſia rapuiſti? Tuuſ ſi de tuo amico forte præſumeret fugitiuſ, poſſet proculdubio interceſſorſ cauſa veniam promereri. Ergo ſi amicus intenditur, cur Deus offenditur? ſed ſi de poteſtate præſumitur, Nabuchodonozor Regem intende, qui cauſa ſuperbiæ in bouem eſt ex homine commutatuſ. Non ut cõfundam te, hæc ſcribo; ſed ut filium meum chariſſimum moneo. Eccleſiæ igitur illæſum reuoca, quem ut irreligioſiſſimum rapuiſti. Oblatio vero domuſ tuæ à clericis ne ſuſcipiatur

Cc j

indixi, communionemque tibi interdico, donec peracta pro ausibus vel errore à me definita tibi met pœnitentia & tempore condonato, pro hoc facto corde contrito & humiliato dignum offeras sacrificium Deo. Jhæc ad Bonifacium, Comitem Augustinus, erectus ad ultionem sceleris vigore sacerdotali. Quid ad hæc respondisse putas tantum Comitem, ducem exercitus, sic ab Augustino flagris censuræ ecclesiasticæ verberatum? Audi redditam ad eum epistolam his ipsis verbis.

Humilis saluto, quod primum est. Suscepi autem tremens sanctitatis tuæ verba verberibus plena. Scio quod veniæ præparatur, qui ab Augustino perfectissimo sacerdote corripitur: nec debet Eiscopo denegare quod voluntas facit aut casus. Ipse enim sibi denegat curam, qui suam medico non publicat causam. Hominem ergo, piissime Pater, è luminibus ecclesiæ raptum tuis sanctis aspectibus iussio mea, furorque subduxit. Alieno non sunt facta ista consilio, Dei & Sanctorum eius regimine viuo. Illum itaque virum morte dignissimum, quē (vt dixi) meus de ecclesiæ foribus furor abstraxit, vitæ tuis iussionibus donamus illæsum. Agnosco culpas, indignæ meæ lacrymæ iungantur tuis fletibus iustis, quo possit hæc nota, nigro inscripta titione, deleri. Ecclesiæ mihi introitus non negetur: illic spero veniam, vbi admisi culpam. Oblatio vero domus meæ (vt tua sanctitas iussit) ad cælestis Regis mensam eius manib. offeretur. Jhæc Bonifacius, deferens in omnibus sacerdoti; sicut & Stylico sancto Ambrosio, æque petenti reddi sibi delinquentem ab altari euulsam Cresconium, qui timore percitus ob vindictam militibus diuinitus illatam, qui suo iussu sacri-

sacrilegium perpetrarant, per multos dies per pœnitentiam (vt Paulinus in vita S. Ambrosij ait) eidem S. Episcopo satisfaciendum curauit. Addimus his & tertium exemplum de Andronico Præsidente Pentapolis in Aegypto, qui eo quod suum edictum conuiciis plenum in ecclesia suspendisset, à Synesio Ptolemaidis Episcopo, collecta ibi Synodo, nulla præuia citatione commonitus, terribili anathematis sententia percussus & magistratu abdicatus, magna animi submissione pœnitentia præuia admitti ab Ecclesia, à qua exclusus fuerat, multum rogauit. hæcque cum Arcadius imperaret in Oriente.

At quid ex plurimis paucos memoré clarissimos præfectos provinciarum, cum & ipsi Imperatores & Reges magnam inde sibi gloriam compararit, quod à Pontificibus percussi sententia anathematis, haud contumaces sunt eisdem aduersati, sed obsequentes eorum mandatis, vt ex qua pulsi erant, in ecclesiam admitterentur, nihil prætermiserunt humilitatis officij, atque pœnitentiæ impositæ disciplinæ, vt qui primus inter eos initiatus est Christiana religione (Euseb. hist. lib. 6. c. 27.) Philippus Augustus, Theodosius Imperat. & post alios multos, quos breuitatis causa prætermittimus recensere, qui apud vos veniam ab Alexandro Papa humili obsequio promeruit Fridericus: unde summam peperit sibi laudem, & conciliauit honorem. Sicut è contra illi ingentem cōtraxerunt infamiam, & ignominiosum adepti sunt nomen schismaticum, aut hæreticum, qui contra stimulum calcitrâtes, reluctati sunt disciplinæ, exulantes ab Ecclesia, redditi etiam cœlestis gloriæ exheredes, excusantes excusationes in peccatis, & reiicientes culpam in Pontificis austeri-

tatem: vt fecisse reperitur, & suis ipse Dux vester testatus est litteris.

Quibus quidem primum de S.D.N. vehementer expostulans queritur, quòd missus ad eū à se Legatus ipsius aures reperisset occlusas. At quid? Num quia exauditus non est, auditus non fuit? Hoc certe nemo negarit, cū alioquin nec audiri meruerit, qui non obediturus aduenerat, sed contradicturus Pontifici, vt exitus declarauit, secundum illud *Osee* 4. Vnusquisque nō iudicet, & nō arguatur vir: populus enim tuus sicut hi, qui contradicunt sacerdoti, ] profundum id malorum esse significans, cum non obeditur, sed contradicitur sacerdoti. vbi in eādē sententia sanctus Hieronymus. in *Ose.* 4. Nunc quia in sceleribus perseuerant, & impudenti Deum fronte contemnunt, audiunt: Non est necesse, vt veniatis ad iudicium, vt in vestris flagitiis arguamini, qui tantæ estis impudentiæ, vt nec conuicti quidem pudorē habeatis & verecundiā. ] hæc & alia S. Hieronymus. Secundū ista & Nicolaus (ep. 27. & 55.) sanctissimus Pontifex prohibuit Lotharium Regem venire Romam ad dicendam causam, vt quod non meretur audiri, qui hætenus sæpe monitus, mandatis Pontificiis obedire contempsisset, licet promisisset sapius, se omnibus præcepis Pontificiis pariturum. Nam in epistola ipsius (Nicolai epist. 9.) ad Ludouicum & Carolum Francorum Reges hæc post multa: Ipse quidem Lotharius nobis & vobis per Imperiales Legatos mādauit, quòd Romam vellet venire. Cui interdiximus, & omnino interdiximus vt iter talis, qualis nūc est, nō arripiat, eo quod S. R. E. talem respuat, & cōtemnat, & in hoc perseueret, quod late in toto diffusum est orbe. ] quod scilicet

vxore

vxore abiecta, pellicem introduxit. At quid æquius  
videri posset, quam si REX reus suam præsentiam  
iudici exhiberet? Sed quia admonitionibus Ponti-  
ficiis non obtemperasset: reiecitur ut indignus qui  
se conferat audiendus ad Apostolicum thronum.  
subdit demum: Quod si inquit, contra propositum  
nostrum forte præsumpserit venire Romam: mini-  
mè cum qua cupit honestate vel hic suscipietur,  
vel hinc profecto regredietur. ] Quid igitur expo-  
stulat Dux missum à se Legatum oclusas reperisse  
Pontificis aures, cum ob spretas tot antea præceden-  
tes admonitiones eiusdem summi Pontificis, nec ipse  
Dux, exemplo Lotharij Regis, admitti debuisset  
in urbem ne dum ad ipsius Pontificis audientiam?  
Ita quidem, si tanti prædecessoris exemplo sancti-  
tate atque scientia eminentissimi res tractanda fuisset:  
ut nihil sit penitus, quod queri possitis. etiam si  
Legatus vester nullatenus fuisset auditus. Vel si a-  
gendum fuisset exemplo Alexandri Tertij Roma-  
ni Pontificis, qui Legatos Regis Angliæ missos, ex-  
cusaturos Regem ipsum, quod mandatum non de-  
didisset de inferenda nece S. Thomæ Cantuariensi Ar-  
chiepiscopo (quod reuera non fecerat) negatus est  
tamen illis ab ipso Papa auditus, quousque iuratoria  
cautione adhibita ex parte Regis promississent, Regem  
ipsum omni observantia & obedientia subiturnum  
iudicium in omnibus Apostolicæ Sedis, eiusdem-  
que in omnibus sententiæ parituro. Qua ratione  
neque vester Legatus admitti debuisset ad audien-  
tiam, quem sciret Pontifex non ad parendum & iu-  
randum obedientiam, sed ad refragandum, & con-  
tradiciendum à vobis missum fuisse.

Quoniam verò peculiare est malis Principibus,

qui Apostolicæ Sedis iudicium vitare conantur, aliquid excipere, quo vel saltem contemptum pariant iudicanti, ut illud maximè, quod nimia celeritate præcipitauerit sententiam, potius quam ex præscripto canonum seruato ordine iudiciario, tulerit. Fuit olim ista querela Michaelis Imperatoris aduersus eundem, de quo supra, Nicolaum Pontificem, qui redarguens ipsum ostendit, satis esse, absque aliquo seruato iuris ordine, summo Pontifici, si quomodocumque rem cõpertam habuerit, & quomolibet delinquentes Principes cõmonuerit, & si nõ parerent, absq; alio ordine iudiciario in cõtemptores vel contumaces excommunicationis sententiã ferat: idque factitari solitũ ab ipsis, si quid aduersus Principes emerferit contentionis. Adeo ut nulla possit legitima esse querela aduersus Sanctiss. D. N. Paulum, V. qui in eos commonendo multus fuerit, & nihil omnino profecerit. His itaque dilutis obiectiõibus, iam quæ post hæc in iisdem Ducis litteris ad Præsules subiiciantur, videamus.

Sunt plane huiusmodi, quod ab exordio nascentis Ecclesiæ ab his qui se Catholicos profiterentur, contumaciores esse datas nullus inueniet: quippe quæ acerbissimo sint referræ contemptu. Sed quæ in execrables contemptores Paulus Apost. (Acto, 13.) ingerat, & vos perstringant, audire: Videte, inquit, ne superueniat vobis quod dictum est in Prophetis: Videte contemptores, & admiramini, & disperdimini: quia opus operor ego in diebus vestris, opus quod non credetis, si quis narrauerit vobis.] Nempe quod desinetis esse quod estis, dum male queritis esse super Ecclesiam, quod efficere non potestis. De vobis namque eadem pertractantibus illud

Iud diuinitus scriptum oraculum esse sciatis: (Psal. 2.) Qui habitat in cœlis irridebit eos, & Dominus subfannabit eos, hi namque, uti vos, aduersus Dominum, & aduersus Christum eius, nempe præsidentes ipsis Sacerdotes illa dicebant: Dirûpamus vincula eorum, & proiciamus à nobis iugum ipsorum.]

Quid aduersus summum sacerdotem sibi arrogat quisque quantumlibet summus Princeps? Etenim cum reuera laicus tantum sit, ouis est ex grege Petri, seu potius ouis scetus. Siquidem quod Christus dixit, (Io. 21.) ad Petrum: Pasce oues, pasce agnos: per oues rectores ecclesiarum interpretati sunt Patres, per agnos ex eis in Christo genitos reliquos Christianos. Audi compellantem te quisquis es transgrediens terminos tuos) Apostolum Paulum, (Rom. 14.) & dominium tuum iustis limitibus adeo coarctantem, ut extra eos qui sunt tibi subditi, nullam in reliquis te habere sentias potestatem, ut eos iudices. Tu quis es, inquit, qui iudicas alienum seruum? domino suo stat, aut cadit.] Si alieni serui abripitur tibi Apostolica denuntiatione iudicium: quomodo præsumere poteris alterius fori non tibi subiectum saltem iudicare clericulum? quomodo diaconum, vel sacerdotem? quomodo Episcopum? & (quod horrêdum dictu quomodo tua sententia condemna bis & non horresces Archiepiscoporum, vel Patriarcharum sententias iudicare, ac denique quod & monstrum atque portentum Luciferi est, dices: (Isai. 14.) In cœlum conscendam, super astra Dei exaltabo solium meum, iudicabo iudicia Christi Vicarij, latas ab ipso sententias nullas esse propria denuntians auctoritate definiam, quod & fecisti. Sed sic eleuatus certum casum expauesce, qui



subditur: Veruntamen ad infernum detraheris in profundum lacu: Ideo ut magno te scias periculo, sicut magno piaculo diuina tentasse, tribunalque diuinitus constitutum super cœlum exaltatum, eius retractando sententiam peruasisse. Sed audi te absterrentem Apostolum (1. Cor. 6.) Nescitis quia Angelos iudicabimus: quanto magis secularia? Venerandum quod est Angelis, quomodo Principibus non reuerendum, quod contempsisti tribunal, & contumeliis affecisti? thronum circumstabant Angeli vindices: (Danielis 13.) Petri Cathedram deseret custodia Angelorum vlciscentium quid quid peccatur in eam?

Sed nulla grauior pœna peccati ipso peccato, quo & nullum grauius impietate quam parit contemptus, & alit. Nam audi sanctum Martyrem Cyprianum (epist. 65.) ubi redarguit diaconum contemptum Episcopum: Hæc sunt, inquit, initia hæreticorum, ortus atque conatus schismaticorum, male cogitantium, ut sibi placeant, ut præpositum superbo tumore contemnunt, Sic de Ecclesia reciditur, sic altare profanum foris collocatur, sic contra pacem Christi & ordinationem, atque vnitatem Dei rebellatur. [porta igitur est hæc, quam aperit falsa iustitia, ex qua progressus patet in hæreses ex contemptu, de quo alibi (idem ep. 69.) Inde enim schismata & hæreses abortiæ sunt, & oriuntur, dum Episcopus, qui vnus est, & ecclesiæ præest, superba quorundam præsumptione contemnitur, & homo indignatione Dei honoratus, indignus hominibus iudicatur. Quis enim hic est superbiæ tumor, quæ arrogantia animi? & c.]

Sed quantum te deserat, & procul abhorreat iustitia

stitia, quam præsumis, ut omnes intelligant, quæ sunt abs te posita: contra sententiam Apostolicæ Sedis, hic reddamus: Ais imprimis, contra omnem rationis formam, litteras Apostolicas esse cōceptas, & aduersus id quod diuina Scriptura Patrū Doctrina, & sacri canones docent, esse conscriptas. Sententiam vero excommunicationis iisdem Apostolicis litteris promulgatam, non solum iniustam esse, & indebitam, sed etiam nullam, nulliusque momenti illegitime fulminatam, nullo iuris ordine seruato. Ista leguntur in illis totidem verbis expressa, sed singula percurramus. Contra omnem rationis formam, & scita sacrarum legum litteras aduersus vos ab Apostolica Sede datas affirmas. Hic cogimur inuiti in memoriam reuocare, quæ per vos & vestros ministros perperam perpetrata, diu multumque dissimulata sunt ab Apostolica Sede; deplorata tamen semper, dum nulla penitus emendatio sequeretur: quæ, si ex sacrorum præscripto canonū res agenda fuissent, guttas pluuiæ fulmina anathematis superassent. Quot vidimus Romæ miseros exulantes Episcopos, vobis subditis ciuitatibus præfectos, dira persecutione vexatos, cum obrutam reuocare in lucem tentarent ecclesiasticam libertatem? Quot clericorum inferioris ordinis perlatae sunt iugiter querelæ, de foro ecclesiastico intercepto, & expilatis bonis ecclesiarum, sublati iuribus, inuasus ecclesiis, violato sacro asylo frequenter? Quia annuntiatus frequentior Apostolicarum litterarum contemptus, ipsius vero in primis Bullæ in Cœna Domini promulgari solitæ, violatio, & cum violatione despectio? Prætermittimus verba contumeliosa, falsa dictoria, arguta scommata, irrisiones

& inuestiuas, quibus iugiter exagitare consueuerūt vestri S.R.E. Clerum, isthæc iugiter perpeti assuetū, non parcentes ei, qui Christi loco, ipsius voluntate, primarium thronum obtinet, summo Pontifici: vt pudeat nos ista referre, quæ vos inferre delectet. Hæc & alia id genus plurima sæpe ingesta, & audita frequenter sunt pacifice, & æquo animo adeo tolerata à prædecessoribus clementissimis, vt ipsis iam sua ipsorum patientia verteretur opprobrio, cum à nonnullis aduersus eos zelo Dei æstuantibus illud Dominicum iactaretur: Simon dormis (Mar. 14.) Attamen passi sunt potius insimulari torporis, quam periclitat; in Sede Apostolica tolerantiam, expectans cum Apostolo, (2. Tim.) si quando daret vobis Deus pœnitentiâ ad cognoscendam veritatem, & resipiscentiam à laqueis diaboli.] Vbi verò cognitum est, etiam firmitate legum per vos vestra obfirmata esse peccata: haud amplius tolerantia tempus visum est, sed diuisionis & combustionis, dicente messoribus patrefamilias illud Euangelicum: (Matth. 13.) Colligite zizania, & alligate ea in fasciculos ad comburendum.

Hic perpendite, an contra omnem rationis formam: (quod obtenditis) diuinâque Scripturam, ac doctrinam Patrum, & sacros Canones custos sacrarum legum Romanus Pontifex, post diu dissimulatum patientiæ somnum, tandem vindex euigilauerit: cum eidem omnes militent rationes, diuina aspirent oracula, Patres faueant, consentiant sacri canones, quorum vos omnium contēptores, omni destituti sacrarum legum præsidio, in illud absurdū impegistis; dixerim & monstruosum, vt pote hætenus à Catholicis intētatum, à schismaticis tantū modo,

## AD REMP. VENETAM. 43

modo, & ab hæreticis vsurpatum, vt laici cum sitis (quod nequè sibi Episcopi in Conciliis arrogarunt) pronuntiare audeatis, ipsam in vos promulgatam excommunicationis sententiam à summo Pontifice esse iniustam, indebitam, nulliusque momēti, atque illegitimam, vtpote (quod subiicitis) nullo seruato iuris ordine latam. Vnde tanta vobis auctoritas, vt iudicetis Iudicem vniuersorū, quem nullum hætenus Concilium legitime congregatum ausum est iudicare, cum ab eo omnia œcumenica Concilia accepere auctoritatem, vt absque eius sententia ipsa nec œcumenica dici, aut indicī potuerint; nec in eis sanciri canones alicuius fuerint firmitatis, in quibus & frequenter sit conclamatum: Prima Sedes à nemine iudicatur: & Pontifici dictum: Tua te sententia purga, vel damna? ] Ista cum fuerint hætenus summa religione custodita: quomodo laici hominis sentētia labefactātur, ac penitus infringūtur?

Quis audiens ista, non cum (Isai. 57.) Fzechia mox illud exclamet: Blasphemix dies hæc? ] & sicut ille Rab facis literas impias attulit in templum, & expandit eas coram Domino (4. Reg. 19. 2. Paral. 32.) ita quicumque fidelis, in cuius manus eadem ipsius Ducis litteræ contuinaces atque proterux peruenierint, legeritque horrendas blasphemias effusas in contumeliam Apostolicæ Sedis, & contemptum eius, qui in ea à Christo per Spiritum S. magno miraculo positus sedet Petri successor, Christi Vicarius Paulus V. inferat eas in basilicam Petri, admo-ueat Cōfessionī ipsius, ibidēmq; expandens eas, illatā tantā contumeliam eius Cathedræ clamet, & deploret iniurias, ipsūmq; inuocet suæ ipsius, quam à Christo regendam accepit, Ecclesiæ defensoremq;

ultiores insuper appellet sanctissimos conditores canonum, & defensores ipsorum Ecclesiæ Romanæ Pontifices, & Sanctos omnes, in quorum omnium despectum præsumpta tanta abs te esse noscuntur? Qui cum adeo contempseris thronum, in quo habita ratione connexionis membrorum cum capite, ipse Christus infedit: noueris summo damno tuo in petram impegisse; de qua primum sit dictum in Psalmo: (Psal. 140.) Absorpti sunt iuncti petræ iudices eorum.] & à Domino de eadem: Qui ceciderit super lapidem istum, confringeretur; super quem vero ceciderit, conteret eum, (Matth. 21.) ea nimirum confractiōe atque contritiōe, de qua iam dixerat ibidem verbis illis apertissimis: Auferetur à vobis regnum Dei, & dabitur gēti facienti fructum eius.] Petra autem ipsa, quouis impetu agitur, verbo Domini confirmata, nullam sit vnquam passura iacturam. Vera ne sint ista, periodus millenorum ac sexcentorum annorum Christi regnantis edocer, qua innumeris impetita contrariis petra ista, ferro & igne tentata sæpissime, nullam ipsa senserit, sed plurimam intulerit laceſſentibus læsionem.

Quomodo autem ausus es pronuntiare illegitimam, iniustam, ac dicere excommunicationem esse nullam, quæ auctoritate non caruerit pronuntiantis, cui nec alia necessaria defuerint ad actum legitimum conducentia: vnde omnes istæ tuæ de nullitate exceptiones necesse sit euanescere? cum inducatur pariter necessario ex præmissis, nullo pacto dici posse eandem esse sententiam excommunicationis nullam, vel iniustam, sed omnibus esse consentientem Ecclesiæ iuribus, & exemplis: quam neque indebitā (vt iniquè asseris) illegitimāve (vel vt male in-

## AD REMP. VENETAM.

49

le inferis) aut nullius esse momenti (vt manifestissime erras) asserere quisquam poterit, nisi cui Fides Catholica male oleat, & sit Primatus ipse Petri cōtemptui, existimētque cum hæreticis recentioribus Romanæ Ecclesiæ priuilegia non esse à Christo, sed ab Imperatoribus, cum Patres & sanctissimi martyres Irenæus, (Ir. l. 3. c. 3.) & Cyprianus, (Cypri. de unit. eccles.) qui Fabiani locum, Petri locum appellat, (Idem ep. 52.) Optatus Mileuitanus, (Oprat. contra Par. lib. 2.) sanctus Hieronymus, (Hier. ep. 57. 58. 85.) sanctus Augustinus, (Aug. ep. 165. & contr. ep. Mar. c. 4. & contr. partes Donati.) Fulgentius, sanctus Leo Magnus, (Leo epi. 55. 89. & in homiliis frequenter.) Gelasius, Ioannes Papa & Martyr. in epistola ad Iustinianum, (C. de sum. Trinit. & Fid. cath. 4.) Vigilius ad eundem, Gregorius Magnus, (Greg. M. lib. 4. ep. 32.) & denique omnes, quorū fastidio est immensum numerum. recensere, omnes inquam tam Occidentales, quam Orientales confessi sint Patres, auctoritatem à Christo acceptā ad Romanos Pontifices per Petrum esse transfusam: eorundemque omniū vna eademq; sit sentētia, Primatū Romanæ Ecclesiæ per Petrum à Christo descendere. Vnde omnes semper negarint ipsi Romani Pontifices, præsertim vero Gelasius, Bonifacius, Nicolaus, & alij posteriores, neque per Synodos, neque per Imperatores Romanam Ecclesiam esse, quod est, caput omnium Ecclesiarum, & super omnes auctoritate pollentem: sed tantum Christi promissione, quod & omnes sunt professi successores ipsius, ac denique omnes, quotquot nomen Catholicum meruerunt: vt ista negasse, sit omnino ab Ecclesia Catholica exulasse & cum hæreticis Nouatoribus

collegisse; quorum mentis obtusæ argumenta reperis abūdāter in Annalibus Ecclesiasticis cōfutata.

Christi igitur priuilegio roborato Petri Apostolatu, eadem promissione vniuersa eiusdem est roborata successio, de qua ad Anastasium Imperatorem Gelasius post alia, de iisdem dignissime sicut iustissime prædicata: Impeti inquit, possunt humanis præsumptionibus quæ diuino sunt iudicio constituta, vinci tamē quorumlibet potestate non possunt. ] præfatus hæc antea: Et si cunctis generaliter sacerdotibus, & recte diuina tractantibus Fidelium conuenit corda submitti: quanto potius Sedis illius Præsuli consensus est adhibendus, quem cunctis sacerdotibus Diuinitas summa voluit præminere? ] Cuius despectus quanti sit criminis, inde inferas, quod etiam minimorū Episcoporū, censuris ecclesiasticis rem agentium contemptus, sic afficit contemptores, vt indignos eos reddat, ipso nomine Christiano. Nā accipe quæ Gregorius Magnus ait, (Greg. lib. 9. ep. 29. prope fin.) quæ & citat Nicolaus Papa: (Nicol. ep. 9.) Si vero sunt qui dicunt: quia compulsus quispiam necessitate, si anathematizatus fuerit, anathematis vinculo non tenetur: ipsi sibi testes sunt, quia Christiani non sunt, quia ligamenta sanctæ Ecclesiæ variis existimant conatibus soluere, &c. ] Quod si obrentus necessitatis nec sufficit, vt quis inualidam, vel nullam fuisse excommunicationem dicere possit, quo eam contemnat: vtique multo minus, si iniusta fuerit, sponte sua contemnere aliquis debet.

Est plane vulgata illa scriptorum omnium recepta sententia, excommunicationem siue iustam siue iniustam esse timendam, ac minime contemnendam

291.

## AD REMP. VENETAM.

dam, quod velut firmissimum axioma ecclesiastica custodiuit antiquitas. Vt quod iam ab omnibus v-  
bique & semper probari possit assertū, nulla pror-  
sus habenda sit ratio, si quiuus magni nominis ho-  
mo his quidpiam contrarium visus sit asseruisse:  
quem penitus contemnendum esse, his verbis do-  
cet Vincentius Lirinensis (Vincent. Lirin. contra  
hæres.) magnæ estimationis antiquis Theologus,  
dicens: Ille est verus & germanus Catholicus qui  
veritatem Dei, qui Ecclesiam, qui Christi corpus  
diligat, qui diuinæ religioni, qui Catholicæ Fidei  
nihil præponit: non hominis cuiuspiam auctori-  
tatem, non amorem, non ingenium, non eloquen-  
tiam, sed hæc cuncta dispiciens & in Fide fixus &  
stabilis permanens quidquid vniuersaliter antiqui-  
tus Ecclesiam Catholicam tenuisse cognouerit, id  
solum sibi tenendum, credendumque, decernit:  
quidquid vero ab aliquo deinceps vno præter om-  
nes, vel contra omnes Sanctos nouum & inaudi-  
tum subinduci senserit, id non ad religionem sed ad  
tentationem potius intelligat pertinere.

Via hæc regia, ambulandum per eam: declinans  
vero per contemptum ad dexteram, vel sinistram,  
magnam sibi, in quam incidat, foueam, parat. Ino-  
bedientia enim pariens contemptum, reatum con-  
trahit quouis alio grauiorem. siquidem diuina Scri-  
ptura testatur: (1. Reg. 15.) Quoniam quasi peccatū a-  
riolandi est repugnare, & quasi scelus idololatriæ  
nolle acquiescere. ] Contra vero summa est laude  
digna simplicitas iusti, qui timens culpam, vbi non  
est culpa, innocentiam integram seruat, & gratia  
auget. Hinc laudatur pietas Theodosij iunioris Au-  
gusti, qui nō iniustā tātū, sed quæ nulla penitus erat,



utpote excommunicatio lata ab homine petulante, cuius nulla erat prorsus excommunicandi auctoritas, ita exhorruit, ut neque cibum sumere umquam sustinuerit, quousque ab eodem, à quo eiusmodi nulla excommunicatio progressa esset, benedictionem consequeretur. Sed audi breuem ipsam historiam memoria dignam, quam Theodoretus (Th. hist. lib. 5. c. 37.) recitat his verbis: Vir quidam excolens vitam monasticam, animo paulo audaciorè præditus, ad Imperatorem rei cuiusdam petendæ gratia, accedit. Quod cum sæpius secisset, Imperatori ecclesiastica interdicitur communione, vinculoque Ecclesiæ ei iniecto decedit. Imperator autem fide eum primis excellens, ad palatium veniens, cū tempus instaret conuiuij, & omnes conuiuæ adessent, dixit se non prius capturum cibum, quam Ecclesiæ vinculo solueretur. Proinde vnum ex familiarissimis ad Episcopum mittit, ut potestatem faciat ei, qui ipsum ligauerat, vinculo soluendi. Cum autem Episcopus respondisset, non debere cuiusque vinculum admittere, significassetque eum solutum esse, non tamen solutione illa contentus fuit, donec ille, qui eum ligauerat, magno cum labore conquisitus, communioni illum restituisset. huiusmodi erat Imperatoris erga leges diuinas fides. ]hactenus Theodoretus, & quidem factum repræsentans laude dignissimum: siquidem totum impensum est pietati, quidquid ex nimia scrupulositate videri poterat esse progressum. Odoratus est autem in sacrificio Dominus odorem suauitatis, qui pro ipso aduersus barbaros atque tyrannos pugnans, ipsi integrum atque floridum conseruauit Imperium, atque feliciter propagauit. At iam, quod ad Ducis litteras spectat, satis.

Quod

Quod autem pertinet ad litteras Senatus, contra eandem excommunicationem publice datas ad populum: quod in eodem argumento versentur, eadem remaneant confutata responsione. Cæterum simillimum plane id genus litterarum esse scias illi, quod male usurpatum à Michaelē Imperatore, à Nicolao epist. 9. summo Pontifice ita describitur, & condemnatur: Tantistrat epistola verbis contumeliosis, immo blasphemis resperfa, ut scriptor eius non nisi in gutture colubri calaumum tinxisse putetur, & dictatoris labia pro dictionibus venena fuisse videatur, adeo ut si cuiuspiam simpliciorum eor penetrrent ( non enim hæc aures prudentium suscipiunt ) hunc continuo necent, nimirum tanto miserabilius, quanto mors animæ magis quam corporis per illum virulentum haustum admittitur. ] Ex quibus ut aliqua promamus, ac simul promendo eadem confutemus, antidoto necando, quod possit necare, venenum: habetur in eis in primis quod mordeat Clerum, & fugillet pios, nimirum querela, quod ( ut aiunt ) sagacitate ecclesiasticorum, & simplicitate piorum, quarta iam pars esset alienata Veneti dominij bonorum immobilium. Sententiam plane dignam non religiosissimo vestro Senatu Veneto, sed Anglicano conventu, qui apud vos est, ubi in odium Catholicorum Fidelium eiusmodi solent effutiri dictoria. Vnde dicere cogar: Anathema in medio tui est Israel. ( Ios. 7. ) nec est quod parere aliquid boni possit, immo non est malum, quod ex ea malorum secunda propagine germinari non valeat. Quis aliquando orthodoxorum detraxit concionatori suadenti Fidelibus elemosynas frequentare? Manichæum hunc fuisse

Dd j

oportuit, eiusmodi impietate respersum, qui nolit suaderi debere fidelibus, quod diuinis Scripturis faciendum, frequentioribus sententiis sermo diuinus inculcat. Sed & quis Catholicorum inuentus hactenus, qui bona sua erogantes, siue in restitutionem collabentium ecclesiarum, siue in ædituorum alimoniam, quod factum liquet à quamplurimis viris sanctis, hos, vt vos, simplices nominarit, quos Redemptor noster, eo quod negotiari vtiliter sciuerint, prudentes appellat? (Matth. 24. Luc. 12.) vt qui didicerint pecunia traiecitia cœlum emere, & redimere temporariis æternitatem, & transferre thesauros in cœlos: (Matth. 6. Marc. 10. Luc. 12. & 18.) vbi neque ærugo, neque tinea demolitur, atque facere sibi amicos de māmōna iniquitatis: (Idem 16.) à quibus in æterna tabernacula recipiantur. Quibus & competat nomen non adulterinæ, sed veræ simplicitatis, qua Iob (Iob 1.) simplex & rectus, ac timēs Deum, laudaturi & Daniel, (1. Mach. 2.) quod in simplicitate liberatus est de ore leonum; & Pauli Apostoli, (Rom. 12.) admonitione doceamur, dicētis: Qui tribuit, tribuat in simplicitate. Sancta plane simplicitas, nō quæ penes vos sonat fatuitatem, quæ fugillatis omnes, qui bona sua reliquerunt ecclesiis: qua contumelia suo damno Mauritius Imp. S. Gregorium legitur perstrinxisse.

Additis insuper de viris ecclesiasticis, quod otiose fruantur bonis ecclesiarum, partis populi totius sudoribus: sed cum neminem excipiat, cum sint ex iis complures, quos certum est digne in Euangelio laborare; ad Deum pro populo puras lenare manus; satis apparet, oculum esse nequam, (Matth. 6.) ante quena

quem totum corpus appareat tenebrosum, cum nec intueri possit, nec distinguere filios lucis à filiis tenebrarum. Sed pœniteat vos hac in re esse imitatores Iulianum Apostatam, qui iisdem incessebat calumniis seruos Dei; qui & sicut est ipse Deum expertus ultorem, vos pariter sentietis execrandi sceleris vindicem, qui lædentibus seruos suos acerbissime comminatus est, dicens: Qui tetigerit vos, tangit pupillam oculi mei. (Zach. 2.) Sed hæc leuissima sunt, & nullius fere momenti, respectu eorum quæ mox inferius aduersus omnes ecclesiasticos euomistis, quæ etsi vera fuissent, vestris publicis litteris nequaquam spargenda erant in vulgus, sed omni reuerentia contegenda, cum noueritis filios Noe (Gen. 9.) retrorsum incedentes, & caute obtegentes verenda patris, benedictionem esse consecutos; Cham autem perpetuo maledictum. cuius vos exemplum sectatos par pœna condemnet, nisi vera pœnitentia crimen diluat, quod faciendum hortamur.

Quod si vos adeo seueri exactores, paucorum delicta conuertitis in vniuersos: plane grauissime inde peccatis, cum vno fasce iustos comprehendatis cum iniustis, eosdémque pari affectos ignominia pari censeatis dignos esse supplicio: vt omnes quidem in vos exclament tantæ arbitros iniquitatis. Si vero adeo sancti videri vultis, vt pati non possitis quempiam Ecclesiasticorum extra disciplinam sacrorum canonum euagari: laudare zelum, si esset secundum scientiam, quæ docet naturæ exemplis, admixta segeti zizania crescere, & donec ventiletur, grano paleam esse cômixtâ, monétq; ex aliis innumeris Scripturæ diuinæ sententiis: & quod potissimû est docet

exemplo Christi summæ sapientiæ Patris, qui in numero duodecim Apostolorum passus est vnum ex iis furem esse, & proditorem atque sacrilegum: insigniorem cæteris peccatorem, qui fuerint aliquando, vel in æternum futuri essent: ne quis adeo miraretur, vel scandalum pateretur, si forte contingeret in eius Ecclesia quemlibet duodecimum sacrorum ministrorum inftar Iudæ reperiri omnium scelestissimum; quod absit, vt possit asserere quispiam. Sed & si vere absque calumnia diceretur: ad Christi exemplum, quo tuto containeremur asylo, esset legitime prouocandum. Non tamen ista dicimus, vt eius modi delinquentes saluos esse velimus, sed acerrime puniri per suos iudices, vestros conciuēs, præfectos ecclesiis sub vestro dominio constitutos Episcopos, ad hoc ab ipsis Romanæ Ecclesiæ Pontificibus vestrates electos, vt cum non per alienos, sed per vosmetipsos cuncta administrari videretis, sineretis cuiusque foro iura habenti distincta, eidem esse salua.

Sed his omiſſis, iam illæ ipsæ litteræ, quibus adeo multipliciter & enormiter peccatum est, tamquam è portis inferi proditæ, in vltionem expansæ ad Petri Confessionem, in obliuionem perpetuo silentio complicatæ, scissæ in redargutionem audacissimæ scissionis, vt mendaces & contumaces, calumniosæ atque proteruæ, quibus ita ignominiose Romanam Ecclesiam impetistis: eandem excipiant digne sententiam, qua his similes litteras Michaelis Imperatoris blasphemæ & calumniosas Nicolaus Pontifex condemnauit igni tradendas, (Nicol. ep. 9.) his pronuntiatam ab ipso verbis: Decernentibus nobiscum & simul considerantibus (al. confidentibus.)  
iisdem

ipsam sanctissimis fratribus & Coepiscopis nostris, ipsam epistolam (seu potius ipsas epistolas) in stipite videntibus cunctis suspensas, vasto supposito foco, ad vituperium vestrum coram omnibus nationibus, quæ penes memoriam S. Petri multiplices inveniuntur, extreme perditioni donabimur. Quatenus his rite patris, discat pius quod amet, & crudelis quod timeat.] hæc Nicolaus. quæ & facta sunt sub eiusdem Nicolai Pontificis successore Hadriano Pontifice tam de litteris Imperatoris, quam de Photij Patriarchæ. Maneat ergo suo robore constans sententia Nicolai, qua in contumaces & calumniosas litteras Michaelis Imperatoris est iudicatum & præiudicatum in vestras illis similes, & alias quascumque eiusdem generis litteras contigerit exarari: quas super respuit, nec lectione quidem dignas existimavit antiquitas veneranda. hinc de his ad Cornelium Cyprianus: (Cyprian. epist. 42.) Viderint qui vel furori suo, vel libidini seruientes, & diuinæ legis, & sanctitatis immemores, iactitare interim gestunt, quæ probare non possunt; & cum innocentiam destruere ac expugnare non valeant: satis habent, fama mendaci, & falso rumore maculas inspergere. Certe quod Præpositis & sacerdotibus congruit, danda est opera, ut talia cum à quibusdam scribuntur, per nos respuantur. Porro hæc fieri debere ostendimus, si quando talia quorundam calumniosa temeritate conscripta sunt, legi apud nos non patimur.] hæc acerrimus vindex existimationis Apostolicæ Sedis, & qui sederet in ea Romani Pontificis, martyr gloriosissimus Cyprianus. ac de vestris litteris hætenus.

Quoniam autem fortasse contigerit, ut aculeata

Parænesi vos queramini à nobis esse perstrictos: ad illam prouoco vos sacrorum Prouerbiornm sententiam: Prou. 27. Meliora sunt vulnera diligentis, quam fraudulenta oscula odientis:] in memoriam reuocando, quod scripsit lacrymans Ieremias, inde videlicet populo florentissimo, & ciuitati amplissimæ excidium prouenisse, quod (vt ipse inquit) Prophetæ non aperiebant tibi iniquitatem tuam, vt te ad pœnitentiam prouocarent.] Vnde maximi loco emolumenti ducere debeatis, si hortando, monendo, rogando & arguendo, vestra ad curationem peccata detegimus, quorum, dum latent, sit prorsus desperanda sanatio. Quamobrem vt dicam cum Apostolo: Philip. 3. Eadem scribere, mihi quidem non pigrum, vobis autem necessarium. Videte canes, videte malos operarios, videte concisionem.] Nempe caute hæreticos, quos & habetis inter vos habitantes, & eisdem conuiuentes prauos Catholicos, concisionem suadentes, nimirum ab Ecclesia Catholica scissionem. Qui scindit, scindatur ipse, acclamatum est sæpe in Conciliis œcumenicis, secundum illud propheticum: Ier. 50. Quæ fecit, facite illi.] nempe vt qui scidistis Ecclesiam Dei, patiamini ipsi in Republica vestra scissuram. Admoneat vos periculum vestrum: exterreat perditio vestra. Periculum, inquam, quod Deus, ob leuiorem populi in sacerdotem contemptum, conuertit iratus in regnum, sanctam ipsam quam instituerat Rempublicam inter Hebræos. Audite scribentem ad Rogatianum Episcopum, S. Cyprianum gloriosissimum martyrem, (Cyprian. ep. 65.) & ista ex diuino oraculo sic deducentem: Cum Samuel sacerdos à Iudæorum populo ob senectute-

neſtutem, ſicut tu modo, contemneretur: exclamavit iratus Dominus, & dixit: Non te ſpreuerunt, ſed me ſpreuerunt. 1. Reg. 8. Et vt hoc vicifceretur, excitauit eis Saul Regē, qui eū iniuriis grauibꝫ affligeret, & per omnes cōtumelias & pœnas ſuperbū populū calcaret, & premeret, vt contēptus ſacerdos de ſuperbo populo vltione diuina vindicaretur.] dū ipſorum Rempublīcā ſua Deus plantatā manu mutauit in regnum. hæc vos pericula vitanda moneo.

Exterreat vero vos magis, quam dixi timendam, perditio veſtra. Nam cum grauius peccatum, grauius ſupplicium iure exigat; & vtique cum inſolentius & contumelioſius agitur in ſacerdotem, grauiorem conſueuerit Deus inferre vindictā: quæ igitur manere putatis vos damna, qui adeo enormiter peccaſtis in eum, qui loco Petri ſedet in Apoſtolica Sede, Chriſti Vicarium? immo in Chriſtum ipſum peccaſtis, dum eius tunīcam inconfutilem (quæ eſt Eccleſia) ſchiſmate conſcididiſtis. Sit vobis in exemplum Saul, cum contempto Samuele, eius ſpretis iuſſis, vendicauit ſibi quod ſacerdotalis muneris eſſet; quem & paſſus redarguentem, vt abeuntem retineret inuitum, ipſius ſcidit pallium recedentis, 1. Reg. 15. cum & de vltione mox accepit oraculum, Samuele ad ipſum dicente: Scidit Dominus regnum Iſrael à te hodie.] Et quod ea ſententia non eſſet quauis pœnitētia reuocabilis, iſta horrore plena verba ſubintulit: Porro Triumphator in Iſrael non parcet, & pœnitudine non fleſcetur: neq; enim homo eſt, vt agat pœnitentiam.] & quantumlibet dixerit Saul ipſe: Peccaui, non fuit dignus audire, vt Dauid reprehenſus à Nathan: (2. Reg. 12.) Et Deus tranſtulit peccatum tuum.] nec vidit poſt



hæc amplius Samuelem perditionem ipsius frustra lugentem. Quæ ipsa in exemplum perfidorum Principum iura Ecclesiæ inuadentium Damascenus (Orat. secunda) aduersus Iconomachos agens inducit, atque ait: Regum est ciuilis administratio: ecclesiastica vero constitutio Pastorum atque Doctorum. Impetus iste latronum est, fratres. Saul scidit palliũ Samuelis. Et quid ei contigit? Abscidit regnum eius Deus.] Abscidistis vos, & conscidistis in frustra tot scissionibus, quot inobedientiis contumacibus Christi tunicã in Rom. Pontif. Quid non timendũ? vel non pauendum? Fiat, rogo, Deus ipse misericors & placabilis vobis, in omnibũsque propitius, sicut cum per Ieremiam comminatus est populo, dicens: Insanabilis fractura tua, pessima plaga tua:] & tamẽ eodem contextu inferius subdit: Obducam cicatricem tibi, & à vulneribus tuis sanabo te, dicit Dominus.] Non enim obliuiscetur misereri Deus. Expiate igitur culpam, crimen abluite lacrymis poenitentia.

Erigite insuper animos, rememoramini pristinos dies (Hebr. 10.) in quibus illuminati magnum certamen sustinuistis, quando non commiscuistis vos schismaticis, sed arctissimo glutino vnitatis Romanæ inhæsistis Ecclesiæ; ob idque passi grauissima à Longobardis, & à contribulibus vestris, quo nomine ab Honorio Romano Pontifice datis ad comprouinciales Episcopos literis, (Habetur 8. Tom. Annalium hoc Anno 630. prope fin.) Veneta Respublica, Christianissima ab eodem fuerit appellata, insigni gloriæ titulo, nonnisi de Romana Ecclesia bene merenti conferri solito. Sed & præter egregium titulum quid præterea fuerit eadem Respublica Ve-

ca Veneta virtutis merito ab eadem Sede Apostolica consecuta, gloriose prædicat Gregorius Septimus, (Lib. 2. ep. 39.) sic scribens ad Dominicum Duce[m], & populum Venetiarum: Scitis enim, quoniam præ multis terrarum partibus divina dispensatio terram vestram Patriarchatus honore sublimavit, cuius dignitatis eminentia ex sui ipsius nominis & officij prærogativa adeo augusta & rara est, cum non amplius quam quatuor in toto mundo reperiantur.] & inferius: Post Apostolicam Sedem, omnibus, quæ sunt in Occidente, gentibus clariores, extitistis.] Vnde autem tanta vobis gloria, Pontificiis monumentis adeo celebrata, nisi ex schismatis odio implacabili, & Romanæ Ecclesiæ pace & unitate tenacissima comparata? Propagata vero, felicioribus, sicut & maioribus incrementis, cum itidem maiores vestri, vestræ Reipublicæ decus & ornamentum, in summo discrimine constituti, cum dubia lance suspensus penderet orbis, & Principatus illi viderentur penitus interituri omnes, qui audacissimo Principi schismatico, Imperatori Friderico Ænobarbo adversus Romanam Ecclesiâ contra Alexandrû Pontificem non iungerentur: iidem vestri generosissimi prædecessores vere Christi fideles, in spem contra spem credentes, (Ro. 4.) elegerunt affligi cum populo Dei potius (Hebr. 11.) quam regnare cum Ecclesiæ Romanæ hoste obstinatissimo Pharaone. Sicque iuncti tunc fœdere cum Longobardis, facti sunt omnes simul Romanæ Ecclesiæ defensores, schismatis vero fortissimi eversores, honestissimo patefacto aditu ad suam ipsorum Rempublicam Christianissimam augendam, conservandam, ac solidandam. Quibus à Domino tunc datum est;

vt in ipsorum primariam Venetam ciuitatem tro-  
phæa inferrentur partæ victoriæ: quomodo & facti  
sunt ipsi nobilissimi ciues tanti Pontificis excepto-  
res, exhibitores, etiam triumphum omnium præstanti-  
ssimi, sed & munificētissimi in expensis, promptissi-  
mi in obsequiis, in custodiis solertissimi. Vnde sibi  
celeberrimam à mortalibùscūctis immortalēque  
gloriam compararūt, illustrata tunc mirifice eadem  
ciuitate manubiis Augustalibus, magis vero Ponti-  
ficiis aucta fulgoribus, & sacris locupletata mune-  
ribus, è penu cœlesti largissime, Deo manū suā ape-  
riente, profusis: honoris insuper titulis consignata  
perennibus, illis vero præcipuis, ex quibus præstan-  
tissimi ciues eius iure nominati sunt, schismaticis e-  
uersores, vnitatis Catholicæ defensores, pacis con-  
ciliatores, fundatores quietis, atque Romanæ Eccle-  
siæ susceptores, ac protectores.

At quoniam modo audent insurgere eiusdem Rei  
publicæ hostes audacissimi, tantæ gloriæ euersores,  
vt contrariis factis tenebrosa obducant ista caligi-  
ne, aspergāntque ignominia, quæ tot tantisq̃ sudo-  
ribus parata, sanguine comparata est, auitam gloriā?  
Cum autem consueuerint in quauis bene instituta  
Republica iuniores æmuli esse maiorum, nec pati  
ab antiquioribus suis esse degeneres, quos & factis  
egregiis superare contenderint: quoniam modo (I-  
sai. 18.) spiritus vertiginis exagitauit Principes sa-  
pientes, vt ab Ecclesia Romana (quod pro monstro  
habendū) adeo pudenda cōtradictione defecerint? ]  
Potuitne istud fieri, vt à Petro scinderetur schismate  
Marcus, à patre filius à magistro discipulus, ac mini-  
ster assiduus, & vbique fidelis? Qui enim olim ma-  
ximo lucro vestro, non nisi odio schismaticorū, reli-  
quit

## AD REMP. VENETAM. 59

quit à se fundatam ecclesiam Alexandrinam, maximo quidem damno vestro, si sic perstiteritis (quod Deus auertat) vos relinquet, & Petro fixus inhærens, eius Vicario assidebit, & assurget in opus contra schismaticos & hæreticos collaborans.

Aliena vos pericula moneant consuevit post scissionem desolatio sequi. Donatus in Africa schisma conflavit, à quo Donatistæ denominati fuere, qui vbi incurabiles redditi frequentiori lapsu, dati sunt omnes iusto Dei iudicio vna cum Africana provincia, Vuandalis primum, atque demum in excidium sempiternum Arabibus. In Oriente non solum quam diximus, Alexandrina, sed & reliquæ sedes Patriarchales, vbi schismate se ab Ecclesia Romana sciderunt, scissæ sunt pariter à protectione diuina, datæ omnes in captiuitatem, & ignominiosissimam seruitutem nefandæ Turcarum genti, sub cuius iugo ferreo hætenus in dies magis magisque teruntur: in primis vero Græci ipsi auctores schismatis, exigente pœnas diuini acerbitate iudicii, vt palea sub plastro ferrato teruntur, & conterentur quousque desinet esse (Isai. 48.) neruus ferreus ceruix eorum. Ad quod tam grande malum anteverendum, egregie laborauit suo tempore, quo sumpsit exordium Photianum schisma. Basilii Imperator, qui in diuino illo confessu Octauæ œcumenicæ Synodi, Spiritus sancti gratia congregatæ, ad præsentem ibi schismaticos egregiam habuit orationem, quâ adhuc integrâ conseruant Acta synodica: ex qua aliqua saltem hic vt describantur, à nobis exigat importuna rerum & temporum opportunitas. Audite quæso tunc illis tantum, sed nunc vobis ipsis Im-

peratorem diuino prorsus afflatum Spiritu perorantem.

Vos quoque, inquit, qui curatione indigetis, ac medela opus habetis, pretiosa membra Christi etsi nescio quomodo à malo dæmone detenti, à capite, nempe à Romano Pontifice separati estis: Vitis vera, quæ propter contentionem importunam, immo vero iniustam, in amaritudinem conuersa est: Amici & proximi nostri, (Psal. 37.) etsi propter odium irrationale ex aduerso appropinquantes & stantes, ac vnitatem respuentes. Suscipite admonitionis sermonem (non autem confundor dicere) etiam deprecationis. In id enim nos adduxit misericordia quam circa vos habemus. Scrutamini intima conscientiarum vestrarum, & inuenietis vos male ab Ecclesia esse disiectos. Nouissima hora est, & Iudex pro foribus est, fratres: ne præoccupemur ab eius Ecclesia sequestrati, & longe ab illius gloria proiciamur. Nihil turpe ducamus passionem manifestare, & vulnus ostendere, ac locum poenitentiarum & medicinarum requirere, atque intra atrium saluantium fieri: ne confusionem obedientiam arbitrando, confusionis æternæ sumamus experimentum. Qualis autem hæc est confusio, fratres, procidere Deo, & veniam expetere? Deo enim procidunt, qui Ecclesiæ & spiritualibus istis Patribus procidunt. Confusio quidem reuera est & maximus pudor, immo vero in Deum dimicatio, nolle vnum quemque proprium confiteri peccatum, & humiliari propter Christum, & lucrari & se & multos.

Si autem omnino hoc confusionem arbitramini: ego, cui Imperij superposita est corona, forma vobis efficiar huius optimæ humilitatis. Ego, qui  
impe-

## AD REMP. VENETAM. 61

imperitus & insipiens sum, bonum initium ero vestrum qui sapientes estis, & scientia clari. Ego, qui in peccatis volutatus sum, primus vobis typus fiam, qui mundi estis, & virtuti operam datis. Ego primus memet super pavimentum proiicio, purpuram & diadema paruipendens: ascendite ad genas meas, & super oculos meos incedite, nec reputetis magnum, Imperatoris calcare scapulas: nec reueramini pedibus tangere verticem, cui superimponitur à Deo donata corona: omnia pati promptum habeo, & agere promptius quæ vobis quidem confusionem, mihi autem gloriam, & maximam claritatem conferre videntur. Neque enim in hoc curam gero gloriæ meæ, tantum ut videam communionem, unitatem, & unam ecclesiarum festiuitatem, tantum ne animæ detrimentum patiar, & gaudeat super me ille omnium inimicus diabolus, captiuum sumens, quod mihi desiderandum est, tantum spei meæ lampas insperate non extinguatur, per quam festinabam communi illustrari lætitia & gaudio.

Nescio quod erat satagendum & efficiendum, & non feci, vel quos proponendos admonitionis & deprecationis sermones, & non proposui. vos de cetero videbitis. Innocens enim sum à perditione vestra. Si vero & ad magnum & horrendum illud iudicium futuræ diei vos remittitis, quasi pro vobis rationem datuos: noscite quia bene noui, quia nullus vobis iustitiæ sermo siue hic adest, siue illic aderit, nisi quantum in hac controuersia inuentum extiterit. Verum si vultis ante illud iudicium, consciæ vestræ interrogare iudicium: dicetis amplius nihil, quam quod ab Imperio nostro dicitur. Deponite igitur contentiones, fratres, & resumite amo-

## AD REMP. VENETAM.

62

minari? Deliramentum quis esse negauerit, non curare, immo summe contemnere, habere locioci, immo & lucri, ab Apostolica Sede, ab ipsa Catholica Ecclesia excommunicatione esse præcisos? Deliratio nonne plane omnium maxima est, sperare extra Ecclesiam, consequi posse salutem? At insuper quam grande illud delirium, Ecclesiam Romanam de vestra Republica semper bene merentem, conciliatricem Principum in sacræ fœdus, in bello sociam, in pace matrem, erga filiam propensioem, beneficentia largiore pandentem sinum frugum: eandem ab eiusdem filia amplexu diuellere, ac diro schismate separare? cum id nihil aliud sit, quam eiusdem Reipublicæ neruos succidere, & caput amputare? Sed delirium plane risu dignum quis neget, velle cōtra stimulum calcitrare, & obstinato animo vrgere vt frōte feriat durissimam petram atque confringat? At non delirantis senis tantum, sed furentis insania animi signum illud est evidens pro titulis gloriæ infame schismaticorum nomen consequi laborare, ac demum illud pudendum, quod ipsi adiacet, hæreticum. Sed & illud quidem grande delirium apparet omnibus, quod sub velamine libertatis, nectantur vincula seruitutis, connexa peccatis, testante id diuina Scriptura, (Ioan. 8.) quæ euacuari non potest, quod qui facit peccatum, seruus est peccati, & quod funibus peccatorum suorum peccans quisque ligetur: (Prou. 5.) contra vero contemnatur vera libertas, quæ sanctæ religionis cupiat vincula salutaria, quibus tantum obligata, libera consistere possit, ac tuta, fortis, & permanens gloriosa, secundum illud Ecclesiastici ita monentis: (Ecclef. 6.) Iniice pedem tuum in cōpedes illius, &

309.

65

AD REMP. VENETAM.

In visceribus Iesu Christi, & hoc oro cum Apostolo, (Eph. 4.) Ephesios commonente, vt in Ecclesia Catholica sitis vnum corpus, & vnus spiritus, sicut vocati estis in vna spe vocationis vestræ. ] extra quam connexionem & vnitatem nulla cuiquam penitus poterit esse salus, sed lugenda semper absque redemptione damnatio. Faxit Deus, vt S. Spiritus gratia, diffolata illa caligine, qua obtexit Deus in furore ( Thren. 2. ) suo filiam Sion, arrideat nobis prior illa vestra serenitas, & sidera errantia, (Iud. epist.) quibus procella tenebrarum seruata est in æternum, ] in firmamento Ecclesiæ fixa resplendeant in æternum, secundum illud propheticum (Bar. 3.) Stellæ dederunt lumen in custodiis suis, & lætatae sunt, vocatae sunt, & dixerunt, Adsumus: & luxerunt ei cum iucunditate qui fecit illas. ] Amen.

Sit autem vobis Parænesis hæc vt sic perorẽm cum Augustino ad Donatistas, (epist.

162.) correctio. si velitis: testis vero, & si nolitis. ]

FINIS.

Ec j



300 310.

1711  
1712

AD PAVLVM V.

PONTIFICEM

MAXIMVM

EPISTOLÆ DVORVM

CLARISSIMORVM

ITALIÆ IVRISCON-

SVLTORVM.



Anno M.DCVI.

Ec 4

3102.

U. S. 100,000



# CONTRA EDICTVM INQVISIONI

ROMANÆ.

La: Gu: Co: Cr: I: V: D:



**B**EATISSIME Pater, Nunquid & oculi tui carnei sunt? & tu vides sicut videt homo? Pateris noua fulmina contra legentes literas Serenissimi Principis Veneti, quibus se Catholicum, & Sanctæ Sedis Apostolicæ Romanæ obseruantissimum, profitetur: Bone Deus! Benediceresne si contraria audires? Repetam alias dicta, vt eo magis Edicti Romanæ Inquisitionis infirmitas detegatur.

Suo iure vtitur Serenissima Respublica, cum leges dat subditis, ac publicum ius, & subditorum facultates tuetur. Ad hoc Principes à Deo constituti sunt. Quin non modo bonis, sed & discolis, Petrus (Epist. 1. cap. 2.) cuius tu successor es, & vices tenes, iubet populis subiectionem, & obedientiam. Discordant ista à Doctrina Petri, auctoris tui. Manus Domini fecerunt eos, & sic repente fulminas? Perge, & consilium impiorum adiuuas, nouissimæque Edicto publico, sub vinculo Anathematis, cura

Ee iij

sti prohiberi, ne litteræ Serenissimi huius Principis, tum ad Communitates Subditas, tum ad Patriarchas, & alios Prælatos, nec alia quæcumque similem materiam continentia, legantur, retineantur, vel quouis prætextu communicentur. Audi in primis, quid Pontifices Præcessores, de legibus Principum Secularium, dixerint. Leo Quartus, & Gelasius scribunt, Quis leges Principum dicat debere contemni? quæ irrefragabiliter sunt custodiendæ: Et si quis aliter dixerit, vel vobis dicturus fuerit, sciatis eum mendacem: Et leges, quæ hætenus viguere absque procellis, & pro nullius persona hominis ullus reminiscitur esse corruptas, nunc & in ævum, robur suum, propriumque vigorem, obtinere volumus.

Tu, Sanctissime Præsul, longe ambulas à voto Præcessorum tuorum, qui vis leges consuetudinesque Dominorum Venetorum obstruere, irritasque facere. Hæc sunt signa irati animi. Ostende mihi cur ita iudices? Quereris in congregato quorundam Cardinalium Senatu, ac Consistorio, de legibus Venetis, super bonis Emphiteuticis latis. Attende, non Cardinalium, sed Pontificum, & Sanctorum Patrum votum. Alex. iij. Quia non ad Ecclesiâ pertinet de possessionibus iudicare, ideo Regi possessio num iudicium relinquatis & de causa matrimoniali cognoscatis: D. Augustinus tradit, & est in sacris Canonibus registratum, Quo iure defendis villas Ecclesiæ iure humano? quia per Rectores seculi Deus eas distribuit humano generi. Si autem ut teneantur ista ab hominibus, iura Regum fecerunt, vultis ut retineamus Leges, ut gaudeatis? Dixisti, Quid mihi & Regi? Sed quid tibi & possessioni? quia possides iure Regum. Noli ergo dicere, Possessiones

## II. IVRISCONSULT.

71

sessiones tuas, quia iura humana renunciaſti: hæc Au-  
guſtinus. Ex quibus prudentes inferunt Cõſtitutio-  
nes Principũ Secularium, ligare bona Eccleſiarũ in  
eorũ territorio exiſtentia. Impugnas Decretũ Do-  
minorum Venetorũ, quòd ſine licentia Eccleſiæ æ-  
dificari non poſſint. Licentia requiritur ante con-  
ſtructionẽ, quo tempore, & ſitus, & materia, & om-  
nia ſunt temporalia, & in temporalibus nulla aucto-  
ritas Pontificum. Potestates enim ſunt diſtinctæ à  
Deo, vnde terminos nos transgreditur Decretum.  
Doles de Lege, quod Bona Eccleſiaſticis non alie-  
nentur. Intellige, Præſul ſanctè, votum ſuper hoc,  
Ambroſij, Hieronymi, & Auguſtini, nec vota Car-  
dinalium conſeras cum ſententiis horum ſancto-  
rum Patrum. Primus, nullam, perſimilem Legem,  
ſuo tempore editam, Clericis iniuriam afferre atte-  
ſtatur. Secundus eam Legem providam appellat.  
Tertius atteſtatur Eccleſiæ non relinquendum, vbi  
ſunt ſui hæredes. Tandem accuſas iudicia Secu-  
larium in Clericos, Uſus Reipublicæ talis eſt per  
tot ſæcula approbatus à Præceſſoribus Pontifici-  
bus. Nunc contradicere, eſt iura per Reges quaſi-  
ta, tollere, quod neque contra priuatos ſolet Ec-  
cleſia.

Ultimo, hæc omnia ſunt introducta ob publicũ  
interreſſe, & ius publicum proferitur iuri Eccleſiaſti-  
co, ex Peritorum, & Pontificummet ſenten-  
tia.

Iſta non leuia, ( vt, quidam Senatores tui notã-  
runt) ſed maximi ponderis, debuiffent animaduerti,  
& ſuper his & aliis circa hæc, oratores etiam expreſ-  
ſe audiri: Attamen, voto ſuſcepto, à quibusdam  
tuis Cardinalibus, in tuo Senatu vocatis, poſt

Ec. iij

sententiam tuam iam firmatam, & typis datam, quod notorium est, hi inter spem, & metum, captiuantes eorum intellectum, votarunt pergendum. Fulminasti Censuras in Serenissimum Principem, & Excellentissimum Senatum Venetum, & interdixisti eorum Dominium. Quidnam in hoc discrimine, Pater sancte, agendum per religiosissimum Principem, nisi quod tumet fecisse dicis? Consulere Peritos, & conuocare Senatum suum. Id actum est. Hinc vrgebat propensum obsequium erga sanctitatem vestram: Illinc iura, & libertas Reipublicæ, ac facultates, nec non publica quies subditorum. Re discussa in Senatu, trecentorum penè virorum, summæ doctrinæ, præstantiæ, & probitatis, concursu, sancitum est: Non obtemperandum præcepto, quo euertebatur libertas, & vsus Reipublicæ, ac subditorum bona & quies. Docuerunt hæc sancti Patres, & Decreta Pontificum Prædecessorum. Qui apertis verbis pluribus locis ex Sacris literis affirmant, Non parendum Præsidi Ecclesiæ, cum mala iubet & illicita, & irrationabilia; & si hac de causa ad Censuras deueniat, non esse obediendum, quia non ligant, nec apud Deum, nec apud Ecclesiam. Quòd autem sint illicita, & irrationabilia, quæ præcipiuntur, alio loco ostendimus.

Nouum, & nusquam hac ætate auditum, vulgatur in subditos nuncium huius interdicti, & Censurarum: insolitus, ignotus, & improuisus sonus huius Tonitruum, non vt putabas, dispergit, sed sub aliis Piæ Matris conseruit, & vniuit. Pietas, & Religio Serenissimi Principis Veneti, literis consolatur Communitates subditas. Rem declarat, & quæ saluti status Serenitatis suæ visa sunt opportuna scribit.

Hæ

## II. IVRISCONSULT. 73

Hæ literæ non adeo imprudenter per Ministros divulgatæ fuerunt, vt eadem tenor potuerit Romanam vsque conuolare. Quod si hac occasione confictæ sunt aliæ literæ, è vicu allatæ, hic est parvus suppositus, Nec satis incompetenter, parcant Illustrissimi Domini Inquisitores, fuerunt de literis prædictis edocti.

Et vt hoc, Senatus Veneti resistētia non obstante, toti orbi innotesceret, nil detractum cōtinuatæ obseruantia huius Serenissimi Dominij erga sanctam Romanam Sedem; propterea decreuit Respublica literas patentes affigi, quibus, declarata causa resistentis, protestatur Serenissimus Princeps Religionem suam his prægnantibus verbis;

Cum nobis decretum, constitutumque sit, in sancta fide Catholica, & Apostolica, atque in obseruantia erga sanctam Romanam Ecclesiam persistere, quam maiores nostri, à prima Ciuitatis origine, hucusque, diuina comitante gratia, & sine vlla intermissione, coluerunt.

Sanctitas vestra in Consistorio, ac Senatu suo, dixit se audiuisse homines Doctos, voluitque etiam votum aliquorum Cardinalium in eo congregatorum, qui eam vrgebant ad fulmina, vt supra. Serenissimus Venetus Princeps quâplures Theologos, & iuris, tum Pontificij, tum Cæsarei, peritos consuluit, & votum non aliquorum, sed trecentorum Senatorum, sine spe, vel metu, nemine contradicente, ad resistendum Censuris, habuit: Quod te latere non debet, verior & communior sensus Serenissimi Principis Veneti, longe maiori numero pëitorum suffultus, probandus erat.

Nouum tamen fulmen vibras contra legentes, tenentes, & communicantes literas prædictas, & scgi-



pturas in hac materia. Nosti quòd Serenissimus Princeps litteris tenuit in officio subditos suos, quos alij seducere, & diuidere studebāt: subditi, qui principem suū naturalem audiunt, & intelligunt; & cui Diuino mandato obligantur, merentur ex hoc ipso feriri anathemate? Bone Deus, quomodo intra terminos modestiæ continebimur? Regnum à Deo est, (Per me reges regnant) si populi subuertantur, & seducantur, quibus regnabit, & imperabit Rex? Pastor congregat oues, non disgregat. Iubentur Apostoli, quorum tu successor es, non disperdere, sed vnire: si in officio subditi tenentur, hoc est Præceptum Dei, istud tamen prohibetur, & dānatur, & Censuræ fulminantur, vt hæc officia abscondantur, & lateant? hæc sunt signa irati animi: ostende mihi cur ita iudices?

Multo minus patentes literæ affixæ debent hoc Anathemate impediri, sepelirive. Finis earum est, vt se Princeps declaret, & protestetur Catholicum & obseruantissimum sanctæ Ecclesiæ Romanæ, vt antecessores sui. Quando operibus, viribus, & præsentia, se talem declarauit Princeps Venetus, annuerunt Pontifices, gratias Principi benemerenti habuerunt. Talis semper continuauit, Talem se adhuc exhibet, & protestatur. Lætatur vniuersa Ecclesia his officiis, & muneribus. Paulus autem V. Pontifex, damnat, & Anathemate ferit, qui diplomata hæc Christianissima legunt, & memoriæ tradunt, & ea conatur obliuioni mandare. Cogor dicere cum sancto viro Iob, Cur faciem tuam abscondis? & arbitraris me inimicum tuum? & scribis contra me amaritudines? Sed quid ista ad officium Inquisitorum hæreticæ prauitatis? Hæresis est.

## II. IVRISCONSULT.

75

sis est crimen contra fidem Christianam. Nos, in nostris litteris, & expresse Christi fidem Catholicam Romanam sequimur, & eam profitemur & protestamur. Habēt Inquisitores Iurisdictionē attributā, conditione existēte; vnde neq; possunt cognoscere, an aliquis sapiat manifeste hæresin, vt dicunt Prudentes. (C. Accusatus. sane & ibi Glo. verbo Manifeste, de hæreticis in 6.) Quid vero dicam de titulis datis in Edicto, litteris, & scripturis nostris; vbi asseritur, eas prohiberi, quia continent multa temeraria, calumniosa, scandalosa, seditiosa, erronea? Omnino non pertinent ad Inquisitores hæreticæ prauitatis ista. Iccirco, sicut primæ Censuræ, tanquam nullæ, & inualidæ, seruatæ non fuerunt; ita prohibitio, & Edictum istud, vti extra Iurisdictionem Inquisitorum, spernetur, & vosmet detrahitis dignitati Ecclesiasticæ, qui præcipitis non præcipienda. Cautius esset agendum, maxime in negotio Censurarum, & eo magis contra Principes supremos & Catholicos: quia qui male iubet, bene obauditur.

Non pateris scripturas in hac materia. Noluisti iura Reipublicæ ab Oratorib. percipere; recusas eas scripturis ab aliis intelligi. Quid est hoc, nisi defensiones omnino negare, quæ de iure Diuino sunt? Audi Melchiadem Pontificem Præcessorem tuum. Primo semper ante omnia diligenter inquire, vt cum iustitia & charitate diffiniatis, neminem condemnatis, ante verum & iustum iudicium. Nullum iudicetis suspicionis arbitrio: Sed primum probate, & postea charitatiuam sententiā proferte. Et quod non vultis fieri vobis, alteri facere nolite.

Cogita, Pater Sancte, si in tuis sententiis has Præ-

cessorum tuorum seruasti regulas; Ista debent Pontifices Secularibus potestatibus: Nos autem cogimur hæc in Paulo Quinto Pontifici insinuare, & errata Magistro indicare: Quod tibi displiceret, aliis ne facito: Censebuntur oculi tui carnei cùm ea non seruaueris: Fertur iis mediis Ecclesiasticos affectasse Monarchiam, & Potestatem à Deo distinctam totam ad suum Tribunal vnire, quod esset admodum Tirannicum, & contra expressam mentem Diuinam: Videte ne his vasis prætensionibus, Clauis vim perdant, & rubiginem inducant, & menti recodite, Quod cum res reducitur ad effectum, omne perit iudicium.

Viden, Pater Sancte, quæ Sathanas mala semina spargat hac occasione? Audistin quæ dicuntur de auctoritate Pontificis, de diuisione Potestatum? Vtinam non incidissemus in hæc tempora, nec consilia mala præualuissent: Respublica nunquam deficiet à Religione Catholica, & à Communionē Sanctæ Ecclesiæ Apostolicæ Romanæ: Sed nec vnquam patietur libertatem suam, vsusve suos, facultatesque Subditorum subuerti. Stant simul, resistere præcepto Pontificis, ista turbanti, & non deferere communionem Ecclesiæ Romanæ, & Catholicam Religionem: Memineris exempli Ignatij Patriarchæ Constantinopolitani, qui Anathemate iniusto vulneratus à Iohanne Pontifice Octauo, non paruit. Mortuus nihilominus miraculis claruit, & in numero Sanctorum fuit relatus. Audi quæ nuperrimo hoc proximo anno docuerunt Patres illi Societatis Iesv, scribentes librum Typis datum ad Henricum IV. Francorum Regem, in his verbis: Si adeo iratum Numen haberemus, vt ad se Clementem accer-

cerferet, & Bonifacios Octavos, Benedictos XIII. & Iulios Secundos induceret, quid ageremus? Nempe, breui dicam, quod in loco tempore probos, & bonos Francos, quod moderatos, ac frugi Ecclesiasticos, cum Rege Philippo Pulchro, cum Ludouico XII. accepimus fecisse. Qui ius suum, ac regni, cum mordicus tueretur, contra dictos Pôitifices infestos, nunquam propterea à Sancta Sede Apostolica descuerunt. Recognouerunt in spiritali Dominatione Pontificem, officij Christiani potissimas partes deseruere nunquam, Christi Vicariam Maiestatem sunt omni studio, omni fide, omni obsequio prosequuti: de quo, ne dubitandi suboriri posset vlla suspitio, fecit Philippi Pulchri Regis, à Tilletio scripta, atque ad posteritatem transmissa, responsio.

Istud idem exemplum, ac Consilium Christianissimorum Regum, sequitur Respublica. Nec paruit, sed resistit, Censuris inualidis. Nec se separat ab Ecclesia Romana, Nec officia potissima Christiana vult in suo Dominio prætermitti: de qua, in fidem Catholicam, & Sedem Romanam perseverantia, ne suboriri posset vlla suspitio, fecerunt Serenissimi Principis Veneti litteræ affixæ publicè, sicut & Philippi Regis responsio, vt supra. Malo ingenio audis ista, Beatissime Pater, siste gradum, tolle fulmina, quiescat ira tua, & esto placabilis super nos, nil noui agimus, vtimur antiquo iure nostro, & qui iure suo vtitur, nemini iniuriam facit. Res aliter agitur cum Principibus, manu, viribus, & Potestate supremis. Dominos Venetos, alia via, vel in tuam trahere sententiam, si potes; vel melius consultus, tu in eorum intres opinionem. Si pergas, nosti quod non obediêris, Abyssus Abyssum inuocabit, detra-

hetur Gloriæ Sedis tuæ, absque Dominorum Venetorum culpa, qui iura publica, & subditorum tenentur custodire, & tunc non in emendationem, sed in destructionem perges, contra Præcepta Patrum, & tuorum Præcessorum. Nam ad hoc indictæ sunt Censuræ, ut construant, non ut destruant. Quod si fortè putasti, vi istud posse euincere, non succedet, quia res est cum Prudente, Potente, & benemerito Principe: Et tu Sedem, & Subditos tuos, sine fructu deplumabis. Sed interim, quæ desolatio Populorum, & totius Italiæ? In quo discrimine Sedem tuam constitues? Spumiant ora Luporum, expectant ut hæc agantur, omnes hæreses Italiam inuadent, deturpabitur sanctissima Sedes: in caput tuum, Pater Sancte, tota faba cuderetur.

Igitur, ne, te Præsule, mala ista eueniant, muta sententiam, præcidenda est occasio tam grauis incendij, habes in Sacris literis, Quod non possumus superare, tollerare debemus. Retia Domini rumpenda non sunt, nec deferendus grex Domini. Si ita egeris, habebis hanc Christianitatis fortissimam Columnam obsequentissimam. Dominus tecum erit; Longitudine dierum replebit te; & ostendet tibi salutare suum.

AD

## A D S V M M V M

## P O N T I F I C E M.

*Al: Li: Aeq: Ve: I: V: D:*

ADMIRATVS sum valde, Summe Pontifex, Legem à te latā, qua omnes, qui pro Veneta Republica scribunt, diris execrationibus prosequeris, ac detestaris. Hæc enim (remoue quæso, dum pauca humiliter, ac piè, perinde ac si Deum Optimum Maximum alloquerer, propono, auctoritatem, & rē ipsam tene:) cum omnia circa diuina possis, verè non potes: Vris, cædis, lancinas, & viscera dignitatis, decoris, libertatis Reipublicæ, seuerissimè, ne dicam crudelissimè, & ingratisimè differs, & silentium indicis? vocem cõprimis? ora obstruis? extrema minaris? Ne Dei optimi Maximi opem implorare audeat, prohibes? Virginem decoram, pudibundam, honestissimis, ac modestissimis moribus præditam, non fūco illitam nec calamistris inustam, sed viuo sanguine, & præclaro, ac splendidissimo pulchritudinis flore perfusam, & mirifice nitentem, & ab incunabulis ad hæc vsque tempora castè & liberali custodia septam, & conseruatam, & admirandā, in totius orbis veluti Theatro, tanquā impudentissimū & turpissimū scortū exponis, producis, & quā maximis potes vocibus & clamoribus, ac veluti maximarum tubarum clangoribus, proclamās, & vocem vt cõtineat, iubes? non potes, Pater, non potes, fac velit, nec ipsa potest. Cum dolet acriter, lachrymæ excutiantur,

vox dolentis exprimitur, & erumpit naturæ vi cogente. Cæde puerum, aut seruulum, clamabit, statim vociferabitur; iube sileat, non parebit, altius clamabit, & maximas contumelias, & turpissima ingeret iurgia. Naturæ ius, & vis, & lex est, ut quis quacumque ope potest vim sibi illatam repellere, & decus suum tueri conetur, & saltem dolere queat. Hanc tu tollere, seu immutare nunquam poteris. Altius tuo, naturæ est solium, & tu parere cogeris: hæc vero te docere possunt, hominem esse, non Deum. Si vera sunt quæ dicuntur, quid doles? Corrige, abstine, imitare veterum Romanorum Principum morem, & Prudentiam, quin & Græcorum. In libera Ciuitate, liberas esse linguas non vis? nec hoc potes, Paternam etsi eas euelleres, spiritu ipso & clamoribus libertatem, vita longè chariorem, libera hæc ingenia præ se ferrent, ac profiterentur, & nutibus ostenderent, ac significarent. Non possunt enim ferre cum contumelia damnum. Non legis, aut Pontificis contemptus hic est: Maiorum mores, veterum instituta verentur Veneti, ne quid immutetur prospiciunt, & summopere cauent. Si aliam in gerenda Republica, & in eius administratione, viam inire cogerentur, omnia ruitura existimarent. Proinde iniuriis obfistendum censent. Nimis attentè ais, libertatis suæ habenas continent. Quid tuas? Sed quid pro sepulchro Christi egerunt, quid pro Leone Nono, quid pro Nicolao Secundo, quid pro Gelasio Secundo, quid pro Alexandro Tertio, quid denique pro Pio V. cogita. Humillime, Pater Sancte, te obtestor, ut ad omnia oculos circumferas, ad salutem Italiæ imprimis, & totius Christiani orbis, ad vetus Veneræ Reipublicæ cum Apostolica Sede

con-

## II. IVRISCONSULT. 81

coniunctionis vinculum, ad labores, ad sumptus, ad sanguinem Civium Venetorum pro Apostolica Sede effusum, ad Barbarorum terrorem, ac vim, nec non & ad eorum gaudium, & exultationem. Maximus es, & excelsus, maior eris, si pace, & concordia, tibi nihil potius erit, aut antiquius. Gloriosum erit supremo Principi, à quo pietatis exempla sumuntur, si gravitati, ac severitati suæ, lenitatis, & bonitatis simul suæ guttam asperferit. Iucundiora, lætiora, auspiciatiora omnia Principatus tui erunt. Quod enim holocaustum maius, aut gratius Divinæ potest offerri? Maiestati & Bonitati, quàm Pax; & obsequi-  
tissimæ Civitatis conservata libertas. Non enim Respublica novarum rerum cupida, non aliena appetit; libertas tantum, & mos maiorum, altissimo, tanquam cuiusdam necessitatis lex tradita, & sibi imposita, animo infidet; si quicquam immutaretur, omnia funditus eversum iri arbitrarentur. Cur igitur Pater irascatur? excandescat, & furias cum ardentibus tædis immittat? & ad furorem filiam impellat, ut vastitas Italiæ, & strages, & eluvies, ac rerum omnium perturbatio, ac confusio consequatur? Pacem igitur, Sancte Pater, cæteris omnibus omissis, benedictione tua constitue: quod si sponte, & non rogatus feceris, summæ virtutis, & veræ Christianæ pietatis, & laudis, & gloriæ columen, ac fastigium omnibus coronis, & triumphis excelsius, assecutorum & omnium denique virtutum numeros impleturum te existima, & certo scias.

Ff j



# SENTENTIA BARONII CARDINALIS, SVPER

*excommunicatione Vene-  
torum.*



**D** VPLEX est, Beate Pater, ministerium Petri, *Pascere*, & *occidere*: dixit enim ad eum Dominus: *Pasce oves meas*: audiuitq; è cœlo vocem, *occide, & manduca*. Pascere oves est, curâ gerere obsequentium fidelium Christianorum, mâluetudine, humilitate, ac pietate oves & agnos præ se ferentium. Cum verò, non cū ouibus & agnis negotium sit, sed cum leonibus & aliis feris animalibus, refractariis & aduersantibus, agendum est, iubetur Petrus eos occidere; obistere scilicet, pugnare & expugnare, ne tales sint penitus. Sed quod huiusmodi occisio nō esse debeat, nisi ex summa caritate, quod occidit præcipitur *manducare*; nēpe per Christianam caritatem, intra sua viscera recondere; in seipsum cōdere, vt simus vnum & idem in Christo: Quod dicebat Apostolus, Cupio vos in visceribus Iesu Christi. Sic igitur nō est occisio ista, crudelitas, sed pietas atque sinceritas, cum sic occidendo saluatur, quod eo modo viuendo verè perierat. Est, vt Nicolaus I. docet, Excommunicatio, non ad occidendum venenum, sed ad sanādum optatum medicamentum. Sic & videmus Patrem amare vincula, quibus à medico filius ligatur phrēnitide laborans, sperantem posse curari. Perge igitur, Sācte Pater, quod cœpisti, in quo te nemo redarguere potest nimix festinationis, quòd dicat Paulus ad Christianos fratres scribens, Ecclesiam in promptu habere volcisci omnem inobedientiam: in promptu hoc illi

illi faciendum præcepit. Tua verò Sanctitas in his diutius est immorata, scribens, dilationemque iterans in hunc usque diem. Ego, ut ingenuè fatear, exulto spiritu, dicam cum Apostolo, superabundo gaudio; videor videre in Sede Petri Gregorium siue Alexandrum, has scilicet præcipuas radices collapsæ penitus Ecclesiæ libertatis; ambos ex Senensi Metropoli, vnde V. S. originem ducit vocatos ad Cathedram Petri, quorum alter expugnauit Henricum peruerissimum Imperatorē, alter verò, mira constantia resistens, Fredericum penitus superauit. Idem tibi certamen ineundum, modo ruinæ hæ in manu tua. Dicam cum Esaia: Erige collapsam, prostratam Ecclesiasticam libertatem, certa paratam victoriam. Etenim nobiscum Deus. Verbum Christi est, Et portæ Inferi non præualebunt aduersus eam. Positus es in Ecclesia Successor Petri, in promissione ipsi facta, præueniant & firmentur de petra. Et quod Hieremiæ, tibi dictum est, Posui te in columnam ferream, & murum aheneum. Memor esto te in Ecclesia positum esse in petram, in quam omnes qui offendunt confringentur. Tu verò permanebis illæsus, coniunctus Christo, qui pro te pugnabit & vincet.

Ff ij

# SENTENTIA CARD. COLVMNÆ.

**B**SISTERE parentibus impium. Eam  
verò Matrem oppugnare, cuius Clemen-  
tia in vna suorum filiorum curanda salu-  
te, defigitur, plane detestabile. Eoque ma-  
gis, quo pluribus nominibus in eam maiorum ob-  
sequium declaratur. Satis cuique notum, quantum  
in ætatem hanc, Romana Sedes Reipublicæ Venetæ  
commodi fuerit studiosa, quâtum illa se pariter er-  
ga illam Sedem, obsequentem, gratiamque præbue-  
rit: illam nunc ab huius Religionis obseruantia, no-  
stra tempestate deficere, & contra libertatem Ec-  
clesiasticam iniquas ferre leges, nemini ferendum.  
Remedio est opus. Satis à B. V. diuturnum conces-  
sum ad resipiscendum tempus. Decreta Patrum,  
Conciliorum Canones illi declarati, Euangelium-  
que docuit obseruandum: ne maiorum suorum Re-  
ligionis oblita, firmius in suo errore persistat, fla-  
gellis corripienda potius, quàm lenitate inuitanda:  
forsan, qui tantæ benignitatis indulgentia obdure-  
re, pœnæ seueritate mitescent, & qui nunc nihil ti-  
mere videntur incommodi, destituti paterno  
præsidio, iuribus Ecclesiasti-  
cis excitati, resipis-

CENT.

RESPON.

14329.  
**R E S P O N S I O**  
**D O C T O R I S**

**T H E O L O G I :**

**Ad Epistolam sibi scriptam à Reue-  
rendo quodam , ami-  
co suo.**

**De Monitorio Censurarum à Sanctitate  
Pontificis Pauli V. promulgatarum  
contra Dominos**

**V E N E T O S .**

*Et de nullitate illarum Censurarum , è Sacris  
luteris, Sanctis Patribus, aliisque Ca-  
tholicis Doëtoribus de-  
sumpta.*



**IMPRESSA ITALICE VENETIIS**  
**Anno M. DCVI.**

**Pf iij.**

8330.



## Reuerende Domine



**E**PISTOLAM tuam legi, & valdè miratus sum, quòd ipse prima quæ occurrunt nuntia semper à te accipere solitus, speciatim verò vbi me de re quapiam consulendi sese offert occasio, hoc tempore, quo in ciuitate vestra tot rerum maximi momenti rumores vigent, vltimò à te monitus fuerim. Interim tamen sollicitè ad eò petis à me quid sentiam de monitoriis istis Põtificiis aduersus Rempub. vestram editis, ac de protestationibus nullitatis harum Censurarum ab ea in sui defensionem suarumque rationum fulcrum exhibitis. Ego licèt possem non hallucinari in causa cõcipienda huius tuæ moræ, eamque materiæ difficultati adscribere, licèt persuadere mihi non possem quis animum tuum scrupulus torquere posset: nihilominùs tamen in tui gratiam, ab insolitis quas dicis occupationibus tuam excusationē desumiam, tibi que pro more gratificari volens, me etiam ea quam optare videris acceleratione vtentem tibi satisfacere posse arbitror: cùm ad id præsertim paratum me videam ob exactissimam considerationem quam totis hisce diebus super proposita materia seriò adhibui. Scire igitur optas, si benè mentem tuam assequor, An Censuræ à Sanctitate D.N. Pontificis Pauli V. promulgatæ contra vestros Dominos Venetos, sint inualidæ ac nullæ, sicut in ipsorum Manifesto declaratur, ad eò vt cùm irritæ sint, in Ecclesia tua possis in Sanctissimorù Sacramento

Hf iiij

rū celebratione, ac in illorū omniū sacrorū diuinorūque ministeriorum exercitatione pergere, quæ ante harum Censurarum promulgationem exercebas, idque citra vllum conscientiz scrupulum.

Vt igitur ordine & perspicuè respondeam his tuis quæsitis, octo propositionibus id omne complectar quod super materia proposita dici poterit, ex Theologorum more, quarum doctrina, sicut ab omni proprio compendio vel adulatione erit aliena, sic etiam sacris literis, sanctorum patrum dictis expositionibûsque & omnipotenti veritatis rationisq; robore nitetur, vt nemo nisi proteruus, eam impugnare audeat.

### PRIMA PROPOSITIO.

**P**Otestas quam Principes temporales obtinent, atque etiā summus ipse Pontifex, cœu Dominorum & Prouinciarum quas possidet, princeps temporalis immediatè est ipsis à Deo concessa, citra exceptionem vllam.

Ad clariorē huius propositionis sensum aduertere oportet dominū & seruitutē, principis imperiū & subditi obedientiā, quatuor modis esse de iure gentium introducta, videlicet Electione, Successione, Donatione, aut Iure belliadè vt omnes ij Principes qui vno è quatuor hisce modis vnquam fuerunt, vel hodie sunt in Principatus folio collocati, sint iusti ac legitimi Domini: hi, inquam, qui à Deo potestatem habent imperandi, leges ferendi, tributum exigendi, iudicandi, subditos suos puniendi, absque vlla exceptione.

Doctrina hæc nō mea est, sed D. Pauli in epist. ad Rom.

Rom. cap. 13. in ò Spiritus S. per os eius loquentis & eius penna scribentis: Apostoli verba sunt hæc, [ Omnis anima potestatibus sublimioribus subdita sit; non est enim potestas nisi à Deo. ] Hunc locum exponens D. Iohannes Chrysostomus, ait: [ Facit hoc Apostolus, vt ostēdat Christū leges suas non ad hoc induxisse vt politias euertat, sed vt ad melius instituat. ostendens, quòd ista omnibus imperentur, & Monachis, & Sacerdotibus non solùm secularibus, id quod statim in initio declarat, Omnis anima potestatibus sublimioribus subdita sit, etiamsi Apostolus sis, etiamsi Euangelista, etiāsi Propheta, siue tandem quisquis fueris. Neque tamen pietatē subuertit ista subiectio. ] Hinc sub veteri lege, quamuis Leuitæ summum sacerdotem, Aaronem scilicet, habuerint, in rebus tamen temporalibus, in causis ac iudiiciis, sub Mose temporali ipsorum principe manserunt, vt probat Couarruias cap. 31. Practicarum suarum quæstionum, num. 3. & in primitiua ecclesia distinctio Fori non fuit: nam Iustinianus Imperator primus Ecclesiasticis concessit, postulante id Episcopo Constantiaopolitano, vt in civilibus causis à suis Præsulibus iudicari possent, ipso tamen non impedito, quo casu, & in capitalibus delictis, permittit vt Ecclesiastici Principi temporali, eiusq; ministris subditi sint, vt manifestò legitur in nouella constitutione 85. Iustiniani Imperatoris. Nec eò quòd Constantinus Magnus Imperator litibus contra Ecclesiasticos sibi oblati, hæc verba protulerit, [ Vos à nemine iudicari potestis, quia ad Dei iudicium reservamini, ] vt scribit Gratianus in cap. Futuram 12. q. 1. elicitur inde Ecclesiasticos Principi temporali subditos non esse: siquidem hoc excessui



Imperatoris illius erga Ecclesiam benigno & pio adscribendum est, non autem quòd verè sic sentiret: cum præsertim si quod Constantinus dixit, verum esset, nec Ecclesiastici Præfulum suorum iudicium subire possent, dicendo, [ad Dei iudicium referuamini,] quod esset erroris grauissimi: Sūt igitur Ecclesiastici omnes, & seculares, de iure diuino, Principi seculari subditi. [Omnis anima potestatibus sublimioribus subdita sit:] nec deest ratio, quandoquidem sicut nullus ab obedientia quam Deo debet, immunis est, ita nec ab ea quæ Principi debetur, quia vt subdit Apostolus, [omnis potestas est à Deo:] hinc à Dauide Propheta Reges & Principes seculares, Dij appellantur: Deus stetit in synagoga Deorum, in medio autem Deos diiudicat: siquidem vt Rex Iosaphat exponit lib. 2. Paralip. cap. 19. iudices seculares non hominum sed Dei iudicia exercent. Hunc ipsum locum de Principibus secularibus citat Christus Ioh. 10. confirmatque Deorum nomen ipsis competere: si illos dixit Deos ad quos sermo Dei factus est, vt doctè notat Cardinalis Bellarminus cap. 3. libri quem scribit de laicis. Pergit Apostolus, & ait: [Qui potestati resistit, Dei ordinationi resistit.] Ecce autoritatē quam habent Principes temporales, ferendi leges de omni materia, quæque singulos obstringant, iuxta illud quod in Salomonis Prouerbiis legitur, vbi Deus ait, Per me reges regnant, & legum conditores iusta decernunt. Hinc factum vt Christianissimi Imperatores Iustinianus & Theodosius, multas tulerint leges ad homines Ecclesiasticos, bona, & disciplinam Ecclesiasticam, spectantes, sub titulis, [De Episcopis & Clericis, de sacrosanctis Ecclesiis &c.] His legibus iubet Apo-

## DOCTORIS.

91

bet Apostolus ut omnes pareant, nec quisquam eis obſiſtat, qui enim hoc faciunt, ſibi damnationem acquirunt: id eſt lethale peccatum committunt, in quo ſi morentur, æternis inferorum flammis addiſti forent. Prætereà iubet Apoſtolus ut Principi ab omnibus tributum ſoluatur, qui enim hoc Principi ſoluit, Deo ſoluit: [Cui vectigal, vectigal, cui tributum, tributum, ſunt enim Miniſtri Dei ad tributa.] Quem locum explicans Angelicus Doctor S. Thomas Aquinas, omnium Theologorum magiſter, Sol vnicus ſcholæ Catholicæ ait Clericos ſi à tributo ſint immunes, hoc habere, non ut quiſpiam putaret, de iure diuino, ſed ex priuilegio principū: & de Principibus ſecularibus loquitur. Tandem cum D. Paulo concludo de authoritate Principis: [Non enim ſine cauſa gladium portat: Dei enim miniſter eſt ad vindictam.] Ecce Principis ſecularis authoritatem puniendi pœna ſanguinis. Quam à Deo non habentes Præſules Eccleſiaſtici, poſtquàm clericos reos gradu ſpoliarunt, eoſque dignitate clericali indignos declararunt, vlteriùs nil moliuntur, ſed ut morte puniantur tradunt eos brachio ſeculari. Et ne quis putet Apoſtoli verba eſſe conſilij non præcepti loco, ut totum hoc ſtabiliat, ait, [Ideo neceſſitate ſubditi eſtote, non ſolùm propter iram, ſed etiam propter conſcientiam,] aded ut ratione conſcientiæ Principi ſeculari parère teneamur, in omnibus iis quæ ſuprà diximus, à D. Paulo Apoſtolo edocti.

## PROPOSITIO II.

**C**hriftus Saluator noſter, quamuis ut Dei Filius, Patri æqualis, ſit rex regum & dominus

dominantium, atramen cū carne nostra mortali indutus esset, tam ante mortem, quā post. sanctissimam resurrectionem, Principis temporalis potestatem non exercuit, regnum temporale non habuit, vt dixit Pilato, [Rex es tu? Tu dicis,] inquit, sed aduerte quod licet Rex sim, tamē [Regnum meum non est de hoc mūdo,] hoc est temporale. Propter eā quum turbæ quas per miraculum quinque panibus ac duobus piscibus saturauerat, ipsum Regem creare vellent, aufugit, ne raperent, & facerent ipsum Regem. Iudicium ferre de quopiam noluit, unde iis, qui volebant vt de ipsorum controuersia aliquid decerneret, respondit, [Quis me constituit Iudicem super vos?] Quinetiam Pilatum, Cæsaris ministrum, iudicem suum agnouit, [Non haberes in me potestatem nisi tibi data esset desuper,] vt notat D. Thomas in epist. ad Romanos: tandem iussit vt Principi seculari, nempe Cæsari, tributum solueretur: [Reddite quæ sunt Cæsaris, Cæsari.]

Quidam sede huic nostræ propositioni opponunt, dicentes Christum, licet suo & D. Petri nomine Cæsari tributum soluerit, dixisse tamen se ad id non teneri, [Nunquid filij debent soluere tributū?] quibus verbis Principis temporalis auctoritatem ostendit, qui est à tributo immunis. Huic dubio respondetur indigenas, vt aiunt Doctores quidam, filiorum nomine designatos, huic tributo minime obstrictos fuisse: cūque ipse & D. Petrus ex ea regione ortum ducerent, ideo affirmauit ipsos non teneri persolvere, aut potius ob sanctissimam suam diuinitatem innuere voluit se vt Dei filium ad tributum illud non teneri. Verū, quia hanc reddere causam, sublime nimis erat & occultum sacramentum,

cuius

## DOCTORIS.

93

cuius illi Principis exactores capaces non erant, ideo dixit, [sed ne scandalizentur:] vnde constat quanti duxerit Saluator secularis Principis ministris scandalum non præbere, veram & realem, sed ab ipsis non intellectam immunitatem adducendo. Alij vt huic propositioni contradicant, aiunt Christum eiecisse euentes & vendentes à templo, sed id zelo fecit ceu Propheta, vnde ad hanc rem citat Euangelista Davidis verba, [zelus domus tue comedit me.] Alij dicunt ipsum quando discipulos misit vt asinam & pullum adducerent, iniunxisse illis, vt hero dice: et, [quia Dominus his opus habet:] id est toti mundi Dominus. Sed hic locus ita non est intelligendus vt inde Principis autoritas eliciatur: verum vt innuatur cœli & terræ Dominum adeo modis omnibus pauperem fuisse, vt ipsum animalia illa mutuò petere oportuerit, sicut Doctores exponunt. Nec ratio deest, nam si Principis autoritate vti voluisset, non dixisset [his opus habet,] sed [quia Dominus ita præcipit], aliòve modo. Tandem qui hanc nostram Propositionem probatu difficilem iudicât, dicunt omnes, Christum, quando triumphans die Palmarum, in Ierosolymam intrauit, Principis temporalis auctoritatem exercuisse: vnde Euangelista Prophetiam citat, [Ecce Rex tuus venit tibi, mansuetus sedens super asinam, & super pulum filium asinæ.] Sed rem attentè perpendenti demum innotescit Saluatorem, licet promissus esset Rex & Messias, dum tamen vili hoc abiectoque modo Ierosolymam ingrederetur, Principis temporalis auctoritatem non exercuisse, quin potius significasse Regnum suum non esse (vt Pilato dixit) de hoc mundo, at spirituale & æternum: etenim Reges

temporales alio apparatu Regnorum suorum ciuitates ingrediuntur, quàm quod Christus, qui Ierosolymam pauperimè est ingressus, [sedens super asinam & pullum filium asinæ.]

## PROPOSITIO III.

**Q**Vandoquidē Dominus noster Iesus Christus Principis tēporalis autoritatē nō exercuit, dicēdū nō est ipsum D. Petro, eiusque successoribus autoritatē hāc reliquisse, qui sunt ipsius Vicarij, cum Vicarius suo Principe nō sit maior. Idēo Sotus lib. 4. Sententiarū, de hac agens materia, & Cardinalis Bellarminus de autoritate Papæ, benè dicunt se Canonistas mirari, quòd absque vlla ratione, vel Noui Testamenti autoritate affirmare ausi sint Papam esse Dominum totius orbis directè in temporalibus: quæ doctrina vana est & cum scandalo. Scio equidem nonnullos citare, præter Canones, qui ceu leges humanæ diuinarum respectu parem dignitatem habere non possunt, citare, inquam, D. Thomam Aquinatem de Regimine Principum, qui cap. 10. & 19. eius libri dicit Summum pontificem esse Dominum totius orbis in temporalibus & spiritualibus: sed ille liber non est D. Thomæ, vtrū rectè ostendit Cardinalis Bellarminus lib. de potestate papæ: quia præter certissimas alias coniecturas hæc vna est quòd lib. 3. cap. 20. successionis meminerit Adolphi Imperatoris, post Rudolphum, & successionis Alberti post Adolphum, quæ contingere prima quidem anno 1292. altera anno 1299. & D. Thomas obiit anno 1274. Citant insuper alium locum D. Thomæ, lib. 2. Sententiarum, Distinct. 44. ubi ait

vbi ait [esse in summo Pontifice apicem vtriusque potestatis, temporalis, & spiritualis:] qui textum legit, secus D. Thomam sensisse agnoscit: siquidem vbi dixit in temporalibus parendum potius Principi temporali, quàm spirituali, & in merè spiritualibus spirituali potiùs quàm temporali, concludit nisi esset summus Pontifex, cui, cùm in suis prouinciis vtramque habeat iurisdictionem, proprii subditi non minùs hoc quàm illo modo parère debent. Quidam ad huius nostræ propositionis robur infirmandum dicunt Alexandrum VI. Pontificem Indiarum Hispaniæ & Portugalliæ Regibus distribuisse, quoniam ipse ceu Christi Vicarius earum naturalis erat Princeps temporalis, & ob eandem causam Leonem III. Occidentis Imperium Carolo Magno concessisse. Sed hi toto cœlo aberrant. Nam Alexander, non tanquam Indiarum Dominus, sed vt Iudex compromissarius, à dictis Regibus electus, vt dissidiorum facem sopiret ac penitus extingueret, iudicio decrevit vt bipartita essent maria, atq; vt vnus Regis classis in altero mari, alterius in reliquo nauigaret, omnèque id quod alteruter iure belli cōquireret, suum esset, iuxta diuisionem ab ipso factam, vt illorum temporum historici narrant: De Leone III. verum est ipsum, vbi à populo Romano de Sede expulsus posteaque à Carolo Magno denudò admissus esset effecisse vt eum populus Imperatorem proclamaret, vt ait Platina. Quam rem historici nunc populo Romano adscribunt, qui Imperium à Græcis malè administrari videns, alium Iure antiquo imperatorem elegit: nunc Carolum cùm rerum esset dominus, titulum ab Irene & Nicephoro Imperatore emisse dicunt: vel etiam Ire-

## RESPONSIO

nem & Nicephorum huic diuisioni acquieuisse. Vt ut sit, certum est Pontificem, qui è Sede expul-  
sus erat, nec possidebat quicquam, Occidentis Im-  
perium Carolo non dedisse, qui iam ipsum obti-  
nebat, eiusque erat dominus iure belli. An verò  
absolutè titulum ipsi concesserit, incertum est: licet  
ad hoc & id genus alia quæ aduersus propositionē  
nostrā adduci possunt, respōderi debeat, Pontificem  
cū autoritatē à Christo in tēporalib⁹ nō habuerit,  
vt dictū est, & in sequenti propositione clarius dice-  
tur, si autoritatē illā exercuerit, vel id fecisse ex legi-  
timorū dominorum consensu, vel quòd ipse pote-  
statem etiam aliquam temporalem haberet, vno è  
quatuor modis supradictis: verū non ob id pro-  
batur ipsum autoritatem habuisse directē in tem-  
poralibus à Christo Salvatore nostro. Præterea  
multa fiunt à quibusdam, de quibus si queratur quo  
iure fiant, non sit inuentu facile.

## PROPOSITIO IV.

**A**uthoritas à Christo Salvatore nostro sub cla-  
uium metaphora D. Petro promissa, est merè  
Spiritualis, [Tibi dabo clauēs Regni cœlorū,] non  
dicit [Regni terrarū:] docetque id ratio quod in Ec-  
clesiæ hymno legitur: [Nō eripit mortalia: Qui re-  
gna dat cœlestia:] Nam regnū temporale & Monar-  
chia quo pacto administranda forent, iam ab ipso  
mundi initio statutum erat autoritate summi or-  
bis Monarchæ, De: adeò vt Christus Sāuator no-  
ster Monarchiam temporalem non stabilierit: su-  
perest igitur vt dicamus, illum spirituales erectis-  
se: quod apud D. Iohannem manifestò, apparet,  
cap. 20.

DOCTORIS.

97

cap. 20, ubi postquam dixisset, [Data est mihi omnis potestas in cælo, & in terra:] eam omni ratione Apostolis vnâ cum D. Petro limitatâ concedit: [Insufflauit in eos, & dixit, accipite Spiritum Sanctum, quorum remiseritis peccata remittuntur eis, & quorum retinueritis, retenta sunt:] quo loco & ex eo quod facit Christus, & è verbis quæ profert, elicitor summi Pontificis authoritatem Spiritualem esse, & super peccato, & in animas tantum, iuxta verba precis Ecclesiæ ad Petrum, [Qui beato Petro potestatem animas ligandi, atque soluendi tradidisti:] quæ limitata est, vt dixi: quin etiam authoritas excommunicandi concessa eidem D. Petro, est conditionalis, Matth. 18. Si peccauerit in te frater tuus, & Ecclesiam non audierit, sit tibi sicut ethnicus & publicanus. Quo loco Saluator excommunicandi authoritatem concedit, verum peccato, & in eo per tinaciâ præsuppositis.

PROPOSITIO V.

**L**icet aliqui nescio quo fundamento nixi, afferant, personas & bona Ecclesiastica à Principis secularis potestate immunia esse, de iure diuino, contraria tamen opinio, esse videlicet tantum de iure humano, est melior, & sacris literis, Sanctorum Patrum dictis, atque historiis magis consona: nam præter id quod in prima Propositione diximus, Sacerdotes nepe in veteri lege Principi seculari subiectos fuisse: ac præter hoc quod Salomo Abiatar summo inter Hebræos sacerdotio spoliavit, vt 3. Regum, c. 2. legitur: tempore primitiæ Ecclesiæ vsque ad Iustinianum Imperatorem, non legitur in iure priuile-



gium vllum immunitatis Ecclesiasticis cōcessa. D. Paulus dixit, ad tribunal Cæsaris sto, Cæsarem appello: & vt Sexcenta alia exempla dimittam, legitur in vita Ottonis primi Imperatoris Christianiss. ipsum auctoritate propria deposuisse Iohannem Pontificem XII. quod esset pessimus: & si immunitas est de iure diuino, cur Pontifex Hadrianus primus vult vt Carolus Magnus potestatem habeat Romanum Pontificem eligendi, cap. Hadrianus? quod etiam fecit Leo VIII. in gratiam Ottonis primi, vt legitur in eadem distinctione, quæ est 63. in Synodo. Hæc doctrina non solum est D. Pauli, vt in prima propositione probauimus, sed etiam D. Iohannis Chrysostomi, D. Thomæ Aquinatis, Sorij, Theologi præstantissimi, distinct. 25. lib. 4. Sentent. Couarruiæ excellentissimi Canonistæ, cap. 31. Præctarum questionum, qui citat pro se Innocentium III. Pontificem, Alciatum, Ferrariensem, Medinam, & alios: atque hi duo Doctores, Sorus nempe & Couarruias, in particulari hoc negotio magni fieri debent, quoniam vterque post Concilium Tridentinum scripsit: ipsorumque demonstratio est efficacissima: nam præter affirmatiuam auctoritatem D. Pauli, D. Iohannis Chrysost. D. Thomæ, præter ecclesiæ primitiue institutum, duo etiam validissima argumenta negatiua adferunt: nempe, Si Clerici & bona Ecclesiastica sint immunia de iure diuino, vbi hoc ius legitur? in quo Evangelio, in qua epistola apostolica, in quo Noui, aut etiam Veteris Testamenti libro? Alterum argumentum est nullum secularem Principem Christianum, qui sui Principatus quieti ac bonæ gubernationi studeat, ad hoc respicere, sed permittere vt Ecclesiastici immuni-

DOCTORIS.

99

muneribus iis fruuntur, quibus ipse vult eos frui; quibus verò non vult, non permittere vt fruantur: Et quamuis nonnulli per legem humanam Canonem intelligant; nihilominus tamen quantum ex primæ propositionis doctrina colligi potest; Privilegium Principis debet intelligi, aut consuetudo ab ipso Principe dissimulata, aut Canon receptus; qui non est supra ius diuinum: adeò vt cum secularis Princeps potestatem habeat in subditos suos de iure diuino, nesciam quí possit hæc potestas eidem imminui, vel à Canone auferri, quod est ius humanum, iuxta tritam Jurisconsultorum regulam, quod quotiescunque concurrunt duo iura, minus debet cedere maiori.

PROPOSITIO VI.

**D**Vm Venetiarum Princeps, legitimus & naturalis suæ ditionis Dominus, qui alium in temporalibus superiorem nunquam agnouit; Deo excepto, leges constituit de bonis Ecclesiasticis quæ suo Dominio subiacent; ac punit Ecclesiasticos in gravibus & atrocibus delictis, nec non de bonis quæ nondum Ecclesiasticis adscripta sunt, decernit; pro auctoritate quam immediatè habet à Deo, quæ se nūquam spoliavit, vel concessio privilegio; vel canone recepto, imò quam possidet ab immemorable multorum seculorum; ne dum annorum consuetudinē, non peccat. Ratio est, quia, Qui non facit contra aliquam legem, non peccat: minus debet dici peccare, qui seruat legem, & præterea; qui retinet quod suum est, non peccat: nec cogi debet vt eorum opinionem sequatur qui iurisdictionem de iure diuino esse volunt: etenim Christianus omnis

Gg. ij

in eligenda opinione quam sequatur, liber est, modò sit Catholica, quinimò Doctoris alicuius opinionem contra reliquum vulgus amplecti, non est peccatum, vt rectè Nauarrus probat in suis præludiis: ergo peccatum non erit, D. Pauli, ac tot tantorumque Doctorum in prima & quinta propositione citatorum, doctrinam amplecti: quin etiam, vt verum dicam, eos excusare nequeo, qui immunitatem Ecclesiasticam putant esse de iure diuino, videnturque mihi modò nulla ratione nixi, modò parùm oculati, modò nimis temerarij, modò nimis adulatores.

## PROPOSITIO VII.

**D**Vm Serenissimæ Respublica non est rea, nec peccat id faciens quod superiori propositione dictum est, si à summo Pontifice Paulo V. in monitorio censurarum ab ipso promulgatarum, excommunicetur, si loca sacra inhi-beantur &c. decretum nullius est momenti: non solùm de iure positiuo, quòd ordo à Canone præscriptus de sententia excommunicationis in 6. seruatus non fuerit, vt in Manifesto legitur, sed etiam de iure diuino: nam conditionalis est excommunicandi potestas, [si peccauerit in te frater tuus:] ad eò vt vbi nò est peccatum, non habeat locum excommunicatio, sitque decretum aduersus eum qui non peccauit, vanum ex defectu materiæ; ne quis autem quantumuis habetis ingenij, putet, Serenissimam Rempubl. licèt, vt suprà est probatum, non peccarit, neque peccet retinendo quod suum est, peccare nihilominus dū Pontifici obedire non vult, ac in sententia sua permanet: enim uerò in sententia laudabili constantia, non

non est pertinacia , & qui non peccauit , rebellis aut pertinax dici non debet : siquidem qui legem seruat, rem facit sanctissimam & meritoriam, quique in iis non paret quæ imperari sibi nequeunt, planè non peccat.

## PROPOSITIO VIII.

**V**erum est D. Gregorium Pontificem dicere, pastoris sententiam iustam iniustamve metuendam esse. Sed hoc ad rem non facit, quoniam inter Iudicis Ecclesiastici sententiam iniustam , & eam quæ nulla est, magnum adest discrimen, ut affirmant doctissimè Nauarrus de Censuris Ecclesiæ, cap. 27. & Sotus 4. Sent. distinct. 22. addentes iniustam timeri , sed vanam minimè obseruari debere: quocirca cum sint nullæ & fuitiles Censuræ , ut dictum est, à Summo Pontifice Paulo V. promulgatæ, quæ sunt instar scripturæ in aqua vel aëre, nimirum sine fundamento & materia , censeo eas, nec obseruandas esse , nec quicquam in Ecclesiâ vestra innouandum: nam licet Nauarrus loco cit. de inualida & fuitili excommunicatione differens, hæc dicat, [Sententi , subaudi Iudicis Ecclesiastici, inualida seu nulla, nihil aliud operatur in foro interiori, siue exteriori , quàm quod obligat excommunicatum ad seruandum eam, quoad populus sibi persuadeat, vel persuadere debeat causas nullitatis propter scandalum: ] nihilominus tamen hæc doctrina mihi valdè fauet: Siquidem toti populo Veneto nota est inutilitatis causa, & si cui non esset, ex eo quod omnibus edicto suo declarauit Serenissimus Princeps, innotescere deberet: adèd ut non modò non sit scandalum metuendum, quin potius dicam quæ Religiosos quosdam excusare non posse, qui siue igno-

tantia, aliòve prauo affectu peccèt, Civitate excede-  
 re maluerūt, quàm in sacramentis administrandis  
 pergere, sicuti in publicum & religionis bonum  
 ipsis à Principe iniungebatur : quo quidem facto  
 omnes scandalizarunt, quia ipsi sibi fuerunt lex, nec  
 ab Ecclesia Cathedrali, aliisque omnibus anti-  
 quissimis & sanctissimis ordinibus religiosis  
 exemplum sumere voluerunt, quibus cum Christo  
 dicam fore melius ut suspenderentur molæ asina-  
 riæ in colla eorum, ut non scandalizarent pusillos  
 istos. Præterea Principis sui naturalis libertatem  
 defendere, qui fouet & conservat populo pacem,  
 libertatem, religionem, est de iure naturæ, hoc est  
 diuino, & Ecclesiastica decreta sunt de iure positi-  
 uo, quod illi cedere debet, multoque magis quan-  
 do constat de nullitate : vnde quidam hallucinan-  
 tur existimantes hanc controversiam esse de fide,  
 cum sit duntaxat de maioribus, & si quid sit in sa-  
 cris literis expressum, quod quidem rem de fi-  
 de constitueret, est Serenissimæ Reipubl. senten-  
 tia, quæ expressè à D. Paulo docetur : Itaque, mi Do-  
 mine, perge modò in celebrando, communicando,  
 iisque omnibus faciendis, quæ in Ecclesia vestra an-  
 te dictarum Censurarum promulgationem fiebant, nō  
 solum quia te sic statuisse scribis, sed ut scandalum  
 vites, tam quia [sententia nulla, minimè est obser-  
 vanda cum constat de nullitate,] quàm ut te à tuo  
 capite, Principe videlicet non separe, in iurisdic-  
 tionis controversiis absque vlla ratione, quin-  
 etiam existimo ob eandem causam, eum qui die sal-  
 tem festo Missæ non intererit, peccaturum : nam re-  
 linquet eam sine legitima vlla causa, cum sententia  
 nulla sit, & Missa ubique celebretur. Noli agnosce-  
 re timo-

re timorem, vbi timor non est: noli trepidare vbi non est timor: ne committe vt dicatur te Principi tuo ac Serenissimæ Reipublicæ, fidem non semper seruasse, [ filij matris meæ pugnaverunt contra me: ] sed enitere vt apostolico præcepto pareas, [ Omnis anima potestatibus sublimioribus subdita sit, non solum propter iram, sed etiam propter conscientiam. ] Hæc dico non quod de constantia tua dubitem, cum certò sciam te, non minus aliis omnibus huiusce Ciuitatis, vitæ pro tuo Principe exponendæ paratissimum esse: verum, vt ipsius causæ æquitas, quæ tibi est manifesta, multo magis hoc meo responso tibi innotescat. Tandem scias velim Dominos Venetos quamuis sub capitali pœna iusserint vt Religiosi omnes apertas habeant Ecclesias, & vt antea, in celebratione pergant, hoc non fecisse veritos ne qui sunt bene affecti, veramque doctrinam sequuntur, qui sunt ferè omnes, secus essent facturi quàm fecerint, pergentes in celebratione, diuinorumque omnium ministeriorum exercitatione: verum ne quis isthæc vano quodam metu defereret in ea ciuitate quæ semper Catholica fuit, & nunc si aliàs vnquam, se talem profitetur: Ea propter ferre non vult, vt in pietatis exercitiis vlla mutatio appareat, vel vt eorundem intermissio cuiuspiam sese præcipitandi ansam præbeat, cui malo pro Ecclesiæ conseruatione Princeps omnibus modis de iure diuino mederi tenetur. Multas alias authoritates, & rationes in hoc tractatu pro me adducere potuissem, sed propter accelerationem quam requiris, & studio breuitatis, eas omitto, amplâ huius materiæ tractatione mihi reseruans, libro peculiari quem latinè statim in lucem

mittam, de suprema Principis secularis autoritate. Interim moneo ut solidissimi Doctoris Nauarri doctrinam legas, qui in omnibus iis quæ superius dicta sunt, pro nobis facit: Speciatim verò cap. no-  
 uit de Iudicijs Notab. 3. & in Manuali cap. 27. de Censuris, atque ne pericliteris ut in tutissimum notabilis illius doctrinæ portû te recipias, Ecclesiasticos omnes si immunitate quapiam fruuntur, ea non frui de iure diuino, sed ex priuilegio Principum, qui pro suo arbitrio dicta priuilegia reuocare, minuere, augere possunt, quum id faciendi rationes nouæ adferuntur pro subditorum Dominiorum utilitate, quo pacto Summus Pontifex facit in priuilegijs Indulgentiarum aliarumque rerum à spirituali ipsius autoritate pendentium, quæ ipse prout libet, modò tollit, modò minuit, modò auget: quia verò doctrina quam attuli, non mea est, sed tota quantacunque est à Sanctorum & Catholicorum Doctorum libris hausta, in eius confirmationem nil aliud in præsentiarum adducam. Dominus noster te soletur.

FINIS.

RESP.

RESPONSIO  
CARD. BELLARMINI  
AD LIBELLVM  
INSCRIPTVM

Responsio Doctoris Theologi, ad epistolam sibi scriptam à Reuerendo amico suo, de Monitorio Censurarum à Sanctitate Pauli V. promulgatarum contra Dominos Venetos.



ROMÆ  
Apud Gulielmum Facciottum M. DCVI.  
*Cum licentia Superiorum.*







RESPONSIO  
 CARD. BELLARMINI,  
 AD EPISTOLAM  
 SINE AVTHORIS  
 NOMINE,

*De monitorio Censurarum à Sanctitate Pauli V.  
 promulgatarum contra Dēminos  
 Venetos.*

**N**OVA isthæc libertas edendi Venetiis libros, sine nomine, sine superioris Ecclesiastici licentia, nec tempore nec Typographiæ loco expressis, manifestum est indicium, inobedientiam cum evidenti fidei periculo, indies magis magisque crescere. Non enim aliam ob causam sacrum generale Concilium Tridentinum sess. 4. sub pœna excommunicationis statuit, ne libri sacris de rebus imprimantur, sine nomine Authoris, sine ordinarij approbatione, eaque in frontispicio libri apposita, quam ut aditus hæresibus occludatur, quæ eiusmodi libris rectissimo itinere in ciuitates & provincias introduci solent. Quisquis itaque hoc tempore aspicit Venetias flocci pendere authoritatem sacri Concilij, excommunicationem ab eo combinatam, & præsens periculum hæresis, augeri porro indies libros erroribus plenissi-

mos, sine nomine authorum, sine vlla approbatione, quid inferat aliud, quam ciuitatem illam peste & luc hæretica (quæ non solum animæ, cui fundamentum salutis aufert perniciofa, sed etiam totius status perturbatio, & ruina est) sensim breuique tempore infectum iri. Sed quia hac rerum conditione aliud remedium & efficacius adferre non possum, illud quamquam exiguum non intermittam, & refutabo eius farinæ libellos, qui ad manus meas peruenerint, sperans alios & me doctiores id ipsum facturos, & quod non peruenerit vna responsio, perueniet alia, & eodem sanctæ charitatis spiritu fratribus nostris opitulari conabimur, orantes omnipotentem Deum, vt oculis misericordiæ aspicere velit eos, qui se iusto eius iudicio in sensum reprobam datos ostendunt.

Incidit in manus meas libellus cuiusdam, qui se Theologiæ Doctorem nominat, & respondet, aut saltem fingit se respondere amico cuidam sacerdoti, à quo interrogatus fuerat, an censura à Paulo V. aduersus Venetos publicatæ validæ an inualidæ sint, & vtrum non obstantibus istis, liceat sibi in sua Ecclesia celebrare diuina mysteria, administrare sacramenta, prout antea solitus fuerat. Respondet verò, supradictas censuras & nullas & inualidas esse: ac proinde sacerdotes Venetos, & alios eiusdem dominij, posse vt antea solebant, illasâ conscientia operari sacris, diuina officia peragere, administrare sacramenta. Quo vero procedat Theologicè (vt ipse inquit) reuocat torâ hanc materiam ad octo propositiones. Has singulas fideliter proponemus, & ad singulas subiungemus responsionem, occasionem daturi hominibus iudicio præditis, vt considerent,

## CARDIN. BELLARMINI. 109

derent, Theologus ne sit Doctor iste, an potius seductor: & ut conqueri nequeat, à nobis aliquid prætermissum esse, verba quoque ipsius subiungemus.

## PRIMA PROPOSITIO AVTHORIS.

[ Potestas quam habent Principes sæculares, immo & ipse Pontifex tanquam Princeps temporalis statuum & provinciarum, quas possidet, est ipsis à Deo immediatè absque vlla exceptione concessa. Pro intelligentia & explicatione huius propositionis advertendum est, de iure gentium dominium & servitutem, imperium Principis, & obedientiam subditi, quattuor modis introducta esse, scilicet electione, hereditate, donatione, aut iure belli; ideoque omnes ij Principes, qui vno quattuor horum modorum ad thronum principatus euecti sunt, aut cum hoc tempore possident, legitimi & iusti sunt domini. Tales dico qui potestatem habent à Deo imperandi, condendi leges, exigendi tributa, iudicandi, plectendi & castigandi subditos absque vlla exceptione. ]

## RESPONSIO.

Prima hæc propositio evidentissimos duos errores continet. Primus est in verbo immediatè, secundus in alio, sine exceptione. Ordiam à secundo, quia manifestior est. Si verbum hoc sine exceptione intelligatur, sine exceptione subditorum erronea est. In clericos enim, Principes sæculares potestatem non habent, cum ad minus iure humano sint exempti, sententia omnium authorum Catholicorum, licet etiam exempti sint iure diuino, ut inferius dicemus. Si autem intelligatur sine exceptione potestatis, propositio hæretica est, nulla enim potestas

est Principis vltius Christiani, quæ potestati vicarij Christi aliquo modo subiecta non sit, cum vicarius Christi sit pastor vniuersalis, caput omnium Christianorum, siue Principes ij, siue priuati sint. Si intelligatur sine exceptione rerum & negotiorum, propositio similiter hæretica est, secundum enim sacras scripturas, sacrorum Conciliorum decreta, res spirituales laicis subiectæ non sunt, sed solum Ecclesiasticis conueniunt hac in re omnes Doctores, tam Theologi quam Canonistæ. Adeo nunc alium errorem in verbo immediate. Hoc verbum bifariam intelligo: semel quod Principes, in quantum superiores habeant potestatem imperandi suis subditis, h. e. quod imperium obedientiæ sit immediatè à Deo, & hoc verum est, & à nemine negatur, neque enim superior erit, si imperare nequit, nec subditus, si ad obsequendum & obediendum non sit obligatus: hoc Deus in scripturis sacris iubet, hoc lumen naturale dicitur, vt quilibet subditus obediat suo superiori. Secundo quod Principes sæculares habeant à Deo immediatè pro subditis, hos aut illos populos v. g. Rex Christianissimus Gallos, Rex Catholicus Hispanos, Respublica Veneta, Venetos, & consequenter potestatem habeant in hos populos. Et hoc falsum est manifestè, & ipse huius libelli author ex propriis suis verbis hoc ipsum fatèri cogitur. Declarans enim, suam propositionem ait, quatuor modis acquiri principatus, electione, hæreditate, donatione, & iure belli, hoc est titulo iusti belli. Certum est autem hos titulos non esse diuinos, sed humanos. qui igitur hisce modis acquirit dominium & potestatem in hos vel illos populos, non habet potestatem à Deo immediatè, sed interueniente

## CARD. BELLARMINI. III

te electione, vt Imperator aut Rex Polonia, aut successione hæreditaria, vt Hispania, & Franciæ Reges, aut donatione, vt sunt Feudatarij Principes, aut bello iusto, vt olim Godefridus & alij Domini terram sanctam acquisierunt. Ac proinde qui à Rege Christianissimo sciscitaretur: quo iure Franciam possideat, non respondebit iure diuino, sed titulo successionis hæreditariæ, & qui Ducem Venetum roga-  
ret, quo titulo suum principatum obtineat, non respondebit iure diuino, sed titulo electionis humanæ. Fit hinc conspicua differentia inter principatū Ecclesiasticum Papæ, & principatum Principum sæcularium & politicorum: quod Papa non solum titulo communi à Deo ordinato, vt superiores subditis suis imperent, præcipere & imperare possit, sed à Deo illi immediatè concessum sit, omnes Christianos pro subditis habere: & licet Papa à Cardinalibus eligatur, nihilominus ab ipsis potestatem non habet, sed à Deo, qui Petro, & in ipsius persona, omnibus successoribus eius dixit: *Pasce oues meas.* Quod quidem euidentissima ratione demonstrari potest. Papa enim à primatu apostolico, nullam provinciam, nullam ciuitatem, aut personam alienare potest, nec fieri potest, vt verus sit Papa, & non sit superior omnium Christianorum, & hoc ideo quia titulus potestatis suæ diuinus est. Reges autem & Principes possunt suos perdere, aut omnes, aut partem eorum, alienare ciuitates aut provincias, alteriue Principi subiicere, atque ita amittere potestatem, in has aut illas ciuitates & provincias, quia titulus potestatis eorū non est diuinus, sed humanus. Similiter nemo potest pontificiam potestatem imminuere, siue illud Collegium Cardina-

lium, siue Concilium generale, siue ipse Pontifex fit, cum enim potestas papalis à Deo originem trahat, immediatè arbitrio creaturarum subiecta non est. Contrarium videre est in Principatibus sæcularibus, sæpius diminui eorum potestatem, nonnunquam à populis, nonnunquam à Principibus superioribus, atque hunc in modum principatus monarchici, Respublicæ liberæ fiunt; & è contrario Respublicæ liberæ principatus monarchici; & hoc solum quod potestas horum non à Deo immediatè, sed ab hominibus descendat. Et si Principes sæculares non habent potestatem à Deo immediatè in laicos, multo minus in clericos habebunt, qui ut mox dicemus iure humano & diuino exempti sunt. Vera igitur propositio hæc erit. Principes sæculares non habent potestatem à Deo immediatè in laicos sibi subditos, sed per viam iusti tituli humani, in clericos autem in eorum districtibus habitantes, nec diuinam, nec humanam habent.

## A V T H O R.

[ Hæc doctrina non est mea, sed S. Apostoli Pauli, in epistola ad Romanos c. 13. imò ipsiusmet Spiritus sancti, qui per os eius locutus est, & penna eius scripsit. Verba autem Apostoli hæc sunt: Omnis anima potestatibus sublimioribus subdita sit, non est enim potestas nisi à Deo. In expositione huius loci S. Chrysostomus sic loquitur: Fecit hoc Apostolus, ut ostendat Christum, leges suas non ad hoc induxisse, ut politicas euerteret, sed ut ad melius institueret, ostendens quod istæ omnibus imperentur, & Monachis, & Sacerdotibus non solum sæcularibus, id quod statim in initio declarat: Omnis anima potestatibus sublimioribus subdita sit, etiam si Apostolus

## CARD. BELLARMINI. 113

stolus sit, etiamsi Euangelista, etiamsi Propheta, siue tandem quisquis fueris, nec tamen pietatem subuertit hæc subiectio. ]

## RESPONSIO

Authoritas S. Pauli c. 13. epist. ad Romanos loquitur de potestate vniuersali, & docet diuinum ordinem esse, vt subditus obediat superiori, non autem docet Principes seculares iure diuino immediate subiectas habere, has vel illas personas. Et verissimum est, omnem potestatem à Deo esse, sed quædam est immediate à Deo, qualis erat Moysis & Aaronis, & hoc tempore Pape: quædam vero mediante successione, aut electione aut alio titulo humano. Ad testimonium Sancti Ioannis Chrysostomi, supra Paulum respondeo: Sanctum Chrysostomum non dicere, Sacerdotes & Monachos, ob authoritatem S. Pauli obligatos esse ad obediendum Principibus sæcularibus, sed suis superioribus, qualescunque ij sint. Verum tamen est Ecclesiasticos obseruare debere leges illas ciuiles, quæ contrariæ non sunt Ecclesiasticis, & ob commercia laicis & clericis communia, necessariæ sunt; sic enim scribit Papa Nicolaus ad Imperatorem, in negotiis rerum sæcularium, siue temporalium Ecclesia vtitur legibus Imperialibus, nihilominus ad hanc obseruantiam legum Principum sæculariū Ecclesiastici obligati sunt tantum, quantum ad directionem, non quantum ad vim, scilicet vi rationis non legis. Exempli gratia. Si Princeps sæcularis pretium frumentis statuit, obligati sunt Ecclesiastici illud, pretio à Principe constituto, venundare, & emere, non quod hæc lege teneantur, sed quia obligati sunt ad emendum & vendendum illud iusto pretio, & in hoc loco

H j



ratio dicitur, illud esse pretium iustum, quod à Principe est constitutum. Si autem casu Ecclesiasticus aliquis eam legem non obseruet, ideo non est vocandus ad iudicium, nec puniendus à Principe laico, cuius subditus non est, sed solum à superiore Ecclesiastico.

## A V T H O R.

[Vnde in antiqua lege, licet Leuitæ habuerint Sacerdotem summum, id est, Aaronem, nihilominus in negotiis & iudiciis temporalibus subiiciebantur, Moyse Principi temporali eorum, vt bene probat Couarruias.]

## R E S P O N S I O.

Moyse erat summus Sacerdos vna cum Aarone, & per extraordinariam dispositionem maior erat ipso Aarone. Et quamuis Couarruias sit contrarius, plus sacræ scripturæ, & Sanctis Patribus ea in re credere oportet, quam Couarruiæ, qui in materia præsertim iurisdictionis nimis partialis visus est. Psalm. 98. dicitur aperte; Moyse & Aaron in Sacerdotibus eius, id est, Moyse & Aaron erant Sacerdotes Dei. Exodi c. 40. offert Moyse Deo incensum, quod principale erat officium summi Sacerdotis; Leuitici c. 8. consecrat Moyse, vt summus Sacerdos, fratrem suum Aaronem, filiosque eius Sacerdotes consecrat, sacrificiumque in eorum consecratione offert. Vnde doctissimus Philo Hebræus de vita Moyse 1.3. sub finem ait, Moysem & Pontificem, & Regem; & Prophetam fuisse. S. Gregorius Nazianzen. oratione habita coram Gregorio Nysseno, ait; Moyse Sacerdos erat Sacerdotum, & Princeps Principum. Et S. Augustinus q. 23. in Leuiticum, dicit ambos, Moysem & Aaronem Sacerdotes fuisse. Id ipsum

## CARD. BELLARMINI. 115

Idipsum repetit tractatu in Psalm. 98. Ita etiam S. Hieronymus l. i. contra Iovinianum, & ante hos omnes Dionysius Areopagita c. 5. de Ierarchia Eccl. Atque ita cum Moyses summus Sacerdos fuerit, mirum non est Leuitas, qui ea ætate Ecclesiastici erant, ei tanquam proprio iudici ac capiti fuisse subiectos.

## A V T H O R.

[ Et in primitiua Ecclesia non fuit distinctio fori. Fuit enim Iustinianus Imperator primus, qui ad preces Episcopi Constantinopolitani Ecclesiasticis concessit, ut in causis civilibus à suis Prælati iudicari possint, ipso tamen non impedito, quo in casu & in delictis criminalibus permittit, ut Ecclesiastici subiecti sint Principi, & ministris Principis temporalis, ut videre est in constitutione nouella Iustiniani Imperatoris. ]

## R E S P O N S I O.

Omnino contrarium reperio in scriptura & sacris Conciliis: tempore enim primitiue Ecclesie S. Paulus demonstrat quod Episcopus habeat suum tribunal, & iudicet suos subditos Ecclesiasticos, ut ex verbis c. 5. primæ epist. ad Timoth. Episc. Ephesinū apparet: aduersus Presbyteros accusationem, noli recipere, nisi sub duobus vel tribus testibus. Et in Cōcilio generali Calcedonensi, quod antequā natus fuit Iustinianus Imperator, celebratū est canone 9. ita habetur. Si clericus aduersus Clericum habet negotium non relinquat Episcopum suum, & ad secularia iudicia non recurat. Qua fronte ergo dicit nouus hic Theologus in primitiua Ecclesia fori distinctionē nō fuisse, & Iustinianū Imp. primū per misisse Ecclesiasticis, ut à suis iudicari possint prælati? Neq; solū Calcedonense Cōcilium, sed etiam

Agathēse can. 32. idipsum docet: Clericus ne quem-  
quā præsumat, apud sæcularem Iudicem Episco-  
po non permittente pulsare, & si pulsatus fuerit, nō  
respondeat, nec audeat criminale negotium in iudi-  
cio sæculari proponere, & concilium 3. Carthaginē-  
se, cētum triginta annis temporibus Iustiniani Im-  
peratoris antiquius, canone 4. Item placuit, quisquis  
Episcoporum, Presbyterorum, Diaconorum, seu  
Clericorum, si derelicto Ecclesiastico iudicio pu-  
blicis iudiciis purgari noluerit, etiam si pro ipso fue-  
rit prolata sententia, locum suum amittat, & hoc in  
criminali actione: in civili vero perdat quod euicit,  
&c. Concilium Mileuitanum similiter antiquissi-  
mum, vti Carthaginense quoque can. 19. dicit; pla-  
cuit vt quicumque ab Imperatore cognitionem iu-  
diciorum publicorū petierit, honore proprio pri-  
uetur. Ecce quam falsum sit, à tempore primum Iu-  
stiniani factam esse fori distinctionem, Verum quia  
Iustinianus magnam sibi vsurpabat authoritatem in  
iudicandis negotiis Ecclesiasticorum, ideo Menna  
Patriarcha Constantinopolitanus petijt ab Impe-  
ratore vt saltem Episcopis permitteret cognitio-  
nem causarum civilium, quod Imperator indulxit.  
Et verum esse Iustinianum nimiam sibi vsurpasse  
authoritatem clarè apparet, quia non solum ausus  
est clericis leges præscribere in negotiis temporalibus,  
sed etiam in spiritualibus, vt legenti titulum de  
sanctissimis Episcopis, & alium de sacrosanctis Ec-  
clesiis clarum fiet. Et multo dilucidius hæc de re  
nomocanon Photij; cum tamen omnes Theologi,  
& Canonistæ, quin & ipse Couarruias, doceant, iu-  
dicia negotiorum spiritualium, iure diuino solum  
ad Episcopos & Pontificem Summum tanquam  
supre-

## CARD. BELLARMINI. 117

supremum Iudicem pertinere. Vnde non solum ante, sed etiam post Iustiniani tempora, prohibent Concilia clericis, ne se à iudicibus sæcularibus iudicari permittant, vt videre est in Concilio Toletano tertio, canone 13. & aliis. Atque vt quilibet cognoscat, quam exiguum & fragile fundamentum, tum in ea constitutione nouella 83. (non 85. vt male author citat) struatur, attendendum est, Imperatorem in ea ipsa constitutione dicere, iudicem secularem, non posse punire Ecclesiasticum, nisi prius ab Episcopo dignitate clericali spoliatur; & utitur hisce verbis: prius hunc spoliari à Deo amabili Episcopo sacerdotali dignitate conuenit, & ita sub legum fieri manu. Si igitur Ecclesiasticus non est sub manu legum, id est, subiectus non est legibus sæcularibus, nisi prius ab Episcopo degradetur, quomodo igitur à Iudice sæculari iudicari potest, quamdiu clericalem dignitatem retinet. In ea etiam constitutione, ait is ipse Imperator. Leges imperiales non dedignari sacros canones. Cum igitur sacri canones decreuerint, Ecclesiasticos iudicandos esse à suis superioribus, quomodo poterit obseruari ea constitutio, quæ contrarium determinat? Adiungo demum, tam iniquam iudicatam fuisse hanc Iustiniani determinationem, vt Fridericus Imperator hanc & alias libertati Ecclesiasticæ contrarias Iustiniani constitutiones reuocarit. Ita enim legimus in prima eius constitutione. Sane infidelium quorundam & iniustorum à deo abundauit iniquitas, vt non dubitent contra Apostolicam disciplinam, & sacros Canones statuta sua confingere contra Ecclesiasticas personas, & Ecclesiasticam libertatem. Et paulo inferius: Item statuimus, vt nullus Ecclesiasticam per-

sonam in criminali vel civili quæstione; trahere ad iudicium sæculare præsumat contra constitutiones imperiales & canonicas sanctiones. Quod si fecerit actor à iure suo cadat, & iudicatum non teneat, & iudex sit tunc iudicandi potestate priuatus. Et multo ante Fridericum Imperatorem Basilius annullat legem quandam Nicephori Imperatoris contra libertatem Ecclesiasticam, dicens ex ea lege infinitas calamitates Reipublicæ contigisse. Legatur Balsamon in Nomocanonem Photij, vbi primum Canonem Concilij primi & secundi Constantinopolitani declarat, & hæc ad auctoritatem Iustiniani dicta sufficiant.

## A V T H O R.

[ Nec ideo quia Constantinus Magnus Imperator, cum ei processus nonnulli oblati fuissent, aduersus personas Ecclesiasticas, hæc verba dixerit, *ut à nemine iudicari potestis, quia ad Dei iudicium referuamini*, ut scribit Gratian. cap. Futuram. 22. quæst. 1. inde colligi debet, Ecclesiasticos Principi seculari subiectos non esse. Fuit enim hic excessus aliquis Imperatoris, ut se erga Ecclesiam, pium & benignum ostenderet, non quod reipsa ita sentiret. Si enim verum esset, quod Cōstantinus dixit, nec à suis Prælati Ecclesiastici iudicari possent, dicendo ad Dei iudicium referuamini, qui error grauissimus esset. ]

## R E S P O N S I O.

Eximiam sanè laudem Constantino Imperatori hic author attribuit, ut enim benignum & pium faciat, mendacem facit. Sed ut appareat quam hæc verba Cōstantini pio Principe digna sint, adscribemus de verbo ad verbum id, quod scribit Ruffinus

I. 10. histor. Ecclesiastic. c. 2. Dixit Constantinus ad Episcopos, Deus vos constituit Sacerdotes, & dedit vobis potestatem iudicandi nos, vos autem ab hominibus iudicari nō potestis, ideo inter vos expectate iudicium solius Dei, & quaestiones vestras reseruate ad illud examen: vos enim nobis tanquam Dij dati estis, & non est conueniens, vt homo iudicet Deos, sed solus ille de quo scriptum est. Deus stetit in Synagoga Deorum, in medio autem Deos diiudicat. Vbi notandum est, quod quemadmodum Principes saeculares Dij dicuntur respectu populi, vt paulò inferius videbimus ita Sacerdotes Deos esse respectu Laicorum etiam Principum, vt ait hic Constantinus, & ex hoc fundamento optime colligit Imperator, Sacerdotes posse iudicare, Imperatores autem non posse iudicare Sacerdotes. Si Imperator mundi, fatetur, se Sacerdotes pro Diis venerari, seque eos iudicare non posse, iudicari autem ab illis debere, quanto magis hoc verbis & facto fateri deberet Dux Venetus? Nec vero ex hoc sequitur Sacerdotes non posse iudicari à suis Prælatiis, sed potius contrarium. Superior enim semper Dei nomine & autoritate iudicat, à quo habet potestatem, immo Deus ipse mediantibus ministris iudicat. Atque ita dum Episcopus iudicat Ecclesiasticum inferiorem, aut Papa Episcopum, Deus est qui per ministrum suum iudicat. Ad hunc modum Constantinus ait, Episcopos, quia Dij sunt respectu laicorum, nō posse iudicari à laicis, qui homines sunt, & non Dij, respectu Sacerdotum.

Verum quod Deus solus iudicare debeat Episcopos, illud intelligitur mediantibus eis Vicariis. Quemadmodū etiam Principes saeculares respectu

hominum priuatorum, non possunt iudicari ab hominibus priuatis, sed solum à Deo mediantibus suis Vicariis, quales sunt Sacerdotes, & ideo Deus dicitur respectu Principis sæcularis, atque ita Moyse dixit Deus: Feci te Deum Pharaonis, vt ipsum iudices & castiges. Et quod verissimè Constantinus crediderit Papam Episcopos iudicare posse, apparet in negotio Cæciliani Episcopi Carthaginensis à Donatistis accusati, quem Constantinus non fuit ausus iudicare, sed remisit eum Romam ad Papam Melchiam, & licet sub finem ipse etiam Constantinus Imperator eandem causam iudicauerit, fecit hoc tantum ad confundendum Donatistas, & animo petendi veniam ab Episcopis, quod necessitate coactus in eam causam se immiscuerit, vt scribit Optatus Mileuitanus l. 1. contra Parmenianum, & S. Augustinus epist. 48. & epist. 162. & aliis.

## A V T H O R.

[Sunt igitur omnes, Ecclesiastici, & Sæculares, iure diuino subiecti Principibus sæcularibus: Omnis anima potestatibus sublimioribus subdita sit. Ratio autem est, quemadmodum enim nemo exceptus est ab obedientia Deo debita, ita nemo quoque exceptus est ab obedientia debita Principi, subiungit enim Apostolus, Omnis potestas à Deo est. Vnde Reges & Principes\* sæculares à Davide Propheta Dñi nominantur: Deus stetit in Synagoga Deorum, in medio autem Deos diiudicat. Vt enim explicat Iosaphat Rex Paralip. 2. capit. 19. Iudices sæculares non hominum sed Dei iudicia exercent. Hunc ipsum locum de Principibus sæcularibus loquendo citat Christus Ioannis 20. & confirmat

firmat illis convenire nomen Dei : Si illos dixi  
Deos, ad quos sermo Dei factus est, vt doctè notat  
Cardinalis Ballarminus c.3. de laicis.]

## RESPONSIO.

Si contrarium concluderetur ; nempe non sunt  
igitur Ecclesiastici, nec Sæculares de iure diuino  
subiecti Principi sæculari, sed sæculares solum de  
iure humano, Ecclesiastici vero nullo, optime ex  
præmissis deduceretur hæc conclusio, demonstra-  
uimus enim, Principes superiores euasisse, huius, vel  
illius populi iure humano non diuino. Et si hoc ve-  
rum non est, ostendat aduersarius locum aliquem  
scripturæ, ex quo colligi queat, Venetos, Padua-  
næ, Veronensis & aliarum similium ciuitatum Do-  
minos esse, & si de regno Cyprilis ageretur, quem  
titulum allegabunt? fortè textum aliquem scriptu-  
ræ? certum est eos non allegaturos alium, quam vel  
titulum donationis, vel antiquæ possessionis, aut si-  
miles res humanas. Et si nequeunt probare titulum  
in laicos Paduanos & Cyprum esse iuris diuini,  
quando monstrabunt illum in Ecclesiasticos sibi  
competere. Verum vltèrius pergo & assero, de iure  
diuino omnes laicos etiam Principes subiectos esse  
sacerdotibus, & ex ipso iure diuino, sacerdotes non  
esse subiectos Principibus laicis : vt paulo superius  
confessus est Constantinus Imperator. Quia secun-  
dum scripturam sacram, quæ est ius diuinum posi-  
tium, sacerdotes sunt Pastores, laici autem etiam  
Principes oues sunt: sacerdotes patres sunt, laici au-  
tem filij: & secundum lumen naturale, quod est ius  
diuinum naturale, ouicula subiecta est pastori, pa-  
stor autem non est subiectus ouiculæ: filius subie-



ctus est patri, pater autem non est subiectus filio. Et  
 elegantissima est comparatio, quam instituit inter  
 potestatem Ecclesiasticam & sæcularem Gregorius  
 Nazianzenus, oratione ad populum timore percul-  
 sum, & Principem irascentem, quam sequuntur  
 communiter sacri Theologi, & talis est. Quod  
 quemadmodum in homine ratio & caro est, quæ si-  
 mul unitæ componunt hominem, ita in sancta Ec-  
 clesia est potestas Ecclesiastica siue spiritualis, &  
 potestas sæcularis siue temporalis, ambæ compo-  
 nunt corpus mysticum Ecclesiæ. Et quemadmo-  
 dum in homine ratio superior est carne, caro au-  
 tem superior ratione non est, nisi quando ei rebel-  
 lis est, ratio manu ducit & regit carnem, eidemque  
 imperat, quandoque eandem ieiuniis & vigiliis do-  
 mar & castigat: caro autem nec ducit, nec regit, nec  
 imperat, nec castigat rationem: ita potestas spiri-  
 tualis superior est sæculari, atque ideo eam potest  
 ac debet dirigere, regere, eidemque imperare, &  
 pœnas infligere, dum malè operatur. Potestas au-  
 tem sæcularis spirituali superior non est, neque eam  
 dirigere nec regere potest, nihil eidem præscribere,  
 nihil pœnæ infligere, nisi de facto per rebellionem  
 & tyrannidem, ut quandoque etiam Principes gen-  
 tiles & hæretici fecerunt. Ad auctoritatem S. Pauli  
 respondimus supra, & verum est, omnem potesta-  
 tem à Deo esse, sed immediate, aut mediatè, &  
 quemadmodum nemo exceptus est ab obedientia  
 debita Deo, ita nemo exceptus est ab obedientia  
 debita Principi, quando subditus est eius Principis,  
 & in rebus in quibus subditus est. Verum est etiam  
 Principem in quantum Princeps est, locum Dei te-  
 nere, ac proinde illi ceu Deo obediendum esse in  
 rebus

rebus ad suam potestatem pertinentibus , vt ait S. Paulus in Epist. ad Ephes. cap. vlt. Serui obedite Dominis carnalibus sicut Christo. Et Cardinalis Bellarminus, quando scripsit, Principes sæculares vocare Deos in scriptura, fecit id ad confundendum hæreticos Anabaptistas , qui docent, in Ecclesia Dei non admittendos esse Principes sæculares , nec tribunalia, nec iudicia, neque similes status politicos. Et ipse is author, quemadmodum dixit , Principes sæculares respectu suorum subditorum Deos esse, ita quoque dixit , Sacerdotes Deos esse respectu Principum sæcularium. Videatur caput 7. lib. 1. de summo Pontifice, & alia similia loca: atque ideo si author voluisset imitari Cardinalem Bellarminum, debuisset vti doctrina sua aduersus hæreticos, & nõ contra Ecclesiam, sugendo venenum, ceu araneus ex flosculo, vnde apes mel exsugunt.

## A V T H O R.

[Pergit Apostolus, & dicit: Qui potestati resistit, Dei ordinationi resistit. Ecce auctoritatem, quam habent Principes sæculares, condendi leges in quacunque materia , quæ obligent omnes personas. Qua in re conformiter loquitur prouerbis Salomonis, vbi Deus sic ait: Per me Reges regnant , & legum conditores iusta decernunt. Hinc factum est, vt Christianissimi Imperatores, Iustinianus & Theodosius in codice multas leges, ad Ecclesiasticos, bona & disciplinam Ecclesiasticam pertinentes statuerint, sub titulis, de episcopis & clericis, de sacrosanctis Ecclesiis. Hisce legibus iubet Apostolus obediendum esse, non resistendum, qui e-

nim talibus resistent, ipsi sibi damnationem acquirunt, id est, committunt peccatum mortale, in quo si moriuntur, æternis barathri flammis ascribentur, &c.

## RESPONSIO.

Mirabilis est logica huius hominis, qui ex non locis conclusiones deducit. Et ubi vnquam Apostolus inquit, Principes sæculares posse statuere leges in quacumque materia, & quæ singulas personas obligent. Poterunt igitur Principes seculares statuere leges, de modo dicendi Missam, & officium diuinum, obligare sacerdotes, vt vxores ducant, & inuicem Breuiarij arma portent, & erunt omnes obligati ad obediendum, cum habeant potestatem statuendi leges in qualibet materia, quæ obligent singulas personas. Et quando Principes sæculares præcipiebant, vt omnes negarent Christum, sacrificarent Idolis, obligati erant Christiani sub pœna peccati mortalis obedire, dum enim Paulus præcipiebat, obediendum esse Principibus, Principes omnes infideles erant, & iuxta doctrinam noui huius Interpretis, ex præcepto Pauli deducitur, Principes sæculares habere potestatem condendi leges in qualibet materia, quæ omnes obligent. Nonne aduertis quot errores subpullulent ex verbis tuis? & nihilominus adiungis, conforme hoc esse prouerbis Salamonis non aduertens Salamonem contrarium planè asserere. Quia dum introducit sapientiam diuinam loquentem. Per me Reges regnant, & legum conditores iusta decernunt. Docet manifestè, solum leges iustas à sapientia diuina derivari, alias verò, quas sæpius Principes in rebus ad se non

non pertinentibus, aut in personas non subiectas, aut alio titulo iniunctas statuunt, à semetipsis facere, nec à Deo approbari. Ad hoc quod adiungit Iulianum ac Theodosium statuisse leges ad personas Ecclesiasticas, bona & disciplinam Ecclesiasticam pertinentes, responsum est, eos hac in re excessisse limites suæ potestatis. Et quando addis Apostolum velle huic legi obediendum esse, euentissimam & grauissimam falsitatem dicis. Loquitur enim Apostolus vniuersaliter, vt subditi obediant superioribus, & quando paulo inferius adducit exemplum Principum sæcularium, loquitur de Principibus, qui tunc infideles erant, atque adeo intelligi nō potest, Apostolū velle Christianos obedire eiusmodi Principibus, si loquamur de legibus ad cultū diuinum, & disciplinam Ecclesiasticam pertinentibus, sed solum in legibus ciuilibus, & de rebus temporalibus, quibus legibus oportebat Christianos obedire, vel ad euitandum scandalum, vel ad seruandam pacem & vnionem, ne videlicet gentiles sibi persuaderent legem Christianam gubernationi politicæ contrariam esse, &c.

## A V T H O R.

[Vtcrius præcipit Apostolus ob omnibus dandum esse tributum, qui enim Principi tributum dat, Deo dat, cui vectigal vectigal, cui tributum tributum. Sunt enim ministri Dei ad tributa. Quem locum explicās Angelicus Doctōr, S. Thomas Aquinas Magister omnium Theologorum, sol vnicus scholæ Christianæ, dicit, quod si clerici à tributo liberi sunt, hoc eos non habere iure diuino, vt quis-

quispiam sibi persuadere posset, sed ex priuilegio Principum, & loquitur de Principibus secularibus. Demum, de autoritate Principis cum S. Paulo concludo: Non enim sine causa gladium portat. Ecce autoritatem Principis sæcularis, vt possit punire pœna sanguinis. Quā quia Prælati nō habent à Deo, ideo postquam malefactores clericos degradarunt, & dignitatis clericalis inhabiles declararunt, ultra non pergunt, sed extrema morte afficiendos sæculari brachio tradunt. Et ne quispiam arbitrari possit, verba eius consilium & non præceptū continere ad stabilienda & confirmanda hæc omnia, adiungit Apostolus. Ideo necessitate subditi estote, nō solum propter iram, sed etiam propter conscientiam. Itā vt ex conscientia quoque in rebus omnibus supra dictis à S. Apostolo instructi teneamur obedire Principibus sæcularibus.

## RESPONSIO.

In his verbis primo notandum est, authorem pro placito & arbitrio suo scripturas effingere aut corrumpere. Nullibi enim in S. Paulo inuenitur ea sententia: Sunt enim ministri Dei ad tributa, nec etiā altera, Dei enim minister est ad vindictam. Et si bene eius ultimæ sensus adsit, nihilominus citanti scripturas licitum non est, eas mutare, aut alterare, si non est imperfectus sensus, vt est illius. Sunt enim ministri Dei ad tributa. S. Paulus enim non dicit Principes ministros Dei esse ad recipiendum tributum, sed ad procurandum publicam quietem, ita enim S. Chrysostomus, & alij Sancti hæc verba exponunt: Ministri enim Dei sunt in hoc ipsum seruientes.

uientes. Nec S. Thomas in quo author totam vim suam ponit, contrarium docet: ait enim tributum veluti stipendium esse, quod Principibus datur pro labore, quem habent in gubernandis populis: & certum est stipendium non dari Deo, atque ideo non sunt Principes ministri Dei ad recipiendum tributa, sed ad gubernandum populos. Vnde quando S. Thomas ait, hoc ipsum, id est, pro ipso, non significat pro Deo, sed pro recipiendo tributo seruientes, vbi author deceptus est. Quantum ad illud, quod postmodum author citat S. Thomam, ad probandum, Ecclesiasticos priuilegiis Principum exemptos esse à tributo dando. Hoc ipsum verè dicit S. Thomas, & congruenter historiis, vt paulo inferius dicemus. Illud autem non dicit S. Thomas, quod ipsi author adfingit, eos iure diuino hoc priuilegium non habere, sed potius contrarium, docet enim S. Thomas Principes suis priuilegiis exemisse Ecclesiasticos à tributo, quia hoc æquitati naturali consentaneum erat, volens dicere, in hoc Principes ius naturale, quod similiter diuinum est, confirmasse. Quantum ad vltimum, quod hic author neget, Ecclesiam habere potestatem puniendi poena mortis, nescio similia vbi legerit, nisi forte apud hæreticos VValdenses, Hussitas, Marsilium de Padua, & eiusmodi farinae homines, qui neutrum gladium Ecclesiam negabant habere. Verum est, Ecclesiam materiali gladio non vti, nec reos poena mortis afficere, verum non ideo quod nequeat, sed quia mansuetudini Ecclesiasticæ consentaneum nō videtur, atque ideo eiusmodi delinquentes ad iustitiam sæcularem remittit. Attende, si velis, San-

Cum Bernardum l. 8. de consideratione ad Eugenium sic loquentem. Vterque ergò Ecclesiæ & spiritualis scilicet gladius, & materialis, sed is quidem pro Ecclesia, ille verò & ab Ecclesia exercendus est. Ille sacerdotis, is militis manu, sed sanè ad nutum sacerdotis & iussum Imperatoris. Hoc est, vterque gladius & spiritualis & materialis Ecclesiæ, sed spiritualem Ecclesia manu sacerdotis, materialem autem manu militis, sed ad nutum sacerdotis exercet. Et hanc doctrinam Sancti Bernhardi authenticavit Papa Bonifacius in extrauaganti, vnam sanctam de maiestate & obedientia. Finit author dicens, Sanctum Paulum, dum ait, obediendum Principibus, non cōsiliū, sed præceptum dedisse: quod verum est, sed intelligi debet modo supra explicato, obedire nempe eos debere Principibus, qui sunt subiecti iusto titulo, & in negotiis iis, ad quæ eorum autoritas se extendit, vnde sequitur, Ecclesiasticos non esse obligatos ab obediendum Principibus secularibus, sunt enim exempti, sed solū laicos, & hoc quidem in negotiis civilibus & Deo non contrariis. Ex quibus videre licet, quātū hoc tempore Deum offendat Respublica Veneta, quæ non solū Ecclesiasticos in carceres coniicit, sed pariter laicos & Ecclesiasticos vi constringit, ne summi Pontificis interdictum obseruent, cum negotium hoc merè spirituale sit & Ecclesiasticum.

## PROPOSITIO SECVNDA AVTHORIS.

[Christus Saluator noster licet tanquam filius Dei æqualis Patri, Rex sit Regum, & Dominus dominantium, nihilominus cum vestitus esset carne nostra

## CARD. BELLARMINI 129

nostra mortali, nec ante mortē nec post sanctissimā eius resurrectionē, vñquā exercuit potestātē Principis tēporalis. Non habuit regnū temporale; vt dixit ad Pilatum: Rex es tu? tu dicis, respōdit. Verūm aduerte, licet Rex sim, nihilominus regnum meum non est de hoc mundo, id est, temporale. Ideō quando populi illi ab eo miratulosē quinque panibus & duobus piscibus pasti, eum Regem facere vōlebant, aufugit, ne raperent, & facerent eum Regem. Nec iudicare voluit, vnde cupientibus, vt sententiam in quadā eorum controuersia ferret, &c. respondit: Quid me constituat iudicem supra vos. Imō ministrum Cæsaris Pilatum pro suo iudice agnouit. Nō haberes in me potestatem, nisi tibi data esset desuper, vt notāt S. Thomas in epistola ad Romanos.

## RESPONSIO.

Hæc secunda propositio non est ad propositum præsentis negotij, in quo non de regnis temporalibus, sed de Ecclesiasticis sermo est, & solū valet ad significandū peruersum animū & errores authoris. Dico igitur verum esse, quod Christus, in quantum homo mortalis, non exercuerit in hoc mundo potestatem Principis secularis, venit enim, vt ipse ait, pati & seruire, mundum docere, rerum temporalium & honorum contemptum, & exemplo humilitatis & obedientiæ, monstrare superbis & inobedientibus viam paradisi. Filius hominis non venit ministrari, sed ministrare, & dare animam suam redemptionē pro multis, Matt. 20. Filius hominis non habet, vbi caput suum reclinat, Lucā 9. Discite à me, quia mitis sum & humilis corde, Matth. 23. Scitis gratiam Domini nostri Iesu Christi, qui pro



pter nos egenus factus est, cum esset diues. 2. Corint. 10. Humiliauit semetipsum factus obediens vsque ad mortem, mortem autem crucis, Philip. 2. Sed debebat hic author etiam adiunxisse, Christum etiam vt hominem, si voluisset, potuisse assumere omnium temporalium rerum dominium; se Regem facere aut Imperatorem, vtrius officium magis alubuiisset. Vt enim ait Sanctus Ioannes cap. 11. Omnia ei dedit Pater in manus, & Sanctus Paulus cap. 1. epist. ad Heb. Quem constituit hæredem vniuersorum. Neque dicere debuisset, Christum post resurrectionem non exercuisse potestatem Principis temporalis, non adiungendo, Christum post resurrectionem etiam vt hominem, gubernasse totum mundum, non vt Principem temporalem, sed vt Principem æternum, superiorem omnibus Principibus temporalibus, vt S. Ioannes ait sub initio Apocal. Qui est primogenitus mortuorum & Princeps Regum terræ. Et ipse Christus: Data est mihi omnis potestas in cælo & in terra, Matth. 28. quæ potestas propriè temporalis non est, est enim æterna, nihilominus est supra omnes res temporales & æternas. Christus enim, etiam in quantum homo, erat summus Pontifex, cum potestate excellentiæ, quin iudex erat caput hominum & Angelorum, vnde superiorem non habebat in terris, nec ab vlllo de iure iudicari poterat, sed tantum de facto, quando id fieri ipse permittebat. Et hoc significat Apostolus, dū dicit: Humiliauit semetipsum, Philip. 2. Vnde ad ea verba: Non haberes potestatem: ducere vsus videtur Christus Pilatum pro iudice sibi à Deo dato agnoscere, respondetur in eo loco per potestatem

CARD. BELLARMINI. 131

tem intelligi permissionē; & sensus est eius loci, Pilatum nihil potuisse facere aduersus Christum, si Deus id non permisisset, vt eodem modo alius locus intelligitur: Hæc est hora vestra & potestas tenebrarum, Lucæ 12. Et hæc responsio est sanctorum Patrum, Chrysostomi & Cyril. in expositione cap. 19. S. Ioannis. Verum quia S. Thomas in cap. 13. Epistolæ ad Roman. intelligit eum locum de potestate, quam habent Principes à Deo, dicimus, potestatem Pilati vt ministri Cæsaris fuisse à Deo, à quo omnis legitima descendit potestas. Sed quod hæc potestas ad Christum se extenderit, factum esse ex ignorantia Pilati, qui dignitatem Christi nesciebat, atque ideo tanquam priuatum eius patriæ ciuem iudicabat. Quemadmodum si hoc tēpore Clericus sub nomine Laici, & in habitu laico sisteretur iudici sæculari, posset iudicari ea potestate, qua alij laici iudicantur; non ideo tamen sequitur, clericos iudicio laicorum esse subiectos, aut Christum subiectum fuisse iudicio Pilati.

AUTHOR.

[Præcipit demum, vt tributum detur Principibus secularibus, id est, Cæsari: reddite, quæ sunt Cæsaris, Cæsari, Aliqui opponunt se huic propositioni, dicentes: Licet Christus soluerit tributum Cæsari pro se & Petro, nihilominus eum subiunxisse, quod ad soluendum obligatus non fuerit. Nunquid filii debent soluere tributum? In quo ostendit auctoritatem Principis temporalis, qui exemptus est à tributo. Ad hoc dubium ita respondetur, eius patriæ ciues nomine filiorum appellatos. vt aliqui Doctores dicunt, non fuisse obligatos ad soluendum tribu-

tum, & cum ipse & S. Petrus eius patriæ fuerint, dixisse, quod non sint obligati. Aut ut melius dicatur, insinuare voluit eius sanctissima diuinitas, & dicere, quod tanquam filius Dei non sit obligatus ad dandum tributum. Verum quia excusatio hæc altum & profundum nimis sacramentum contineret, cuius tunc exactores & quæstores Principis incapaces sciebat, dixisse: Sed ne scandalizetur. Vbi apparet, quanti fecerit Christus, ne scandalum præberet ministris Principum sæcularium, allegans veram & realem, ab ipsis tamen non intellectam exemptionem.

## RESPONSIO.

Christum iussisse ut daretur Cæsari tributum, verum est, sed non est ad propositum, cum nemo neget soluendum esse tributum Principibus ab illis, qui sunt obligati dare, ut inquit Sanctus Paulus: Reddite omnibus debita, cui tributum tributum, cui vectigal, &c. Verum quantum ad tributum, quod Christus soluit pro se & Petro, videtur tibi arrisisse hæresis Marsilij Paduani, qui dixit, Christum non cum defeensione, sed necessitate coactum persoluisse tributum. Quæ hæresis condemnata est à Papa Ioanne XXI. in extrauag. licet, ut refert Cardinalis Turcremata in summa de Eccle. l. 4. part. 2. cap. 37. Nō enim aliam exemptionem allegas, ut probes, Christum non fuisse obligatum ad dandum tributum, quam quia eius patriæ erat, & tales nominati fuerint filii Dei, & quia diuinitatem habebat, secundum quam erat filius Dei, & tanquam talis non fuerit obligatus. Prima ratio friuola tota est & vana: quia non solum ciues eius patriæ non erant exempti,

xempti, verum ipsi soli erant obligati ad dandum tributum, vt Exodi cap. 30. apparet, vbi impositum est tributū omnibus filiis Israel, vt quilibet dimidiū sicii persoluat. Hoc tributum postmodum acceperunt Romani, vt scribit Iosephus de bello Iudaico cap. 26. Secunda ratio eximit Christū vt Deum, non vt hominem, atque ideo vt homo secundum te erat obligatus. Hoc asserbat Marsilius Paduanus; & id ipsum ex tua ratiocinatione colligitur, vis enim probare, Christum non fuisse Principem temporalem, & ad hoc probandum pro vltima & principali ratione adducis, quòd Christus iubeat, vt Principi solvatur tributum; quæ ratio nullam planè energiā habet, nisi adiunxeris, quòd Christus soluerit tributum. Et quia in his consistit robur argumenti tui, idèò struis obiectionem aduersus teipsum, dū dicis, aliquos opponere, Christū non fuisse obligatū ad solvendum tributum, sed soluisse, ne scandalizaret exactores tributi. Modò igitur abs te peto. Christus vt homo, vel obligatus erat, vel non erat ad soluendū tributum, si dicis fuisse obligatum, declaras te asserere Marsilij, qui tanquam hæreticus condemnatus fuit: si ais non fuisse obligatum, fatcaris necesse est, argumentum tuum robur planè nullum habere, & ad propositum nihil adfers. Veritas in hoc consistit, Christum etiam vt hominem vnaque Apostolos non fuisse obligatos ad dandum tributum, Christus enim vt homo non erat persona humana, sed diuina, nec erat filius adoptiuus, sed naturalis Dei, qui Rex est super omnes Reges, atque idèò nullo Regi obligatus est ad soluendum tributum. Et quia quando Princeps aliquis ad dandum aliquid non est obligatus, neque familia est obligata,

ideo nec Apostoli Christi familiares & domestici eius ad reddendum tributum obligati erant. Atque hinc Sanctus Hieronymus in cap. 17. Matth. & Augustinus i. l. questionum Euangel. q. 23. colligunt, clericos obligatos non esse ad soluendum tributum Principibus secularibus, quia sunt familiares Christi & ob honorem Christi exempti. Intermitto adducere cetera verba tua circa hanc secundam propositionem tuam, sunt enim exigui momenti, nec responsione opus habent, cum aduersum nos non pugnent.

## PROPOSITIO TERTIA AVTHORIS.

[Cum Christus Iesus Dominus noster non exercuerit auctoritatem Principis temporalis, non erit verum dicere eum, hanc auctoritatem Petro & successoribus, qui eius Vicarii sunt, concessisse, non est enim Vicarius maior Principali suo. Vnde bene Sotus l. 4. Sent. tractans hanc materiam & Cardinalis Bellarminus de auctoritate Papæ, dicunt se mirari Canonistas, quod sine ratione & auctoritate Noui Testamenti, audeant affirmare, Papam esse dominum totius orbis directe in temporalibus: doctrina verè scadalosa & parùm solida. Scio equidem, quosdã præter Canones, qui ceu leges humanæ diuinarum respectu, non possunt habere æqualem auctoritatem, citare S. Thomam Aquinatem de regimine Principum c. 10. & 19. eiusdem libri, vbi dicit: Summus Pontifex est Dominus totius orbis in temporalibus, verum hic liber non est D. Thomæ, ut bene demonstrat Cardinalis Bellarminus l. de potestate Papæ, &c.]

• RESP.

## RESPONSIO.

Tertia hæc propositio similis est secundæ, nihil enim facit ad propositum negotij principalis ab authore intenti, & solum valet ad demonstrandam perversam voluntatem, & exiguam in allegandis authoribus sinceritatem. Non facit ad propositum: intentum enim suum erat demonstrare sententiam excommunicationis & interdicti latâ à sanctissimo Papa Paulo V. nullâ & inualidam esse, ad quod probandum, tantum erat dicere, Papa non est Rex temporalis mundi, ac dicere, Rex Franciæ neminem potest ad trirèmes condemnare, quia non est Episcopus. Ad ferendum enim excommunicationem & interdictum, non requiritur authoritas Regia & temporalis, sed Pontificia & spiritualis: quemadmodum ad pœnam trirémium infligendam, non est necessaria potestas spiritualis, cum sufficiat temporalis. Exigua sinceritas in allegandis authoribus deprehenditur in eo, allegat enim Sotum & Bellarminum, cum neuter utatur terminis tam immodestis, ut dicant mirari se Canonistas, quod ausi sint absque aliqua ratione aut authoritate novi testamenti asserere, Papam esse Dominum totius orbis directe in temporalibus, doctrina vere scandalosa & parum solida. Hæc admiratio ab ipso ficta & excogitata nostris in scriptis nullibi inuenietur, multo minus quod dixerimus, doctrinam illam Canonistarum absolute scandalosam & absque ratione esse, quin nec diximus absolute, Canonistarum eam esse sententiam, nouimus enim ipsos etiam Canonistas hac in re discrepantes esse, & Sotus pro se allegat Ioannem Andream, Bellarminus pro sua opinione allegat Turrecrematam & Nauarrum, & po-

terat etiam citare Innocentium IV. in cap. Nouit. de iudiciis, & glossam eo in loco, ubi adiungit distinctionem directe & indirecte. Et differentia, quæ inter istos auctores est, non consistit in eo, ut tribuant aut auferant l'apæ potestatem supremam in negotiis temporalibus, omnes enim eam concedunt, hæreticis exceptis: Sed cōsistit in modo, quod pars eorum credat, Papam habere eam potestatem eo modo, quo eam habent Principes sæculares, pars altera autē existimet potestatem Papalem proprie & in se spiritualem esse, posse tamen in ordine ad res spirituales plenissima autoritate de temporalibus rebus disponere, ut inter alios diuinè demonstrat author opusculi, de regimine Principum l. 3. cap. 11. & 13. siue ille D. Thomas sit, siue alius, Bellarminus enim non negat absolute illum librum S. Thomæ esse, sed refert aliquos de eo dubitare, & non sine causa, refertur enim in eo opusculo historia quædam, quæ post mortem D. Thomæ contingit, & ipse Bellarminus ait, possibile esse, eam historiam postmodum in eo libro insertam fuisse ab alio, atque ideo non se stabiliens in ea responsione, quod liber ille Diui Thomæ non sit, aliam magis solidam subiungit, & est, declarandam esse eius libri sententiam cum alia eiusdem. Sed non est silentio prætereunda, aut impunis relinquenda gravis eius authoris temeritas, qua vtitur, dum de sacris Canonibus loquitur, & ait. Scio equidem aliquos ultra Canones, qui veluti leges humanæ, concurrentibus diuinis non possunt habere æqualem autoritatem, citare etiam Sanctum Thomam, &c. Hæc est grauis factorum Canonum contemptus, qui ex ore viri catholici nunquam auditus est, quantū enim apparet, is

CARD. BELLARMIN.

137

vet, is author nihili facit, doctrina sua sacris Cano-  
nibus consona sit nec ne, sed nec etiam eos propo-  
nenti dignatur respondere, ac si nullius plane essent  
authoritatis, postmodum etiam appellans absolute  
leges humanas, ac si cum assistentia Spiritus sancti  
factæ non essent, loquitur modo sanctis Patribus  
inuitato, qui eos semper sanctos & sacros à Deo in-  
spiratos nominant. Audi hac de re Sanctum Leo-  
nem ad Anatolium. Nimis hæc improba (ait) nimis  
sunt prava, quæ sacratissimis Canonibus inueniun-  
tur esse contraria. Demum cum addit sacros Cano-  
nes diuinis concurrentibus, non posse habere æqua-  
lem authoritatem, significat Canones in hac mate-  
ria contrarios esse legibus diuinis, atque idcò parui  
æstimandos esse, quæ reprehensio non solum magi-  
stris canonum, ac si leges Deo contrarias statuerint,  
sed etiam toti Ecclesiæ iniuriola est, quæ eosmet ca-  
nones seu regulas mediantibus summis Pontificib.  
aut sacris Conciliis à Spiritu S. præscriptas veneratur.

AUTHOR.

[Ad infringendum robur nostræ huius propo-  
sitionis dicunt aliqui, Alexandrum VI. Papam diui-  
sisse Indiam Regibus Hispaniarum & Portugalliæ,  
fuit enim, inquiunt, seu Vicarius Christi, naturalis  
Princeps temporalis. Et Leonem III. eadem ratio-  
ne Carolo Magno dedisse Imperium Occidentis.  
Sed hi toto cælo aberrant. Quia Alexander nõ tan-  
quam Dominus, sed tanquam iudex compromissa-  
rius ab ipsis Regibus ad sopiendam & exstinguen-  
dam discordiarum flammam electus, per iudicium  
determinauit, maria diuidenda esse, & vt classis v-  
nius per hoc, alterius per aliud mare nauigaret, &



quod quisque acquireret, hoc iure belli suum faceret, iuxta diuisionem ab ipso factam, vt Historici aiunt, Leonem III. verum est, cum à Populo Romano à Sede Apostolica deturbatus, & à Carolo Magno ad eandem restitutus fuisset, fecisse, vt populus eum Imperatorē proclamaret, vt ait Platina, quod factū Historici modò Romano Populo attribuūt, qui videns se à Græcis Imperatoribus malè gubernari, antiquo iure alium Imperatorem elegerit: modò dicunt, Carolum, cum Dominus status eius esset, ab Irene & Nicephoro Imperatore comparasse titulum, modò quòd Irenes & Nicephorus Imperator ea diuisione contenti fuerint. In summa quicquid sit, certum est, Papam à Sede Apostolica detrum, nihil possidentem, Carolo non dedisse Occidentis Imperium, quod iam habebat, eiusque iure belli Dominus erat. ]

## RESPONSIO.

Quemadmodum Propositio non est ad rem, ita nec etiam rationes pro & contra. Propterea solùm occupabor in detegendis huius Neotheologi erroribus. Dicit igitur Alexandrum VI. diuissse maria Regibus Hispaniæ & Portugalliæ, & decreuissse, quicquid iure belli acquirerent, hoc eorum esset. Vbi si verba hæc, iure belli, significant iustum bellum, quod præsupponit acceptam incuriam ab eo, cui bellum inferitur, vt illud declarat Aug. l. quæst. in Iosue q. 10. benè dicit: Si autem significant bellum inferri posse, infidelibus Indianis, etsi molestiā nullam inferant Christianis, solùm ad acquirēdas terras, non benè loquitur, & cōtra omnes meliores Theologos, vt sunt Cardinalis Caietanus in cōm. 22. q. 66. & Sotus l. 5. de Iustitia & Iure q. 3. a. 5. & in 4. Sent.

## CARD. BELLARMINI. 139

4. Sent. dist. 5. q. 1. art. 10. & Victoria 2. relectionum de iure belli: Qui dicunt infideles veros prouinciarum suarum Dominos esse, vt enim S. Thomas docet 22. q. 10. a. 10. fides & gratia non destruunt naturam, atque ideo non tollunt dominium iustū, quod homines habent, antequam fidem recipiunt, nec licitum est ad acquirendas prouincias exire, vt ad capiendas feras sine ratione venatum exiri solet. Vnde Sotus dicit, Alexandrum V I. non assignasse Indiam Regibus Castiliæ, & Portugalliæ, sed tantum concessisse, vt dum pergerent Prædicatores in nouas illas insulas, illi armatam manum submitterent, qua Prædicatores & Christiani noui defenderentur. Quibus etiam adiungi potest, Alexandrum V I. Pōtificem tanquam caput Christianitatis, cū prospiceret periculum belli orituri inter Principes Christianos ob commercia cum Indis, voluisse solū Regem Castiliæ nauigare ad Indiam Occidentalem, Portugalliæ verò Regem ad Orientalem. Attingit postmodum hic author, translationem Imperij factam à Papa Leone I I I. & dum nosset controuersiam, quæ hac in causa inter Bellarminum & Matthiam Illiricum existit, placuit ei, vt semper ad deteriorem partem inclinaret, sequi potiùs hæretici errores; atque ea de causa dicit, Carolum Magnum à Populo Romano Imperium habuisse, aut titulum à Nicephoro & Irene comparasse, aut Nicephorum & Irenem diuisioni Imperij consensisse, & summum certum esse, Papam non dedisse Carolo Magno Imperium Occidentis. Cū tamen Bellarminus auctoritate triginta trium Historicorum, decem Imperatorum, & omnium Imperij Electorum, septem Summorum Pontificum, & ratione euidenti,

discurrens per omnes titulos, quibus Imperium aliquod acquiri potest, probauerit, à Papa Leone III. Summo Pontifice Carolum Magnum accepisse Imperium. Atque adeò opinio Illirici, atque huius Neotheologi in historia, hæresis, in Theologia temeritas appellari potest, quia omnibus Historicis & sacris Canonibus repugnat. Et ut omittantur alia loca, Innocentius III. in c. venerabilem, de electione, ita dicit, Rom. Imperium in personam Magnifici Caroli Sedes Apostolica à Græcis transfuit ad Germanos. Et Clemens V. una cum Concilio Generali Viennensi in Clement. quæ incipit, Romani Pontifices, id ipsum reperit. Quomodo igitur temerarius non est, qui contradicit duobus summis Pontificibus, & integro Generali Concilio. Nec verum est, Platinam contrarium scripsisse, solum enim dicit: Papa decreto & precibus populi Romani creauit Carolum Imperatorem, volens dicere, populum decreuisse rogandum Papam esse, ut dignaretur Carolum facere Imperatorem. Nec esse potest, quòd Carolus iure belli acquisierit Imperium Romanum, quòd cum Romanis bellum nunquam gesserit. Minus verum est, quòd ab Irene & Nicephoro Imperatore titulum comparauerit, hæc enim sunt Mathæi Illirici figmenta sine vlio fundamento. Nec verum est, Carolum à populo Romano habuisse Imperium, nunquam enim Populus Romanus aut Senatus habuit hanc potestatem, & omnes antiqui Imperatores, aut ab exercitu, aut ab antecessore electi fuerunt; ac proinde Maximus & Balbinus Imperatores à Senatu electi, subito à militibus occisi fuerunt, dedignabantur enim accipere Imperatorem à Senatu, ut refert Herodianus c. 8. historiz suæ.

suæ. Ideo etiam S. Hieronymus, ep. 85. ad Euagrium, inquit: Imperatores eligi ab exercitu. Demum non obitat, Papam Leonem non possedisse Imperium, dum Carolum Magnum inueltiret, non enim possessionem, sed titulum solum & ius dedit, quibus fiebat, ut esset legitimus Princeps earum prouinciarum, quas Imperatores occidentales gubernare solebant, & haberet dignitates, & prærogatiuas, quas alij Imperatores habuerant. Et ad hoc efficiendum non fuit necesse, Papam possidere Imperium, sed sufficebat eum Papam esse, & consequenter habere potestatem Apostolicam, qui in casu, quo illud necessarium aut utile est Christianitati, disponere potest de Regnis & Imperiis Christianorum, ut sæpe & frequenter Summi Pontifices factitarunt.

#### PROPOSITIO QUARTA AVTHORIS.

[ Autoritas promissa à Christo Salvatore nostro S. Petro sub metaphora clauum mere est spiritualis: *Tibi dabo clauis regni cælorum*, non dicit regni terrarum. Et ratio id dictat, quod in hymno Ecclesiæ legitur: *Non eripit mortalia, qui regna dat cælestia*. Qualiter enim regnum temporale & monarchia gubernanda sint, iam ab initio mundi, autoritate magni illius Monarchæ totius vniuersi, scilicet Dei, constitutum erat, itaque Christus Saluator noster non fundauit monarchiam temporalem remanet ergo, quod fundarit spirituale, quod apertè videre est in S. Ioannis c. 20. ubi cum dixisset: *Data est mihi omnis potestas in cælo & in terra*, omnino eandem dat Apostolis, vnâque cum his S. Petro limitatâ: insufflauit in eos & dixit: Accipite Spiritum S. quorum remiseritis peccata, remittuntur eis, & quorum retinueritis, retenta sunt. Quo in loco ex ipsa actione,

quam Christus exercet, & ex verbis, quæ profertur colligitur, quòd autoritas Pontificis spiritualis sit & de peccato, & in animas solum secundum verba orationis, Ecclesiæ ad S. Petrum, qui beato Petro potestatem animas ligandi & soluendi tradidisti: Quæ limitata est, vt dixi. Quin imò autoritas ex-cô-municandi data S. Petro est conditionata. Matth. 18. Si peccauerit in te frater tuus, & Ecclesiam non audierit, sit tibi sicut Ethnicus & Publicanus, vbi Saluator autoritatem ex-cô-municandi dat, sed supposito peccato & pertinacia in peccato, &c.]

## RESPONSIO.

Adeò in diminuenda Pontificis dignitate hic author proficit, vt sit suspectus credere tantum Pontificem esse simplicem aliquem Sacerdotem & Parochum, aut nullam planè iurisdictionem habere, nihilque aliud posse, quàm ad obseruantiam legis diuinæ adhortari, quòd concionatoris officiù est, baptizare, confessiones excipere, quod Parochorum est, qua in re videtur renouare velle hæresin V Valdensium, Marsilij de Padua, & Ioannis Huss, quam hac ætate omnes moderni hæretici amplectuntur. Sed accedamus ad eius verba. Primò ait, potestatem pontificiã merè spirituale esse. Ad quid illud merè? nonne melius erat dicere, principaliter spirituale esse? Nauarrus, quem tu adeò extollis & legi vis, in c. Nouit. de iudiciis, & solidissimum Doctorem appellas, dicit quidem, Pontificem merè temporalem non esse, sed non dicit merè spirituale esse, ac si nullo modo attingere possit dispositione rerum temporalium. Quin imò dicit, potestatem esse eminentissimam, quæ cum in se spiritualis sit, & còsequenter temporali superior, possit & debeat dirigere tempo-

temporalem, quando deuiat & defleſcit, vt ſuperius dictum eſt. Nec hymnus Eccleſiæ, *Non eripit mortalia, qui regnat dat cœleſtia*, vult, quòd monarchia temporalis iam fundata fuerit. Sed hoc tantum vult dicere, regnum Chriſti, cuius clauſes Petrus habuit, non eſſe regnum temporale, quod abſque eo, quòd aliquis illud perdat, acquiri non poſſit; ſed cuiſcemodi regnum eſſe, quod omnia regna gubernat, non auferendo dominium ab illis, qui illud iuſtè habent, alias enim dicere poſſes, nec Deum habere poteſtatem in res temporales, quia non eripit mortalia, qui regna dat cœleſtia. Dicit ſecundò, Chriſtum Apoſtoliſ & S. Petro dediſſe poteſtatem limitatam, ſupra peccatum ſcilicet, Ioannis enim 20. inſufflauit & dixit: quorum remiſeritis peccata, remittuntur eis. Hæc planè hæreſis eſt eorum, qui Papæ & Eccleſiæ omnem adimunt iuriſdictionem. Quæ hæreſis verbis ipſius Chriſti eodem in loco, parum ante verba ab authore citata damnatur. Prius enim quàm diceret, quorum remiſeritis peccata, remittuntur eis, dixerat: Sicut miſit me Pater, & ego mitto vos. Quibus verbis abſolutam poteſtatem & illimitatam dedit, loco ſui gubernandi Eccleſiam, atque idè aiunt Theologi, cum his verbis dediſſe poteſtatem iuriſdictionis, aliis verò poteſtatem ordinis, & quando poſtmodum capite ſequenti dixit S. Petro: Paſce oues meas, certum eſt, non reſtrinxiſſe poteſtatem ad abſolutionem peccatorum, ſed dediſſe poteſtatem ampliſſimā gubernandi & regendi totam Eccleſiam, quia hoc verbū: Paſce, idem eſt, quod in lingua Græca, in qua ſcripſit Ioannes, cum eo, quod eſt in c. 19. Apoc. Et ipſe reget eos in virga ferrea; & illo Micheæ 2. iuxta

translationem septuaginta interpretum: Ex te exiet mihi Dux, qui regat populū meum Israel. Sic quòd secundum modum loquendi scripturæ, facere Petrum Pastorem, idem sit, quod facere Rectorem, Gubernatorem & Principem totius Ecclesiæ. Et quando dixit ei Matth. 16. Quodcumque solueris, & quodcumque ligaueris, non restrinxit ad peccata potestatem, nec etiam ad personas, quia non dixit, quemcumque solueris vel ligaueris, sed quodcumque, volens scilicet exprimere, potestatem quandam vniuersalem ligandi & soluendi, id est, mandandi, condendi leges, dispensandi, remittendi, prout opus fuerit, ad ducendum & introducendum fideles in regnum cœlorum, cum habeat plenissimam auctoritatem præscribendi omnibus ea, quæ credenda & facienda sunt, remouendi etiam singula impedimenta, quæ in via salutis occurrere & opponi possunt, vt prolixè ostendimus l. 1. de Pontifice.

Dicit tertio, Papam habere tantum potestatem in animas, & colligit istud ex oratione illa, Deus, qui beato Petro animas ligandi atque soluendi Pontificium tradidisti. Si hæc ratio bona esset, Principes seculares etiam aliam, quam in animas potestatem non habebunt. Dicit enim S. Paulus: Omnis anima potestatibus sublimioribus subdita sit. Vnde hic author aut nimis simplex est, non attendens, in scripturis animam accipi pro toto homine, aut studium eius fuit, simplices, verbis Ecclesiæ malè intellectis, decipere. Et fortè diuina prouidentia ad tollendam viam eiusmodi deceptionibus, inspirauit reformatoribus Breuiarij, vt auferrent ex illa oratione verbum hoc (animas) vt neque antiquitus in ea fuit, nec esse debet, cum oratio ex verbis Euāgelij

## CARD. BELLARMINI. 145

gelij deducta sit: Quodcumque ligaueris & quodcumque solueris. Addit demum, quod excommunicandi potestas sit conditionata, præsupponens peccatum & obstinationem in peccato. Quæ doctrina noua & falsa est, nec poterit adduci author ullus, qui simile quid dixerit. Verum est, præsupponi peccatum, & obstinationem in peccato: cum enim excommunicatio sit grauissima pœna, sine culpa eaque grauissima, qualis est peccatum mortale, infligi nequit. Verum etiam est, præsupponi inobedientiam, aut vt rectius dicamus, contumaciam, nec sufficere quodcumque peccatum ad excommunicandum, nisi adiungatur pertinacia, dixit enim Dominus: & si Ecclesiam non audierit. Vnde excommunicari aliquis non potest, quia fur aut adulter est, nisi prius admonitus obedire recuset. Sed multum inter se differunt pertinacia & inobedientia, fieri enim potest, vt aliquis pertinax sit in peccato aliquo, de quo ab Ecclesia non sit admonitus, & eiusmodi licet pertinax excommunicari non potest, & contrario verò fieri potest, vt aliquis sit inobediens, & excommunicari possit, etiam si in inobedientia postmodum pertinax non sit, & verba Domini, si Ecclesiam non audierit, significant inobedientiam, non pertinaciam propriè loquendo. Nec opus est, vt in probatione huius multum fatiger, sunt enim hæc authores pleni, aduersarius autem assertionem suam non aliter, quàm authoritate malè intellecta probat.

## PROPOSITIO QUARTA AVTHORIS.

[ Licet aliqui sint, qui, nescio quo fundamento nixi, asserunt, personas & bona Ecclesiastica exempta esse à potestate Principis iure diuino, nihilomi-



nus contraria opinio, nimirum de iure humano tantum exempta esse, melior & conformior est sacre & diuinæ scripturæ, dictis sanctorum Patrum & historiis. ]

## RESPONSIO.

Si hic author alicuius esset reuerentiæ erga sanctam Ecclesiam, nunquam ita liberè & absolurè loqueretur, personas & res Ecclesiasticas iure solum humano exemptas esse. Concilium enim Tridentinum generale, sess. vltima, cap. 20. clarè docet, immunitatem Ecclesiasticam ordinatione diuina, & decretis Ecclesiasticis institutà esse. Quis est Christianorum igitur, qui se huic & tantæ authoritati opponere audeat? Hæc hæc authoritas sola est, prius enim Colonienſe Concilium parte 9. c. 20. illud ipsum verbis hisce declarauit. Immunitas Ecclesiastica est res antiquissima, & introducta iure pariter diuino & humano. Et in Concilio Lateranenſi sub Leone X. sessione nona, ita legitur. Nullo nec diuino nec humano iure habent Laici potestatem aliquam in personas Ecclesiasticas. Quæ verba propriè contraria sunt verbis huius authoris, qui dicit Principes laicos iure diuino habere potestatem in personas Ecclesiasticas. Ex quo magna nimis huius noui Goliath temeritas apparet, qui se huic agmini exercitus Dei, quale est Concilium generale, audet opponere. Et ante hæc Concilia, Bonifacius Papa in cap. quanquam de censibus, hac de re tanquam plane nota, & ab omnibus recepta, scripsit, quod personæ & res Ecclesiasticæ à potestate sæculari, iure diuino liberæ sint. Et ante hunc Pontificem Ioannes VIII. vt refert Gratianus d. 96. can. si Imperator, refert; Deum omnipotentem ordinasse, quod Sacer-

## CARD. BELLARMINI. 147

Sacerdotes & alij Clerici non ordinētur aut iudicentur à potestate sæculari, sed solum à Pontifice. Quod Pontifex hic de personis, multo ante Papa Simachus vna cum toto Romano Concilio l. l. in eius præsentia celebrato de bonis Ecclesię tradit. Et scripturæ quidem sacræ non contraria, legitur enim Genes. 47. quod Ioseph Patriarcha, cū esset Prorex & Vicarius generalis Pharaonis, exemērit Sacerdotes ab oneribus, quæ reliqua plebs sufferebat. Et 1. Esdr. c. 7. ab eisdem Artaxerxes Persarum Rex similiter Sacerdotes Hebræos absoluit; lumen enim naturale, quod à Deo immediate provenit, dictat, hoc esse cōueniens. Vnde Alexāder I I I. Papa in Concilio Lateranēsi pulcerrimā hanc exclamavit sententiā. Nō est æquum Ecclesiam Dei, tempore Christianorum principū, minus liberā esse, quam fuit tempore Pharaonis, cap. non minus de immunitate Ecclesiasticorū. Sed videamus quibus argumentis probet sententiam suam hic author, dum dicit sententiam eorum qui asserunt exemptionem personarum & bonorum Ecclesiasticorum de iure humano esse, consonam magis sacræ scripturæ, sanctis Doctoribus & historiæ esse.

## A V T H O R.

[ Quia præter hæc quæ diximus, in prima propositione, quod Sacerdotes in antiqua lege subiecti fuerint Principi sæculari, præterquam quod Salamon priuauerit Abrathar summo Hebræorum sacerdotio, vt cap. 2. l. 3. Regum videre est. Tempore primitiuæ Ecclesiæ vsque ad Iustinianum Imperatorem, nullum in iure legitur priuilegium, de Ecclesiasticis facta exemptione.]

## RESPONSIO

## RESPONSIO.

Et nos in confutatione primæ propositionis demonstrauimus, quod in antiqua lege Sacerdotes & Leuitæ subiecti fuerint Principi Ecclesiastico, & quia Author dixerat, Moysen fuisse Principem politicum, cui subiecti erant Sacerdotes, testimoniis scripturæ & S. S. Patrum probauimus, Moysen summum Sacerdotem fuisse. Ad exemplum Salamonis responderi potest, Salamonem illud fecisse, tanquam diuinæ voluntatis ministrum, prædictum enim iam fuerat, Heli posteritatem cessaturam, ideo subiungit scriptura, vt impleteretur sermo Domini, quem locutus est super domum Heli in Silo. Accedit quod facta Principum non sint leges. Verum quod ante Iustinianum non extiterit in Ecclesia priuilegium exemptionis, falsum est manifeste. Constantinus enim Imperator qui ducentis annis Iustinianum præcessit, & primus Imperatorum, qui palam se Christianum professus est, quam primum Ecclesiasticos liberos à communibus Reipublicæ oneribus declarauit, vt legitur in epistola eiusdem Constantini ad Auilinum, quæ refertur ab Eusebio lib. 10. cap. 17. historię Ecclesiasticæ, & præter hoc Constantini priuilegium, multa alia sunt in Codice Theodosiano, antiquiora Iustiniano, vt refert à te citatus Couarruias tuus cap. 31. questionum prædicar.

## A V T H O R.

[Sanctus Paulus ait: Ad tribunal Cæsaris sto, Cæsarem appello. Et inter infinita exempla alia, legitur in vita Ottonis primi Christianissimi Imperatoris, quod propria autoritate Ioannem Papam, XII. ob pessimos mores deposuerit.]

RES-

## CARD. BELLARMINI. 149

## RESPONSIO.

Ad hoc argumentum antiquitas à nonnullis hæreticis propositum optimè respondet Cardinalis Turrecremata l. 2. cap. 96. suæ summæ. S. Paulum fuisse coactum appellare ad Cæsarem, & eum p̄o iudice suo agnouisse, de facto, non de iure, tūc enim potestas Sancti Petri non agnoscebatur nec credebatur, atque ideo si Paulus dicere voluisset, non cognoscere se alium iudicem, quam Vicarium Christi, risum excitasset Iudæis, à quibus erat accusatus, & gentilibus, à quibus erat iudicandus, & ita ipsemet dicit, coactus sum appellare Cæsarem. Quod attinet ad historiam Papæ Ioannis, & Ottonis Imperatoris, duæ falsitates & errores in tam pauculis verbis auctoritate propria continentur, falsissima sunt de facto & de iure. Dico de facto, Otto enim sciens se tanquam laicum non posse iudicare Ecclesiasticum, petiit à Concilio Romæ congregato, vt determinarent illud, quod fieri deberet. Sæcta Synodus, quid decernat, edicat. Ita loquitur Otto ad Concilium; itaque Otto non deposuit summum Pontificem auctoritate propria, sed auctoritate Concilij. De iure dico. In nullo enim authore Catholico inuenietur, Papam ab Imperatore deponi posse, bene autem Imperatores à Papa, Vt Otto IV. fuit depositus ab Innocentio III. Fridericus II. ab Innocentio IV. & multo antea Henricus IV. à Gregorio VII. atque adeo hic author in sua opinione præter hæreticos antiquos & modernos, socios alios non habet, & in particulari Marsilium de Padua, vt testatur Cardinalis Turrecremata lib. 4. summæ par. 2. cap. 37. Verum nec à Concilio iudicari potest Papa, nisi in casu hæresis, in quo omnes Catholici cōueniunt.

& hic est alter authoris error, quia Papa Ioannes XII. non fuit accusatus de hæresi, sed solum de malis moribus, & Concilium illud quod deposuit Papam Ioannem XII. non fuit Cōcilium legitimum, sed conciliabulum, schismaticum, & acephalum, atque ideo paulo post abrogatum & cassatum fuit. Legat, qui scire volet hanc historiam, tomum decimum Cardinalis Baronij, aut breuitatis ergo additionem Onuphrij ad Platinam.

## A U T H O R.

[Et si exemptio est de iure diuino, quare Papa Adrianus I. vult, vt Carolus Magnus habeat auctoritatem eligendi Romanum Pontificem, in cap. Adrianus, quod & Leo VII. fecit in fauorem Ottonis primi, vt in ea ipsa distinctione legitur.]

## R E S P O N S I O.

Subtilitatem & acumen arguementi huius plurimum miror. Quid negotij commune habet exemptio Ecclesiasticorum, cum nominatione personæ ad pontificatum? ideo hoc tempore Ecclesiastici Galliæ exempti non sunt, quia Rex personas nominat vacantibus Ecclesiis. Et vbiunque sunt Iuspatronatus, quandoquidem patroni qui ordinariè Laici sunt, habent ius nominandi, deperdita est exemptio? Habnerit igitur aliquandiu Carolus priuilegium Papæ, sede vacante nominandi aliquem ad Pontificatum, per hoc tamen Imperator nō dedit Papæ auctoritatem aliquam, nec eam auferre aut imminuere potuit, cū vt superius diximus, nominatæ personæ, aut alias canonicè electæ Deus ipse det pontificalem potestatem, per quā eiusmodi persona iure diuino sit superior, & caput omnium Christianorū, siue Principum, siue priuatorum. De priuilegio

Privilegio Imperatori Ottoni à Leone Papa concessio, id ipsum dici posset, si illud privilegium non fuisset vanum, & absque effectu. Et hoc dictum sit, posito quod verum sit, id quod Gratianus scribit in citatis Canonibus, Adrianus, & in Synodo. Verum Illustrissimus & doctissimus noster Cæsar Baronius tom. 9. annalium, pag. 323. clarissimis documentis demonstrat, nunquam eiusmodi privilegium concessum fuisse Imperatori ad eligendum summum Pontificem, atque ita totum aduersarij argumentum ruit, habens nimirum consequentiam malam, & antecedens falsum.

## A U T H O R.

[ Hæc doctrina non solum est S. Pauli, ut propositione prima probavi, sed etiam S. Chrysostomi, S. Thomæ Aquinatis, Soti Theologi præstantissimi, dist. 25. l. 4. sent. Couarruiæ, c. 31. practicarum questionum, qui etiã pro se citat Innocentiũ III. Papã, Alciatum, Ferrariensem, Medinam, & alios, & duo hi auctores, Sotus scilicet, & Couarruias in hoc negotio particulari plurimi faciendi sunt, cum uterque post Concilium Tridentinum scripserit. ]

## R E S P O N S I O.

S. Paulus & S. Chrysostomus non loquuntur de exemptione Ecclesiasticorum, sed solummodo docent, quemlibet obligatum esse, obedire suis superioribus, ut supra dictum est. S. Thomas non negat, exemptionem esse de iure diuino, licet affirmet, esse de iure humano, quia potest esse, & est de iure humano & diuino, ut loquuntur sacri Canones. Sotus licet neget, exemptionem esse de iure diuino strictè, nihilominus ait, cõsentaneũ esse lumen naturali, & adiungit neminem Principũ, nec omnes pariter

posse huic exemptioni derogare. Vnde manifeste  
dôctrina Soti contraria est negotio Venetorum,  
qui tot modis immunitatem Ecclesiasticam, ac si in  
potestate eorum esset derogare eis, quando libuerit  
violare & proscindere audent. Nec verum est So-  
tum post Concilium Tridentinum scipisse, quia  
licet primæ sessioni celebratæ sub Paulo III. inter-  
fuerit, nihilominus mortuus est, antequam Conci-  
lium finiretur, & ita non vidit ultimum illud decre-  
tum, quo declaratur, quod immunitas Ecclesiæ, &  
personarum Ecclesiasticarum, sit introducta per di-  
uinam ordinationem, quod decretum si vidisset,  
neutiquam illi contradixisset. Couarruias, vt supra  
attigimus, semper partialis nimis visus est pro Iu-  
risdictione regia, nihilominus is ipse docet, Pontifi-  
cem iusto titulo potuisse liberare, Ecclesiasticos à  
potestate sæculari, & quod nullus Principum, etiam  
summus possit derogare huic immunitati. Qua-  
propter apparet etiam Couarruiam improbare  
factum Venetorum; atque ideo Author non ad-  
uertit, quid dicatur, dum notat hos autores plu-  
rimi faciendos esse. Demum silentio prætereun-  
dum non est, quod addit Author, Couarruiam al-  
legare pro sua opinione Innocent. III. Quo in loco  
notandi sunt duo errores, Authoris vnus, Couarru-  
iæ alter. Author errat, nunquam enim Couarru-  
ias citauit pro se Innocent. III. quem sibi noue-  
rat esse contrarium. Couarruias errat, quia pro sua  
opinione allegat Innocentium IV. in comment,  
super cap. de maiestate & obedientia, & tamen In-  
nocentius IV. in eo ipso loco ait, quod exemptio fa-  
cta à summo Pontifice cum consensu Imperatoris  
non sit plena, atque ideo fateri oportere à Deo ipso  
Ec-

Ecclesiasticos à potestate Principum (æc) larium exemptos esse. Quomodo clarius potest dicere Innocent. IV. quod exemptio Ecclesiastica sit de iure diuino? Et nihilominus Couarruias audeat dicere, Innocentium negare supradictam exemptionem esse de iure diuino. Vnde Panormitanus super cap. nimis de iureiurando refert Innocent. I V. tenere, exemptionem Ecclesiasticorum esse de iure diuino. Ecce igitur quantis paucula illa Authoris verba erroribus scateant, qui non contentus fuit allegasse Sotum & Couarruiam, verum etiam probationes eorum subiicit hisce verbis.

## A V T H O R.

[Et demonstratio eorum efficacissima est, præter autoritatem enim affirmatiuam S. Pauli, S. Chrysostomi, S. Thomæ, præter consuetudinem primitiue Ecclesiæ, adferunt etiam duo argumenta negatiua validissima, quæ talia sunt. Si clerici, & bona Ecclesiastica, exempta sunt iure diuino, ubi hoc ius habetur? in quo Evangelio? in qua Epistola Apostolica? in quo libro noui aut veteris Testamenti? Alterum argumentum tale est, Nemineui secularium Principum ad tranquillum Republicæ statum attentum, ad hoc respicere, sed permittere ut Ecclesiasticis immunitatibus eis fruantur, quibus ipse vult eos frui, quibus verò non vult, non permittere ut fruantur. Et licet nonnulli per legem humanam intelligant Canonem: nihilominus quantum colligitur ex doctrina primæ propositionis, intelligendum est, Priuilegium Principis aut consuetudo ab ipso Principe dissimulata, aut canon receptus, qui non est supra ius diuinum.



Atque ideo cum Princeps secularis habeat potestatem in omnes suos subditos de iure diuino, non video, quo modo hæc eius potestas diminui possit, aut auferri à Canone, qui ius humanum est: per regulam communem Iuristarum, quotiescunque concurrunt duo iura, minus debere cedere maiori. ]

## RESPONSIO.

Ad rationes affirmatiuas iam responsum est, nec oportebat eadem toties repetere, tantummodo vt liber maior euadat. Ad primam rationem negatiuam respondeo multos authores Catholicos, tam Theologos, quam Canonistas, prolixè tractas, de hac materiam, in quorum libris querenda sunt sententiæ eorundem fundamenta. Etenim nos superius breuibus attigimus aliquot loca Testamenti veteris & noui, vt ille est Gen. 47. & alius 1. Esdræ cap. 7. & Euangelij Matth. cap. 17. Ergo liberi sunt filij, vbi per filios intelliguntur Ecclesiastici secundum expositionem Hieronymi & Augustini. Nec solum per ius diuinum intelligitur scriptura sancta, sed etiam lumen naturale, siue ratio, aut lex naturalis. Et hoc modo loquitur Ioannes Driedo 1. de libertate Christiana cap. 9. exemptionem Ecclesiasticam esse de iure diuino, est enim à ratione & lumine naturali indita, & naturaliter quilibet intelligit, personas & res Deo deuotas & consecratas proprias esse Dei, atque adeo rationem nullam esse ob quam Principes seculares in eas habeant potestatem. Et quod hoc lumen naturale sit, vnde colligi potest, quod in omnibus religionibus, siue veris, siue falsis, hæc exemptionis lex obseruata sit. Ita legimus Exodi cap. 30. & Numer. 1. apud Hebræos

bræos Levitas. & Genes. cap. 47. Ægyptios Sacerdotes, & 2. Oeconom. Aristotelis, Græcos mystas liberos & exemptos fuisse, Quod ipsum apud alios populos in usu fuisse, testatur Cæsar C. 6. de bello Gallico. & Plutarchus in vita Camilli, & alij authores, quos brevitatis ergo omitto. Ad secundam rationem negatiuam respondeo, quod ea ratio non legatur apud Sotum, nec Couarruiam, sed author eam ex proprio cerebro effinxit, nec ratio est, sed calumnia aduersus omnes Principes, ac si omnes Machiauellistæ essent, aut concederent, & tollerent exemptionem clericis, prout utile aut inutile est Reipublicæ. Nos vero scimus, in Ecclesia Dei multos Principes religiosos esse, & pios, timentes Deum, ut debent. Sed si verum esset, quod tamen non conceditur, multos Principes non permittere exemptionem, nisi prout utilis est Reipubl. quis modus argumentandi erit ille? Multi Principes non permittunt exemptionem, igitur non est de iure diuino? quod tantum esset, ac si diceret: Multi Christiani furantur, mæchantur, falsa testimonia dicunt, igitur præcepta, non furaberis, non mæchaberis, non falsum testimoniū dices, non sunt de iure diuino. Probandum fuisset, Principes non permittentes exemptionem, nisi quando eis placet benefacere, aut non facere malè: & tunc benè concluderetur non esse de iure diuino: sed de simplici facto, aut ut melius dicatur de præuaricatione simplici vnius legis, colligi non potest, quod ea lex non sit de iure diuino. Discursus postmodum authoris, circa ius, an ius canonicum, an priuilegium Principis aut consuetudo sit, totus vanus est & friuolus, exemptio enim Eccle-

siasticorum, præterquam quod sit de iure diuino, iuris etiam humani est omnibus, De hac enim exemptione inueniuntur plurimæ leges ciuiles, multi canones, & antiquissima consuetudo, quod quidem non nisi ab iis, qui nihil legerunt, negari potest. Demum hæc conclusio, quod Principi sæculari non possit auferri, aut imminui potestas in Ecclesiasticos, per qualemcunque Canonem, quod Canon de iure humano sit, potestas autem principis de iure diuino: falsa est, collecta ex principiis, quæ repugnat omnibus Doctoribus Catholicis, tam Theologis quam Canonistis: falsam esse manifestum est, contraria enim est plurimis decretis & conciliis, summis Pontificibus, ipsismet etiam legibus Imperialibus, & lumini naturali, ut suprà demonstratum est. Ex falso principio collectam esse probatum est in responsione ad primam propositionem, ubi declaratum est, potestatem principum in laicos non esse de iure diuino, vnde nec in clericos de iure diuino erit. Quod demum hæc ratio sit contra omnes Doctores Catholicos tam Theologos quam Canonistas, clarè apparet, Sotus enim & Couarruias, antesignani inter eos, qui dicunt exemptionem Ecclesiasticam non esse de iure diuino, scribunt summum Pontificem, potuisse excipere Ecclesiasticos, omnesque principes obligari ad agnoscendam hanc exemptionem, nullumque eorum neque omnes simul eam tollere aut imminuere posse. Et hoc quidem dicunt iisdem in locis, quæ ipse author pro se allegat. Vnde sequitur hunc authorem Venetos docuisse doctrinam nouam, erroneam, scandalosam, schismaticam & seditiosam, & si quidem negauerit eam esse nouam, alios ta-

men

## CARD. BELLARMINI. 157

men non eueniet authores & socios, quam hæreticos & schismaticos, & in particulari F. Petrum Martyrem Lutheranum, qui scribens super Epistolam ad Romanos, & declarans cap. 13. hæc eadem omnino verba adfert, quæ scribit hic noster aduersarius.

## PROPOSITIO SEXTA AVTHORIS.

[Dum Princeps Venetus legitimus & naturalis Dominus suæ ditionis, qui excepto Deo, nullum alium superiorem, in temporalibus agnouit unquam, leges statuit supra bona Ecclesiasticorum, quæ sub suo Dominio sunt, punit Ecclesiasticas personas in casibus grauib. & atrocibus, & disponit de bonis nōdum ad Ecclesiasticos deuolutis, idque auctoritate quam à Deo immediate habet, qua nunquam priuatus fuit, aut priuilegio concesso, aut canone accepto, imò in possessione eius est, immemorabili multorum sæculorum, non annorum modo consuetudine non peccat: Ratio est, qui enim contra legem aliquam non facit, non peccat, multo minus debet dici peccare is, qui legem obseruat.]

## RESPONSIO.

Tandem post multas ambages Author redit ad propositum, & scopum suum penitus explicat. Sed quia loqui nescit, nisi omnis generis errores in suo discursu immisceat, eo modo Venetorum Principem depingit, ac si esset Monarcha absolutus. Dicit quod sit naturalis Dominus sui status. Si ita est, Respublica Veneta libertatem perdidit, nec verè vocari potest Respublica, quia Dominum habet & na-

turalem Dominum. Dominus est ille, qui de suo facere potest quod vult, vendere illud, donare, impignorare, commutare. Dominus autem naturalis est, qui dominium habet ex hæreditate, successione sanguinis, aut ortu, non electione, aut donatione. An conueniat Duci Veneto, hoc modo, vt sit naturalis Dominus status Veneti, ad iudicium vniuscuiusque, qui res eius Reipublicæ nouerit, me remitto. Vtlerius dicens hic author quod Princeps Venetus non cognoscat superiorem in temporalibus, excepto Deo, quid est hoc aliud, quam facere eum dominum absolutum, vt sunt Reges, in quos Resp. omnē suā potestatem transtulit? Verū si Resp. Veneta vera & libera Resp. est, vt ipsa prætendit, non transtulit omnē suā potestatem in Principē, sed ei illam partem communicauit, quæ sibi placuit, quam etiā augere & minuere, totāque auferre potest, vti etiam Principem pœna mortis punire, quando se Dominum faceret, vt iam semel exemplum statuit in persona Marini Fallerij, ac consequenter Dux Venetus, non solum pro suo superiori in temporalibus, recognoscere debet Deum, sed etiam Rempublicam, aut vt melius dicamus magnum Concilium. Sed relinquamus istos errores, qui si Venetos non premunt, multo minus externos prement. Veniamus ad punctum controuersię. Affirmat hic Author, Ducem Venetum non committere peccatum statuendo leges in præiudicium Ecclesię, vt scilicet incarcerationentur Ecclesiastici, quam ob causam reprehensus est à summō Pontifice, & dum eidem non obediret, excommunicatus est, & quod peccatum non committat tripliciter probat. Primò, quia habet à Deo potestatem immediate in personas &

bona

bona Ecclesiastica. Secundò, quia hac potestate, nec per priuilegia concessa, nec canones acceptatos priuatus est. Tertiò, quia in possessione est tempore iam immemorabili. Prima ratio falsa est, non solum ob ea quæ diximus in primæ propositionis refutatione, sed etiam ob id, quod ipse Author adiungit eo in loco, & per euidentem experientiam. Dicit enim Author eo in loco: Ducem punire posse Ecclesiasticos in casibus 'grauibus & atrocibus, quod signum est, quod à Deo non habeat immediate potestatem, sed ab aliquo alio, qui eam limitatè concessit: Si enim de iure diuino immediate potestatem habet in Ecclesiasticos, haberet in omnes excessus tam graues, quam leues, atroces quam non atroces. Dicit similiter, Ducem disponere posse de bonis ad Ecclesiasticos nec dum deuolutis, quid ea limitatio significat aliud nihil, quam quod non habeat potestatem absolutam in bona Ecclesiastica, atque ideo non habere à Deo immediate, nam si hoc modo haberet, nemo eius potestatem restringere, & limitare posset, ut nemo pontificis potestatem limitare potest. Ad hæc quæro, an Respublica imminuere & augere possit authoritatem Ducis, & cum à magistratu deponere, si ad modum legum Venetarum non uiuat nec ne? certum est posse, alias enim libera non erit, Dux ergo immediate à Deo potestatem non habet, sed à Republica, & ita potestas Ducis humana est, limitata subiecta potestati maiori etiam humanæ. Secunda ratio similiter falsa est: Quia si Dux aut princeps non est spoliatus potestate sua per priuilegia concessa ab ipso personis Ecclesiasticis, hoc ideo est, quod spoliari non possit nisi uestitus: & princeps Venetus non fuerit vnquam tali potestate uestitus, cum Res-

publica Veneta modo exorta sit, quando Ecclesiastici, à potestate laica iam exempti erant. Quamvis etiam dici possit, dum laicus sit Ecclesiasticus, tunc principem privari sua potestate, quam in talem personam habebat ob privilegium divinum Ecclesiasticis datum, & canones plurimos à tota Christianitate receptos, quibus nec ullus princeps, nec omnes simul derogare possint, ut paulo superius demonstrauimus autoritate Soti & Couarruuia, quos pro se allegauerat aduersarius. Et si non fuisset alius, sufficere debuisset canon ille famosissimus, Si quis suadente 17. q. 4. ubi omnes illi excommunicantur, qui violentas manus iniiciunt clericis aut monachis, reserua absolutione sedi Apostolicæ, nec ibi excipiuntur principes, aut alij Domini seculares. Et hic Canon non modo nunquam fuit reuocatus, sed Martinus V. in concilio Constant. cum vellet mitigare seueritatem illius excommunicationis, nihilominus excepit eos, qui notorie iniiciunt manus in personas Ecclesiasticas. tales enim sine alia declaratione voluit vitari, neque illis prodesse hanc suam indulgentiam. Tertia ratio possessionis immemorabilis, refutatur ipsismet verbis Venetorum, non enim aliam ob causam anno 1605. renouarunt legem quandam, aut ut illi vocant partem factam iam anno 1536. ne Ecclesiis donentur bona immobilia, nisi, quod nunquam vsque ad hoc tempus obseruata fuisset, ut ij ipsi fatentur. Accedit hisce quæ possessio, quæ consuetudo valere potest aduersus veritatem, charitatem, & iustitiam? atque ideo enormis falsitas nimis est, Ducem Venetum non peccare, dum eiusmodi leges ponit, & personas Ecclesiasticas in carceres coniicit.

Deinde

## CARD. BELLARMINI. 161

Deinde qui tempore hoc videt aut audit grauissimos & horrédos Ducis Veneti, quos perpetrat excessus, dum sacerdotes & religiosos in vincula contineat, ad violandum interdictum, Apostolicum Ecclesiasticos cogit, monasteria militibus implet, & demum ceu valens quandoque Imperator, & Henricus Vandalorum Rex Arrianus vterque, publica persecutione Ecclesiam molestat, qua ratione dicere potest, Ducem hunc non peccare, nisi fortè à passionibus suis occæcatus, & vt inquit Apostolus, in reprobum sensum datus sit. Omitto alia Auctoris, vbi dicit, quod non peccet, qui non agit contra legem, nec qui obseruat legem, nec qui sequitur doctrinam S. Pauli, sunt enim res notæ nimis, & dignæ potius leuiculo puero, quam graui Theologo. Verum vltima censura quam adhibet auctor, dum ait, eos qui tenent exemptionem Ecclesiasticam, esse de iure diuino, sibi videri, modo parum fundatis, modo parum circumspectis, modo nimij adulatoribus, non est censura lata aduersus homines, sed blasphemia in Spiritum sanctum prolata. Cum enim hæc sententia expressa sit à Conciliis generalibus Lateranensi, & Tridentino, & vere dicatur concilia generalia congregata esse à Spiritu sancto, atque ideo rectè dicatur cum Concilio primo Hierosolymitano: Visum est Spiritui sancto, & nobis, nonne sequitur, quod Spiritus sanctus modo parum sit fundatus, modo parum circumspectus, modo nimis temerarius, modo nimis adulator, si aduersarius in sua censura non mentitur.

## PROPOSITIO SEPTIMA AVTHORIS:

[Dum igitur serenissima Respublica culpa digna

LI.]



non est, nec peccatum committit, faciendum id de quo præcedenti propositione diximus, & ideo à Paulo V. summo Pontifice in breui censuræ ab ipso publicatæ excommunicata est, & locis sacris interdicta, &c. nulla est eius sententia, non solum de iure positivo, ob non seruatum ordinem præscriptum à Canone de sententia excommunicationis in 6. vt in Manifesto legitur: sed etiam de iure diuino, quia potestas excommunicandi conditionata est, si peccauerit in te frater tuus, atque ideo vbi noxa nō est, nō habet locum excommunicatio, & sententia lata in non habentem peccata nulla est ob defectum materiæ. Nec sit aliquis tam rudis ingenij, qui cogitet, licet serenissima Respubl. vt probauimus, non peccet, retinendo quod suum est, nihilominus peccare dum detrectat obedire Pontifici, & in opinione sua persistit. Constantia enim in opinione bona, non est obstinatio, & peccatum non habens, non debet dici inobediens aut pertinax: qui enim obseruat legem, facit opus sanctum & meritum, & qui non obedit in rebus, quæ sibi iniungi non possunt, peccatum non committit.

## RESPONSIO.

Duo affirmat aduersarius in hac propositione: Primum est excommunicationis sententiam publicatam à sanctissimo nostro Paulo Papa V. nullam esse de iure positivo. *Quod non fuerit obseruatus ordo præscriptus à Canone de sententia excommunicationis in 6.* Alterum est, nullam esse de iure diuino. In vtroque manifeste errat. Dicit ergo primo, eam sententiam nullam esse de iure positivo, quod non sit obseruatus ordo præscriptus à Canone de sententia excom-

excommunicationis in 6. Primū notorie falsū est, quia in titulo de sententia excommunicationis in 6. Tres sūnt tantum Canones, qui ordinem iudicarium determinant. Capite primo præcipitur, vt sententia proferatur in scriptis. In cap. solet. statuitur, ne quis excommunicetur post appellationem. In cap. statui mus. iubetur, ne quis excommunicetur, nisi prius de ea certior fiat, id est, nisi præcesserit trina monitio. Et licet quilibet defectus non faciat sententiam nullam, nihilominus hac excusatione non habemus opus: Sententia enim sanctissimi Domini nostri, facta est in scriptis præuia trina monitione, octo diebus pro primo, octo pro altero, & totidem pro tertio termino assignatis. Nec interposita est appellatio; nec, cum Papa ipse sit supremus Iudex, interponi potuit. Atque ideo obseruatus est exacte integer ordo iudiciarius præscriptus à Canonibus de sententia excommunicationis in sexto. Decebat aduersarium producere Canonem aliquem, & docere, quā in re non fuerit obseruatus, sed quia facere hoc non poterat, suffecit ei terminis hanc re generalibus solum attigisse & decepisse ignorantes. Vterius dicit, quod sententia sanctissimi nulla sit, de iure diuino ex defectu materiæ, quia excommunicatio pœna est, quæ absque culpa infligi non potest, atque ideo cum Respublica peccatum non habuerit, eam non potuisse excommunicari.

Ad hoc responsum est, & demonstratum, quod grauiter peccarit maxime statuendo iniquas Ecclesiæ leges, incarcerando personas Ecclesiasticas, & præter hæc manendo inobediens, nolensque res malefactas emendare & corrigere. Et si dubium fuisset, num Respublica peccatum haberet, necne cer-

tum est eius rei iudicium non ad Rempublic. sed ad Pontificem, tanquam iudicem supremum pertinere. Quod quidem nec aduersarius negare potest, qui quarta propositione asseruit, Papæ potestatem esse super peccata: si igitur Papa iudex est super peccata, ad ipsum pertinebit discernere, an res peccatum sit, necne, quemadmodum in figuram huius rei in veteri Testamento ad sacerdotes pertinebat iudicare leprosus ne aliquis esset, nec ne. Cum autem summus Sacerdos iam iudicauerit Duce[m] Venetorum grauit[er] peccasse, & infectum esse lepra spirituali, atque ideo eum à consortio fidelium mediante excommunicatione separarit, quo modo defendi & excusari potest? Dicere autem, constantiam in bona opinione non esse pertinaciam, verum est, quam diu quæstio dubia est, sed quando à Iudice iudicata & definita est, qualis hæc est de qua loquimur, persuasio eius, qui Venetorum partes defendendas suscepit, non est amplius opinio, sed error, & constantia in ea pertinacia est.

## OCTAVA PROPOSITIO AVTHORIS.

Verum est S. Gregorium docere. Sententia Pastoris iusta siue iniusta timenda est, sed ad hoc nectum ea sententia accommodari non potest, quia magna est differentia inter sententiã Iudicis Ecclesiastici, quæ iniusta est, & eam quæ nulla est, ut doctissimè obseruarunt Nauarrus de censuris Eccles. cap. 27. & Sotus 4. sentent. d. 22. & iniusta quidem timenda est, nulla tamen obseruanda non est. Quapropter cum censuræ publicatæ à summo Pontifice Paulo V. ut dictum est, nullæ sint, sunt enim ceu scriptum aliquod in aere aut aqua formatum, hoc est, sine sustentaculo & materia, censeo eas non debere obser-

obseruari, in Ecclesia quoque vestra nihil innouandum esse.

## RESPONSIO.

Quemadmodum Aduersarius ex falsis principis concludit sententiam summi Pontificis, quia inualida & nulla est, non esse timendam, ac consequenter sacerdotes Venetos in suo dominio celebrare posse diuina officia, ac si interdictum non statueretur, cum nos omnia eius argumenta prostrauerimus, vanaque fundamenta deiecerimus, demonstrando sententiam Domini nostri Pauli Papæ V. validam & iustam, atque ita firmam & solidam esse, ac si marmori aut æri incisa esset, securè inferimus, quod timenda ac obseruanda sit, atque ideo Sacerdotibus Venetis, & sub eorum Dominio existentibus omni diligentia seruandum esse interdictum illud, nisi offendere velint Maiestatem diuinam, & perdere salutem animarum suarum & populorum. Et hæc circa has octo propositiones dicta sufficiant. Verùm quia aduersarius sub finem propositionum suarum, inter alia impertinentia multos errores admiscet, paucis vnum post alium detegendum duximus.

Primò ait, secundum doctrinam Nauarri sententiam excommunicationis, quando nulla est timenda esse & obseruanda, tam diu quousque populus de nullitate eius sufficienter instruatur, & hoc ad evitandum scandalum. Et adiungit populum plenè de nullitate excommunicationis per Ducis edictum instructum esse. Hoc nihil aliud est dicere, quam dicere, quod quando Iudex affirmat suam sententiam esse iustam & validam, reus verò eam iniustam & nullam pronunciat, tunc reo creden-

dum esse non Iudici. Doctrina certè Theologo tali dignissima. Et quæ sententia erit vnquam, iusta & valida, vbi reo credendum fuerit? Secundo dicit quod excusare non possit religiosos quosdam, qui maluerunt Venetiis excedere potius, quam officia diuina peragere, in quo plurimos scandalizarint. Excusatione opus nõ habent hi religiosi, & si ob obedientiam eorum erga Pontificem nonnulli scandalizati sint, opus erit, vt dicatur illis, quod saluator aliquando Phariseis dixit. Sinite illos, cæci sunt, & duces cæcorum, Matth. 15. Tertiò, dicit defendere libertatem Principis sui naturalis, iuris esse diuini, sententiæ autem Ecclesiasticæ sunt de iure humano, quod iuri diuino cedit. Multũ olei videtur hic Doctor perdidisse in iure diuino, quod hoc ei ad singula verba in buccam veniat, ex quo etiam nascitur, quod tam diuinè argumentetur. Defendere libertatem Principis est de iure diuino, ius humanum cedit iuri diuino, Sacerdotes igitur ad defendendam Ducis sui libertatem continere debent excommunicationes & interdictum Papæ, Sed nos respondemus, si iuris diuini est defendere libertatem Principis alicuius terreni, multo magis de iure diuino erit defendere libertatem Ecclesiæ, quæ sponsa est cælestis Principis: vltèrius dicimus, quòd libertas, quam hoc tempore Dux Venetus prætendit, sit libertas coniiciendi in carceres eos, qui subditi eius non sunt, & statuendi leges, contra iustitiam & pietatem, ac proinde de iure diuino est eam non defendere, sed impugnare potius. Quibus adiungimus sententias Ecclesiasticas, quantum ad potestatem esse de iure diuino, & in Evangelio fundatas Matth. 18. Quarto dicit aliquos, decipi putantes, controuersiam

## CARD. BELLARMINI. 167

uersam hanc de fide esse, cum sit solum de moribus, & si aliquid eius expressum sit in scriptura, quod faciat negotium fidei, esse illud pro opinione Reipublicæ Venetæ, sic expresse à S. Paulo edoctæ. Respondedo principalem controuersiam non esse de fide: sed eos qui susceperunt patrocinium & defensionem Reipublicæ Venetæ, immiscuisse in suis tractatibus errores in materia de fide. Et aduersarius, qui solita sua prudentia ait, quod opinio Venetorum à S. Paulo edocta sit, non aduertit eas res, quæ à Sancto Paulo expresse edoctæ sunt, non posse nominari opinionem, sequeretur enim, quod dubitari possit de doctrina Sancti Pauli, cum opinio incerta sit & dubia. Veritas est, quod opinio Venetorum nullo modo in D. Paulo inueniatur, sed bene in Sancto Paulo epist. ad Hebr. ca. 13. scriptum reperitur: Obedite Præpositis vestris, & subiaceite eis, ipsi enim peruigilant, tanquam pro animabus vestris rationem reddituri. Et contra hanc doctrinam, quæ non opinio, sed catholica & certissima fides est, agunt hoc tempore Veneti, decepti à similibus vobis, non Doctoribus, sed seductoribus.

Quinto dicit, Sacerdotes non debere separari à capite suo, quod est Princeps, Quid aliud dicit Protestantium hæreticorum aliquis in Angliæ? Quis vnquam audiuit Principem sæcularem caput esse Sacerdotum, ac consequenter caput Ecclesiæ, nisi post quæ Rex Angliæ Henricus VIII. descendiit à Papa, & nominari voluit caput Ecclesiæ Anglicanæ? Et tamē ait iste, quod nō de fide, sed de moribus sit quæstio?

Sexto, laudat Ecclesiasticos Venetos, qui parati sunt ad exponendam vitam pro Principe suo. Noua isthæc est species Sanctorum, qui exponere volunt

vitam pro Principe, cogente eos ad perpetranda sacrilegia, & ne obediant Vicario Christi: Hactenus in laudem Sanctorum lectum est in officio diuino. Isti sunt triumphatores, qui contemnentes iussa Principum meruerunt præmia æterna. Deinceps dicendum erit. Isti sunt triumphatores, qui contempserunt Deum, vt seruarent iussa Principum, si his nouellis Doctoribus fides adhibenda est.

Septimo dicit, Venetos statuisse pœnam religionis, nisi Ecclesias apertas permittant, & celebrent officia diuina, ne scilicet vano timore hæc intermittantur in ea ciuitate, quæ semper catholica fuit, & iam magis, quam vnquam se talem esse palam proficitur. Ad hoc non ego respondebo, sed dabo locum Spiritui sancto, vt ipse respondeat per os Samuelis, 1. Reg. 15. Nunquid vult Dominus holocausta & victimas, & non potius, vt obediatur voci Domini? melior est enim obedientia quam victimæ, & auscultare magis, quam offerre adipem arietum, quoniam quasi peccatum ariolandi est repugnare, & scelus Idololatriæ nolle acquiescere. Et vt non dicatur fieri hic sermonem de obedientia Deo, debita, audiat quid dicat Dominus Luc. 10. Qui vos audit me audit, qui vos spernit me spernit. Itaque certò sciat Respub. Veneta diuina officia & sacrificia Deo facta contra obedientiam Vicarij Christi, Christo non placere, neque placere, sed magis excitare iram Dei aduersus offerentes, & eos, qui Sacerdotes ad offerendum compellunt.

Octauo monet, vt doctrina Nauarri fundatissimi Doctoris in cap. nouit. de Iudicijs not. 3. & in manuali c. 27. de censuris legatur, dicens se cum in omnibus

in omnibus supradictis fautorem habere. Adhortatur demum, ut quicumque periculum declinare velit se recipiat ad securissimum notabilis illius doctrinæ portum: quod singuli Ecclesiastici, si aliqua exceptione gaudent, ea gaudeant non iure diuino, sed ex privilegiis Principum, quæ ab ipsis reuocari, minui, & pro arbitrio ampliari & extendi possunt. Respondeo immeritò Nauarrum ab eo adferri, ac si faueret erroribus eius hucusque edoctis. Et quia libri impressi sunt, & ab omnibus passim feruntur ad iudicium Lectoris me remitto. Sed quod Principes seculares reuocare possint, aut minuere privilegia exemptionum, quæ habent Ecclesiastici, est doctrina tam falsa & recens, quod, ut superius diximus, in specie ipse Couarruias eam improbauerit, qui vnus tamen est authorum Ecclesiastici exemptioni, haud benè fauentium.

Cum iam satisfecerim, ut existimo omnibus huius Authoris obiectionibus, restat solum, ut moneam, exhorter & orem, (ut ex toto corde facio) nobilissimam illam Rempublicam, & serenissimum eius Principem, ut bene considerent, quibus Doctoribus se credant. Et ut longius non procedam, hic Doctor, cui respondeo, ait Nauarrum totum sibi fauere, & tamen Nauarrus in summa c. 25. num. 16. ait, peccatum esse Ecclesiasticos cogere, aut eisdem præcipere ne seruent interdictum. Et capite Nouit. de iudiciis notab. 6. num. 30. Clericos & Monachos exemptos esse à potestate Principum sæcularium iure diuino, quantum ad causas criminales, spirituales, & alia Clericatu annexa, & subiungit hanc esse communem sententiam Theologorum & Canonistarum. Igitur ex sententia Nauarri peccat contra



ius diuinum Princeps ille , qui coniecit in carceres Ecclesiasticos & Monachos, aut eosdem præsumit iudicare in causa criminali: Et similiter peccat contra ius diuinum , quando Clericis aut Monachis præcipit, vt Missas celebrent, aut diuina officia, sunt enim hæ res spirituales, & demum peccaret contra ius diuinum, si eam exemptionem, quã Monachi & Clerici habent à Deo, profus tollere aut minuereniteretur. Ecce igitur quam falsa docuerit hic Doctor, & quemadmodum sub nomine Nauarri vobis imposuerit. Similiter faciunt omnes alij, à quibus hac vsque similis materiæ libri referti omnes nouitatibus, & mendacijs, in lucem prodierunt. Admoneo simul, & rogo, vt cogitetis neminem filijs melius velle, quam Patrem & Matrem, & ideo dixisse Paulum etiam si multos habeatis Pædagogos, non tamen habetis multos Patres. Mater vestra est sancta Ecclesia Romana, Pater vester est summus Pontifex, qui loco Christi vos nutrit, & educat, donec perfecti sitis & capaces hæreditatis Paradisi. Ideo præsupponere debetis multo melius vobis velle hanc matrem, & hunc patrem, quam Pædagogos istos, qui vos contrarias regulas docere conantur. Vltimo tandem exhortor, & obsecro, attendatis diuina iudicia, quæ sæpius etiam in hac vita manifestata sunt. Legitur in vita Stanislai Episcopi & Martyris Papam Gregorium VII. ob peccata Regis Boleslai tulisse interdictum in vniuersam Poloniam, excommunicasse Regem, eidemque abstulisse regiũ titulum. Mâsit prædictus Rex indoratus & impœnitens. Deus eum castigauit, faciens vt incolis contemptui, exteris vero execrationi esset. Nec hoc conuertebatur, secũdum flagellum

## CARDIN. BELLARMINI. 171

lum subiunxit Deus, ut una pars regni rebellaret, in altera dissensiones, & seditiones granes oborirentur. Nec hoc suffecit, adiunxit tertium flagellum, ut ceu mente captus, dum per sylvas una cum canibus errabundus discurreret, tandem quodam die repentina morte corrueret, & à propriis canibus discerperetur. Ecce finem horrendum eius, qui excommunicationem & interdictum Vicarij Christi spreuit, & nihilominus hic nunquam ausus fuit præcipere, ne excommunicatio & interdictum servaretur. Eundem finem habuit Ludouicus Bavarus Imperator, qui conténens césuras Papæ Ioannis XXII. & post hunc Papæ Benedicti XII. quodam die ex improviso irruente super eum equo, subitanea morte extinctus tantum spatij reliquum non habuit, ut absolui à peccatis & césuris potuerit, ut scribit Ioannes Villanus l. 12. c. 105. Idem Deus modo est, qui tunc, eiusdem potentiæ cuius tunc, atque ideo si tam seuerè puniuit eos, qui ad contemnendum censuras neminem impellebant, sed ipsi solum eas spernebant, insoliti nihil faceret, si hoc tempore puniret eos, qui non ipsi solum censuras nihili faciunt, sed minis mortis quoque alios ad earum contemptum impellunt. Obediamus ergo Spiritui sancto, qui in Psalmo nos exhortatur: Hodie si vocem eius audieritis, nolite obdurare corda vestra. Et alibi: Nolite tangere Christos meos. Et alibi: Et nunc Reges intelligite, erudimini qui iudicatis terram. Apprehendite disciplinam, ne quando irascatur Dominus, & pereatis de via iusta.

F I N I S.

416.